

ৰামধনু

জালিন-পুৰস্কাৰ-প্ৰাপ্ত উপগ্ৰহ

রামধনু

ভান্দা ভাসিলিয়েত্‌স্কা

অনুবাদ

পবিত্র গদ্যোপাখ্যান

..

.

গ্রাশনাল বুক এজেন্সী লিমিটেড
১২ বক্সিং চার্টার্ড স্ট্রীট, কলিকাতা ১২

প্রথম সংস্করণ, আশ্বিন, ১৩৫১

দ্বিতীয় সংস্করণ, জ্যৈষ্ঠ, ১৩৫২

তৃতীয় সংস্করণ, আশ্বিন, ১৩৫৮

মূল্য চার টাকা

প্রকাশক—শ্রীঅমিয়কুমার মুখোপাধ্যায়, ৯৩।১এ বহুবাজার স্ট্রীট, কলিকাতা।

মুদ্রাকর—শ্রীঅংশু রায়চৌধুরী, দি নিউ প্রাইমা প্রেস, কলিকাতা। ৫১।৯।১১৫০

অনুবাদের কথা

ইতিহাসের অন্ধকারতম দুর্দিনে, সর্বমানব ও সভ্যতার দুর্ধর্ষ শত্রুর সঙ্গে যুদ্ধ করে যে জাতি জয়মালা অর্জন করেছে—“রামধনু” সেই জাতির কাহিনী, তাদের সহস্র আশা-আকাঙ্ক্ষার দুর্জয় প্রাণ-স্পন্দনে স্পন্দিত! যুদ্ধের ছোট একটি গ্রামকে কেন্দ্র করে রচিত এই কাহিনী। বর্তমান বিশ্বযুদ্ধের পটভূমিকায় যত সাহিত্য রচিত হয়েছে, শিল্পচাতুর্য ও জীবন্ত বাস্তবতায় “রামধনু” তাদের পুরো-ভাগে একটি বিশিষ্ট স্থান অধিকার করেছে। নাৎসী-আক্রমণের হীন বর্বরতার মাঝখানে অপরাধে যে জাতি ঐকান্তিকভাবে সাম্য ও স্বাধীনতার কঠোর সঙ্কল্প বহন করে এসেছে, তাদের মনঃসমীক্ষণ, চরিত্র-চিত্রণ এবং কথা ও কাহিনীতে রচয়িত্রী শ্রীমতী ভান্ডা ভাসিলিয়েভ্‌স্কা তাঁর বাস্তব অভিজ্ঞতা ও সূগভীর পর্যবেক্ষণের পরিচয় দিয়েছেন। তাঁর রচনার সাহিত্যিক মূল্য শুধু যুদ্ধ-সাহিত্য বা তাৎকালিক সাহিত্য হিসাবে নয়—প্রথম শ্রেণীর সাহিত্য উন্নীত হয়েছে। ১৯৪২ সালের সর্বোত্তম উপাধাস বলে পোলাণ্ডের এই মহীয়সী সৈনিক বইখানির জন্মে ১৯৪৩ সালের ‘স্তালিন পুরস্কার’ প্রাপ্ত হন। অমর স্বদেশহিতৈষণা দুর্দিনের প্রচণ্ড এক বাস্তব অভিজ্ঞতার মাঝখানে তাঁর এই “রামধনু”কেও সাহিত্যিক অমরতা দান করেছে। তাঁর এই সাহিত্যিক জীবন ছাড়া রাজনৈতিক জীবনে শ্রীমতী ভান্ডা তাঁর স্বদেশ পোলাণ্ডের মুক্তি-সংসদের সভাপতি।

এই গ্রন্থ অমুবাদের সুযোগ যিনি দিয়েছেন, আমার সেই পরমহিতৈষী মুজফ্‌র আহমদকে আমার অন্তরের প্রীতি জানাই। অমুবাদের কাজে যারা আমাকে নানাভাবে অরুপণ সাহায্য করেছেন তাঁদের মধ্যে শ্রীহীরেন্দ্ৰনাথ মুখোপাধ্যায়, শ্রীহীরেন্দ্্র নারায়ণ মুখোপাধ্যায়, শ্রীস্বশীল জানা ও শ্রীগিরীন্দ্র চক্রবর্তীর নাম বিশেষভাবে উল্লেখযোগ্য।

পবিত্র গঙ্গোপাধ্যায়

দ্বিতীয় সংস্করণের কথা

“রামধনু” তিন-চার মাসের মধ্যেই প্রথম সংস্করণ নিঃশেষিত হলেও ছাপাখানার অসুবিধায় এতদিন দ্বিতীয় সংস্করণ প্রকাশ করা সম্ভব হয় নি। এবারে সমগ্র বইখানিই আমূল সংশোধন করা হয়েছে। তবু আশাহরুপ হয়েছে বলতে পারি নে। আশা করি অনিচ্ছাকৃত ত্রুটি পাঠক সাধারণ মার্জনা করবেন।

ଶ୍ରୀମାନ ପ୍ରଦୀପକୂମାର ଗଙ୍ଗୋପାଧ୍ୟାୟ
କଲ୍ୟାଣୀୟେଷୁ—

পাত্র-পাত্রী

ফেডোসিয়া ক্রাবচুক—গ্রাম্য রমণী, এর বাড়ীতে ক্যাপ্টেন ভের্নের বাসা নিয়েছিল
 ভাসিয়া, ভাহ্যৎকা—ফেডোসিয়া ক্রাবচুকের মৃত পুত্র
 ক্যাপ্টেন কুর্ট ভের্নের—গ্রামের জার্মান কমান্ডাণ্ট
 পেলাগিয়া রাশেকো, পুসিয়া—ক্যাপ্টেন ভের্নেরের রুশ রক্ষিতা
 ওলেনা কস্টিয়ুক—গর্ভবতী রমণী, গ্যেরিলা বাহিনীর সদস্য
 সশ—জার্মান সার্জেন্ট

রাশ্কা—

ফ্রান্ৎস ফোগেল

} জার্মান সাত্রী

পাশ্চুক—চাষী, জার্মানদের হাতে নিহত

মিতিয়া লেভন্যুক—চাষী ছেলে, একে ফাঁসিকাঠে ঝুলিয়ে রাখা হয়

লেভন্যুচিখা—ওর মা

ভাসিয়া লেভন্যুক, ভাহ্যুক—লেভন্যুচিখার বার বছরের পুত্র

গালিয়া মাল্যুক, মাল্যুচিখা, গালিয়া—তিনটি সন্তানের মা

মিশা, মিশ্কা, মিশুৎকা—বয়স দশ

শাশা—বয়স আট

জিনা

} গালিয়া মালুকের পুত্র-কন্যা

য়েভ্‌দোকিম ওখাব্‌কো—বৃদ্ধ চাষী

অসিপ গ্রোখাচ—খোড়া কৃষক

মালানিয়া ভিশ্‌নিয়েভা, মালানা—গ্রাম্য যুবতী

শারিখা—মালানিয়ার মা

অলগা পালাঞ্চুক—গ্রাম্য যুবতী

মারিয়া, চেচোর, চেচোরিখা—গ্রাম্য রমণী,

তিনটি সন্তানের জননী

} জার্মানরা জামিনদার-
হিসাবে বন্দী করে

নিনা—বয়স তিন

অস্কা—বয়স পাঁচ

সোনিয়া—আট

} মারিয়া চেচোরের পুত্র-কন্যা

গ্রোথাচিথা—অসিপের স্ত্রী

লিদা

ইয়ুফসিনা, ফ্রসিকা, ফ্রসকা—স্বয়ং

নিযুক্ত আদালতের সভ্য

পিটর গাপলিক—জার্মান-নিযুক্ত গ্রাম্য মোড়ল

আলেকজান্দ্র অভ্‌সি—খোড়া, যৌথ থামারের

অশ্বশালা রক্ষক

গোপিনা তেপিলিথা

পেলাগিয়া পুজির

লোকুতিথা—গ্রাম্য রমণী, জার্মানরা এর গোক চুরি করে নিয়ে গিয়েছিল

সভ্‌কা—বয়স দশ

পেলাগিয়া পুজির

তার ছেলেমেয়ে

বাহ্যক, বাহ্যচিথা—গ্রাম্য রমণী

কোভালচুক

ভিগ্রেঙ্কভ

ভাহ্যক

পেল্‌চারিথা

পিসিচ্‌কা

সোনিয়া লিম্যান, সোঙ্কা

লে: শালভ—লাল পন্টন দলের নায়ক

লে: রাশেকো, সের্গাই, সেরিয়োশা—পুসিয়ার স্বামী

সার্জেট সেদ্যুক

জাভিয়াস

আলেকসাই

মিঞ্চেকো

লাল পন্টনের লোক

গ্রোথাচিথার কত্থা

স্বয়ং নিযুক্ত আদালতের
সভ্য

গ্রামবাসিনী

রামধনু

পূর্ব-পশ্চিম ও উত্তর-দক্ষিণগামী দুটি রাস্তা। চৌ-মাথার টিলার উপর গ্রামখানি। দু পাশের ক্রমনিম্ন কুটারশ্রেণী যেন আপনা থেকে একটি ক্রুশ চিহ্ন গড়ে তুলেছে; তারই মাঝখানে ছোট ময়দানটির উপর মাথা উঁচু করে দাঁড়িয়ে আছে একটি গির্জার চূড়া। টিলার ঠিক নীচেই একটি নদী এঁকে বেকে খালের ভিতর দিয়ে নেমে গেছে। নদীটি বরফে ঢাকা। বিচ্ছিন্ন নীলাভ বরফের ফাঁকে ফাঁকে দেখা যাচ্ছে প্রবহমান কালো জল।

কুটার থেকে একটি স্ত্রীলোক বেরিয়ে এল। তার কাঁধে একখানি ঝাঁক। ঝাঁকের হৃদিকে ঝোলান একটি বালতি—চলার ছন্দে ছুলে ছুলে উঠছে। স্ত্রীলোকটি পা টিপে টিপে ঢালু পথ বেয়ে সম্ভরণে নেমে এল। নদীর ধারে এসে বালতি দুটি জলে ডুবিয়ে একবার চারিদিকে তাকিয়ে নিল। কোন দিকে কাউকে দেখা গেল না। বরফের পালকশযায় কুটারগুলি নীরবে শুয়ে আছে। ক্ষণেক কি ভেবে নিয়ে আবার সে অশাস্ত দৃষ্টিতে গ্রামের দিকে চাইল। তারপর বালতি দুটি বরফের উপর নামিয়ে রেখে নদীর ধার দিয়ে ধীরে ধীরে এগিয়ে চলল।

ঝাঁকের মুখে নদীটা যেখানে অপেক্ষাকৃত চওড়া হয়ে গেছে তারই পাশে আগাছার ঘন ঝোপগুলো বরফের আবরণের ভিতর থেকে মাথা জাগিয়ে দাঁড়িয়ে আছে। আগাছার ফাঁকে ফাঁকে অস্পষ্ট সরু পথ ধরে স্ত্রীলোকটি এগিয়ে চলল। বরফে ঢাকা আগাছাগুলি পায়ে পায়ে জড়িয়ে তার গতিককে বাধা দিচ্ছে। চোখে মুখে যেসব ভাল-পালা শব্দ বরফের ঝাপটা দিচ্ছিল, দু হাতে সেগুলোকে সরাতে সরাতে সে এগিয়ে চলল।

পথটি হঠাৎ এক জায়গায় শেষ হয়ে গেছে। সেইখানে গিয়ে মেয়েটি দাঁড়িয়ে পড়ে, তারপর স্থির দৃষ্টিতে সামনের দিকে চায়; সে দৃষ্টি যেন কাচের মত প্রাণহীন।

এখানেই একটা গড়খাই, কয়েকটা ট্রেক, তার পাশে পাশে মাটির ঢিবি ; ইতস্তত কতকগুলি ঝোপঝাড় গজিয়ে উঠেছে। ঢিবিগুলোর উপর বরফের স্তূপ জমে উঠেছে ; ঝোপের মাথায় লাল জামগুলি শরতের শেষ থেকে আজও গাছ আলো করে পেকে আছে। কিন্তু সে সবের কোন দিকেই তার দৃষ্টি ছিল না।

স্ত্রীলোকটি সামনের দিকে খুঁজে দেখছিল—কোথায় গর্তের মধ্যে ছেঁড়া শ্রাকড়া আর মরচে-ধরা লোহার টুকরাগুলির মাঝখানে বরফের ভিতর সেই অস্পষ্ট মূর্তিটি লুকানো আছে।

সে আরও কয়েক পা এগিয়ে গেল। তারপর আস্তে আস্তে হাঁটু গেড়ে বসল। এই ত শুয়ে আছে! অনাবৃত দেহে সটান লম্বা হয়ে পড়ে আছে ; মুখখানা মনে হচ্ছে কত ছোট! যখন বেঁচে ছিল তখনকার চেয়ে অনেক ছোট হয়ে গেছে। দেখলে মনে হয়, যেন আবলুস কাছে খোদাই-করা। স্ত্রীলোকটির চোখ দুটি সেই মুখখানির উপর স্থির হয়ে রইল। সে-মুখের সম্পূর্ণ অবয়ব, এমন কি, ছোট ভাঁজটি পর্যন্ত তার চেনা। তবু মনে হচ্ছে, এ যেন তার কত অপরিচিত মুখ। ঠোট দুখানা জমে গেছে, নাকটা বসা, চোখের পাতাগুলো জুড়ে আছে, একেবারে নিখর পাষণ! কপালের একপাশে একটা গর্ত, চারিদিকে থানা থানা রক্ত জমে আছে—যেন লাল পল্টনের নিদর্শন।

আঘাতের সঙ্গে সঙ্গেই যে মারা যায় নি, তা বেশ বোঝা যাচ্ছে। গা থেকে যখন ওরা জামাকাপড় খুলে নেয় তখন নিশ্চয়ই জীবিত ছিল। জীবিত না থাকলেও দেহের উত্তাপ ছিল তখনও। শত্রুরা পা ছুঁটা লম্বা করে দিয়ে হাত দুখানি দুপাশে সমান করে রেখেছে : মৃত্যুতে এ রকমটা হতে পারে না। বিশেষত যুদ্ধের দিন—যে দিন ও নিহত হয়, সে দিন কালো তুষার পড়েছিল। সেই তুষারে সঙ্গে সঙ্গেই মৃতদেহটা ঢেকে যায় এবং দেখতে দেখতেই পাখব ব'নে যায়। কাজেই তখন আর মৃতের গা থেকে কিছুই নেওয়া সম্ভব ছিল না। কিন্তু তবু তার সব কিছুই খোয়া গেছে : ওভারকোট, বুট, পা-জামা, এমন কি, মোজা জোড়াটি পর্যন্ত খুলে নিয়েছে। একটি নীলরঙের ইজের পরনে ও

গায়ে একটা মোটা কাপড়ের ফতুয়া—এ অবস্থায় তাকে সেখানে ফেলে রাখা হয়েছে। ইজেরটি তার গলিত দেহে এমন ভাবে মিলিয়ে গেছে যে, মনে হয়, কালো কাঠের উপর নীল চক দিয়ে যেন এঁকে রেখেছে। কোন্টা কাপড় আর কোন্টা চামড়া, ঠিক করা সম্ভব নয়। কালো মুখের তুলনায় খালি পায়ের তলা দুটো ছিল অস্বাভাবিক রকমের সাদা।

তুষারে একখানি পা ফেটে গেছে; সেখানটার মাসগুলি ছেঁড়া জুতার তলার মত বেরিয়ে পড়েছে। হাড় দেখা যায়।

মেয়েটি অতি সন্তর্পণে হাত বাড়িয়ে মৃতের কাঁধ স্পর্শ করল। ফতুয়ার মোটা কাপড়ে হাত ঠেকল এবং এর নীচেই আছে অনড় দেহটা—যা পাথর হয়ে হয়ে গেছে।

“বাবা আমার!”

সে কাঁদল না। শুক দৃষ্টি মেলে সে শুধু চেয়েই রইল, যেন সে-দৃষ্টি দিয়ে সে সবটা পান করে নিচ্ছে: মুখখানা লোহার মত কালো হয়ে গেছে। কপালে গুলি বিঁধে একটা গর্ত হয়েছে, একটা পা ফাটা; দেখলেই বোঝা যায়, মরবার আগে ওর কি যন্ত্রণা হয়েছিল—খিচুনিতে হাতের আঙুলগুলি ধাবার মত বৈকে গেছে, যেন বরফ আঁকড়ে ধরতে চায়।

মৃতের মাথার কালো চুলের উপর বরফের কুচি ছড়িয়ে পড়েছিল, সে আশ্বে আশ্বে সেগুলি ঝেড়ে ফেললে। একগোছা চুল এসে কপালের উপর পড়েছে। এই চুলের ডগাগুলো কপালের ক্ষতস্থানে রক্তের সঙ্গে এঁটে গিয়েছে, কাজেই আগ্রহ সত্ত্বেও ওখানটায় হাত দিতে সে ভরসা পাচ্ছিল না।

যতবার সে এখানে এসেছে ততবারই কপাল থেকে ওই চুলের গোছাটা সরিয়ে দেওয়ার ইচ্ছা হয়েছে, কিন্তু ভয়ে সে একটিবারও ওখানে হাত দিতে পারে নি, পাছে মৃত সন্তানটি তার ব্যথা পায়—ক্ষত স্থান থেকে যদি আবার রক্ত বেরিয়ে পড়ে!

“বাবা আমার!”

শুক ওষ্ঠ থেকে নিতান্ত অজ্ঞাতসারেই শব্দটি বেরিয়ে আসে, হয় ত ভাবে,

এ ডাক ওর কানে পৌঁছুবে—জমে যাওয়া কালো চোখের পাতা দুটি মেলে তার সেই স্বন্দর সম্মুখে দৃষ্টিতে ওর পানে তাকাবে।

সে স্থির ভাবে হাঁটু গেড়ে বসল, চোখ দুটি কালো মুখখানির উপর নিবদ্ধ। ঠাণ্ডার অল্পভূতিও তার ছিল না, হাঁটু দুটো যে অসাড় হয়ে গেছে তাও জানতে পারে নি। সে তাকিয়েই ছিল।

নদীর উপর হেল-পড়া গাছটা থেকে একটা দাঁড়কাক জোরে ডানার ঝাপটা মেরে উড়ে গিয়ে একবার চক্রাকারে ঘুরে আর এক জায়গায় বসে পড়ল, সেখানে একটা ঝোপের আড়ালে ছেঁড়া ত্রাকড়ার সুপ পড়ে ছিল। রক্তমাখা কাপড়গুলো একবার উঁকি মেরে দেখল। কাকটা ক্ষণেক নিশ্চল বসে রইল, যেন গভীর চিন্তায় মগ্ন হয়ে পড়েছে। তারপর হঠাৎ ঠোট বার করল। কাঠঠোকরা কাঠের উপর ঠোকর মারলে যে-রকম শব্দকেন্দ্র খট খট শব্দ হয়, সে-রকম একটা শব্দ শোনা গেল। তুমার তার কাজ করেছে। একমাস আগে এখানে যা-কিছু পড়েছিল সবই আজ পাথর হয়ে গেছে।

জীলোকটি চেতনাহীন অবস্থা থেকে হঠাৎ যেন জেগে উঠল।

“হু!”

কাকটা অনিচ্ছা সত্ত্বেও উড়ে গেল কিন্তু পরক্ষণেই আবার একটি মৃত দেহের পাশে এসে উড়ে বসল। মৃত দেহটার অর্ধেকটা বরফে ঢাকা পড়েছে।

“হু!”

একটেলো জমিট বরফ কাকটার দিকে সে ছুঁড়ে মারল। মস্তুর গতিতে উড়ে কাকটা গিয়ে আবার গাছের ডালে বসল। জীলোকটি উঠে দাঁড়াল, আর একবার ছেলের দিকে তাকিয়ে সেই পথ ধরে আবার খালের ধারে ফিরে গেল।

বরফের ফাঁক থেকে বালতি দুটিতে জল ভরে নিয়ে সে ধীরে ধীরে আবার চড়াই বেয়ে উঠে গেল। গুরু ভারে সামনের দিকে ঝুঁকে পড়ে পথ চলছিল। বেলা অনেকটা হয়েছে, সূর্যালোকে চারিদিক ছেয়ে গেছে, কিন্তু কুয়াশা তখনও সম্পূর্ণ কাটেনি। ওর মনে হচ্ছিল, বরফগুলির রং যেন নীল। সে অবাক হয়ে ভাবল যে, বরফের রং কি সত্যিই নীল হয়ে গেছে, না, তার মৃত

পুত্রের পরনে যে নীল ঈজের মাংসের সঙ্গে জড়িয়ে গেছে তারই রং ওর চোখের সামনে ভাসছে ?

কুটীরের সামনে একটা সাদা শীতে কাঁপতে কাঁপতে পাঁচচারি করছে। লোকটা থপ্ থপ্ করে পা ফেলছে। ঘাড় বঁকিয়ে হাত দুটো বগলে পুরে একটু গরম করে নেয়, তারপর হাতে হাত ঘষে অবশ-প্রায় আঙুলগুলি দিয়ে গাল দুটোকে উত্তপ্ত করবার চেষ্টা করে। ছেঁড়া বুট ও ধূসর রঙের কোট ভেদ করে ঢুকে পড়ছে তুষারের কণাগুলি। নিদারুণ শীতে চোখ দুটো টন্ টন্ করে, মনে হয়, আঙুলগুলো সব খুলে পড়বে। যেদিন থেকে তাদের দল গ্রামখানি অধিকার করেছে সেইদিন থেকেই সাদা স্ত্রীলোকটিকে খুব ভাল করেই চেনে, তবুও সে তাকে অত্যন্ত মনোযোগের সঙ্গে দেখল। সাদা যে উপস্থিত আছে এটাও তার মনে হল না, সে তাকে উপেক্ষা করেই চলে গেল। দরজাটা ক্যাচক্যাচ করে উঠল, এবং একরাশ কুয়াশা বারান্দাটাকে ছেয়ে ফেলল। রাগত স্বরে কে একজন বলে উঠল : “এতক্ষণ কোথায় ছিলে ? সেই কখন থেকে বসে আছি তোমার জন্যে !”

ফেডোসিয়া কোন জবাব দিল না। জবাবটা তার ঠোঁটের ডগায় এসে পড়েছিল বটে, কিন্তু অতি কষ্টে জিভ কামড়ে সামলে নিল নিজেকে। পাশ কাটিয়ে উত্তরের কাছে গিয়ে হাঁড়িতে জল ঢেলে দিয়ে আগুনটা উসকে দিল।

“ভারী তেঁটা পেয়েছে, এক গ্লাস জল গড়িয়ে দাও।”

“বালতি ভরানি আছে, নিজে গড়িয়ে নিয়ে তেঁটা দূর কর,” ফেডোসিয়া কর্কশ কণ্ঠে জবাব দিল।

স্ত্রীলোকটি জবাব পেয়ে প্রথমটা রাগে জলে উঠল, কিন্তু সঙ্গে সঙ্গেই যেন একটু মিইয়ে গেল।

“আচ্ছা, সবুর কর, উনি আছেন। সব বলব তাঁকে।”

ফেডোসিয়া একবার অবজ্ঞার সঙ্গে কাঁধটা ঝাঁকিয়ে নিলে। “উনি !— তাই নাকি ! তারপর ?...”

চুল্লীতে আরও শুকনো কাঠ দিতে দিতে ফেডোসিয়ার মনে ঘুরে ঘুরে

কেবল এই প্রলম্বই হতে লাগল যে, তার অদৃষ্টেই কেন এ বিড়ম্বনা ঘটল। গ্রামে প্রায় তিন শ' ঘর লোক আছে, তার প্রতিটি ঘর থেকে অন্যান্য একজন করে যুদ্ধে গেছে, কিন্তু তাদের মধ্যে একমাত্র তার ছেলেই কেন খালের ধারে গর্তের মধ্যে পড়ে আছে, আর তুষার পড়ে পড়ে তার মুখখানি লোহার মত কালো হয়ে গেছে, পা ফেটে গেছে।—যেন কাঠের তৈরি পা, আঙুলগুলো হয়ে গেছে নীল। অবশ্য সেখানে আরও কয়েকটি মৃত দেহ পড়ে আছে, কিন্তু সে মৃতেরা গ্রামের কারুরই ছেলে, ভাই অথবা স্বামী নয়। একমাত্র তার ছেলের ভাগ্যেই ঘটেছে নিজের গ্রামখানির পাশে মরবার সুযোগ, এমন কি ওর জন্মভিটা থেকে মাত্র দু'শ' পায়ের পথ। আর সেই অনাবৃত মৃতদেহের চারিদিকে ভিড় জমিয়েছে ক্ষুধাতুর দাঁড়কাকের দল; সে দৃশ্য দেখবার ভাগ্যও শুধু তার মত হতভাগিনী মায়েই হয়েছে। আর সবার উপর, অদৃষ্টের ক্রুর পরিহাস এই যে জার্মান সেনানায়ক তার শখের মেয়েমানুষকে নিয়ে বাস করবার জন্তে এই স্ত্রীলোকটির বাড়ীই নিয়েছে বেছে। তাও যদি মাগীটা জাতে জার্মান হত কিংবা কোন দূর দেশের অচেনা লোক হত—যার ভাষা বোঝা যেত না, ঠিক জার্মানদের মতই সবুজ উর্দি পরা মানুষ হত,—যাকে শত্রু বলে ঘৃণা করা যায়, তবু না হয় একটা সাহসনা পাওয়া যেত। কিন্তু তা না হয়ে ওই কুলটাটা কি-না তাদেরই গুথানকার একটা মেয়ে! সামান্য এক জোড়া সিল্কের মোজা, কিংবা, তুচ্ছ এক বোতল ফরাসী মদের বিনিময়ে করেছে ওর দেহ বিক্রয়। বিশ্বাসঘাতকতা করেছে ওর দেশ, ওর জাতি, ওর আত্মীয়স্বজন, এমন কি, ওর স্বামীর প্রতি, যে স্বামী লাল পল্টনের একজন নায়ক। শুধু তাই নয়, দেশের সব কিছুই প্রতি করেছে বিশ্বাসঘাতকতা—যারা জীবন উৎসর্গ করেছে, যাদের মৃত দেহ আজ খালের ধারে পড়ে আছে তাদেরও ও রেহাই দেয় নি। মাগীটার কথা ভাবতে গিয়েই ফেডোসিয়ার অন্তর রাগে ঘৃণায় গুম্বরে উঠল। ওই কুলটা এসে আশ্রয় নিয়েছে ওরই গৃহে—ওরই পালকের বিছানায় ও গা গড়াচ্ছে, গৃহের কর্ত্রী সেজে ওরই উপরে হুকুম চালাচ্ছে। মাগীটার মনে কি কোন ঘোষাও হয় না? ও কি কখনও

মাটিতে চোখ চেয়ে চলে নি ? মাছুষের সঙ্গে চোখাচোখি হলে ওর কি কোন দিন একটু শরম হত না ! তা হলে কেমন করে পারে অমন নির্লজ্জের মত হকুম চালাতে !

“সবুর কর, একটু সবুর কর,” কম্পিত অগ্নিশিখাকে লক্ষ্য করে ফেডোসিয়া ফিস্ ফিস্ করে বলে। শয়নঘর থেকে যে অজস্র গালাগালি বর্ষিত হচ্ছে সে দিকে ও এতটুকু কর্ণপাতও করল না। পাবে ঠিক পাবে, এমন পাওয়া পাবে যে, তুমি যে জন্মেছ তার জন্মে তোমাকে হাজার বার দিক্কার দিতে হবে।

ভারী পায়ের দ্রুত চলার শব্দ পেয়েও ফিরে তাকাল না। এ যে কার পদশব্দ তা ওর অজানা নয় এবং সঙ্গে সঙ্গেই ওর মুখখানা অমন পাথর ব’নে গেল। হাউপটম্যান কুর্ট ভের্নের রান্নাঘরের ভিতর দিয়ে শয়নঘরে গিয়ে ঢুকল, উল্লনের পাশে যে স্ত্রীলোকটি ঝুঁকে পড়ে কাজ করছে তার দিকে জ্রঞ্জেপও করল না।

“সে কি, তুমি এখনও বিছানায় পড়ে ?”

রাগে শয্যাশায়িনীর ঠোঁট ফুলে উঠল।

“আচ্ছা, বলতে পার—কেন উঠব ? সব সময়ই তুমি থাক বাইরে...একা একা আমার ভারী বিক্ৰী লাগে। তুমি থাক তোমার কাজ নিয়ে, আর আমাকে থাকতে হয় ওই ডাইনীকে নিয়ে। দেখো—ও আমায় একদিন বিষ খাইয়ে মারবে।”

সে বিছানার পাশে বসে পড়ল।

“কি বোকা ! তুমি হচ্ছে এ বাড়ীর কর্ত্তা। তোমার খারাপ লাগবার ত কোন কারণ নেই। কেন, তুমি ত গ্রামোফোন বাজাতে পার, তোমার অনেক রেকর্ড আছে, আর তাও যদি ভাল না লাগে, বই পড়ে সময় কাটাতে পার। যখনই একটু ফুরসত পাই, তখনই ত তোমার কাছে থাকি। এখন যুদ্ধ চলছে, কখন কি হয়, বলা ত যায় না।”

স্ত্রীলোকটি দীর্ঘনিশ্বাস ফেলল।

“যুদ্ধ ? সব সময়েই কেবল যুদ্ধ...আমায় এখান থেকে দূরে কোথাও নিয়ে যাওয়ার জন্তে ছুটির দরখাস্তও ত করতে পার।”

সেনানায়ক ঘৃণাভরে কাঁধ ঝাঁকাল।

“দূর বোকা কোথাকার ! এখন কি ছুটির সময় ! এখানে থাকতে না চাও ত তোমাকে জার্মানী পাঠিয়ে দিতে পারি, কিন্তু সেখানে গিয়ে তুমি করবে কি ? তার চেয়ে বরং আমরা এখানেই যেমন আছি, তেমনি থাকি।”

কোন কথার জবাব না দিয়ে সে পাশের চেয়ারখানা থেকে তার সাদাটাই তুলে নিয়ে আস্তে আস্তে উঠে দাঁড়িয়ে জামাকাপড় পরতে শুরু করে দিল। কুঁট ভের্নের বিছানা থেকে উঠে লম্বা টুলটায় বসে পুসিয়ার দিকে নিবিষ্ট মনে চেয়ে রইল। হাঁ, সত্যি ওকে কুঁটের খুব ভাল লাগে। নইলে স্বদীর্ঘ তিন তিনটে মাস ওকে বয়ে বেড়াতে পারত না। সেনানায়ক যে ধরনের নারী নিয়ে অভ্যস্ত, ও তাদের চেয়ে স্বতন্ত্র এবং এখানে যাদের দেখতে পায়, ও তাদের চেয়েও আলাদা।

“ভাল কথা, পুসিয়া, এখানে যে মাস্টারনী আছে সে নাকি শুনলাম তোমার বোন ?”

পুসিয়া মোজা পায়ে দিতে যাচ্ছিল, হঠাৎ কথাটা শুনেই মাঝপথে তার হাতখানা নিশ্চল হয়ে গেল। মাথাটা সামনের দিকে ঝুঁকিয়ে এমন ভাবে দাঁড়াল যে, দেখে মনে হয়—একটা উদ্-বেরাল। ও জানত যে এই কারণেই ওব এতখানি আদর, তাই কথাটা সেনানায়কের মুখ থেকে শোনবা মাত্র পুসিয়ার চেহারাটা নিমেষে এমন অসহায় বস্তু পশুর মত হয়ে গেল। শিশুর মত ছোট হাতখানি দিয়ে পুসিয়া কাঁধের ও কানের পাশের চুলগুলি সমান করতে লাগল। তার কান দুটোও ভারী মজার, অত্যন্ত ছোট, উপরের দিকটা আরও সরু, যেন তে-কোণা, যেন কোন ক্ষুদ্রকায় লোমশ জন্তু। পুসিয়াকে ঠোঁট কামড়াতে দেখে ভের্নের লক্ষ্য করল যে, ওর দাঁতগুলিও তে-কোণা। অদ্ভুত। এর আগে সে আর কখনও মানুষের অমন দাঁত দেখে নি।

“যদি তা-ই হয়, তাতে কি ?”

পুসিয়া চুল আঁচড়ে পিছন দিকে পাট করে রাখল। ওর হাতের তে-কোণা চকচকে নখগুলি রক্তমাখা খাবার মত জল্ জল্ করতে লাগল।

“হাঁ, সে আমার বোনই, তাতে কি হয়েছে?”

“তোমার বোন, কিন্তু আমাদের তেমন পছন্দ করে না।”

পুসিয়ার গোল গোল কালো চোখ দুটি সন্দেহে চক্ চক্ করে উঠল।

“বুঝলাম, কিন্তু তুমি? তুমি হয়ত আমার বোনকে একটু বেশি পছন্দ করে ফেলেছ, কেমন?”

সেনানায়ক ভাঙা গলায় খলখল করে হেসে উঠল।

“না। দেখছি তোমার মনে বেশ ভাব ফোটে। আমি মোটা মেয়েমানুষ কখনও পছন্দ করিনে। তারপর পা দুটো এত মোটা যে...” তার স্ত্রীর পায়ের মতই মোটা এটাই সে বলতে চেয়েছিল, কিন্তু ঠিক সময়েই থেমে গেল।

পুসিয়া নিজের পা দুখানির দিকে একবার তাকাল এবং এই মনে করে তার তৃপ্তি বোধ হল যে, তার পা দুখানি বেশ খাটো এবং সরু।

“হাঁ, সে একটু মোটা বটে।”

“তোমার যে এখানে বোন আছে, কই, সে কথা ত আমায় কখনও বল নি।”

“কেমন করে বলব আমি? সে থাকে এখানে আর আমি আর এক জায়গায়। দেখাসাক্ষাৎ আমাদের বড় একটা হয় না। আর তা ছাড়া, সে আমার চেয়ে সম্পূর্ণ আলাদা।...”

“সম্পূর্ণ আলাদা মানে?”

পুসিয়া চিন্তিত ভাবে কানের পাশের চুলগুলি ঠিক করতে লাগল। হলের নকল পাথরগুলি ঝিকমিক করছিল।

“মানে, সে ছেলেদের লেখাপড়া শেখায়, সব সময়ই কাজ করে। কিন্তু বিনিময়ে কি পায়। বলতে গেলে কিছুই না। তবু সন্তুষ্ট, সব কিছুতেই তার সন্তোষ আছে।”

“তা হলে বল—সে মেয়ে-বলশেভিক।”

“আমি যতদূর জানি, হয় ত বলশেভিক,” জড়িতস্বরে পুসিয়া জবাব দিল এবং পরক্ষণেই যেন আবার সচেতন হয়ে উঠল। “তার সম্পর্কে তুমি এত প্রশ্ন করছ কেন? তুমিই বলেছ, তাকে তোমার ভাল লাগে না, তা হলে কেন এই সব প্রশ্ন?”

“নিছক কৌতূহল। তবে এ-কথা তোমায় নিশ্চয় করে বলতে পারি যে, তার সম্পর্কে যদি আমার কোন আগ্রহ থাকেও, তার কারণ এ নয় যে, সে একজন নারী।”

‘নারী’ শব্দটি উচ্চারণে সে যে অদ্ভুত একটা জোর দিয়েছে, সেটা পুসিয়া মোটেই লক্ষ্য করে নি। সে নীচু হয়ে মোজা পরতে ব্যস্ত ছিল এবং ওড়নার রং মিলিয়ে নিয়ে মাথায় পরল।

জার্মান সেনানায়ক পকেট থেকে একটা ছোট্ট মোড়ক বার করল।

“ভাল কথা, পুসিয়া, এ চকোলেটটা তোমায় দেব বলে মিনিট খানেকের জন্তে এসেছিলাম। এখনই যেতে হবে, আজ বড় ব্যস্ত আছি। মন খারাপ করো না যেন। ফিরতে আমার দেরি হবে না।”

পুসিয়ার মুখখানি বিবর্ণ হয়ে গেল।

“আবার একা থাকতে হবে! সারা দিনই ত আমাকে একা ফেলে যাও! কবে এ যুদ্ধ শেষ হবে বলতে পার?”

“এক সময় শেষ হবেই।”

“বলতে তোমার কোনই কষ্ট হয় না।”

রঙীন কাগজের মোড়কটা খুলে ফেলে চকোলেটের ডেলাটা একেবারে মুখে পুরে দিল, টুকরো করে ভেঙে নেওয়ার ফুরসতও হল না।

“এখন তুমি বরং গ্রামোফোন নিয়ে সময় কাটাও। আমি তোমার জন্তে কিছু খাবার পাঠিয়ে দেব। তা হলে আমি আসি।”

ইচ্ছা না থাকলেও পুসিয়ার গাল দুটি ধরে একটু আদর জানিয়ে সেনানায়ক চলে গেল। সাজীটা তখনও কুটারের বাইরে দাঁড়িয়ে শীত তাড়াবার ব্যর্থ

চেষ্টায় ঘন ঘন পা ফেলছিল। সেনানায়ককে দেখতে পেয়েই সে সঙ্গে সঙ্গে তটস্থ হয়ে অভিবাদন করল। সেনানায়ক তার দিকে না তাকিয়েই ময়দানের দিকে ফিরল। যে-বৃহৎ বাড়ীটায় আগে ছিল গ্রাম্য সোভিয়েটের দফতর, এখন সেটাই জার্মান কমাণ্ডটুর। সেখানে বহু সৈন্তের ভিড়, সেনানায়ককে প্রবেশ করতে দেখেই তারা সচেতন হয়ে তাকে সেলাম জানাল। সে কিন্তু তাদের দিকে ফিরেও তাকাল না, তাদের অভিবাদনেরও প্রত্যাবিধান করল না, সোজা গিয়ে আফিস-ঘরে প্রবেশ করল। এবং সঙ্গে সঙ্গেই হুকুম দিল : “সে জ্বীলোকটাকে আনো।”

আসনে বসে পড়ে সে একবার হাই তুলল। ভাগ্যবতী পুসিয়া! সে সারাক্ষণ বিছানায় পড়ে থাকতে পারে, আর তাকে কি-না সকাল থেকে রাত পর্যন্ত কাজ করতে হয়। তবু কাজ শেষ হতে চায় না।

সৈন্তেরা একটি জ্বীলোককে নিয়ে এল। তার গায়ে একটি পুরু ভেড়ার চামড়ার কোট, পরনে কালো পোশাক।

সেনানায়ক একবার সন্দ্বিগ্ন দৃষ্টিতে তাকাল।

“এই না কি সে?”

“হাঁ, হুজুর!”

জ্বীলোকটির যেন দাঁড়াতে ভারী কষ্ট হচ্ছে। সে আর দাঁড়াতে পারছে না এমনভাবে টেবিলের সামনে এসে দাঁড়াল। কপালের ছপাশে চুলগুলোয় পাক ধরেছে, একখানি শাল দিয়ে মাথা থেকে শরীরটা বেশ ভাল করে ঢাকা, মুখখানি সাদামাঠা, যেমন সাধারণ চাষীদের মুখ হয়।

“তোমার নাম?”

“ওলেনা কস্তিয়ুক।”

জার্মান সেনানায়ক হাতের পেন্সিলটি আঙুলে মোচড়াতে মোচড়াতে জ্বীলোকটির দিকে চোরা-দৃষ্টিতে তাকাতে লাগল। ওর মনে হল, সৈন্তেরা যদি ভুল না করে থাকে, তা হলে আজ ওকে অনেকখানি বেগ পেতে হবে এবং অনেক অশ্রীতিকর প্রশ্নেরও অবতারণা করতে হবে। মেয়েটির খুতনির

দৃঢ়তাব্যঞ্জক গঠন ও চোখের তীক্ষ্ণ দৃষ্টি থেকে ও স্পষ্টই বুঝতে পারছিল যে, তার সম্বন্ধে বিচার করা খুব সহজ হবে না।

“তুমি গোরিলা বাহিনীতে ছিলে?”

প্রশ্নটা শুনে সে ভয়ও পেল না, ভাবাচ্যাকাও খেল না, জবাব দিতে গিয়েও তার নিবন্ধ দৃষ্টি সেনানায়কের মুখ থেকে সরল না :

“হাঁ, আমি গোরিলা বাহিনীতে ছিলাম।”

“হঃ—বে-শ”—সঙ্গে সঙ্গে স্বীকার করায় সেনানায়ক বিস্মিত হল। টেবিলের উপর থেকে একটুকরো কাগজ নিয়ে সে হিজিবিজি কাটতে লাগল।

“গ্রামে কেন আবার ফিরে এসেছ? তারা কিসের জন্ত তোমায় পাঠিয়েছে?”

“আমাকে কেউ পাঠায় নি। আমি নিজের ইচ্ছায় এসেছি।”

“তাই নাকি? নিজের ইচ্ছায়? কিন্তু কেন?”

এবারে সে জবাব দিল না। তার কালো চোখ দুটি দিয়ে সে একদৃষ্টে চেয়ে রইল সেনানায়কের শীর্ণ মুখখানা আর বর্ণহীন চোখ দুটোর পানে : চোখের পাতাগুলোর যেন ধোলাই-এ রং উঠে গেছে।

“তারপর?”

সে নীরব।

“আচ্ছা, তুমি গোরিলাদের দলে ছিলে এবং হঠাৎ এখন গ্রামের বাড়ীতে ফিরে এসেছ, তাই না? কিন্তু তোমাদের দলের কি কোন আইন-কানুন নেই? কেন তুমি চলে এলে সেই কথাটাই জানতে চাইছি।”

“নিজের ইচ্ছায় এসেছি। আমি আর থাকতে পারলাম না।”

“কেন পারলে না? কাজকর্ম খুব ভাল চলছিল না, তাই কি? তোমাদের দলপতি শুনছি যুদ্ধে মারা গেছে, দল ছত্রভঙ্গ হয়ে পড়েছে, কেমন?”

“দলের কথা জানি নে; আমি চলে এসেছি।”

“অমন হঠাৎ চলে এলে কেন?”

স্ত্রীলোকটির ঠোঁট দুখানি নিঃশব্দে নড়ল।

“গোরিলাদের কাজ জঘন্য, ডাকাতি, লুটপাট, খুন, জখম—তাই না ? তুমি তাই সে দলে আর থাকতে রাজী হও নি, কেমন—এই ত ?”

স্ত্রীলোকটি মাথা নাড়ল।

“না। আমি আর পারি নি।”

“কেন ?”

স্ত্রীলোকটি প্রথমটায় একটু ইতস্তত করল, তারপর চেষ্টা করে সোজা বলল : “প্রসবের জন্তে বাড়ী ফিরে এসেছি।”

“কি ?”

“সন্তান প্রসব করতে এসেছি।”

“তাই নাকি !”

সেনানায়ক হেসে উঠল। তার সে বাজখাই হাসি শুনে স্ত্রীলোকটি কঁপে উঠল।

“এ ঘরে নিশ্চয় তোমার শীত লাগছে না। ঘরে বেশ আগুন রয়েছে, তবু তুমি এমন চাপাচুপি দিয়ে রয়েছ ! শালটা খুলে ফেল !”

সঙ্গে সঙ্গে স্ত্রীলোকটি তার গা থেকে মোটা শালখানা চেয়ারের উপর রাখল।

“কোটটাও খুলে ফেল।”

মূহূর্তকাল সে একটু ইতস্তত করল, তারপর বোতাম খুলে ভেড়ার চামড়ার জামাটি খুলে ফেলল। সেনানায়ক নিবিষ্ট মনে স্ত্রীলোকটিকে দেখতে লাগল। না, অবিশ্বাস করবার কিছুই নেই। প্রসবের সময় সত্যিই আসন্ন।

স্ত্রীলোকটি গভীর একটি দীর্ঘনিশ্বাস ফেলল। লোকটা বেশ বুঝতে পারছিল যে, ওর পক্ষে এভাবে দাঁড়িয়ে থাকাটা সত্যি অত্যন্ত কষ্টকর ; কিন্তু তবু সে ইচ্ছে করেই তাদের কথাবার্তার সময় বাড়িয়ে দিল। পেন্সিলটা নিয়ে খেলতে লাগল এবং এক একটা প্রশ্নের পর অনেকটা সময় থেমে থেমে চলতে লাগল।

নিজের সম্পর্কে যেসব প্রশ্ন করল, সঙ্গে সঙ্গেই তার জবাব দিল। হাঁ, সে বিবাহিত। তার স্বামী যুদ্ধে মারা গেছে। অনেক আগে—বিপ্লবেরও

আগে, সে চাষের কাজ করেছে, ধানকাটা গরু দোয়ানো—সব কাজই করেছে। বিপ্লবের পর কিছু দিন সমবায় চাষবাসেও কাজ করেছে। পরে গ্যোরিলা বাহিনী গড়ে উঠতে সেই দলে যোগ দেয়। ওর অবস্থার কথা তাদেব কাছেও গোপন রেখেছিল। সময় যখন আসন্ন এবং চলতে ফিরতেও কষ্ট হয় তখন গ্রামে ফিরে আসে, শান্তিতে সন্তান প্রসব করবে বলে।

“ও, তাই বল, শান্তিতে সন্তান প্রসব করতে চাও,” সেনানায়ক কথাটা পুনরুক্তি করল। “গেল সপ্তাহে যে পুলটা উড়িয়ে দেওয়া হয়েছে, সে কি তুমি দিয়েছ?”

“হ্যাঁ।”

“কে তোমাকে সাহায্য করেছে?”

“কেউ না। আমি একাই করেছি।”

“মিথ্যা কথা। আমরা সব জানি, খোলাখুলি সত্যি বলাই তোমার পক্ষে ভাল ছিল।”

“আমি একাই করেছি।”

“বেশ। তোমাদের দলটা এখন কোথায়?”

সে জবাব দিল না। তার কালো কালো চোখ দুটি দিয়ে শাস্তভাবে জার্মানটার দিকে তাকাল। সেনানায়ক একটা দীর্ঘনিশ্বাস ফেলল। ঘুরে ঘুরে কেবল সেই একই কথা। অসহ্য নীরবতা, দীর্ঘসময়ব্যাপী কতকগুলি নিরর্থক প্রশ্ন এবং আরও সব অপ্রীতিকর ব্যবস্থা—যার কোনটাতেই কোন ফল হবে না। তার ধারণা ছিল, লোকে হয় গোড়াতেই কবুল করে, নয় ত শত চেষ্টাতেও কোন জবাব দেয় না; এক্ষেত্রে স্ত্রীলোকটি প্রথম প্রশ্নের জবাবেই যে রকম সঙ্গে সঙ্গে উত্তর জুগিয়েছে, তাতে করে ওকে সে একটু ভুলই বুঝেছিল! এবং তার সম্পর্কে ওর নিজের প্রথম ধারণাটাই ছিল সত্যি—মেয়েটির চোয়ালের দৃঢ়তা ও ঠোঁট দুটির গঠন থেকে ও স্পষ্টই বুঝেছিল, সে যে দৃঢ়স্বক্ল, সে বিষয়ে কোন সন্দেহ নেই। হ্যাঁ, সে তার নিজের সম্পর্কে সব কিছু বলতে রাজী, কিন্তু অস্ত্রের সম্বন্ধে একটি কথাও বলতে রাজী নয়।

“আচ্ছা, আর কিছু যদি বলতে না চাও, গ্রামে যখন ফিরে আস তখন কোথা থেকে এসেছিলে, সেটা ত বলতে পার ?”

নীরব। সেনানায়ক অস্থির ভাবে হাতের পেন্সিলটি দিয়ে টেবিলের উপর ঠক্ ঠক্ করতে লাগল, কিন্তু জ্বীলোকটির দিকে তাকাল না। হঠাৎ তার মন বিরক্তিতে ভরে উঠল। এখান থেকে সে পালিয়ে যেতে চায়। পুসিয়ার কাছে ফিরে গেলেও ত হয়, এ অপকর্মটা যে-কোন অধীন কর্মচারীই ত করতে পারবে। কিন্তু কয়েদীদের কাছ থেকে যেমন করে হোক গ্যোরিলাদের সম্বন্ধে কিছু খবর আদায় করতে হবে। জেলার সর্বত্রই তারা কাজের দ্বারা তাদের অস্তিত্ব বেশ ভাল করেই জানিয়ে দিচ্ছে। আর তা ছাড়া, অধীন কর্মচারীদের প্রতি ততটা আস্থাও তার ছিল না। তার উপর উক্রেনের ভাষা তারা ভাল করে জানে না; যে সব দোভাষীর সাহায্য নিয়ে তারা কাজ চালাবে, তাদের বিগাও হয় ত ওদের চেয়ে খুব সামান্য বেশি এবং অধিকাংশই নিরেট। ও নিজে উক্রেনের ভাষা ও রুশীয় ভাষা সমান ভাবেই জানে। এ যুদ্ধের অনেক আগে থেকেই ও ভালভাবে ওদের ভাষা শিখেছিল। কিন্তু তখন কোন দিন ভাবতেও পারে নি যে ওর সে বিগার প্রয়োগ এইরূপে এ সব ক্ষেত্রে করতে হবে। অবশ্য যুদ্ধের সময় শত্রু পক্ষের ভাষা জানা থাকলে অনেক কাজে লাগে, তখন মনে হয় যে, ভাষা শিখতে যে সময় ব্যয় করা হয়েছে তা ব্যর্থ হয় নি।

“বেশ, তারপর? তোমাদের দলপতির কি নাম না, দুলাল, তাই না? কিন্তু এটা ত ডাকনাম, আসল নামটা কি?”

নীরব। সে দেখল যে, মেয়েটি অত্যন্ত ক্লান্ত হয়ে পড়েছে। ওর কপালে গালে নাকের পাশে কিছু কিছু ঘাম জমেছে। চোয়ালের পাশের ভাঁজ দুটো যেন আরও গভীর দেখাচ্ছে এবং হাত দুখানি শিথিল হয়ে ঝুলে পড়েছে।

“তুমি কথা বলবে, কি, বলবে না—সেই কথাটা বল।” হঠাৎ সে নিজেই যেন আশ্রয় হয়ে পড়ল। এ সব বাদ দিয়ে বাড়ী চলে গেলেও পারে।

তার মনে হচ্ছিল, তার চলে আসার পর পুসিয়া হয় ত বিছানা ছেড়ে উঠেছে, না হয় আবার গিয়ে মুড়ি স্নড়ি দিয়ে শয্যার আশ্রয় নিয়েছে।

...

...

...

কিন্তু পুসিয়া বিছানায় ছিল না। জামাকাপড় পরতে সে অনেকটা সময় কাটাল, তারপর আরশির সামনে দাঁড়িয়ে নিজেকে দেখবার জন্তেও কিছুটা সময় কাটিয়ে দিল। তারপর গ্রামোফোন বাজাতে শুরু করল। কিন্তু অল্পক্ষণের মধ্যেই অতি-প্রিয় রেকর্ড-গুলিও যেন পানসে লাগল। কারুর সঙ্গে কথা বলবার জন্তে উদগ্রীব হয়ে উঠল। কিন্তু কার সঙ্গে বলবে?

রান্নাঘরে গিয়ে থানিকটা জল নিয়ে পেট ভরে পান করল। ফেডোসিয়া ক্রাবচুক উল্লনের সামনে একটা টুলের উপর চেপে বসে আলুর খোসা ছাড়াচ্ছে। পুসিয়া জানলার উপর বসল এবং ফেডোসিয়ার আঙুলের ফাঁক দিয়ে ছাড়ানো আলুর খোসাগুলো কুণ্ডলী পাکیয়ে কেমন করে ঝুঁড়ির মধ্যে পড়ছে, তাই দেখতে লাগলো।

“আলুগুলো ত ভয়ানক ছোট।”

ফেডোসিয়া কোন জবাব দিল না।

“এখানে আলু কি সব সময়ই এত ছোট হয়?”

নীরব।

“আমার কোন প্রশ্নেরই জবাব দেবে না কেন, বলতে পার?”

ফেডোসিয়া মাথা তুলে নীরব ওদাসীন্তে পুসিয়ার দিকে তাকাল। তারপর সে আবার তার কাজে মন দিল।

“আমার দিকে ওরকম করে চেয়ে থাক কেন? তুমি কি মনে কর যে, আমি একটা মানুষ নই? সারা দিন একটা কথা বলবার লোক পাই নে। এমন অবস্থায় মানুষ বাঁচতে পারে না!”

পুসিয়ার নিজের জন্তে ভারী দুঃখ হল। তা ছাড়া, গা-টাও তার কেমন গুলিয়ে উঠছিল, একবারে অতগুলো চকোলেট খাওয়া উচিত হয়নি। কিন্তু কুট তার জন্তে যে খাবারই আনুক না কেন, মুহূর্ত বিলম্ব না করেই সেগুলো

খাওয়ার লোভ সে সংবরণ করতে পারে না। একটা আলু টুপ করে জলের মধ্যে পড়ে গেল ; মেঝেয় খানিকটা জল এসে ছিটকে পড়ল।

“আমি ত কখনও তোমার ক্ষতি করি নি। করেছি বলতে পার ?”

ফেডোসিয়া একবার তার পানে মুহূর্তের জ্ঞাতাকাল ; সে দৃষ্টি দিয়ে যেন তার ভিতরটা একবার খুঁজে দেখে নিল। কিন্তু প্রশ্নের কোন জবাবই দিল না।

“দিনের পর দিন আমি এখানে একলাটি বসে থাকি, কুট একটুক্কণের জন্তে একবার দেখা দিয়ে আবার চলে যায়। আমি কারুর সঙ্গে কথা বলতে পাই নে। আমার কাছে কেউ এসে বসেও না। বাইরে গিয়ে যে একটু বেড়িয়ে আসব, কুয়াশার জন্তে তারও জো নেই। এমনি ভাবে থাকলে আমি পাগল হয়ে যাব। গ্রামোফোন ছাড়া আর কিছু নেই, তারও সব রেকর্ড আমার মুখস্থ হয়ে গেছে। তুমি গ্রামোফোন শুনবে ?”

ক্রুদ্ধ হয়ে পুসিয়া এমন শক্ত করে হাত মুঠো করল যে লাল নখগুলো তালুতে কেটে বসল।

“কথার জবাব দিচ্ছ না কেন ? আমার কি প্লেগ হয়েছে না কি ?”

এবার ফেডোসিয়া মাথা তুললে : “প্লেগের চেয়েও খারাপ কিছু তোমার হয়েছে। প্লেগে যারা মরে, তোমার মৃত্যু তাদের চেয়েও সাংঘাতিক হবে, বলে দিচ্ছি।”

পুসিয়া আঁতকে উঠল। ফেডোসিয়ার দিকে হাঁ করে তাকাল। তার মুপচোখ দুই আয়ত হয়ে উঠল। এই ক্রাবচুক-ঘরনী যে কথা বলতে পারে এটাই ও ধারণা করে নি। এখন হঠাৎ সে তার অস্বাভাবিক নীরবতা ভঙ্গ করল—যা সে সুদীর্ঘ একমাস ধরে রক্ষা করে এসেছে—কিন্তু কেমন করে ! পুসিয়ার এখন কি করা উচিত ? তাকে ধমকাবে, মারধর করবে, চেষ্টা করে উঠবে—না, নিজের ঘরে ফিরে গিয়ে গ্রামোফোনটায় আবার দম দিয়ে একখানা চড়া সুরের হাসির রেকর্ড চাপিয়ে দেবে ?

কিন্তু তার নিজেরই বিশ্বাস লাগল যখন দেখল যে, সে এ সবেয় কিছুই করল না ; বরং আপনা আপনিই নানা যুক্তির অবতারণা করল।

“চারিদিকে এ সব কি হচ্ছে ? আমারই বা কি করতে হবে ? আমি কি উপোস দিয়ে মরব ? ধৈর্য ? কিসের জ্ঞান ধৈর্য ধরব ? জার্মানরা হয়ত চিরকালই এখানে বসবাস করবে। একটা মেয়েকে ত তার নিজের ব্যবস্থা নিজেকেই দেখে নিতে হয়। সেরিয়োশা নিশ্চই অনেক আগে যুদ্ধে মারা গিয়েছে। আর এই কুট লোকটিও খারাপ নয়। আমি ঠিক জানি ও লোক মন্দ নয়। আর আমিও এখানে থাকতে চাইনে : অনেক কিছু সহ্য করেছি। ও আমাকে ড্রেসডেন নিয়ে যাবে : সে-ই ভাল। এত দিন যে আমি কি ভাবে জীবন যাপন করেছি, তাকে জানে ? পরবার কিছু ছিল না—এমন কি, সামান্য একটা জামা, পর্যন্তও না। মোজার জগেই কত কষ্ট না পেয়েছি ! এক জোড়া শতছিন্ন মোজা অতি কষ্টে পায়ে দিতাম।...আর পাব কোথায় ?”

“হাঁ, ঠিক তাই ! আমিও সেই কথাই বলছিলাম। মোজাই !...তোমার বোন খাসা মেয়ে, শিক্ষয়িত্রী, মর্যাদার কাজ করে। আর তুমি—তুমি আছ তোমার মোজা নিয়ে ! তোমার আসল নামে তোমাকে ডাকবার প্রবৃত্তিও আমার হয় না। আর এও জেনে রেখো, তোমার কুট তোমাকে আদৌ কোথাও নিয়ে যাবে না, ছেঁড়া জুতার মতই তোমায় ছুঁড়ে ফেলবে, তোমার মত একটা ভ্রষ্টা স্ত্রীলোকের যা গতি তা-ই তোমার অদৃষ্টে ঘটবে। সে নিজে পালাবার আগেই তোমাকে পরিত্যাগ করবে এবং এটাও জেনে রেখো যে, তাকেও শীঘ্রই যেতে হবে। যত দিন পার ততদিনই আমার পালকের শয্যায তোমার জার্মানটাকে নিয়ে দিব্য আরামে বাস কর। পৃথিবীতে কোথাও তোমার মাথা গুঁজবার জায়গা মিলবে না, তোমার জার্মানটারও না। আমাদের ছেলেরা ফিরে আসবেই, শীতকালে ফডিং-এরা কোন্ দিকে উড়ে যায় সেই পথই তারা তোমাদের দেখাবে।”

পুসিয়ার সর্বাঙ্গ কেঁপে উঠল। প্রত্যেকটি কথা চাবুকের মত তাকে আহত কবল। সে টেঁচিয়ে উঠল, রাগে তার কণ্ঠস্বর তখন কাঁপছে : “বেশ, তার ঠিক ! তুমিও সবু কর ! জল আনতে গিয়ে সব সময়ই তুমি কেন অত দেরি কর তা কুট এলেই তাকে আমি বলব। কোথায় তুমি যাও—সব বলব তাকে।”

ফেডোসিয়া লাফিয়ে উঠল। গোসা ছাড়ানো আলুগুলি মেঝেয় ছড়িয়ে পড়ল। ছুরিখানা সশব্দে মাটিতে ছিটকে পড়ল। সামনের দিকে ঝুঁকে নিবন্ধ দৃষ্টিতে সে পুসিয়ার দিকে এগিয়ে চলল। পুসিয়া ভয়ে বিবর্ণ হয়ে গেল। পা তটো গুটিয়ে নিয়ে দুহাতে বুক ঢাকল—যেন সে এমনি করেই নিজেকে রক্ষা করবে।

“আমি কোথায় যাই, তুমি জানলে কেমন করে? কেমন করে জানলে তুমি?”

হঠাৎ পুসিয়ার মনে হল যে বাইরের একটা সাত্ত্বী আছে, জানলা দিয়ে ঢাকলেই সে ছুটে আসবে। সঙ্গে সঙ্গেই তার ভয় দূর হয়ে গেল।

“আমার যা জানবার—সবই আমি জানি।”

“ও, তুই...”

ফেডোসিয়া এই অতি নগণ্য ইহুরের মত জীবটাকে গলা টিপে মারবার অদম্য আগ্রহকে কোন মতে জয় করল। সে চেয়েছিল গলা টিপে দম্ব বন্ধ করে ওকে মারবে, পরে লাথি মেরে বাইরে ফেলে দেবে। কিন্তু এই দুর্বল শীর্ণ দেহকে স্পর্শ করবার কথা মনে হতেই একটা বিজাতীয় ঘৃণায় ওর মনটা ভরে উঠল। একটা জরাগ্রস্ত বিকলাঙ্গকে দেখে স্বাভাবিক স্নেহ মানুষের মনে যে ভাব হয়, পুসিয়ার সশব্দে ওর মনের অবস্থাটাও তিক্ত তেমনি হল। সে মাটিতে থুথু ফেলে উল্লুনের কাছে নিজের জায়গায় ফিরে গেল। এবং আবার ক্ষিপ্ৰহস্তে আলুব গোসা ছাড়তে আরম্ভ করল। আঙুলের ফাঁক দিয়ে চক্রাকারে খোসাগুলি আবার গামলার মধ্যে পড়তে লাগল। পুসিয়া মাথাটা ঝাঁকিয়ে নিয়ে গ্রামোফোনে দম দেওয়ার জন্তে নিজের ঘরে গিয়ে ঢুকল। প্রথমে সে একটা আনন্দের গান খুঁজতে লাগল—খুব হাসির কোন রেকর্ড, কিন্তু শেষ পর্যন্ত রাগে তার চোখে জল বেরিয়ে পড়ল। দুঃখে কণ্ঠস্বর যেন রুদ্ধ হয়ে আসছিল। শেষ পর্যন্ত বেছে বের করল একখানি করুণ গান।

শয়নঘর থেকে স্নীগস্বরে একটা গানের কলি ভেসে আসছে :

“এখনো জলিছে আগুন

এখনো নেভেনি চিতা ...”

তা হ'লে কি হ'ত ! সব জানলে সেনানী চূপ ক'রে থাকত না। যুদ্ধে যারা মরেছে তাদের সৎকার করায় যে নিষেধাজ্ঞা জারি হয়েছে, আজও তা বলবৎ আছে। গ্রামপ্রান্তে নালার মধ্যে সেই মৃতদেহগুলি বাতাস, বরফ ও দাঁড় কাকদের দাক্ষিণ্যে যেমন পড়ে আছে তেমন পড়ে থাকবে। লোকের মনে ভীতি সঞ্চারের জন্তে উলঙ্গ মৃত দেহগুলিকে ওভাবে ফেলে রাখা হয়েছে— জার্মানরা যে বিজয়ী হয়েছে, এ সব তারই সাক্ষ্য দিচ্ছে। চাষীরা প্রথমটা মৃতদেহগুলো কবর দিতে চেষ্টা করেছিল, কিন্তু পারেনি ; নানাগুলিকে সতর্ক পাহারায় রাখা হয়েছে। একদিন তরুণ পাশচুক একথানা কোদাল নিয়ে পুল পর্যন্ত হামাগুড়ি দিয়ে অগ্রসর হয়েছিল, কিন্তু সেই রাত্রি থেকেই সে বৃকে গুলীবিদ্ধ হয়ে আর আর মৃতদেহের সঙ্গে সেখানে পড়ে আছে, তার মাথাটা বরফে চাপা পড়েছে। কাজেই, সব কিছুই যেমন ছিল তেমনি আছে। লোকেরা বুঝেছে যে এতে কিছুই তাদের করবার নেই।

কিন্তু সারা গাঁয়ের আর কারুরই ছেলে সেখানে পড়ে নেই। একমাত্র তার ছেলেই রয়েছে। বিশেষ কাজেব জন্তে যে ছোট্ট সৈনিকের দলটি গ্রামের ভিতর দিয়ে যাচ্ছিল, ভাগ্যবশে সে দলে ভাসিয়াও ছিল। সে কি আনন্দ, সে কি পুলক !... অপ্রত্যাশিতভাবে সে তাদের কুঁড়ে ঘরে ছুটে এল, তার সে স্বাভাবিক হাসিখুশি তখনও অব্যাহত। শুধু ক্ষণেকের জন্তে—রাত্রি শেষ হতে না হতেই জার্মানরা কিছু বুঝতে না দিয়েই হঠাৎ এসে তাদের আক্রমণ করল, নালার পাশে তারা ভাসিয়াদের ঘরে ফেলে সকলকেই হত্যা করল।

ফেডোসিয়া সেইদিনই ভাসিয়াকে খুঁজে পেয়েছিল। মায়ের মন ঠিক জায়গায় তাকে পৌঁছে দিয়েছিল। তখন সে মরে গেছে এবং তার দেহ থেকে তারা জামাকাপড় সব খুলে নিয়েছে।

সেই দিন থেকে এই একমাস ধরে সে তার ছেলেকে দেখবার জন্তে সেখানে যায়। কেমন করে তার ছেলের মৃতদেহ শক্ত কাঠ হয়ে গেছে, কেমন করে বিবর্ণ হয়েছে, কেমন করে বরফে মুখখানা লোহার মত কালো হয়ে গেছে, কেমন করে তার অনাবৃত পায়ের তলা ফেটে চৌচির হয়েছে, প্রতিদিন দেখে দেখে

সে এমন অভ্যস্ত হয়ে গেছে, তাই যখন হৃবোগ পায়—জল আনতে গিয়ে একবার দ্বার সে তার মৃত পুত্রকে দেখে আসে। কিন্তু এখন?—এখন কি হবে?

“কত না প্রেম কত না আশা—

কত সে সোহাগ, কত ভালবাসা

ছিল স্বপনে তোমার, জানি তা।...”

—গ্রামোফোন গেয়ে চলেছে।

কুট কখনও চূপ করে থাকত না, তার চোখ এড়াবার ত কথা নয়। ফেডোসিয়া তার নিজের জন্মে ভয় করে না, সে তার ছেলের জন্মে—মৃত পুত্রের জন্মে ভাবছে, যে কপালে বুলেটের ক্ষত নিয়ে নালার মুখে পড়ে আছে, বরফে জমে পাথর বনে’ গেছে। তার মনে হল, সে যেন তাকে আবার হারাতে বসেছে—তারা মৃত দেহটা সরিয়ে ফেলবে, হয় তো কোন অজানা গর্তে কেলে দেবে, মৃত দেহের মর্যাদা নষ্ট করবে, নয় ত টুকরো টুকরো করে আকৃতিটা নষ্ট করে দেবে—তারা সব কিছুই করতে পারে, তাদের অসাধ্য কিছু নেই।...

“কত না প্রেম কত না আশা

কত সে সোহাগ, কত ভালবাসা

ছিল স্বপনে তোমার, জানি তা।...”

গ্রামোফোনটা অসহরুপে বিরক্তিকর ঠেকছিল।

পুসিয়া আপন মনে কল্পলোক তৈরি করছে। একই রেকর্ড দশবার বাজছে। যে প্রেম একদিন ছিল—আজ নেই, যে স্বথ অতীতে মিলিয়ে গেছে, সে সব কথার আর কোন অর্থ হয় না, তারই গান বাজছে ওই গ্রামোফোনটায়। চুল্লীর পাশে বসে যে মেয়েটি আজ আকাশ-পাতাল ভাবছে, তার চিন্তার সঙ্গে যেন গ্রামোফোনটার সুর বাঁধা—করণ মর্মস্পর্শী। ভোঁতা ছুরি-খানা ফেডোসিয়া ক্রাব্‌চুক হাতের মুঠায় চেপে ধরল—কোন ব্যথা লাগল না। যেখানটায় একটু কেটে গেল শুধু সেখানটায় এক ফোঁটা রক্ত বেরুল। আঁচলের কোণ দিয়ে সে রক্তটুকু মুছে নিল।

“এখনো জ্বলিছে আগুন

এখনো নেভেনি চিতা...”

ও কি করবে? কেমন করে তার কাছে যাবে? ও যেন ভাসিয়ার জীবন রক্ষার জন্তে অস্থির হয়ে উঠল; কোন ভয়াবহ নিষ্ঠুরতা, যত্নাব চেয়েও কঠোর কোন কিছুর হাত থেকে সম্ভানকে বাঁচাবার জন্তে ফেডোসিয়ার মন তখন অস্থির হয়ে উঠল। কিন্তু কেমন করে বাঁচাবে?

ও জানত সেখান থেকে তাকে সরানো অসম্ভব, সে জমে বরফ হয়ে গেছে। একমাত্র বসন্তকাল এলে সে ডমাট বরফ গলবে, তার আগে ওকে সে বরফের শয্যা থেকে তোলা যাবে না। কিন্তু যদি...কেমন করে সে তুলবে? দেহটা সঙ্কচিত হয়ে সেই পনর-ঘোল বছর বয়সের মতই হয়ে গেছে! কিন্তু ও কেমন করে তুলবে তাকে? আর তুলে নিয়ে গিয়ে হত্যাকারীদের চোখ থেকে গোপন করে রাখবেই বা কোথায়?

“কত না প্রেম কত না আশা

কত না সোহাগ, কত ভালবাসা

ছিল স্বপনে তোমার, জানি তা।...”

জার্মানদের পাপ হস্ত ওই মৃতদেহ স্পর্শ করবে, ওদের পায়েব সে কদর্ঘ বুট দিয়ে হয়ত লাথি মারবে। গরুর মত মুখ নিয়ে জার্মানগুলো তখন ত ভ্রুকুটি করে চাইবে ওর পানে, আর তারই মাঝখান থেকে ক্যাপ্টেন কুট ভের্নেরের ভাঙা গলার কর্কশ হাসি শোনা যাবে। ফেডোসিয়া নিরুপায় হতাশার সঙ্গে হাত মোচড়াতে লাগল—নিতান্ত্র অসহায় সে। আলুগুলোর কথা সে ভুলে গেল, ভুলে গেল যে, চুল্লীর আগুন উস্কে দিতে হবে। শূণ্য দৃষ্টিতে সামনের দিকে চেয়ে রইল।

ওর মনে হচ্ছিল, আর কত খারাপ হতে পারে, যত রকম আঘাত থাকতে পারে—সবই ত ওর অন্তরকে নিষ্পিষ্ট করেছে। তবুও মনে হয়, এ আর এক স্বতন্ত্র আঘাত। এ আঘাতের যেন সীমা নেই। ডিসেম্বর নামের সেই এক দিন—যে দিন গ্রামের মাথায় কালো মেঘ জমে ছিল, ঐতি মুহূর্তে সকলের মনে

অনাগত সর্বনাশের ছায়াপাত করেছিল, ওর এই আশঙ্কা যেন তার চেয়েও বেশি।

হঠাৎ ফেডোসিয়ার মনে হল, মাগীটা কেমন করে জানল? কে বলেছে ওকে?

মুহূর্তে কয়েকটি চেনা লোকের কথা মনে আসে। মাস্টারনী—না, ফেডোসিয়ার মনে এক তিলও সে সন্দেহ হয় না। কোন অবস্থাতেই মাস্টারনী সে কাজ করতে পারে না। তবে কে? গ্রামের সকল লোকই অবশ্য জানে। কিন্তু গ্রামবাসীরা ত সকলেই ওর আপনার লোক। তবে কি পেলাগিয়া? সে ত কখনও কোথাও যায় না। কেউ তার সঙ্গে কথাও বলে না। সে কেমন করে জানবে? মায়ের এই মর্মবেদনা নিয়ে কে বিশ্বাসঘাতকতা করল? শত্রুর হাতে ভাসিয়া কম নির্ধাতন ত সহ্য করে নি।

গ্রামোফোনটা হঠাৎ থেমে গেল। পুসিয়া ফোনের বুটজোড়া পায়ে দিয়ে সম্বন্ধে ফারু কোটের বোতাম আঁটতে লাগলো। কোটটা পুসিয়ার গায়ে বেশ একটু বড় হয়। কুট শহরের কার গায়েব থেকে ছিনিয়ে এনে তার স্ত্রী পুসিয়াকে উপহার দিয়েছে। জামাটা বেশ গরম। আস্তিনে হাত দুখানি ঢেকে রাখা যায়, তুলোর মত ফোলা কলার দিয়ে গাল দুটো ঢেকে বরফের হাত থেকে বাঁচা যায়।

পুসিয়া দালানে বেরিয়ে এসে একটা গভীর দীর্ঘনিশ্বাস ফেললে। বাতাসটা অত্যন্ত কনকনে, এত ঠাণ্ডা যে, মনে হয় গোটা পৃথিবীটা বরফে ভরে গেছে। যে সব জায়গায় ছায়া আছে, সেখানে বরফগুলোর রং নীল দেখাচ্ছে কিন্তু যে বরফগুলোয় সূর্যের আলোক পড়েছে সেগুলো হীরার মত ঝক্ ঝক্ করে, চোখে তার ছটা লাগে। গ্রামখানি যে পাহাড়ের উপর তার ডাইনে বাঁয়ে সাদা ও নীল বরফের স্তর কত দূর পর্যন্ত ঝক্ ঝক্ করে তার সীমা নির্ণয় করা যায় না। আকাশ ও মাটিকে তুষারের সাঁড়াশি দিয়ে আঁকড়ে ধরে চৌমাথাব এই ছোট নির্জন গ্রামখানিকে ঘিরে রয়েছে। পুসিয়া একবার কুটারের দিকে চাইল। সৈনিকেরা ইতস্তত জটলা করছে এবং গাঁজার সামনের ময়দানটায় গোলন্দাজদের ছাউনি স্পষ্ট দেখা যাচ্ছে, সেখানেই যত সৈন্যের ভিড়। কিন্তু

গ্রামের লোক একটিও দেখা যাচ্ছে না। পুসিয়া এগিয়ে চলল। কুটের সঙ্গে আজ সে তার আপিসে গিয়ে দেখা করবে।

ময়দানের এক প্রান্তে একটি ফাঁসি-মঞ্চ দাঁড়িয়ে আছে—দুটো সোজা খুঁটির উপর একটি আড়া। আড়ার ঠিক মাঝখানে একটি লোকের দেহ ঝুলছে। গ্রামে ক্যাপ্টেন কুটের ঘোঁষা রকম প্রতাপ—তারই নিদর্শনের পাশ দিয়ে পুসিয়া উপেক্ষা ভরে চলে গেল। ইতিমধ্যে সে এত বার এ দৃশ্য দেখেছে যে আজ তা অভ্যাসে দাঁড়িয়ে গিয়েছে, মাসখানেক আগে সে যখন কুটের সঙ্গে গ্রামে আসে তখন থেকেই এক তরুণের দেহ ফাঁসি-কাঠে ঝুলতে দেখে আসছে। দেহটা শক্ত হয়ে গেছে, একদিন যে ওটা মানুষের দেহ ছিল, আজ তা মনেও হয় না। ওর মনে হয় যেন ও কাচের উপর দিয়ে হেঁটে চলেছে। শব্দটা খুব বিরক্তিকর। ও যে পথ দিয়ে হেঁটে চলেছে, সে পথটা একেবারে নির্জন। কুঁড়েগুলো বন্ধ, জানালা আগাগোড়া তুষাড়ের প্রলেপে মুড়ে রয়েছে—দেখে মনে হয়, ও যেন রূপালী পর্দার ছায়াছবি। যে বাড়ীগুলোয় জার্মান সৈনিকেরা বসবাস করছে সেগুলোর কোন কোনটা থেকে চিমনি দিয়ে ধোঁয়া বেরুচ্ছে। আর যেগুলো থেকে ধোঁয়া বেরুচ্ছে না সেগুলোয় রান্না করবার ও কিছু নেই।

একটা কুঁড়ের দরজা খুলে কে একজন মুখ বার করেই পুসিয়াকে দেখতে পেয়ে সঙ্গে সঙ্গে দরজাটা দড়াম করে বন্ধ করে দিল। পুসিয়া তার কাঁধ দুটো ঝেঁকে উঠল। তারা ওকে কুষ্ঠগ্রস্ত মনে করে দূরে থাকতেই চায়, ওর সংস্পর্শে এলে পাছে তাদেরও সে রোগ আক্রমণ করে এই আশঙ্কা তাদের চালে চলনে প্রকাশ পায়। পথে চলতে চলতে ছেলেরা ওকে দেখতে পাওয়া মাত্র সে-পথ ছেড়ে ছুটে পালিয়ে যায়। যাক তারা পালিয়ে। কে পরোয়া করে? তারা না থেতে পেয়ে শীতে মববে, তাদের ভাগ্যে তাই লেখা আছে। আর পুসিয়া স্বস্থ সবল হয়েই বেঁচে আছে; দামী ফারকোট গায়ে দেয়, যতটা খুশি চকোলেট খেতে পায় এবং পরম স্বখেই আছে সে এবং হয় ত একদিন তার ক্যাপ্টেন স্বামীর সঙ্গে জার্মানি চলে যাবে। মানুষ নিজেই নিজের ভাগ্য নিয়ন্ত্রণ করে, গ্রামবাসীরা তাদের ভাগ্য বেছে নিয়েছে, আর পুসিয়াও তার নিজের পথ খুঁজে

পেয়েছে। তারা নির্বোধ, এমন একটা জিনিস বিশ্বাস করেছে—যা কখনও ঘটবে না এবং এমন কিছুর প্রত্যাশায় রয়েছে—যা কখনও হতে পারে না। তারা সাংঘাতিক ভাবে ঠকবে। কুট তাকে স্পষ্টই বলেছে যে, জার্মানবাই জিতবে। ওরা যদি জার্মানীর হয়ে নিষ্ঠার সঙ্গে কাজ না করে ত ওরা মরবে। অবশ্য বলা বাহুল্য যে, এসব কথা সোজা হলেও গ্রামবাসীরা বুঝতে রাজী হয় নি। গ্রামের সকলেই সৈন্যদের আগমন প্রত্যাশায় রয়েছে, পুসিয়া কিন্তু তাদের দেখবার জন্যে এতটুকুও লালায়িত নয়। সে কি তাদের চেয়ে বেশি আরামে নেই? প্রকৃতই সে স্থখী।

পায়ের চাপে বরফ মড়্ মড়্ করে গুঁড়ো হতে লাগল, চোখে এসে আলোর ছটা লাগে। এই বিশ্রী তুষার আর কত দিন থাকবে? পুসিয়ার মনে হচ্ছিল বেবালের মত লেজ গুটিয়ে রোদে শুয়ে শরীরটা গরম করে নিতে পারলে কত আরামই না হত। হাড়ের ভিতর পযন্ত কনকনে শীত প্রবেশ করেছে, সূর্যের তাপে সেটা কেটে যেত। কিন্তু সে চোখ-ঝলসানো সূর্যের আলোও যেন এখন তুষার হয়ে গেছে। গরমের পরিবর্তে যেন ঠাণ্ডাই বারে পড়ে।

দরজায় সাত্ত্বীটা তাকে পথ ছেড়ে দিল। পুসিয়া গিয়ে দরজায় ধাক্কা দিল। কোন উত্তরের অপেক্ষা না রেখে কুটের অধীনস্থ কর্মচারীদের প্রতি জ্রফেপ না করেই সে বরাবর আপিসের ভিতর ঢুকে গেল।

“ব্যাপার কি?” কুট জিজ্ঞাসা করল।

“কিছুই না,” পুসিয়া বিরক্তির সঙ্গে উত্তর দেয়। “একা একা আমার ভাল লাগছিল না, তাই।” টেবিলের সামনে যে মেয়েটি দাঁড়িয়েছিল, তাকে সে একনজর দেখে নিল। আধাবয়সী একটি স্ত্রীলোক, চুলগুলোতে পাক ধরেছে, পেটটা মস্ত বড়—দেখলেই মনে হয় অন্তঃসত্ত্বা। পুসিয়া একটা চেয়ারের হাতলের উপর বসে পড়ল।

“তোমার কি অনেক দেরি হবে?”

“আমি কি তোমাকে বলেছি...দেখতে পাচ্ছ না কত ব্যস্ত?” কুট যেন বিরক্ত হল। পুসিয়াকে কাছে টেনে নিয়ে রাগতভাবে কানে কানে বললে,

“কত বার তোমাকে বলেছি, এখানে এসো না। দেখতে পাচ্ছ না আমি ব্যস্ত ? কাজ শেষ হলেই আমি বাসায় যাব।”

পুসিয়া ছেলেমানুষের মত অভিমানে ঠোট ফুলাল।

“আমার ভারী খারাপ লাগছিল, সাংঘাতিক একা বোধ হচ্ছিল। ব্যস্তির খেতেও কি একবার যাবে না ? ভারী বিশ্রী লাগছিল। তুমি ত থাকই না। আচ্ছা, একটা বুড়ো মাগীর সঙ্গে কথা বললে তুমি কি পাও ? আর কেউ কি এ কাজ পারে না ?”

“না কেউ পারে না। আর এই স্ত্রীলোকটি কে জান ?—একজন গ্যোরিলা !”

পুসিয়া কথাটা শুনে অবাক হয়ে গেল।

“গ্যোরিলা ! তুমি বলছ কি কুট ! দেখছ না, ও গর্ভবতী, যে-কোন সময় প্রসব হতে পারে।”

“হাঁ, তাহ,” কুট ওকে বাধা দিয়ে বলে। “এখন বাড়ী যাও, আমি শীগগিরই যাচ্ছি।”

একান্ত অজ্ঞাবহের মত পুসিয়া কুটের জামার হাতায় টোকা মারল।

“কুট, লক্ষ্মীটি, আমি একটুক্ষণ থাকি। একটু তোমাদের কথাবার্তা শুনি। এতে আপত্তির কি আছে ?”

“বেশ,” কুট রাজী হল। “থাকতে চাও থাক, কিন্তু তোমার খুব বিরক্তির আসবে, মোটেই ভাল লাগবে না বলে দিচ্ছি।” সে ওকে একথানা চেয়ার আগিয়ে দিল।

পুসিয়া জামার বোতাম খুলে বসে পড়ল। তার ঠোট থেকে তখনও শুষ্ক হাসিটুকু মিলিয়ে যায় নি। চেয়ারেব সামনে যে স্ত্রীলোকটি দাঁড়িয়েছিল তার দিকে একবার কালো গোল গোল চোখ দুটো তুলে তাকিয়ে নিল। তা হলে, এ একজন গ্যোরিলা ! এ ত ভারী অদ্ভুত ! সত্যি অদ্ভুত !...ও জানে যে কুট গ্যোরিলাদেব বেজায় ভয় করে, অবশ্য সে যে কোন কিছু থেকেই ভয় পায় এ কথা সে কখনও স্বীকার করে না। কিন্তু তবু সে গ্যোরিলাদের ভয় করে ! পুসিয়া একথা জানে এবং আরও কোন অজানা কারণেও কথাটায় স্থখীই হল। তা

ইলে দেখা যাচ্ছে যে, পরম আত্মবিশ্বাসী দুর্ধর্ষ কুটেরও সময়ে ভয় পাওয়ার মত বস্তু আছে ! অথচ এই কুটই সকল প্রশ্নের উত্তর জানে এবং তার কাছে সবকিছুই সব সময়ে সহজ ও সরল ।

না, গ্যোরিলাদের সম্বন্ধে ওর যে ধারণা ছিল এ ত সে রকম নয় । ওর ধারণা ছিল, গ্যোরিলাদের মাথায় ইয়া বড় চুল, ইয়া বড় দাড়ি, হাতে কুড়োল— যেন এক একটা দৈত্য । এত কাল সারা পৃথিবীটাকে যে সাংঘাতিক শীত কাবু করে রেখেছে গ্যোরিলারা সেই শীতকে পর্যন্ত উপেক্ষা করে বনে জঙ্গলে ঘুপটি মেরে থাকে । কিন্তু এ ত দেখছি ফেডোসিয়া ক্রাবচুকের মতই একজন অতিসাধারণ কৃষক রমণী, উপরন্তু এ আবার গর্ভবতী । স্ত্রীলোকটির অতিবৃহৎ পেটটির দিকে পুসিয়া একবার বক্রদৃষ্টিতে তাকাল । সামনের স্কাটটা পিছনের চেয়ে অনেক বেশি উঁচু হয়ে উঠেছে । সে এই মনে ক’রে খুশি হ’ল যে, সে নিজে ছোটখাট এবং তন্দ্রা ; নীরবে গরম জামা পরে বসে আছে এবং ইচ্ছে করলে সে এখনই উঠে যেখানে খুশি চলে যেতে পারে, গ্রামোফোন বাজাতে পারে, কুটের সঙ্গে সন্ধ্যা বেলা নৃত্যও করতে পারে ।

কুট স্ত্রীলোকটিকে সামনে একষেয়ে প্রশ্ন ক’রে চলেছে, প্রশ্নের যেন শেষ নেই, তার কণ্ঠে শ্রান্তির আভাষ । স্ত্রীলোকটিও জবাব দিচ্ছে । প্রথমটায় পুসিয়া প্রশ্ন ও তার জবাবগুলো শুনছিল, কিন্তু একটুক্ষণের মধ্যেই আবিষ্কার করল যে, সত্যি বড় বিরক্তিকর এবং এর কোন মানে হয় না । কুট ঘুরিয়ে ফিরিয়ে একই প্রশ্ন করতে লাগল এবং স্ত্রীলোকটিও একই উত্তর দিচ্ছিল এবং প্রতি বারে একই শব্দ ব্যবহার করছিল ।

ওলেনা আর দাঁড়িয়ে থাকতে পারছিল না । শ্রান্তি যেন তার মৃত্যু-যন্ত্রণায় পৌঁছেছে । তার চোখের সামনে কালো কালো কুণ্ডলী ভেসে ওঠে, টেবিলের তলা থেকে একটা অন্ধকার-প্রবাহ এসে যেন ওর চোখের দৃষ্টিকে বাপ্সা করে-ফেলেছে । তুষারের হাত থেকে বাঁচবার জ্ঞেও ওকে প্রাণপণ চেষ্টা করতে হয়েছে । কুণ্ডলায়ত অন্ধকারের ভিতর থেকে ও কেবল দেখতে পাচ্ছে টেবিলের পিছনে উপবিষ্ট সেনানায়ককে ও টেবিলে-পড়ে থাকা কাগজগুলি ।

সেনানায়কের পিছনে যে জানলাটি আছে তার কাচের শার্শিগুলি ওর নজরে পড়ে। ওলেনা শীতарт হয়ে ওঠে। মুখখানা চট্‌চটে ঘামে ভরে ওঠে। হাত দুখানা লোহার বাটখাড়ার মত ভারী হয়ে আসে, পা দুটো এত কন্‌ কন্‌ করে যে, ওর সম্বন্ধে সীমা অতিক্রম ক'রে যায়। মনে ভাবে, পা দুটো হয় ত ফুলে গেছে। কতক্ষণ এ ভাবে দাঁড়িয়ে আছে, কে জানে! এক ঘণ্টা? দু ঘণ্টা? তিন ঘণ্টা? না, তার চেয়েও অনেক বেশি, হয় ত সারা দিনই এ ভাবে দাঁড়িয়ে আছে। না, তা ত হতে পারে না। কিছুক্ষণ আগেও জানলাটার বাইরে, সূর্যের আলো দেখেছে। কাজেই যতক্ষণ ধরে ও দাঁড়িয়ে আছে মনে হচ্ছে, আসলে ততক্ষণ বোধ হয় দাঁড়িয়ে নেই।

তলপেটটাও কন্‌ কন্‌ করে, সমস্ত শরীরে এমন একটা ঝাঁকানি লাগে যে মনে হয়, শিরাগুলো একটা একটা করে ছিঁড়ে পড়ছে। তার উপর আবার চোখের সামনে এসে পড়ল ওই মাগীটা। ওলেনা ওকে চেনে, ওর সম্বন্ধে সবই জানে সে। আরামের সঙ্গে বসে মাগীটা বোতামের মত গোল গোল চোখ দুটো ওলেনার দিকে চেয়ে আছে। ফার্-এর টুপিটা খুলে চুলগুলো গুঁড়িয়ে নেয়। ওলেনার ক্লান্ত চোখে ঝক্‌ ঝক্‌ করে লাগে ওর মাকড়ির নকল হীরার ছটা। পাথর দুটো যেন জলছে! কুণ্ডলায়িত অঙ্ককারের ভিতর দিয়ে আগুনের ফুলকির মত সুরু ছটার রেখা দেখা যাচ্ছে। চোখের সামনে অঙ্ককারটা আরও বেশি ঘনিয়ে ওঠে। ওলেনা আর দাঁড়িয়ে থাকতে পারছে না, হাতের মুঠো শক্ত করে প্রাণপণ শক্তিতে নিজেকে সংযত করবার চেষ্টা করে। “না, না! ওই জার্মানটার রক্ষিতার সামনে এ দেহ কিছুতেই মাটিতে লুটিয়ে পড়তে দেব না। ওই মেয়েটা নিজের দেশ—তার জাতির ভাইবোনদের ত্যাগ করে এই সেনানায়কের শয্যায় নিজের দেহ দান করেছে। এখন ফার্-এর পোশাক পরে, কানে মাকড়ি ঝলমলিয়ে বসে বসে দেখছে ওই জার্মানটার হাতে আমার নির্ধাতন। এটা যেন আজ তার ব্রহ্মবিষ বিষয়—এতে ওর লাভ হবে!”

পুসিয়ার মুখে সেই অর্থহীন হাসিটুকু যেন দেখতে দেখতে ঝাঁক হয়ে উঠল। সে ওলেনার কথাও ভাবছিল না। এমন কি, ওদের কি প্রয়োজনের হচ্ছে সে

দিকেও তার কান ছিল না। বেশ গরম ধরিয়ে আছে এবং কুর্ট-এর আপিসে এসে সে বসে আছে, এ কথা ভাবতেই যেন তার আনন্দ হচ্ছিল! ওর মনে হচ্ছিল, একমাত্র ও ছাড়া আর কেউ বোধ হয় ইচ্ছে মত এখানে আসতে যেতে পারে না। আর যারা আসে, তাদের আনা হয় সৈনিকদের সঙ্গীদের মাথায় এবং তারপর হয়ত এমন জায়গায় পাঠানো হয় যেখান থেকে মানুষ আর কোন দিন ফেরে না। তারা কুর্টকে কত ভয় করে! অথচ এই কুর্ট ওর—শুধু ওরই একার। ও ইচ্ছে করলে মান-অভিমানও করতে পারে। তখন কুর্ট ওকে আদর করে বলবে—ওরে বাদরী, তোকে ড্রেসডেনে নিয়ে যাব।

“তুমি ছেলের মা,” কুর্ট বলে।

ওলেনার দেহ অত্যন্ত ঝিমিয়ে এসেছিল। কুর্টের এই কথায় যেন তাঁর দেহমন মস্ত বড় একটা অবলম্বন পেলে।

নিশ্চয়ই ও মা। অবশ্য জার্মানটার মগজে এ কথা কিছুতেই ঢোকেনি যে, তার এ উক্তি ওলেনাকে সঙ্কট-মুহূর্তে কতখানি সাহায্য করল—ঠিক যে মুহূর্তে এর পায়ের তলা থেকে পৃথিবীটা সরে যাচ্ছিল, একটা অস্বাভাবিক দুর্বলতায় ও অভিভূত হয়ে পড়ছিল, চোখের সামনে সব কিছুই যেন অন্ধকারে আচ্ছন্ন হয়ে আসছিল।

“তুমি মা।...”

কথাটা কে বললে, টেবিলের ও পাশ থেকে জার্মান সেনানায়ক, না, বনের ভিতর থেকে কুর্লি বলে উঠল! গ্যোরিলাদের অধিনায়ক, সে হাস্তচঞ্চল ছেলেটি—যার মুখে বসন্তের দাগ আছে!

“তুমি মা।...”

ওলেনা গভর্ন সন্তানের কথা ভাবছিল না—যে তার থেকে শ্বাস-প্রশ্বাস নিচ্ছে এবং যে ওকে সোজা হয়ে দাঁড়াতে দিচ্ছে না। ও ভাবছে তাদেরই কথা—যারা বনে জঙ্গলে ছড়িয়ে আছে, যারা ওকে মাতৃ-সম্বোধনের গৌরব দিয়েছে। দলের সকলকার চেয়ে ও ছিল বয়সে বড়—অনেক বড়। সে তাদের হয়ে অনেক কাজ করেছে, এই সে-দিনও সে একটা সাঁকো উড়িয়ে দিয়েছে, কিন্তু

সে সব কাজকে ওর জীবনের প্রধান কাজ বলে ও মনে করে না। ও দলের সকলকার জামাকাপড় পরিষ্কার করে ধুয়েছে, তাদের জগ্না রান্না করেছে, তাদের দেখাশোনা করেছে, তাদের ত দেখবার শোনবার কেউ ছিল না। পীড়িতের সেবা, আহতকে ব্যাণ্ডেজ বেঁধে দেওয়া, ছেঁড়া জামাকাপড় সেলাই করে দেওয়া—এই ছিল তার প্রধান কাজ। সাধারণত মা তার সন্তানদের জগ্নে যা-কিছু করে, ও তাই করেছে। তাই তারা ওকে মা বলে ডাকত।

“তুমি মা।...”

ওর কাছে এই শব্দটা মনে হল যেন বনজঙ্গল পেরিয়ে আসা ওর সেই ছেলেদেরই আহ্বান। এই মুহূর্তে ওর মুখের একটিমাত্র কথার উপর তাদের সকলকার জীবন-মরণ নির্ভর করছে। শব্দটা যেন ওকে ওব কর্তব্য স্মরণ করিয়ে দিল, যেন সেই স্মৃতি থেকে এখানে তাদের আহ্বান এসে ওকে কর্তব্যে উদ্বুদ্ধ করে দিল।

“গোরিলারা কোথায় লুকিয়ে আছে?”

বনের প্রতিটি পথ, প্রতিটি ঝোপঝাড়, প্রতিটি বৃক্ষগুহা ও চেনে। যে পথের কথা সেনানায়ক ওকে ভিজ্ঞাসা কবছে, ওব স্মরণে তা জল্ জল্ করছে। ওর ভয় হচ্ছিল, পাছে ওর সজল চোখে সেই পথের ছবি ভেসে ওঠে, তাই দেখে হয় ত সেনানায়ক চিনে ফেলবে সেই গোপন পথটি। এই মুহূর্তেই ওকে অগ্নি কথা ভাবতে হবে, একটুও দেরি করা চলবে না, হয় ওর নিজের বাড়ী, না হয় কোন একটা নদী কিংবা প্রতিবেশীদের কথা। কিন্তু ওর মনে অবিচল হয়ে এসে দাঁড়িয়েছে সে পথটি, ঘন ফার্ গাছের অশ্রুশ্রবণে যে আশ্রয়, কুন্ডির হাস্যোজ্জ্বল বসন্ত-চিহ্নিত সেই কৌতুকভরা মুখখানি। মোলটি পুত্র, মোলটি নির্ভীক বীর সন্তান। সেই কৃষক বমণীর ছেলে তারা—যারা এত দিন শুধু অপেক্ষা করেই আছে স্থগের মুখ দেখবে বলে। একটা স্বাধীন মানুষের স্থখ! যে মানুষ প্রভুর পেয়াদার চাবুক কাকে বলে কোন দিন জানে না।

“দলের কথা আমি কিছুই জানি নে। তারা পালিয়েছে, কিন্তু কোথায়, বলতে পারি নে।”

কুট ভের্নের টেবিলে ঘুষি মারল। চার ঘণ্টা ধরে জিজ্ঞাসাবাদের পরও একটু খবর বার করতে পারল না। গোড়ায় যেখান থেকে শুরু করেছিল, এতক্ষণ বাদেও সেইখানেই এসে থামতে হল। ক্রুদ্ধ হয়ে সে কাগজপত্র চাপা দিয়ে রাখল।

“দরোজা!”

একজন সৈনিক প্রবেশ করল।

“একে খামার-বাড়ীতে নিয়ে যাও। খানিকক্ষণ শীতে বসলেই তোমার হয় ত চৈতন্য হবে। বসে বসে গিয়ে ব্যাপারটা ভেবে দেখো, ভেবে চিন্তে সাত্ত্বীকে বলো, তা হলেই সে আমাকে খবর দেবে।” বলে রেগে মেগে সে উঠে দাঁড়াল এবং দেরাজের চাবি বন্ধ করল।

“পুসিয়া, চলো ঘরে গিয়ে এক সঙ্গে খাই।”

অত্যন্ত খুশি হয়ে পুসিয়া লাফ দিয়ে উঠে দাঁড়াল। সে এসেছিল, ভালই হয়েছে। ও না এলে কুট হয় ত সন্ধ্যা পর্যন্তই গুপ্তানে বসে থাকত।

আবার বরফের ছটা তার চোখে মুখে লেগে তার দৃষ্টি ঝাপসা করে দিতে লাগল। কুটের সামরিক বুটের চাপে বরফের টুকরাগুলি পুসিয়ার ফেণ্ট বুটের চাপের চেয়ে বেশি মড়্ মড়্ করে গুঁড়ো হচ্ছিল! কনকনে বাতাসের ঝাপটা এসে ওদের মুখে চোখে পড়ছিল।

“আকাশে ওটা কি?”

পুসিয়া একটু থমকে দাঁড়াল এবং কুট যদিও নির্দেশ করছিল, সেই দিকে তাকাল। দূরে যেখানে দিকচক্রের নীল রেখা আকাশের সঙ্গে মিশে গেছে, সেইখানে একটি মনোরম রামধনু দেখা যাচ্ছে। তার সে বিচিত্র রঙের সম্ভার দেখতে দেখতে উবে যাচ্ছে, গলে যাচ্ছে, আবার নতুন করে দেখা দিচ্ছে। সবুজ, নীল, বেগুনী, গোলাপী—নানা রঙ যেন একসঙ্গে ডানা মেলেছে।

“রামধনু!” বিস্মিত কুট বলে উঠল। “শীতকালে রামধনু...এখানে কি তা হয় না কি?”

পুসিয়া খানিকক্ষণ ভাবল।

“না, আমার ত মনে হয় না, অন্তত আমি কখনও এর আগে দেখি নি।”

কুর্ট তখনও সেখানে দাঁড়িয়ে, তার দৃষ্টি নিবন্ধ রইল সেখানে, যেখানে আকাশ ও পৃথিবীর সীমারেখায় সেই রঙ বিচিত্র স্তম্ভের সৃষ্টি করেছে।

“চলে এসো, ভয়ানক শীত, আমার পা দুটো জমে যাচ্ছে...”

“লোকে বলে রামধনু ঠাণ্ডা ভাল...”

“রামধনু—রামধনুই,” বলে পুসিয়া অধৈর্যের সঙ্গে কুর্টের জামার হাতা ধরে টানতে টানতে নিয়ে চলল।

সেই কয় মিনিটের মধ্যেই বর্ণস্তম্ভটি যেন আরও উঁচুতে উঠে ধীরে ধীরে অর্ধ-চক্রাকার ধারণ করল। গোলাপী বেগুনে সবুজ—নানা রঙের উজ্জ্বল একটি সোনার পাত যেন পৃথিবীর মাথার উপর বিজয়-তোরণ রচনা করেছে। তার ভিতরের গোল আকাশটুকু যেন মস্ত বড় একটি কাচের ঘণ্টার মত পৃথিবীর উপর নেমে পড়েছে। ময়দানে বন্দুকধারী সৈনিকেরা এ অস্বাভাবিক দৃশ্য দেখবার ভয়ে ঘাড় উঁচু করে রয়েছে।

তারা যখন বাড়ী পৌঁছল তখন ফেডোসিয়া ক্রাব্‌চুকও দরজার স্তম্ভে দাঁড়িয়ে ছিল। সেও নীরবে একাগ্র দৃষ্টিতে রামধনুর দিকেই তাকিয়ে ছিল।

“লোকে বলে রামধনু শুভলক্ষণ,” সেনানায়ক আসতে আসতে মন্তব্য করে।

বর্ষীয়সী ক্রমক রমণী তার কাঁধ দুটো ঝাঁকি নিলে।

“হাঁ, হাঁ, লোকেরা তাই বলে বটে,” অস্বাভাবিক স্বরে সে জবাব দিল এবং দরজার এক পাশে দাঁড়িয়ে এদের প্রবেশের পথ করে দিল। সে নিজে কিন্তু সেইখানেই দাঁড়িয়ে রইল। তাবদেহে জামা-কাপড়ের প্রাচুর্য ছিল না, সামান্য একটি ব্লাউজ গায়ে ও একটি স্কাট পরনে, হাত দুখানি অনাবৃত—এত শীত, তবু যেন তার চেতনা নেই, একান্তভাবে ঐ বিচিত্র রামধনুটির দিকে এক দৃষ্টিতে তাকিয়ে আছে, ওই বিজয়-তোরণ যেন আকাশের বুকে মাথা উঁচু করে দাঁড়িয়েছে—সোনালী আভার উজ্জ্বল বিচিত্র বর্ণের এক অপূর্ব সুন্দর সমাবেশ।

২

পুসিয়া একটা ক্ষুদ্র জানোয়ারের মত কুর্টের বাহুসংলগ্ন হয়ে কুণ্ডলী পাকিয়ে আরামে ঘুমোচ্ছে। তার শ্বাস-প্রশ্বাস সমান তালে ওঠা-নামা করছে। সেনানায়ক চিং হয়ে নাক ডাকিয়ে ঘুমোচ্ছে। ফেডোসিয়া ক্রাবচুক রান্নাঘরের চুল্লীর উপর তাকে শুয়ে আছে, সেনানায়কের নাক-ডাকার শব্দ তার কানে আসছিল। শব্দটা অসহ্য রকমের বিরক্তিকর। তার মনে হল, এই নাক-ডাকার শব্দেই তার ঘুম আসছে না। দৃষ্টি মেলে সে জানলার দিকে চেয়ে আছে—সেখানে জ্যোৎস্নার আলো ভারী কুয়াশায় মিশে গিয়ে চক্ চক্ করছে। এলোমেলো নীল আলো ঘরের মধ্যে ছড়িয়ে পড়েছে, তার ফলে টেবিল, টুল ও বালতিটার ছায়াগুলো বিভীষিকাময় হয়ে উঠেছে।

যাক, তবু রাত্রি এসেছে। দিনটা কেটে গেছে, আরও একটা গোটা দিন কাটল। সন্ধ্যা থেকে পুসিয়া ওর প্রতি যে বক্র কটাক্ষ করছিল, সেটা অন্তত থেমেছে; জার্মানটার কলহাস্ত আর সেই সঙ্গে ছুঁড়ীটার ছেনাল-পনা আর কানে আসে না। ও বোধ হয় মনে মনে স্থির করেছে যে, এবার ওকে নিয়ে সে একটু খেলবে, সহসা জার্মানটাকে কোন কথা বলবে না। না, কোন কথা সে বলে নি। ফেডোসিয়ার দিকে জিজ্ঞাসু দৃষ্টিতে তাকিয়ে সে শুধু কৌতূহলের সঙ্গে লক্ষ্য করেছে। ফেডোসিয়া যে সম্পূর্ণভাবে ওর অস্থিরতার উপর নির্ভর করে, ইচ্ছা করলে যে কোন মুহূর্তে ও তাকে আঘাত করতে পারে—এ কথা ভেবে পুসিয়া আনন্দ পেয়েছে। এই নিতান্ত অস্থায়ী শক্তিটুকু হাতে পেয়ে ও উল্লসিত হয়ে উঠেছে। একটা মায়ের হৃদয়কে নিয়ে ও এখন যা-খুশি তাই করতে পারে। ওই গর্তের মধ্যে বরফের বিছানায় যে শুয়ে আছে, সেও এখন ওর হাতের মুঠোয়। যে-কোন মুহূর্তে পুসিয়া ইচ্ছা করলে তাকে ওই কদর্ঘ জার্মানটার হাতে তুলে দিতে পারে। তার ওই অস্তিত্ব বিশ্রাম-মুহূর্ত পুসিয়ার হাতে বিপর্যস্ত হতে পারে। ইচ্ছা করলেই জার্মানদের হাতে তার ওই মৃত পুত্রের দেহকে পুসিয়া খেলার সামগ্রী করে তুলতে পারে।

সারাদি সন্ধ্যা ফেডোসিয়ার মনটা ভার হয়ে ছিল। কিন্তু এখন সে চুপচাপ শুয়ে আছে, চোখে ঘুম নেই, একদৃষ্টে জ্যোৎস্নার আলোর দিকে চেয়ে কান পেতে পাশের ঘরের সেই বীভৎস নাকডাকার শব্দ শুনছে। ওর সমস্ত সত্তা যেন বিজ্রোহী হয়ে ওঠে। করুক! করুক ওরা যা চায়! ওরা ত তার সবই কেড়ে নিয়েছে, পায়ের বুট জোড়া, গায়ের বড় কোটটা, পরনের পায়জামা—সব। জার্মানের হাতের স্পর্শ তার গায়ে লেগেছে, ওরা তাকে বরফের মধ্যে টেনে নিয়ে গিয়ে ফেলেছে। যখন ওই ছরস্তু বরফের ভিতর টেনে নিয়ে গেছে তখনও হয় ত সে বেঁচেই ছিল! জার্মানদের গুলীর আঘাতেই দেহের সবটুকু রক্ত নিঃশেষে বেরিয়ে গেছে। আজ সে বেঁচে নেই! নিজের গ্রামখানিকে বাঁচাবার জন্তে প্রাণ দিয়েছে। আর সেই আনন্দোজ্জ্বল চোখ দুটি মেলে কোন দিনই চাইবে না, সেই মিষ্টি গলায় আর কোন দিনই গেয়ে উঠবে না—“ওরে তরুণ, খোল, তোর ঘোড়ার লাগাম খোল...” এখন যদি তারা ওকে অবমাননা করে, ওর মৃদদেহের অমর্যাদা করে—কী যায় আসে তাতে? তা করলে ওদেরই মন্দ হবে। ওরা বাই করুক, লোকে মনে রাখবে সেই হাসিখুশি ভাসিয়া ক্রাবচুক-এর কথা, যে গাঁয়েব সকলের চেয়ে ভালগান গাইতে পারত। নিজের গ্রাম, নিজের দেশ, নিজের ভাষা এবং নিজের জাতির স্বাধীনতার জন্তে সে প্রাণ দিয়েছে। ওই নদী, যেখানে গিয়ে কত দিন ঘোড়াব গা ধুইয়ে এনেছে, সেই নদীর পাশে একটি খানে সে আজ পড়ে আছে—তার জন্মভূমির কোলে। লোকের মনে ভাসিয়ার যে চেহারা আঁকা থাকবে, জার্মানরা কোন দিনই তা বিকৃত করতে পারবে না। বরং আরও এই কথা তাদের মনে থাকবে যে, জার্মানরা মৃত্যুর পরও ভাসিয়াকে একটু শাস্তি দেয় নি; ওরা তার মৃত দেহকেও লাঞ্ছিত করেছে। শুধু মায়ের মনেই যে গাঁথা থাকবে তা-ই নয়, দেশের লোকও একথা ভুলবে না। এমন কি, পরে যারা জন্মাবে, যারা ওই জার্মান শয়তানদের গলাধাক্কা দিয়ে এদেশ থেকে দূর করবে, তাদের মনেও থাকবে ভাসিয়ার কথা। ওর দেহের যতটুকু রক্ত মাটিতে পড়েছে, যতদিন পরে ওর উলঙ্গ মৃত দেহ ওই বরফে পড়ে আছে, জার্মানরা

যতবার সে দেহে পদাঘাত করেছে—তার এক শ গুণ প্রতিশোধ তারা নেবে।

ফেডোসিয়ার মনে হচ্ছিল, তাড়াতাড়ি রাত পোহালেই যেন ও বাঁচে। বলুক সে জার্মানটাকে, ওই কালো ইঁদুরটাকে। ধারালো দাঁতের ফাঁক দিয়ে ফিস্ ফিস্ করে লাগাক সব কথা। দেরি করার দরকার কি? ওই কালো গোল গোল চোখ দিয়ে দেখুক যে, ফেডোসিয়া ক্রাবচুক-এর মূখ তাতে শুকিয়ে যাবে না, সে কাঁদবে না, হাঁটু গেড়ে কারো কাছে ভিক্ষাও চাইবে না। তার মৃত পুত্রের দেহ, যা তুম্বারে পাথর হয়ে গেছে, তার জন্তে কোন দিন ও হাত জোর করে জার্মানদের কাছে বলবে না—ওগো, তোমরা আমার কাছ থেকে ওকে ছিনিয়ে নিও না।...ওই হতভাগী কেমন করে জানল, সেকথা গোপন করতে চায়। সেটাও যেন ওর একটা খেলার পুতুল, একটা মায়ের বৃকের আশঙ্কা উদ্বেগ নিয়েও সে খেলা করে! কিন্তু ফেডোসিয়া তার সে খেলা ভেঙে দেবে। ছুঁড়ীটা ভুল করেছে, ফেডোসিয়ার চোখে সে কোন দিনই জল দেখতে পাবে না, ফেডোসিয়া তার কাছে কৃপাভিক্ষাও করবে না। জয় করবে বলে যে আশা করে সে বসে আছে, তার সে-আশায় ছাই পড়বে।

হৃদপিণ্ডে প্রচুর রক্ত সঞ্চালিত হয়ে ফেডোসিয়ার মনটা যেন খুব সতেজ হয়ে উঠল। ও জানে, কেউ ওর কোন ক্ষতি করতে পারবে না। কেউ পারবে না ওকে কোন রকমে আঘাত দিতে। বিদ্রোহের দুর্ভেদ্য বর্ম ওকে সমস্ত আঘাত থেকে রক্ষা করবে।

বাড়ীর সামনে সাত্ত্বীটা পাখচারি করছে। মাঝে মাঝে জানলার নীল আভার উপর তার ছায়া পড়ে। পা দুটো বরফে হিম হয়ে আসছে বলে লোকটা জোরে জোরে পা ফেলে গরম ধরিয়ে নেবার নিশ্চল চেষ্টা করে। পায়ের চাপে বরফগুলো মড়্ মড়্ করে ভাঙছে। ফেডোসিয়া মনে মনে হাসে।—‘তুমি পাহারা দাও। তোমার উপরওয়ালা তার প্রণয়িনীকে নিয়ে গরম ধরিয়ে নিশ্চিন্তে ঘুমাক। একটি কৃষকের বিছানা, তার আরামের লেপ দস্যুবৃত্তি করে কেড়ে নিয়ে সে ভোগ করছে। যতই পাহারা দাও, তাকে বাঁচাতে পারবে না; পাহারা

দেবার জন্তে বরফের হাত থেকে নিজেকে বাঁচাবার চেষ্টায় শত লাফালাফি করেও কোন ফল হবে না। পা দুটো যদি জমেও যায়; এমন কি, বাইরে ছুটাছুটি করে যদি মরেও যাও, তবু পারবে না ওকে রক্ষা করতে। সে রাত্রি যখন আসবে তখন ওই গভীর নিদ্রা থেকে ওকে জাগিয়ে বরফের মধ্যে দিয়ে খালি পায়ে অর্ধ-উলঙ্গ হয়ে তোমাদের পালাতে হবে। যাদের মৃতদেহ কবর দেওয়া হয় নি, তুমারে অনাবৃত পড়ে আছে, তাদের চেয়েও বেশি দুঃখ তোমাদের ভোগ করতে হবে। ওই লেভোনিয়ুক—যার মৃত দেহ আজ এক মাস ধরে ফাঁসীকাঠে ঝুলিয়ে রাখা হয়েছে, তার ভাগ্যের উপরও সেদিন তোমাদের ঈর্ষা হবে। হাঁ, আসবে, সে রাত্রি আসবে—যেদিন সেনানায়কেব ওই রক্ষিতাও ওলেনা কষ্টিয়ুকের ভাগ্যকে ঈর্ষা করবে।

ফেডোসিয়া'র মনে আবার প্রশ্ন আলোড়িত হয়ে উঠল : ওলেনাকে কে ধরিয়ে দিলে ? সে ত চুপি চুপি এসে নিজের বাড়ীতেই ছিল। জার্মানবা ত গ্রামের সমস্ত মেয়েদের গণনা করে রাখে নি, সে সময়ও তাদের ছিল না। ওলেনা চুপচাপ বাড়ীতেই বসেছিল, একবারও বাইরে বেরোয় নি, তবুও দুদিন যেতে না যেতেই ওরা এসে তাকে টানতে টানতে নিয়ে গিয়ে জেরা করতে লাগল। কেউ নিশ্চয়ই তার কথা বলে দিয়েছে : তার মানে, গ্রামে কেউ টিকটিকি আছে। ওলেনার কথাও যেমন বলে দিয়েছে, ভাসিয়া'র কথাও তেমনি পেলাগিয়া'র কাছে লাগিয়েছে। কোন শত্রু কোথাও গুপ্তভাবে আছেই, এমন গা-ঢাকা দিয়ে আছে যে গ্রামের লোক টেরও পায় না। এমন কি, অনুমানও করতে পারে না যে সে গুপ্ত শত্রুটি কে। অথচ সে শত্রু সবই দেখছে, এবং সবই জানে। প্রত্যেকটি খবর সে ওদের কাছে পৌঁছে দেয়। স্থানীয় কোন লোক, যে ভাসিয়াকে চিনত, ওলেনাকে চেনে এবং গ্রামের প্রত্যেকটি লোককেই জানে। কে হতে পারে ?

ওলেনা গ্রামে ফিরে আসার সঙ্গে সঙ্গে ফেডোসিয়া অবশ্য জানতে পেরেছিল। অন্ত লোকেরাও জেনেছিল; কিন্তু তারা সবাই আপনার লোক, এক গ্রাম-বাসী—প্রতিবেশী, একই সঙ্গে মিলে চাষআবাদ করে। ভীষণ তুমারাজ্জর দিনে রাত্রিতে যারা দেশের জন্তে যুদ্ধক্ষেত্রে ঝাঁপিয়ে পড়েছে, গ্রামবাসীরা ত তাদেরই

বাপ-মা! তা হলে কে সেই বিষধর সর্প? মাতৃভূমির সোনালী ফসলে দেহ পরিপুষ্ট করে আজ তারই অন্তরে বিষ দাঁত বসাচ্ছে!

দূরে কাদের কণ্ঠস্বর শোনা যাচ্ছে। তুষারাচ্ছন্ন রাত্রির নিস্তব্ধতার মধ্যে সেই অস্পষ্ট শব্দ যেন ক্রমেই স্পষ্ট হয়ে ওঠে। কোলাহল, আর সেই সঙ্গে কার কান্নার শব্দ! বিছানা থেকে লাফিয়ে উঠে ফেডোসিয়া ছুটে জানলার কাছে গেল। জানলার উপর থেকে থানিকটা ঘন তুষার সরিয়ে ফেলে বাইরে তাকাতে চেষ্টা করল। জানলার গায়ে চোখ লাগিয়ে রাস্তার সব কিছু দেখা যায়। কাচের শার্শি তুষারে ঝাপসা হয়ে আসছিল। ফেডোসিয়া শার্শির গায়ে বার বার গরম নিখাস ফেলে রুমাল দিয়ে মুছে দেখবার মত একটু জায়গা পরিষ্কার করে নিচ্ছিল। রাস্তার কতকটা অংশ দেখা যায়: ও দিকের ময়দান থেকে সোভিয়েট দফতর-বাড়ী পর্যন্ত। এই বাড়ীটাতেই আগে গ্রাম্য সোভিয়েটের দপ্তর ছিল। তার ওপাশে অন্ধকারে একটি চালাঘরের অস্পষ্ট সীমারেখা দেখা যাচ্ছে।

দিনের মতই পরিষ্কার রাত্রি। চাদের আলোয় পৃথিবীটাকে যেন জমাটবাঁধা নীল বরফস্তূপের মত দেখাচ্ছে। ফেডোসিয়া পরিষ্কার দেখতে পেল: একটি উলঙ্গ স্ত্রীলোক ময়দান থেকে ছুটে রাস্তা দিয়ে চলেছে। না, ছুটে যায় নি—সামনের দিকে ঝুঁকে খুব কষ্টের সঙ্গে সে ছোট ছোট পদক্ষেপে এগিয়ে চলেছে, এক একটি পায়ে এক একবার ভর দিয়ে সে চলেছে। জ্যোৎস্নার আলোয় তার অতিবৃহৎ পেটটি স্পষ্ট দেখা যাচ্ছে। তার পিছনে একজন সৈনিক। সৈনিকের রাইফেলের ডগায় বেয়নেট ঝক ঝক করছে। স্ত্রীলোকটি মুহূর্তের জন্তে একটু থামলেই বেয়নেটের খোঁচা এসে লাগে তার পিঠে। সৈনিকটা কী যেন বলছে, তার সঙ্গে আর দুটো সৈনিকও চেষ্টাচ্ছে। সঙ্গে সঙ্গে গর্ভবতী স্ত্রীলোকটিও আবার সামনের দিকে ঝুঁকে এগিয়ে চলে, যেন ছুটেতে চায়। পঞ্চাশ গজ সামনে গিয়ে সৈনিক অপরাধীকে আবার ঘুরিয়ে চলতে বাধ্য করছে। আবার পঞ্চাশ গজ পিছনে ছুটেতে হচ্ছে, বার বার এরকম চলছে। অত্যাচারীবা হাসি-ঠাট্টায় ভেঙে পড়ছে, তাদের সে বর্বরতার আওয়াজ কুটারেও গিয়ে পৌঁচছে।

ফেডোসিয়া জোরে জানলার কাঠ দুটো ধরে আছে, কিন্তু তার দৃষ্টি সামনের দিকে প্রসারিতই রয়েছে। তা হলে রাত্রি বেলায় ওখানে এই চলেছে, আর সেনানায়ক তখন দিব্য আরামে তার রক্ষিতাকে পাশে নিয়ে নাক ডাকাচ্ছে। সৈনিকেরা তার আদেশ অক্ষরে অক্ষরে পালন করছে, আর তাই সে শান্তিতে ঘুমোতে পারছে।

হাঁ, সে-ই ত, ওলেনা কষ্টিয়ুকই ত বটে। অনেক দিন আগে তারা উভয়েই জমিদারের চাষে একসঙ্গে কাজ করেছে। পেয়াদার চাব্কের ভয়ে উভয়েই সন্ত্রস্ত থাকত এবং তাকে আসতে দেখলে তাদের অবস্থা আরও সঙ্কটজনক হয়ে উঠত। উভয়েই একসঙ্গে নিজেদেব দুর্ভাগ্যের জগ্রে কত কৈদেছে—চাষী মেয়েদের সে ছিল এক দুর্ভাগ্যের দিন।

তারপর তারা একসঙ্গে সমবায়-চাষে কাজ করেছে, ভাল ফসল হলে, বা গরুর দুধ বেশি হলে তাই নিয়ে তারা উভয়ে আনন্দ প্রকাশ করেছে, তারা একসঙ্গে নবজীবনকে সাদরে বরণ করে নিয়েছে, জীবন তাদের কাছে বছরের পর বছর পরম রমণীয় হয়েই দেখা দিয়েছে।

কিন্তু এখন ওলেনা কষ্টিয়ুকের জীবনে পরম দুর্ভাগ্য এসে তাকে পযুঁদিস্ত করেছে। সামনে পঞ্চাশ গজ, পিছনে পঞ্চাশ গজ—সম্পূর্ণ উলঙ্গ, খালি পা, বরফের মধ্যে তাকে হাঁটাইটি করতে হচ্ছে, অথচ দু-এক দিনের মধ্যেই তাকে আঁতুড় ঘরে ঢুকতে হবে। সৈনিকদের অশ্লীল রসিকতা এবং পিঠে বেঘনোটের খোঁচা।

ফেডোসিয়ার চোখ দুটি শুকনো, সে কাঁদছে না। তার অন্তরে দেহের সমস্ত রক্ত ফুটে থাকে, পরে সেই রক্ত ঘন কালো রং-এ রূপান্তরিত হয়। তারা যতক্ষণ এখানে আছে ততক্ষণ এরকমটাই হবে, এর ব্যতিক্রম হতে পারে না। এদের নিয়ে কতটা কি করতে পারে, তারা যেন সেইটাই দেখাবে বলে সঙ্কল্প করে বসেছে। তাদের নিষ্ঠুর বর্বরতার যে কোন সীমা নেই, এইটাই যেন তারা প্রমাণ করতে চায়। ফেডোসিয়া ওলেনার দিকে তাকিয়ে ছিল, কিন্তু তার প্রাণে সহ্যভূতি জাগল না। না, সেখানে দাক্ষিণ্যের কোন স্থান নেই। ফেডোসিয়ার মনে হল যে, সৈনিকদের হাতে নির্ধাতিতা ওই উলঙ্গ স্ত্রীলোক—

যাঁকে খালি পায়ে ছুটাছুটি করতে হচ্ছে সে আর কেউ নয়, ফেডোসিয়া নিজে । জমাট বরফে তার পা দুটো ক্ষতবিক্ষত হচ্ছে এবং বেয়নেটের খোঁচা এসে তার পিঠে পড়ছে । ও ওলেনা কন্স্টিগুক নয়, সমগ্র গ্রামটাই যেন সৈনিকদের বিক্রপের ঘায়ে বরফের উপর দিয়ে ছুটাছুটি করছে । ও ওলেনা কন্স্টিগুক নয়, সারা গ্রামটাই বরফের উপর মুখ খুঁবড়ে পড়েছে, সঙ্গে সঙ্গেই রাইফেলের বাঁটের আঘাতে আবার সে উঠে দাঁড়াচ্ছে । ওই যে জমাট বরফের উপর রক্ত প্রবাহিত হচ্ছে, ও ওলেনা কন্স্টিগুকের পায়ে রক্ত নয়, ও হচ্ছে জার্মানদের আঘাতে সমগ্র গ্রামের রক্তপ্রবাহ, জার্মান দস্যুদের নির্মম অত্যাচারের ফল ।

কাচের সে স্বচ্ছ ফাঁকটুকু দিয়ে ফেডোসিয়া স্থির দৃষ্টিতে চেয়ে রইল । হাঁ, এই ত হবে। জার্মান সৈনিকেরা নির্মম হাতে সজীন উচিয়ে কৃষকদের জানিয়ে দিচ্ছে যে, তারা কী । শুধু যে তাই, তা নয়, লোকদের তারা এ-কথাও বুঝিয়ে দিচ্ছে, সোভিয়েটের শক্তি কতটুকু । ফেডোসিয়া বেশ বুঝতে পারছিল যে, যে সকল গ্রামে অন্তত এক দিনের জন্তও জার্মানরা রক্তশ্রোত বইয়ে দিয়েছে কিংবা চোখের জলে লোকের বুক ভাসিয়েছে সেই সব গ্রামে বংশ-পরম্পরাক্রমে কশ্মিন-কালেও কেউ কোন দিন সোভিয়েট-বিরোধী মনোভাব পোষণ করবে না, বা তার প্রতি শ্রদ্ধাহীন হয়ে কর্তব্যে কোন অবহেলা করবে না । গ্রামের মেয়েদের সঙ্গে পুরোনো ও নতুন যত রকমের আলোচনা হয়েছে সবই ফেডোসিয়ার মনে পড়ছিল । আজ যেন প্রত্যেকটি প্রশ্নের উত্তর নিজেদের জীবন থেকেই পাওয়া যায় । জীবনের এই অভিজ্ঞতা থেকেই পেল তারা চরম শিক্ষা ;

আর একবার ওলেনা পড়ে গেল, কিন্তু সঙ্গে সঙ্গে উঠলও । এত শক্তি সে পেল কোথায় ? ফেডোসিয়া তা জানে, বিশ্বাস করে যে, ওলেনার প্রাণে যে বিদ্রোহের রক্তশ্রোত প্রবাহিত হচ্ছে তাই এখন টগবগ করে ফুটছে—আর তাকে শক্তি জোগাচ্ছে ।

গ্রামের প্রত্যেকটি বাড়ীর জানলার শাশির পিছনে দাঁড়িয়ে গরম নিশ্বাসে ছোট্ট একটুকু ফাঁক তুষারমুক্ত করে নিয়ে সকলেই সে দৃশ্য দেখছিল । ওলেনার

সঙ্গে সঙ্গে তারাও সে নির্ধাতন যেন ভোগ করছিল, তারাও যেন অমনি করে বরফের উপর দিয়ে ছুটছে, ওলেনার সঙ্গে সঙ্গে আছাড় খেয়ে পড়েছে মাটিতে, ওই সড়ীনের খোঁচা যেন তাদেরও গায়ে বিঁধছে, আর সেই সঙ্গে কানের ভিতর ধ্বনিত হয়ে উঠছে জার্মান সৈনিকের অসহ্য বর্বর অট্টহাসি।

গ্রামের সকলের দৃষ্টি যে তার উপরেই নিবদ্ধ হয়ে আছে, ওলেনা সেটা বেশ বুঝতে পারছিল। এ তারই গ্রাম, যেখানে সে দুঃখ-দৈন্তের ভিতর দিয়ে বেড়ে উঠেছে, তারপর জীবনে এসেছে সুখের দিন, আপন হাতে গড়ে তুলেছিল আনন্দময় সোনার সংসার। বরফের আঘাতে ক্ষতবিক্ষত হয়ে পা দুটো রক্তাক্ত হয়ে উঠেছে, সমস্ত দেহটা কনকন্ করে, কানের ভিতর ভেঁ ভেঁ করে। আবার সে হোঁচট খেয়ে পড়ে যায়। সৈনিকেরা বন্দকের গুলি তো দেয়, সে আঘাত সে গ্রাহ্য করে না। তবুও উঠে দাঁড়ায়। সৈনিকদের বুটের তলায় সে কিছুতেই ওই রাস্তার উপর গুয়ে থাকবে না। ওর উপর উৎপীড়ন করে ওরা ওকে জব্দ করে সৈনিকেরা যে আনন্দ পেতে চায়, মরে গেলেও ও সে আত্মপ্রসাদ তাদের পেতে দেবে না। বস্তুত, তখন তার কোন অল্পভূতিই যেন আর ছিল না। সর্বাঙ্গ বয়ে রক্ত ঝরছিল, কখনও পড়ে যাচ্ছিল, তখনও কায়ক্লেশে শরীরটা টেনে নিয়ে যাচ্ছিল। যেন ওলেনা নিজেই ছিল না ওর দেহে। একটা বিকারের ঘোরে রাস্তার উপর সৈনিকদের সঙ্গে সে ছুটাছুটি করছিল। কানের মধ্যে গুলন গুলন করে যেন কুলির সেই আনন্দময় সঙ্ঘোপন—“মা!” গাছের মাথার উপর দিয়ে ভেসে আসে সেই ডাক। গাছের ডালপালাগুলিকে নাড়া দিয়ে শন্ শন্ করে বাতাস বয়ে যাচ্ছে, ছাউনির খুঁটিগুলি মড় মড় করে; তারপর ওলেনা দেখতে পেল সাঁকোর কড়ি কাঠগুলোর ভিতর দিয়ে আগুনের শিখা উঠছে। আগুনের সে সর্বগ্রাসী জিভ যেন দেখতে দেখতে লক্ লক্ করে সমস্ত সাঁকোটাকে গ্রাস করে ফেলল,—সশব্দে পুড়ে ছাই হয়ে গেল। ওলেনা দেখল—ওর স্বামী মিকালো যুদ্ধে চলে যাচ্ছে, রাস্তার মোড় ফিরবার সময় হাত তুলে সে বিদায়-সম্ভাষণ জানিয়ে গেল।

ওলেনা আবার পড়ে গেল। এবার খুব কষ্টের সঙ্গেই উঠে দাঁড়াল।

“জলদি !” পিছনের সৈনিকটা চীৎকার করে উঠল।

“পেটে একটা গুলো দাও, তা হলে আপনিই চাঙা হয়ে উঠবে।” পাশ থেকে আর একটা জার্মান পরামর্শ দেয়।

“না, ছেলে বেরিয়ে যেতে পারে।” উচ্চহাসির সঙ্গে প্রথম সৈনিকটা আর একবার সড়িনের খোঁচা মারল। “এখনও ওর মুখ দিয়ে কোন কথা বেরোয় নি। কথা বলাতে হবে।”

“চিন্তা করো না, ক্যাপ্টেন যা জানতে চায় তা সে বের করে নেবেই, এমন কি, ওর আঁত শুদ্ধ টেনে বের করবে।”

“ঠিক !—এই, চল্-বে চল্।” প্রথম সৈনিক আবার চেষ্টা করে উঠল।

বেয়নেটের আর একটা খোঁচা দিতেই ওলেনার পিঠ থেকে ফিনকি দিয়ে রক্ত বেরুতে লাগল।

“জলদি কর, জলদি কর ! কোথায় এসেছ ভাবছ তুমি,—এ কি প্রশ্নীর সঙ্গে হাওয়া খেতে বেরিয়েছ ?”

ওরা বলছিল জীলোকটি হয়ত তার একবর্ষও বোঝে না। কিন্তু ওদের তাতে কোন ক্ষতিবৃদ্ধিই নাই। কতকগুলো অকথ্য গালাগালি করেই ওদের আনন্দ। সৈনিকেরাও ক্লান্ত হয়ে পড়েছিল, তাই তাদের রাগ ক্রমেই বেড়ে উঠছিল। কোথায় নিশ্চিন্তে বালিসে মাথা দিয়ে ঘুমোবে, তা না হয়ে এই হতভাগীকে নিয়ে কনকনে ঠাণ্ডার মধ্যে তাদেরও দুর্ভোগ পোহাতে হচ্ছে। নিজেদের সেই রাত্রি জাগরণ ও দুর্ভোগের আক্রোশটা গিয়ে পড়ছে ওলেনার উপর।

সে রাতে যেন অস্বাভাবিক রকম প্রবল তুষারপাত হচ্ছিল। মাটি থেকে আকাশের চাঁদ পর্যন্ত সমস্ত পৃথিবীটা যেন তুষারে জমাট বেঁধে আসছিল। জ্যোৎস্নার রূপালী আলোয় রামধনুর সেই বর্ণচ্ছটা ধুয়ে গিয়েছিল ; শুধু একটা অস্পষ্ট রেখা আকাশের গায়ে আঁকা ছিল। চাঁদের দুই দিকে দুটি উজ্জল স্তম্ভ দেখা যাচ্ছিল। দিকচক্রের দুপাশ থেকে স্তম্ভ দুটি উঠে চাঁদের সীমারেখা পর্যন্ত বিস্তীর্ণ হয়ে আছে—ঠিক যেন একটি বিজয়-তোরণ। আকাশ থেকে স্তম্ভ দুটি নেমে এসে যেখানে মাটিতে ঠেকেছে সেখানে বলমল করে রূপালী তুষার।

“চল্-বে, চল্,” জার্মান সৈনিকেরা চীৎকার করে ওঠে। রাজির গভীরতা তাদের মনে ভীতির সঞ্চার করছিল। মন থেকে ভয়টা কাটিয়ে ফেলবার জন্তে মাঝে মাঝে এই ভাবে অস্বাভাবিক চীৎকার করে সেই নিশ্চিন্তি রাজিতে নিজেদের প্রকৃতিস্থ রাখবার চেষ্টা করছিল। তাঁদের উজ্জল আলোকে চারি দিক প্রাবল্য হয়ে আছে। এমন আলো তারা জীবনে কখনও দেখেনি। জ্যোৎস্নায় বরফের স্তূপ যে এমন অপূর্ব নীলাভ রূপ ধারণ করে সে কথা তারা কোন দিন ভাবতেও পারে নি। পায়ের তলায় মড় মড় করে ভাঙে বরফের ডেলা। এমন ভীষণ তুষারপাতের কথা তারা কোন দিন স্বপ্নেও কল্পনা করে নি। রাস্তার দু'পাশে বাড়ীগুলি নিঝুম নিশ্চল হয়ে দাঁড়িয়ে আছে। কোথাও জনমানব নেই, শুধু যে-সব কুটীরের তুষারচ্ছন্ন জানলা থেকে দৃষ্টি এসে পথের ওপর পড়েছে সেই সব জানলায় জল্ জল্ করে কতকগুলো জীবন্ত চোখ। বাড়ীগুলির ঘন কালো ছায়ার ভিতর থেকে সেই উজ্জল চোখগুলি যেন চুষকের মত আকর্ষণ করে। রুক্ষপঙ্খের অঙ্ককার রাজি হলে জার্মানরা মোটেই পথে বেরুতে সাহস করত না। কারণ তারা জানে, প্রতিটি গৃহের কোণে, প্রতিটি ঘোপের অন্তরালে বিদ্রোহের মত ক্ষীণ গতি নিয়ে মৃত্যু তাদের জন্তে অপেক্ষা করে আছে। এমন কি, একবার ‘মা’ বলবার স্বযোগও দেবে না। আজ এত জ্যোৎস্নার আলোতে লুকিয়ে আক্রমণ করবার স্বযোগ কেউ পাবে না, তবুও ভয়ে তাদের বুকের ভিতরটা থেকে থেকে আঁতকে উঠছিল। হঠাৎ এক একবার চারি দিকে তাকিয়ে দেখে নিচ্ছিল অঙ্ককার ছায়ার আড়ালে কোথাও কিছু আছে কি না। পরক্ষণে আবার একটু সাহস সঞ্চয় করবার জন্তে খুব জোরে চীৎকার করে উঠছিল। তুষারে তাদের গাল কন্ কন্ করছিল, ঠোঁটের উপর বরফের সর জমে আসছিল। তাই মাঝে মাঝে কান মুখ বেশ করে ঘষে নিয়ে দ্রুত গতিতে গ্রামের পথ ধরে মেয়েটিকে একবার সামনের দিকে আর একবার পিছনের দিকে হাঁটাচ্ছিল।

অবশেষে সে আনন্দেও তাদের বিরক্তি ধরে গেল। সত্যিই বিরক্তিকর : এবারে গুলেনা খুব ঘন ঘন হৌচট খেয়ে পড়তে লাগল এবং মাটি থেকে উঠতেও বেশি সময় লাগল। কিন্তু তবু সে কাদল না বা টেঁচিয়ে উঠল না। ক্যাপ্টেনের

সঙ্গে দেখা করে স্বীকারোক্তিরও কোন আভাস দিল না। অথচ তুষারপাত ক্রমেই আরো ভীষণ হয়ে দেখা দিল, ফলে যে নির্মমভাবে কেবল তাদের গাল, হাত ও পাগুলোকেই দংশন করছিল, তাই নয়, তাদের মনে হল যে, ফুসফুসের স্পন্দনও বন্ধ হয়ে গেছে। তাদের চোখে অশ্রুধারা বইতে লাগল এবং সারা দেহে এমন একটা কাঁপুনি এল যে, কোন মতেই তা থামতে চায় না।

“চল, চল, এবারে জোর পায়ে ঘরে চল!”

মাধুস যেমন করে গৃহপালিত পশুকে হেই হেই করে তাড়িয়ে নিয়ে যায়, তারাও ওলেনাকে তেমনি করে নিয়ে চলল। ঘরে ঢুকতে গিয়ে দরজার সামনে সে হুমড়ি খেয়ে পড়ে গেল, সঙ্গে সঙ্গে দু হাতে ভর দিয়ে পেটটাকে কোন মতে বাঁচাল। কপালের দু পাশের রগ দুটো দপ্ দপ্ করছিল এবং হৃদপিণ্ডটা ভীষণভাবে জ্বালা করছিল। কয়েক মিনিটেই তুষারের নির্মম আক্রমণে সে যেন পিষে যাচ্ছিল। এর আগে সে পিঠে বেদনা অনুভব করে নি, কিন্তু এখন অসহ্য রকম জ্বালা করতে লাগল। অমাব্যসিক চেষ্টা করে উঠে বসল এবং কাঁধ, পা ও পাজরে অবশ-প্রায় হাত দিয়ে রগড়াতে লাগল। দেয়ালের ফুটো দিয়ে ক্ষীণ চন্দ্রলোকও এসে মেঝের উপর পড়েছে। ঘরের এক কোণে এক আঁটি খড় ছিল। নিজেকে কোন প্রকারে সেখানে টেনে নিয়ে গিয়ে ফেললে এবং সেই খড়ের উপর কাৎ হয়ে শুয়ে পড়ল।

“আমি জমে যাব,” আপন মনে কথাটা উচ্চারণ করে সে যেন কতকটা সোয়াস্তি বোধ করল।

তার ভেড়ার ছালের কোটটি ও শালখানা জার্মান সেনানায়কের ঘরে টুলের উপর রয়ে গেছে। রাত্রি বেশি, সৈনিকেরা তাকে বাইরে খেদিয়ে আনার পূর্বেই তারা তার দেহের শেষ বস্তুখানাও খুলে নিয়েছিল, গায়ে কিছুই ছিল না।

“হয় ত তারা ভুলে গেছে, হয় ত এ চালাঘরেই আমার সে কাপড়গুলি রেখে গেছে।” আপন মনে একথা ভেবে সে একবার চারি দিকে তাকিয়ে দেখল। না, তারা কিছুই রেখে যায় নি। খালি মেঝেটা, এই তুচ্ছ খড়ের আঁটি এখন তার একমাত্র অবলম্বন।

বাইরে নিশ্চক্ৰতা বিরাজ করছে। হয় ত সৈনিকেরা মনে করেছে যে ওকে পাহারা দেবার জন্তে রক্ষীর প্রয়োজন নেই—তাই তারা দরজায় তালা লাগিয়ে চলে গেছে। ওর সর্বাঙ্গ যেন আগুনে পুড়ে যাচ্ছে। ও ঘুমোতে পারছিল না, ঘুমোতেও ওর ভয় হচ্ছিল। দৃষ্টি প্রসারিত করে ক্ষীণ চন্দ্রশিখর দিকে তাকিয়ে ছিল—চন্দ্রশিখর ধীরে ধীরে মেঝের উপর নড়াচড়া করছে।

হঠাৎ সে একটা খস্ খস্ শব্দ শুনে পেল। কান খাড়া করল। বরফ গুঁড়ো হওয়ার শব্দ বটে, তবে সাত্ত্বীর পায়ের চাপে যে রকম শব্দ হয়, সে রকম নয়। কে যেন খুব ধীর সতর্কতার সঙ্গে এগিয়ে আসছে। বরফ ভাঙ্গার ক্ষীণ শব্দ, পর মুহূর্তে আবার সব নিশ্চক্ৰ, আবার বরফ ভাঙার শব্দ শোনা গেল। কেউ হয় ত হামাগুড়ি দিয়ে খুব সাবধানে এগিয়ে আসছে। ওলেনা ভয় পেয়ে গেল। কে এ? কে হতে পারে?

শব্দটা থেমে গেল। এ নিশ্চয়ই তার কল্লনা। কিন্তু আবার সেই মড়্ মড়্ শব্দ। না, নিশ্চয়ই কেউ যে আসছে তাতে কোন সন্দেহ নাই। প্রত্যাশা নিয়ে সে বসে রইল। শব্দটা ক্রমেই নিকটতর হল। খামার-বাড়ীর পিছন দিক থেকে আসছে, দরজাটার শেষে প্রান্তের দিকে। পদশব্দ কখন মোড় ফিরবে? সে আপন মনেই নিজে থেকে প্রশ্ন করল। কিন্তু পদশব্দটা সোজা এগিয়ে আসছে। পদক্ষেপও যেন মন্তরতর হয়ে এল, আরও যেন সতর্ক এবং অবশেষে শব্দ এসে খামল খামারবাড়ীর দেয়ালের গায়ে। ওলেনা সঙ্কুচিত হয়ে উঠল। কেউ হয় ত দেয়ালের ও পাশে এসে দাঁড়িয়েছে। যেন শ্বাস-প্রশ্বাসও শুনে পাকে, তারপর কে একজন ফাটল দিয়ে উঁকি মারল।

ওলেনা অপেক্ষা করল। এ কে? শত্রু, মিত্র, না কোন পথিক? কিন্তু যে গ্রামে সন্ধ্যার পর কাউকে বাইরে পেলে মৃত্যুদণ্ড পেতে হয় সেখানে এত রাত্রিতে কে পথিক আসবে?

“মাসি!” শিশুর কণ্ঠের ফিস্ ফিসানি শোনা গেল।

ওলেনা নড়ল না। সাড়া দিতে চাইল, কিন্তু অস্পষ্ট কাতরানি ছাড়া কিছুই বার হল না।

“ওলেনা মাসি !”

কোন প্রতিবেশীর ছেলে হয় ত না বলে চুপি চুপি খামার-বাড়ীতে এসে তাকে ডাকছে। সে আবার কাতরে উঠল।

“ওলেনা মাসি, তোমার জন্ম একটু রুটি এনেছি।”

রুটি! দু দিন ধরে সে কিছুই খেতে পায় নি। এক টুকরো রুটি বা এক চুমুক জলও সে পায় নি। ক্ষুধা তার বড় একটা ছিল না, তবে জল তেষ্ঠা ছিল। ভেঁনের যখন তাকে সওয়াল-জবাব করছিল, তখনই তার তেষ্ঠা পেয়েছিল, তারপর আবার তেষ্ঠা পায় তখন যখন তাকে এই ঘরে তালাবদ্ধ করা হয়। সৈনিকেরা যখন তাকে সে রাত্রিতে খেদিয়ে নিয়ে বেড়াচ্ছিল তখন সে বার কয়েক বরফের টুকরো কুড়িয়ে নিয়ে মুখে পুরেছিল। বরফ খেয়ে সে থানিকটা তাজা হয়েছিল, শুষ্ক তালু আর্দ্র হয়েছিল। কিন্তু সৈনিকেরা তাকে বামাল স্তব্ধ ধরে ফেলে। তাই সে যতবার পড়ে গিয়েছিল ততবারই জিভ দিয়ে বরফ চেটে নিয়েছে। এখন সে অত্যন্ত ক্ষুধা অনুভব করছে।

ছেলেটি যেখানে দাঁড়িয়ে তাকে ডাকছে সে স্থান থেকে সে কতদূরে আছে, মনে মনে হিসাব করে সে শক্তি সংগ্রহ করল।

“যাই বাবা,” মাটির ঠাণ্ডা মেঝের উপর দিয়ে হামাগুড়ি দিতে দিতে সে চুপি চুপি বলল। তার মনে হচ্ছিল যে, সে আর উঠতে পারছে না, তাই কনুইয়ে ভর দিয়ে কাৎ হয়ে সে এগিয়ে চলল।

হামাগুড়ি দিয়ে সে এক-পা এগিয়েছে, মাত্র মুহূর্তকাল—এমন সময় হঠাৎ কানে তালা লাগলো, বন্দকের গুলীর শব্দে নৈশ নিশ্চিন্ততা ভঙ্গ হল। তার সঙ্গে সঙ্গেই একটা আর্ত চীৎকার শোনা গেল! ওলেনা লম্বা হয়ে পড়ে গেল! মুহূর্ত বাদেই সে বুঝতে পারল গুলীর শব্দ—খুব কাছের। সে সেখানেই অনড অবস্থায় হাঁ করে পড়ে রইল। দেওয়ালের বাইরে নিশ্চয়ই একটা কিছু ঘটেছে। বরফের উপর ভারী পায়ের শব্দ শোনা গেল, সঙ্গে সঙ্গেই জার্মানটা রাইফেলের ঝাঁট দিয়ে কি একটা নরম জিনিসকে গুঁতো দিতে দিতে গালাগালি দিচ্ছিল। আর একজন কে এল; এখন দু’জনে মিলে টেচামেচি ও গালাগালি চালান।

ওলেনা আরও শব্দ শোনার জন্তে প্রস্তুত হল। গুলী যে ঠিক জায়গায় মেরেছে তাতে কোন সন্দেহ নেই।

এই দু দিন তার প্রতি যে সব লাঞ্ছনা উৎপীড়ন চলেছে, হঠাৎ এই মুহূর্তে যেন তা অস্বভব করল, সে যা সহ্য করেছে তা রক্তমাংসের দেহধারীর পক্ষেও সম্ভব নয়, এখন আর সে সহ্যে পারল না। তার মনে হতে লাগল যে, ধরিত্রী যেন হুলছে, মেঝেটা যেন ফুলে ফুলে উঠছে। সে জ্ঞান হারিয়ে অচেতন হয়ে পড়ল।

গুলী ও চাঁৎকারের শব্দ কিছুটা দূরেও শোনা গেল। সামনের কুঁড়ে থেকে আরও স্পষ্ট শোনা গেল। সঙ্গে সঙ্গে তিন ছোড়া চোখ জানলার কাচের মধ্যে দিয়ে খামার-বাড়ীর দিকে তাকাল।

ছোট্ট জিনা কাঁদতে শুরু করল :

“মা, মিশ্কা! মা, মিশ্কা!”

মা তার হাতখানায় এত ছোরে মোচড় দিল যে ব্যথা পেয়ে সে চৈতন্যে কেঁদে উঠল।

“চুপ!”

“মা, মিশ্কা! তারা কী করেছে? মা!”

“তুমি শুনতে পাও নি? তারা আমাদের মিশ্কাকে খুন করেছে!”
স্ত্রীলোকটি শ্রান্ত কণ্ঠে বললে।

আট-বছর বয়স্ক সাশা জানালা থেকে ফিরে এল।

“মা, আমি ওলেনা মাসিকে খানিকটা রুটি দিয়ে আসি!”

“না তোমাকে কোথাও যেতে হবে না। এখন তারা চারিদিকে নজর রাখবে, ভোর পর্যন্ত তারা সজাগ থাকবেই,” কঠিন স্বরে সে বলল। মুহূর্ত নীরব থেকে সে আবার বললে :

“আর তা ছাড়া ঘরে আর রুটিও নেই, একটুও না। যেটুকু ছিল, মিশ্কাই নিয়ে গিয়েছে।”

ছেলেটি আবার ফিরে জানলার কাছে গিয়ে বাইরের দিকে তাকাল।
কিন্তু সেখান থেকে কিছুই দেখা গেল না।

চালাটার পাশেই মিশকা পড়েছিল। গুলী তার পিঠে, কাঁধের ঠিক নিচেই বিঁধেছিল। কাঁদবার সময়ও সে পায় নাই। একটা সৈনিক ছোট্ট দেহটার উপর লাথি মারতেই হাতের মুঠো থেকে একটুকরো রুটি পড়ে গেল।

“শূয়োরের বাচ্চা, আবার ওই মাগীটার জন্তে রুটি এনেছে,” সৈনিকটা বলে এবং সঙ্গে সঙ্গেই আর একবার মৃত দেহটাকে পদাঘাত করল। “ও মাগীটাকে এরা খাওয়াতে চেয়েছিল, বুঝেছ ? ...”

“ও কেমন করে এল ...”

“আর একটু হলে সে দিয়ে ফেলেছিল। ... আমরা বাইরে বেরিয়ে আসতেই কি একটা ছোট্ট বস্তু নড়ছে—আমার নজরে পড়ল—ঠিক দেয়ালের গা ঘেঁষে। আমি তাক করলাম। ...”

“খাসা তাক,” সঙ্গী সৈনিক তার প্রশংসা করল। বাড়ীর তৈরি স্তোর জামা ভিজে রক্ত বেরিয়ে পড়েছে।

“বাজি রাখো ! আমার চোখের দৃষ্টি খুব তীক্ষ্ণ ! কিন্তু একে নিয়ে এখন কী করা যায় ? এখানেই ফেলে রাখব ?”

“এখানে কেন, খাদের মধ্যে ফেলে দিলেই চলবে।”

প্রস্তাবটায় তাদের উভয়েই খুশি হল। ছেলেটার পা দুটো ধরে তারা তাকে হিড়হিড় করে টেনে নিয়ে গেল। বরফ পড়ে জায়গাটা উঁচু-নিচু হয়েছে, তার উপর মাথাটা বারবার ঠোঁকর খেতে লাগল ! সৈনিকেরা দেহকে ছুঁড়ে রাস্তার ধারে বরফাচ্ছন্ন খাদের মধ্যে ফেলে দিল।

“ওখানে ও শুয়ে থাকুক। আমি অবাঁক হই, ছেলেটা এল কোথা দিয়ে ?”

“ক্যাপ্টেন কাল দেখতে পাবে ত। যদিও এখানে তুমি অনেক কিছুই পাও। ... গোটা দলটাই এককাটা হয়ে তাদের মুখ বন্ধ করে থাকবে।”

“ভেবো না, আমাদের ক্যাপ্টেন তাদের জিভকে নাড়িয়ে ছাড়বে।”

“সে রকমটা করবার সময় হয়েছে। এখানেই সব চেয়ে ভীষণ—বলে দিচ্ছি।”

লম্বা সৈনিকটা তার রাইফেলের উপর ভর দিয়ে দাঁড়িয়ে তার সঙ্গীর দিকে সাগ্রহে তাকাল। আপাতদৃষ্টিতে সন্দেহ করবার মত সেই গোল মুখ আর খাবড়া নাকে কিছুই সে দেখতে পেল না। তাই বলে চলল :

“ভীষণ। ... আমার আর এখানে একমুহূর্তও থাকতে ইচ্ছা করছে না, বাড়ী যাওয়ার জন্তে মনটা উতলা হয়ে উঠেছে। আগামী বসন্তে আমার মিচোলের বয়স দশ বছর হবে। দু বছর তাকে দেখিনি—ভেবে দেখো, দু'বছর। ...”

সঙ্গী সহানুভূতির সঙ্গে মাথা নাড়ল।

“শরতে আমি ছুটি পেয়েছিলাম।”

“আসবার সময় তাকে বলে এসেছিলাম যে, তার জন্তে একটা বাই-সাইকেল কিনে নিয়ে যাব। সেই বাইকের জন্তে ছেলেটা দুটো বছর ধরে প্রতীক্ষা করছে। এখান থেকে পাঠান মুশ্কিল।”

“সার্জেন্ট কিন্তু দুখানা পাঠিয়েছেন।”

“সার্জেন্ট ...” লম্বা সৈনিক আশু আশু বললে, “সে হচ্ছে সার্জেন্ট, কিন্তু তুমি কি মনে করো তারা আমাকে বাইক পাঠাতে দেবে? তুমি নিজেই তা ভাল করে জান। পার্শেল হলে অবশ্য কোন কথা ছিল না, কিন্তু বাই-সাইকেল—না, তারা পাঠাতে দেবে না।”

যে বাড়ীতে ভেনেরের দফতর সে বাড়ীর সামনে তারা পাগড়ারি করছে। জানলায় একটা আলো জ্বলছে। আপিসে তখন কাজ চলছে।

“ক'টা বাজল? মনে হয় আমাদের বদলির সময় হয়ে এসেছে।”

“তা হলেও আধ ঘণ্টা এখনও দেরি।”

শীতটা জেকে এল। লম্বা সৈনিকটার সামরিক টুপির নীচেই একখানা গরম আলোয়ান জড়ানো থাকায় তার কিছুটা গরম বোধ হচ্ছিল। কিন্তু আর একজন—বঁটে লোকটি, দু হাতে নিজের কান রগড়াতে শুরু করে দিল।

“এখানে লোকেরা থাকে কেমন করে? এরকম তুষার কি তারা সব সময়েই ভোগ করে?”

“কেমন করে জানব? মনে ত হয়, তাই। ...ওরা বর্বর, ওদের কিছু আসে যায় না!”

“রামধনুটা দেখেছ?”

“হাঁ, দেখেছি।”

“এতে কি মনে হয়?”

লম্বা লোকটা তার কাঁধ ঝাঁকাল।

“কি আর মনে হবে! আমার মনে হয়, এখানে শীত কালেও রামধনু দেখা যায়। কিন্তু আজকের স্তম্ভ দুটির তুলনা হয় না!”

“তুম্বারের মধ্যে উঠেছে বলেই গুরুমটা দেখাচ্ছে।”

“অবশ্য, রামধনু তুম্বারের মধ্যেই দেখতে ভাল।”

“হয় ত তাই,” বেঁটে জার্মানটি সঙ্গীর কথা মেনে নিল, নিঃশ্বাসের উত্তাপে হাত গরম করে নিয়ে চারিদিকে অস্বস্তিকরভাবে তাকাতে লাগল।

“ও কি দেখছ?”

“কিছুই না, শুধু দেখছিলাম মাত্র।”

মিনিটখানেক পর লম্বা লোকটিও চারিদিক তাকাল এবং রেগে গিয়ে আপন মনেই নিজেকে গালাগালি দিতে লাগল। অভিজ্ঞতা থেকে এটা তার জানা ছিল যে, একবার যদি সে চারিদিকে তাকায় তা হলে তার হয়ে গেল—বার বার সে কেবল চারিদিক তাকাতেই থাকবে, ফলে, ক্রমেই সে ভয়ে স্তম্ভ হয়ে উঠবে।

“অমন করে চারিদিকে তাকিও না। কিছুই ত নেই কোথাও।”

“কিন্তু তুমি ত সারাক্ষণ ওই দিকেই তাকাচ্ছ।”

“আমার সব সময়েই মনে হয়, রাস্তা দিয়ে কে যেন আসছে। সেদিকে তাকালে কিন্তু আর কাউকে দেখতে পাওয়া যায় না। বার বার মনে হয় কে যেন আসছে।”

ওরা মনে মনে স্থির করল যে, বাড়ীটার সামনে দিয়ে আরও কয়েক পা বেশি যাতায়াত করবে!

দরজাটা খুলে গেল, তারা যেন তাতে স্বস্তির নিঃশ্বাস ফেলে বাঁচল।

“কে গুলি করেছে?” সার্জেন্ট জিজ্ঞাসা করল।

“আমি,” সামরিক কায়দায় অভিবাদন করে লম্বা সৈনিকটি বলল। “ওরা কয়েদীকে রুটি দিতে চেষ্টা করছিল।”

“তারপর? তারপর কি হল, রাশ্‌ক্য!” সার্জেন্ট খবরটা য় যেন উৎসাহিত হয়ে উঠল।

“আমার তাক ঠিক লেগেছে; কে এক ছোকরা, মনে হয়, ওর কোন প্রতিবেশী পাঠিয়েছিল।”

“ছেলেটা কোথায়?”

“আমরা খাদের মধ্যে তাকে ফেলে দিয়েছি।”

“চল ত একবার দেখে আসি।”

তারা তিন জনে সেই খাদের কাছে ফিরে গেল।

“ঠিক এই খানে,” হাত দিয়ে রাশ্‌ক্য বলল।

সার্জেন্ট নীচু হয়ে দেখল।

“কই, এখানে ত কিছু নেই।”

“কিছু নেই—মানে?” ভয়বিহ্বল সৈনিক বলে উঠল।

“ক্রান্‌স, এইখানেই না আমরা তাকে ফেলে গেছি, তাই না?”

তারা লাফ দিয়ে খাদের মধ্যে পড়ে সোজা হেঁটে চলল।

“অত দূর কেন যাচ্ছ? আমরা ত অতদূর যাই নি।”

সার্জেন্ট তাদের দিকে সন্দেহ দৃষ্টিতে তাকাল।

“দেখো, এ সব কি হচ্ছে?”

“হেঁ সার্জেন্ট, আমি শপথ করে বলছি, আমার সাক্ষীও আছে, ঠিক এখান থেকে আমরা ছেলেটাকে ছুঁড়ে ফেলেছি; এই দেখুন!” বরফের উপর একজায়গায় খানিকটা রক্তের দাগ দেখতে পেয়ে সে উৎফুল্ল হয়ে উঠল।

সার্জেন্ট কাছে গিয়ে জায়গাটাকে ভাল করে দেখে নিয়ে মাথা নাড়ল।

“খানায় নেমে পা দিয়ে বরফের উপরকার সব চিহ্নই নষ্ট করে ফেলেছ। ... বাঃ, কি চমৎকার পাহারাই না তোমরা দিয়েছ! নিশ্চয়ই কেউ না কেউ তোমাদের চোখের উপরই দেহটাকে টেনে নিয়ে গেছে। অবশ্য এখানে কোন দেহ ছিল এ কথা যদি সত্যি হয়।”

“নিশ্চয়ই ওখানে ছিল, কেন, আমার সাক্ষীও আছে। ... আমরা দু জনে তার পা ধরে টানতে টানতে নিয়ে এসেছিলাম। ...”

“হয় ত সে তখনও বেঁচে ছিল, তোমরা আস্ত নিরেট, তাই সে উঠে পালিয়েছে!”

“না, না, গুলিটা ঠিক তার পিঠে লেগে বুক দিয়ে বেরিয়ে গেছে। সে মুখ খুবড়ে পড়ে গিয়ে তৎক্ষণাৎ মারা যায়। ...”

সার্জেন্ট চালা-ঘরে আবার ফিরে গেল। বরফের উপর বেশ খানিকটা জায়গা জুড়ে রক্তের দাগ দেখা গেল এবং তারই একপাশে একটুকরো কালো রুটি পড়ে আছে। সজ্জা জমাট-বাঁধা বরফের উপর একটি শিশুর পায়ের চিহ্ন দেখা গেল, সেখানে আর কারুর পায়ের দাগ পড়েনি।

“এই সেই জায়গা ... তারপর আমরা তাকে খাদের ধারে হেঁচড়ে টেনে নিয়ে যাই। ... দেখুন এখনও তার চিহ্ন রয়েছে।”

“বেশ,” সার্জেন্ট মেনে নিল। ওরা যে সত্যি কথাই বলছে তা স্পষ্টই বোঝা গেল। “চলে এসো। তোমাদের গেরেফতার করা হল।”

সৈনিকেরা একটু থামল।

“গেরেফতার!”

“হাঁ! এখানে দাঁড়িয়ে আমার দিকে হা করে চেয়ে থেকো না। তোমাদের এ জায়গায় পাহারা দেওয়ার কথা ছিল, কি ছিল না? ছিল ত? কিন্তু তবু তোমাদের হৃদায় এরকম একটা ব্যাপার ঘটে গেল, আর তোমরা সে সম্বন্ধে কোন খোঁজই রাখো নি। একজন অপরাধীর মৃত দেহ এখান থেকে কে নিয়ে গেছে, আর গর্দভ তোমরা, তার কিছুই জানো না। কি চমৎকার দায়িত্বজ্ঞান! এ রকম দায়িত্বশীল সান্দ্রী থাকলেই তারা একে একে আমাদের গলা কাটতে

পারবে, মাহুঘেরা পাখির মুণ্ডু যেমন করে টেনে ছিঁড়ে ফেলে তারাও আমাদের তেমনি ছিঁড়ে ফেলবে। ...”

উভয়েই মাথা নীচু করে সার্জেন্টের অত্মসরণ করল।

“অভিশপ্ত জায়গা,” রাশ্‌ক্য বিড় বিড় করে বলল। তার সঙ্গীটা জবাবে শুধু একটা দীর্ঘনিশ্বাস ফেললে।

“সেখানে আর কেউ ছিল না, কেউ থাকতে পারে না!” রাশ্‌ক্য দৃঢ়তার সঙ্গে বলল।

ফোগেল ভয়ে সংকুচিত হয়ে পড়ল, তার মাথার চুলগুলি খাড়া হয়ে উঠল এবং মেরুদণ্ডের মধ্যে দিয়ে একটা ঠাণ্ডা কাঁপুনি বয়ে গেল। রাশ্‌ক্য জোর দিয়েই বলতে লাগল যে, সেখানে কেউ থাকতে পারে না। তার কথা অবশ্য সত্য—বরফ মড়মড় করে নি, কোন রকম শব্দ পাওয়া যায় নি, বরফের উপর কোন মাহুঘের ছায়াও উজ্জ্বল জ্যাংস্রায় দেখতে পাওয়া যায় নি। তবু ছেলেটার মৃত দেহটা কোথায় অস্তর্ধান করেছে। এ সবার অর্থ কি?

ফোগেল এই প্রশ্নের জবাব খুঁজতে গিয়ে নিজেই ভীত হয়ে পড়ল এবং অজ্ঞাতসারেই তাড়াতাড়ি পা চালিয়ে দিল। অবশেষে কুটারটার সামনে গিয়ে পৌছতেই একটা স্বস্তির নিশ্বাস ফেলল। দরজা খুলে দিতেই ঘরের উত্তাপ আলো ও মাহুঘের কণ্ঠস্বরে অনেকখানি সজীব হয়ে উঠল। সেই খাদ, সেই রাশীকৃত বরফ ও ভয়াবহ রাত্রির বিভীষিকায় তার সমস্ত শরীর শিউরে উঠছিল, এতক্ষণে সেই বিভীষিকাটা যেন কেটে গেল। মূহূর্তের জন্তে ভুলে গেল যে সে বন্দী। আবার সে মাহুঘের মাঝখানে ফিরে এসেছে—এই ভেবে সে অনেকখানি উৎফুল্ল হয়ে উঠল। বাতির আলো ও মাহুঘের কণ্ঠস্বরে রাত্রির ভীতিটা কেটে গেল। ঘরের মধ্যে সে নিজেকে সম্পূর্ণ নিরাপদ মনে করল।

“তোমাদের নিয়ে কি করা উচিত, ক্যাপ্টেন এসে স্থির করবেন। সকাল পর্যন্ত এখানেই থাকো,” সার্জেন্ট আদেশের স্বরে বলল।

ঘরের এক কোণে তারা বসে পড়ল। ঘরে বেশ গরম থাকায় ওদের ভালই লাগছিল। রাশ্‌ক্য দেয়ালে হেলান দিয়ে চুলতে লাগল, কিন্তু ছারপোকার

উৎপাতে ঘুমোতে পারছিল না। আধ-ঘুমন্ত অবস্থায় সারা গা চুলকোতে চুলকোতে আবার চোখ মেলে চেয়ে মনে মনে বাপাস্ত করতে লাগল।

“অদৃষ্টে যত নরক যন্ত্রণা! এতে মানুষ কেমন করে ঘুমোতে পারে। ... বাইরে ঠাণ্ডার মধ্যে পোকাগুলো চুপচাপ থাকে, কিন্তু এখন তারা পেয়ে বসেছে।...”

তারা তখন চুল্লীর কাছে সরে গিয়ে গায়ের জামা-কাপড় খুলে ফেলল এবং আলোর কাছে বসে হাতে-বোনা মোটা কাপড়ের জামা থেকে ছারপোকা বেছে ফেলতে লাগল।

গালিয়া মাল্যুচিখা মেঝেয় বসে জোরে জোরে নিশ্বাস ফেলছিল। খাদের দিকে তিন শ গজের উপর হামাগুড়ি দেওয়া সহজ কাজ নয়। জার্মানদের সতর্ক দৃষ্টি এড়াবার জগ্রে তাকে অস্তুত একশ বারও বরফের উপর মুখ ডুবিয়ে থাকতে হয়েছে। সে দাঁত কামড়ে সয়েছে, নিজের অদৃষ্টে যাই হোক, ছেলটাকে খাদের মধ্যে কুকুরের মত পড়ে থাকতে দেবে না।

খাদের ওখান থেকে ফিরে আসাটাই সবচেয়ে কঠিন হয়ে পড়েছিল। ছেলের দেহটা নেছাৎ ছোট হলেও তার পক্ষে বয়ে আনা কঠিন, কেন না, মৃতদেহ অনেকটা ভারী হয়, তা ছাড়া পিচ্ছিল পথে সাবধানতা দরকার, সবার উপর আত্মগোপনের সেই প্রাণপণ চেষ্টা। কষ্টেস্টে বেড়া পর্যন্ত সে হামাগুড়ি দিয়ে পৌঁছল, খাদ থেকে উপরে উঠতেও তাকে কম বেগ পেতে হয় নি। তবে একটা সুবিধা হয়েছিল যে, সৈনিকেরা কথা বলতে বলতে বাড়ীটার সামনে গিয়ে অনেকক্ষণ দাঁড়িয়ে ছিল। অনেক কষ্টে সে দেহটা নিয়ে শেষ পর্যন্ত বাড়ীতে এসে পৌঁছল। তার ছোট্ট মিশা শক্ত হয়ে হাত-পা ছড়িয়ে টেবিলের উপর পড়ে আছে। এর মধ্যেই বরফে তার দেহ কঠিন হয়ে পড়েছে। মনে হচ্ছে যেন সে অনেকক্ষণ আগে মারা গেছে। ছেলেরা তাদের দাদার চার পাশে দাঁড়িয়ে। মাথার সুন্দর চুলগুলি অগোছাল, মুখে চোখে ছড়িয়ে পড়েছে, হাঁ করেই সে শেষ নিশ্বাস ফেলেছে, তার শেষ আত্মকথনি এখনো ওই

জ্যোৎস্নার ভিতর থেকে শোনা যায়—জানলা দিয়ে সে জ্যোৎস্না ঘরে এসে পড়েছে। জিনা অত্যন্ত সাবধানে তার ছোট্ট আঙুলগুলি দিয়ে মিশার জামার ঘেখানটা রক্তাপ্লুত হয়েছিল সেখানটায় স্পর্শ করল।

“এ কি?”

“ওখানে হাত দিস নে, জিনা,” সাশা রুঢ় স্বরে বললে। “ওই খানটায়ই তারা গুলি মেরেছে, তাই না মা?”

“হাঁ, বাছা, ওইখানটায়ই,” মা অস্পষ্ট স্বরে চুপি চুপি বললেন এবং তাঁর আঙুলগুলি মিশার নরম চুলের মধ্যে দিয়ে বুলিয়ে গেলেন। এই খানিকক্ষণ আগেই না ও ওলেনা মাসিকে দেওয়ার জন্তে খানিকটা রুটি পকেটে নিয়ে ঘর থেকে অতি সাবধানে বেরিয়ে গেল। গালিয়া নিশ্চিত জানত, কাজটা ও হাসিল করে ফিরে আসতে পারবে। কিন্তু ঘটল অন্য রকম।

“ওকে যেতে দেওয়া আমাদের ঠিক হয়নি,” হঠাৎ জিনা কঁদে উঠল।

“তার যাওয়ার প্রয়োজন ছিল, বাবা,” মা ক্ষীণস্বরে বিলাপ করে উঠলেন। “ওঃ যাওয়ার প্রয়োজন ছিল। ...”

“সেখানে ওরা ওলেনা মাসিকে কিছুই খেতে দেয় নি,” প্রবীণের মত গম্ভীর স্বরে সাশা বললে।

“হাঁ, বাছা,” মা ওর কথায় সায় দিয়ে বললেন। “ওলেনা মাসি আর উনি একই দলে ছিলেন। ... আর দেখ, সেই ওলেনার আজ কি অবস্থা হয়েছে। ও নিশ্চয়ই মরবে। কিছু না করেই মরল, এই আফসোস ...”

“বল ত আমি কয়েকটা আলু নিয়ে গিয়ে তাকে দিয়ে আসি, একটা পাত্রে কয়েকটা আলু এখনও রয়েছে,” সাশা রাগত স্বরে আউড়ে গেল।

“না, বাবা, এখন কেউ ওখানে গিয়ে পৌঁছতে পারবে না। তারা এখন ওখানটায় প্রাণপণে নজর রাখবে। ... খামকা তুমি মরবে। ... আমরা মনে করেছিলাম চালাটার কাছাকাছি কেউ নেই, তারা কিন্তু মিশাকে দেখতে পেয়েছিল। ...”

“তারা আমায় দেখতে পেত না,” সাশা জোর দিয়ে বলল।

“তুমি বোকার মত কথা বল, আর এসব কথা ভালও নয়। ... মিশাই যখন পারে নি, তখন আর কেউ পারবে না। ...”

সাশা আর কিছু বলল না। মা মৃত পুত্রের মুখের পানে তাকিয়ে রইলেন, এবং ধীরে ধীরে মাথায় হাত বুলিয়ে দিতে লাগলেন।

“ওকে কোথায় কবর দিই বল ত? ভোর না হতেই তারা ওকে খুঁজবার জন্তে চারিদিকে হাতড়ে বেড়াবে। ওকে পেলে তারা নিশ্চয়ই নিয়ে যাবে।”

“কেন বাগানে ত কবর দেওয়া যায়,” সাশা প্রস্তাব করল।

“কেমন করে বাগানে কবর দেব? তারা আমাদের মাটা খোঁড়ার শব্দ পেয়ে কি হচ্ছে দেখবার জন্তে ছুটে আসবে। ... তা ছাড়া, বাগানের মাটা পাথরের মত শক্ত। আমরা ত আর সেখানে কবর খুঁড়তে পারব না, আর বরফ দিয়েও ঢেকে রাখা চলবে না। ...”

মৃতের দেহ টেবিলের উপর ছিল, অসহায়ের মত তারা টেবিলটি ঘিরে দাঁড়াল।

“তা হলে কি করা যায়?”

“বাড়ীর মধ্যেই ওকে কবর দেব,” চুপি চুপি মালুচিখা বলল।

“বাড়ীর মধ্যে?” বিশ্বয়ের সঙ্গে প্রতিধ্বনি করল জিনা।

“তা ছাড়া আর কোথায়? ও নিজের বাড়ীতে চিরনিদ্রায় শুয়ে থাকবে, আমাদের কাছেই থাকবে। ... এ ছাড়া ত আর কিছু ভাবতে পারছি নে।”

“এখানে এই ঘরেই?”

সে চারিদিক নিরুপায় ভাবে একবার তাকিয়ে দেখল।

“না। ... দালানে। ...”

তারা ঘরের বাইরে এল; দালানটা মাটির, একফালি জায়গা। মালুচিখা জায়গাটা একবার দেখে নিল।

“এখানেই খুঁড়ব। কোদালখানা নিয়ে আয় ত সাশা, ওই যে দরজার আড়ালে রয়েছে।”

মা হাত দিয়ে নিজের বৃকে ক্রুশ চিহ্ন এঁকে নিলেন। পরে জায়গাটা দাগ করে নিয়ে কাজ শুরু করে দিলেন।

শক্ত মাটি, হৃদীর্ঘকাল ধরে কত লোকের পায়ের চাপে মাটিটা শক্ত হয়ে বসে গেছে। শক্ত মাটিতে কোদালের ঘা ফিরে ফিরে আসছিল। জ্বীলোকটি অল্পক্ষণের মধ্যেই শ্রান্ত হয়ে পড়ল।

“সাসা, এবার তুই একবার লাগ্ দেখি বাবা।”

“সাসা কোদাল নিয়ে প্রাণপণ শক্তিতে মাটি খুঁড়তে লেগে গেল, এক এক কোপ দিতে গিয়ে জিভটা বের করে দাঁত দিয়ে চেপে ধরতে লাগল।

জিনা একপাশে বসে মাটিগুলো হুঁহাত দিয়ে সরিয়ে, স্তুপ দিয়ে রাখছিল।

একবার মা, আর বার সাসা—এমনি করে অনেকক্ষণ ধরে তারা সেই পাথরের মত শক্ত মাটি খুঁড়তে লাগল। উপরের সব চেয়ে শক্ত স্তরটা ভাঙার পর খোঁড়ার কাজ অনেকটা সহজ হয়ে এল। শেষ পর্যন্ত ছোট একটি কবর খোঁড়া শেষ হল।

“এখন ওকে ভাল জামা-কাপড় পরাতে হবে। ... ওঃ, ওকে যে বিনা কফিনে এ ভাবে কবর দিতে হবে কে জানত ! ...”

বালভি থেকে খানিকটা জল নিয়ে মিশার মুখ চোখ ও বৃকের আঁহত স্থানের রক্ত, পিঠ ইত্যাদি সর্বান্ত মুছে পরিষ্কার করে দিল। তারপর দেরাজ থেকে একটি শার্ট বার করে অনেক কষ্টে পরিয়ে দিল। হাতখানা ঠাণ্ডায় শক্ত হয়ে গেছে।

“ওকে এমনি ভাবে কবর দেওয়া ...”

জিনা ফুঁপিয়ে উঠল।

“কৈদো না মা, কৈদো না। লালপন্টনের মতই আমাদের মিশুংকা মরেছে। জার্মানের গুলির ঘায়েই মরেছে, কর্তব্য করতে গিয়েই সে জীবন দিয়েছে, বুঝতে পেরেছ ?”

কথাগুলি সে জিনাকে লক্ষ্য করেই বলছিল বটে, কিন্তু আসলে সে বলছিল নিজেকেই। একটা উদ্ভত কান্না গলা পর্যন্ত ঠেলে উঠল। তার ভয় হল যে,

শেষ পর্যন্ত হয় ত নিজেকে সংযত রাখতে পারবে না, হয় ত মৃত পুত্রের সামনে হাঁটু গেড়ে বসে একটা পশুর মত হাউ হাউ করে কঁদে উঠবে, তখন সারা গাঁ তার ভূর্ভাগ্যের, তার বেদনার, তার পুত্রের মৃত্যুর খবর—যে-পুত্রকে সে প্রসব করেছে, খাইয়ে পরিয়ে স্নেহাঙ্কলে স্নদীর্ঘ দশটি বছর মানুষ করেছে, জার্মানের বুলেটে যে মরেছে, তার কথা সকলেই জেনে যাবে।

“উনি যখন গ্যোরিলা দলের সঙ্গে চলে যান তখন মিশাকে বলেছিলেন : ‘মনে থাকে যেন, এখানে আমার মর্যাদা ক্ষুণ্ণ করো না!’ মিশুংকা তার বাবার আদেশ পালন করেছে, আমাদের মর্যাদা ক্ষুণ্ণ করে নি। ... বুঝতে পারছ ?”

“বুঝেছি,” জিনা ফোঁপাচ্ছিল।

“তোমরা কঁাদতে পাবে না। মিশুংকার কবরের উপর তোমাদের চোখের জল পড়লে সে শাস্তি পাবে না। কাজেই তোমরা কঁদো না। এস, কাপড়টা পেতে দিতে আমায় সাহায্য করো।”

খোলা কবরে তারা চাদরখানা বিছিয়ে দিল, তার উপর ছেলেকে শুইয়ে দিয়ে চাদর দিয়ে ঢেকে দিল।

“কাপড় দিচ্ছি এই জগ্নে যে তা হলে আর তার চোখে মাটি লাগবে না,” মা বলেন।

“যেন ওর চোখে মাটি না পড়ে,” জিনা ফোঁপাতে ফোঁপাতেই কথাটা পুনরাবৃত্তি করল।

“জিনা, খানিকটা মাটি নিয়ে দাদার দেহের উপর ছড়িয়ে দাও,” মাল্যুচিখা বলল।

জিনা হাত ভরে মাটি নিয়ে কবরে ছড়িয়ে দিল। তারপর সাশাও ঠিক সেই ভাবে মাটি দিল। তারপর মা নিজে কোদাল দিয়ে মাটি ফেলতে লাগলেন। গর্তটা ভরে গেল, সাদা কাপড়ও ঢাকা পড়ল। কিন্তু জায়গাটা মেঝের চেয়ে অনেকটা উঁচু হয়ে রইল।

“এর উপর দিয়ে আমাদের হাঁটতে হবে,” মা বললেন, “নইলে ধরা পড়বার সম্ভাবনা থাকবে। জার্মানরা যদি আসে ত এটা দেখতে পেয়েই সব বুঝতে পারবে, আর তা হলে মাটা খুঁড়ে আবার মিশাকে বার করবে।”

তারা তিনজনেই ধীরে ধীরে পায়ের চাপ দিয়ে কবরের মাটিটা সমান করে দিতে লাগল। মাল্যুচিখার মনে হল, সে তার পুত্রের কবরের উপর হাঁটছে—যা কেউ কখনও কোথাও করে নি, যা সমস্ত দেশাচারের বিরোধী! মা হয়ে সে তার প্রিয় পুত্রের মাথার উপর, তার সে রক্তাক্ত বক্ষস্থল, তার সে কচি হাত-পায়ের উপর হেঁটে বেড়াচ্ছে।

“এ আমাদের করতেই হবে,” মনের কথার জবাবে সে জোরে জোরেই বলল। সঙ্গে সঙ্গে ছেলেমানুষ জিনাও তার প্রতিদ্বন্দ্বির মত বলতে লাগল :

“হাঁ, এ আমাদের করতেই হবে।”

“হয়েছে?” জিজ্ঞাসা করল সাশা।

“না, বাছা, এখনও মাটি নরম রয়েছে, এখনও দেখলে বোঝা যাবে। এখনও আরো অনেক হাঁটতে হবে, যতক্ষণ না জায়গাটা সমতল হয়ে যায়।

এখানে সেখানে যে-সব মাটির ঢেলা পড়েছিল সেগুলিও অত্যন্ত যত্ন করে কুড়িয়ে নিয়ে সে চুল্লীর চার পাশে ছড়িয়ে দিল। তারপর ঝাঁটা নিয়ে জায়গাটা বেশ ভাল করে ঝাঁট দিল—যেন কবরের কোন চিহ্নই কেউ না পায়। তারপর সেখানটায় কাঠের কুঁচি, খড়কুটো এবং আরও সব কিছু কিছু ছড়িয়ে দিল—তখন সে জায়গাটা বেশ স্বাভাবিক-গোছের হয়ে দাঁড়াল।

“কিছু বোঝা যায়?”

সাশা ঊঁকি মেরে দেখল।

“না। ... কাল দিনের আলোয় আমরা এ সম্বন্ধে নিশ্চিত হতে পারব।”

মাল্যুচিখা সেখানে দাঁড়িয়ে পুত্রের সেই অভূতপূর্ব কবরের দিকে চেয়ে রইল—যেখানে খড়কুটো, কাঠের কুঁচি ইত্যদ্যত ছড়ানো রয়েছে। মিশুক আর কোন চিহ্নই রইল না। মানুষের ছেলেমেয়ে মরে, কিন্তু প্রত্যেকের নিজ নিজ কফিন থাকে এবং কবরের উপর সবুজ ঘাস গজায়। একমাত্র মিশ্কারই কোন

চিহ্ন রইল না। এখানে তার নিজের বাড়ীতেই সমাধিস্থ রইল বটে, কিন্তু মাও যদি না জানত ত মিশার শেষ বিশ্রামের স্থান সেও খুঁজে পেত না।

“বাছারা, এবার গিয়ে ঘুমোও,” সে বললে।

“আর তুমি?”

“আমিও শোব। ভোর হতে আর বেশি দেরি নেই। আমাদের একটু ঘুমিয়ে নিতে হবে।”

কিন্তু তার ঘুম এল না। সে মিশুৎকার কথা, স্বামীর কথাই ভাবতে লাগল। স্বামী আছেন গ্যোরিলা দলে। তাকে সৈন্স দলে নেওয়া হয় নি, ১৯১৮ সালে তিনি হাতের দুটো আঙুল খুইয়ে বসেন। সামরিক বিভাগ তাকে সৈনিক হিসেবে অযোগ্য বলে ফতোয়া দেয়। কিন্তু গ্যোরিলারা কারুর হাতের আঙুল আছে কি নেই তা দেখে না, তারা দেখে মনের জোর আছে কি-না।

প্রাতোন বাড়ী ফিরে এসে মিশার কথা শুধাবেন। ছেলেটাকে তিনি খুব ভালবাসতেন। সে স্বামীকে কি বলবে? তাকে বলতে হবে—তোমার মিশুৎকা ওইখানে দালানে মাটির মেঝের নীচে শুয়ে আছে; তার বুক জার্মানের গুলি বিদ্ধ হয়েছিল।

মাল্যুচিথা এও বেশ জানে যে, প্রাতোন সব কথাই ধীর ভাবে শুনবেন, তার পর বলবেন সেই কথা—যা তিনি আগেও বলেছেন। জার্মানরা প্রথম যখন গ্রামে প্রবেশ করে তখন আবশ্যক জিনিসের খলে কাঁধে নিয়ে গ্যোরিলাদের সঙ্গে জঙ্গলে আশ্রয় নেবার জন্তে যাত্রা করবার প্রাক্কালে তিনি স্ত্রীকে বলেছিলেন: তোমরা রইলে। যদি আবশ্যক হয় তা হলে যা-কিছু হাতের কাছে পাবে তাই দিয়ে বাধা দিও, দেখো যেন কোন মতেই আত্মসমর্পণ করো না। আমাদের আজ সকলকেই লড়তে হবে। বৃদ্ধ, বৃদ্ধা, ছেলে, মেয়ে—সকলকে!”

সব শুনে প্রাতোন বলবে: “হাঁ, আমাদের মিশুৎকা জার্মানদের সঙ্গে লড়ে মৃত্যুবরণ করেছে। তুমি যেন তার জন্তে বিলাপ করো না, সে তার স্বদেশের জন্তে আত্মবিসর্জন করেছে, বুঝেছ?” আর তাই মাল্যুচিথাও কাঁদে নি, তবে

অদূরে দালানের মেঝের নীচে—যেখানে তার পুত্রের গোপন কবর, সেই দিক পানে সে দুই চক্ষু প্রসারিত করে চেয়ে রইল।

এ দিকে বাইরে সাজীরা তখনও রাত্রির দুর্ঘটনার কথা নিয়ে আলোচনা করছিল।

“জায়গাটা ভূতুরে। আচ্ছা, কে মৃতদেহটা নিতে পারে? রাশ্কা বলেছে যে তারা কোন শব্দ শোনে নি। অথচ এক পা চলতে গেলে বরফ মড়মড়িয়ে ওঠে।”

“কে জানে কি হয়েছে।” অপর ব্যক্তি বিড় বিড় করে বলল। তার মুখে চোখে একটা বিষণ্ণতার ভাব ফুটে উঠেছে। “এখানকার ব্যাপার কিছু বুঝতে পারবে না।”

তারা থেকে থেকে সারাক্ষণ কেবল চারিদিকে তাকিয়ে দেখছিল।

তাদের মনে হয় বরফ মড় মড় করছে, স্পষ্ট ভাবেই মড় মড় করে গুঁড়ো হচ্ছে, তারা যেন পদশব্দ শুনতে পায়। চারিদিক তাকিয়ে দেখতে গেল তখন আর কিছুই দেখা যায় না। তাঁদের চার দিকে একটা আবছা জ্যোতির্মণ্ডল জ্বল জ্বল করছে। আলোক-স্তুভ, বিজয়-তোরণ—সব আশ্বে আশ্বে মিলিয়ে যাচ্ছে এবং নিঃশেষে মিলিয়ে যেতে যেতে তারা যেন কঁাপছে।

“একটু গরম পড়ে আসছে বলেই মনে হচ্ছে,” একজন সৈনিক বললে।

“তুমি তা-ই বলছ। আমি ভাবছি আমার কান দুটো কখন খসে পড়বে। বাইরে যখন থাকো তখন এটা নজরে আসে না, যেই ঘরে ঢুকে গরম জায়গা দেখে বসলে, অমনি সঙ্গে সঙ্গে আগুনের মত জ্বলতে লাগল।”

“আমার মনে হয়, একেই বলে তুষারের কামড়।

‘অবশ্য, পা দুটো তুষারে ফেটে চৌচির হয়েছে। কিন্তু আমার পায়ে যেন যন্ত্রণা হচ্ছে। ... যেই গরম পড়বে, অমনি পচতে শুরু করবে।’

“বেশ ত, তা হলে ত তোমার পক্ষে ভালই, তখন তোমাকে হাসপাতালে পাঠিয়ে দেবে।”

“তুমি কি তাই মনে কর নাকি ! তারা মানেরকে পাঠিয়েছিল ? অথচ তার পা কয়লার মত কালো হয়ে উঠেছিল ।”

“তোমাকে অমন করে চোঁচাতে হবে না ।”

“কেন, এখানে ত কেউ নেই ।”

“তুমি তাই মনে করে বসে থাক—‘এখানে ত কেউ নেই ।’ কাল সকালে দেখবে, সার্জেন্ট কিন্তু সব কিছুই জেনে বসেছে ।”

“তুমি গিয়ে সব কিছু তাকে না-বললে অবশ্য নয় ।”

“ও কথা আর বলো না, বললে ...”

“যাক গে, আর গোলমাল করো না । আমি বলতে চাই যে, অলৌকিক ব্যাপার বলে কিছু নেই ।”

“না, নিশ্চয়ই নেই । কিন্তু তবুও প্রশ্ন থেকে যায় যে, তা হলে দেহটা গেল কোথায় ?”

“সেটা আর এক কথা । ... আমি সার্জেন্টের কথাই বলছি ।...”

“ওঃ ! ...”

চাঁদের চার পাশে যে জ্যোতির্মণ্ডল দেখা গিয়েছিল, এর মধ্যে সেটা কাচের মত নির্মেষ আকাশে আরও বড়, আরও ঘন, আরও ধবধবে নীল দেখাচ্ছিল ।

“বল, কি বলতে চাও । ভোরের দিকে তুষার আরও বেশি করে পড়তে থাকবে, কিন্তু ঠিক এই মুহূর্তে বেশ একটু গরমই লাগছে ।”

“আমি বলছি, আবহাওয়া বদলে যাচ্ছে । আমার হাড়ের মধ্যেই তা টের পাচ্ছি ।”

“কি বাতের ব্যথা নাকি ?”

“হাঁ, তাই । আবহাওয়া বদলের সঙ্গেই বেদনা শুরু হয় ।”

জার্মান সৈনিক দুটো গোটা রাস্তায় পায়চারি করে বেড়াতে লাগল ।

“ভাল কথা, সেই মেয়েমানুষটা কি এখনও সেই চালা-ঘরেই আছে ?”

“হাঁ ।”

“সকালেই দেখবে সে জমাট বেঁধে গেছে ।”

“আবহাওয়া যদি বদলায়, তা হলে জমাট বাঁধবে না।”

“এ সব কাজ বড় নোংরা। স্ত্রীলোক, ছেলেপিলে ...”

“চাড়া নেই। এ সব মেয়েমানুষ এমন যে দেখা মাত্র তোমায় শেষ করে দিতে পারে। ছোট ছেলেগুলি আরও ভয়ঙ্কর। তারা সব জায়গায়ই ঘুর-ঘুর করবে এবং তাদের যেখানে কোন প্রয়োজন নেই, সেখানেও গিয়ে বসবে। আমার বিশ্বাস, গ্রামবাসীরা আমাদের চালচলন লক্ষ্য রাখবার জগ্জেই তাদের পাঠায়।”

খানিকক্ষণ তারা চুপ করে রইল।

“আমি হলে এসব ব্যাপারে সম্পূর্ণ আলাদা ভাবেই ব্যবস্থা করতাম। আর একজন ক্যাপ্টেন যা করেছিল, মনে আছে তোমার?”

নাক খাঁদা লোকটা মাথা নাড়ল।

“দেখো, ওরা আমাদের হয়ে কখনও কাজ করবে না। আমি ওদের ভাল করেই জানি। অবশ্য শেষ পর্যন্ত তাদের শেষ করতেই হবে। তবে এখনি করতে দোষ কি? বরং সে-ই ভাল, তাতে অনেকটা শাস্তি পাওয়া যায়।”

“সকলকেই?”

“হ্যাঁ, সকলকেই। নিজেই ত বেশ দেখতে পাচ্ছ তারা কি চিঁজ। এতটুকু খুদে ছেলেগুলি এমনি তৈরি হচ্ছে, আমাদের পক্ষে তাদের নতুন করে কোন শিক্ষা দেওয়া সম্ভব হবে না। আর তা ছাড়া, আমরা সে হাঙ্গামা পোহাতেই-বা যাই কেন—সে মেহনতের মজুরি পোষাবে না। তারা সম্পূর্ণ আলাদা মানুষ এবং আলাদাই থাকবে।”

অপর সৈনিকটি দীর্ঘ নিশ্বাস ফেলল, কোন জবাব দিল না। রামধনুর স্তম্ভগুলি ইতিমধ্যে সম্পূর্ণ মিলিয়ে গেছে। রাস্তার দু পাশে যে গাছ সাবিবদ্ধ হয়ে আছে, তার ডাল-পালায় একটা খসখস শব্দ হতে শুরু করল। সেখান থেকে বরফ বৃষ্টি হতে লাগল। চাঁদ আবার কুয়াশায় ঢেকে গেল, তখন তার আলো মলিন ও বিষণ্ণ।

“আবহাওয়ার বদল শুরু হয়ে গেছে। মিনিটখানেক আগেও চাঁদকে সূর্যের মতই উজ্জ্বল দেখিয়েছে, আর এখন তাকে দেখ।”

“বাতাস উঠেছে।”

“গরম লাগছে—এ ভালই। বরফে শীতে মরবার জন্মে আমি ত প্রস্তুত হয়েই আছি।”

তখনও পায়েয় তলায় বরফ গুঁড়ো হচ্ছে, কিন্তু আগের মত মড় মড় শব্দ হয় না। খুব তাড়াতাড়ি আবহাওয়ার বদল হচ্ছে। স্ফটিক-স্বচ্ছ আকাশ এখন ধূসর কুয়াশায় নিম্ভ্রত দেখায়; বাতাস ক্রমেই উগ্র হয়ে উঠছে, বাতাসের সঙ্গে মাঠ থেকে বরফও শূণ্ণে উড়ছে। ঠাণ্ডা কনুনে বাতাস হাড়ের মধ্যে কাঁপুনি ধরিয়ে দিচ্ছে, মুখে চোখে ঝাপটা মারছে এবং সঙ্গে সঙ্গে পাতলা জামার মধ্যে গিয়ে ঢুকছে।

“তুমি না বলছিলে গরম লাগছে—এই কি তোমার গরম! ...”

“এ আর কতক্ষণ?”

“আরে ভোর হতে এখনও অনেক দেরি—এখনও অনেক হাঁটতে হবে।”

দূরে বরফাচ্ছন্ন সমতল থেকে একটা অদ্ভুত গর্জন শোনা গেল, সেটা যেন ধেয়ে আসছে। যতই কাছে আসছে ততই গর্জনের পর্দা উচুতে চড়ছে।

“ওটা কিসের শব্দ?”

তারা দাঁড়িয়ে কান খাড়া করে শুনল। গর্জন ক্রমেই বিকটভর শোনাতে লাগল। তারপর হঠাৎ একসময় গ্রামের উপর এসে ঝাঁপিয়ে পড়ল। বাতাসের প্রতাপে গাছগুলি এক একবার মাটিতে লুইয়ে পড়ছে এবং ডালগুলি তাণ্ডব নৃত্যে মেতে উঠছে। মাটি থেকে বরফগুলিকে উপড়ে ফেলে, কখনও ছড়িয়ে, কখনও শূণ্ণে ছুঁড়ে মারতে লাগল। সঙ্গে সঙ্গে প্রবল বৃষ্টি। সান্দ্রীরা সোজা মাথা তুলে এগোতে পারছিল না, প্রায় মাটিতে লুইয়ে এগোতে চেষ্টা করল। যখন তারা আবার ফিরে চলল, তখন বাতাস তাদের পিঠে লাগায় তাদের চলা সহজ হল, বাতাস তাদের এমন ভাবে এগিয়ে যেতে সাহায্য করল যাতে মনে হয় যে তাদের যেন পাখা আছে। কিন্তু মুশ্কিল

এই যে, বাতাস কেবল তার দিক-পরিবর্তন করতে লাগল, কখনও ডাইনে থেকে, কখনও বা বাঁয়ে থেকে, আবার কখনও সোজা রাস্তা ধরে বাতাস বইতে লাগল। জায়গায় জায়গায় কৃত্রিম ফোয়ারা তৈরি হতে লাগল এবং সেগুলি বড় হতে হতে একসময় হঠাৎ ভেঙে পড়তে লাগল, সঙ্গে সঙ্গে মাটি সাদা হয়ে পড়তে লাগল।

“বাপ্ রে, কি শীত! এ যে দেখছি দস্তুর মত তুষার-ঝড়। এরকমটা কিন্তু কখনও দেখা যায় নি।”

এমন সময় তারা উভয়েই যেন কার আদেশে যুগপৎ পরস্পরের কাঁধের দিকে তাকাল। কিন্তু রাস্তাটা আগে যেমন জনহীন ছিল এখনও তেমনি।

৩

ক্যাপ্টেন ভেনের চিঠি থেকে দৃষ্টি তুলে একবার জানলার দিকে চাইল। বাইরে ঝড় বইছে। দেখে মনে হয়, বরফ পড়ছে। কিন্তু বস্তুত বাতাসের ঝাপটায় বরফের চাপগুলো উপরে উঠে চূর্ণ-বিচূর্ণ হয়ে চারিদিকে ছড়িয়ে পড়ছে : কখনও ঝোপের গায়ে, কখনও বা জানলার শাশিতে এসে সশব্দে আছড়ে পড়ছে। বরফ ঢাকা বিস্তীর্ণ সমভূমির উপর ঝোড়ো হাওয়ার দাপাদাপি যেন ক্রমেই বেড়ে উঠতে লাগল। ঝড়ের ঘায়ে গ্রামের ঘরবাড়ীগুলো পর্যন্ত কঁপে কঁপে উঠছিল।

কুর্ট ভেনের মনটা আজ ভারাক্রান্ত হয়ে উঠল—কত দিন সে দেশ ছাড়া! তার শ্বাসপ্রশ্বাস যেন বন্ধ হয়ে আসছে। মনটা কেমন দিশেহারা হয়ে মরুভূমির ধূসর বিস্তীর্ণ বালুরাশির মত ওই বরফের স্তূপে ডুবে যায়। আজ মনে হয় ডেসডেনের সেই বাড়ীখানির কথা,— তার স্ত্রী ও পুত্রকন্যারা না জানি কি করছে সেখানে। কত দিন সে তাদের দেখে নি। ফ্রান্স থেকে চলে আসবার সময় আশা করেছিল হয় ত একবার বাড়ী যেতে পারবে, অন্তত একটি দিনের জন্তে। কিন্তু জার্মানীর ভিতর দিয়ে তাদের পাগলের মত ছুটিয়ে আনা হল। ট্রেন থেকে এক মিনিটের জন্তেও একবার নামবার সুযোগ পেল না। ট্রেনের জানলা-পথে

ওর জন্মভূমির ছবি মুহূর্তের জন্তে ক্ষিপ্ৰগতিতে দেখা দিয়ে গেল। ও শুধু একটি বার চোখ তুলে চাইল যে-দিকে ওর বাড়ী, সেই পথে। কিন্তু আজ বাড়ী ফিরবার প্রবল আকাঙ্ক্ষা মনে জেগে উঠেছে। যদি আধ ঘণ্টা, এমন কি, দশ মিনিটের জন্তেও একবার যেতে পারত! সেখানে ঝড় বইছে না, নালার জমাট বাঁধা বরফে মৃত্যু ওৎ পেতে বসে নেই। টেবিলে বসে ও খেত কফি, আর লুইজা কুটিগুলো কেটে টুকরো টুকরো করত। কত আরাম, কত শান্তি ছিল তার মাঝখানে! হাসিমুখে নিটোল হাতখানি বাড়িয়ে লুইজা ওর হাতে পেয়লা তুলে দিত। আবার কবে সেদিন আসবে তার?

হঠাৎ সকলের উপর এবং সব কিছুর উপর মনটা বিতুষায় ভরে উঠল। পুসিয়ার উপর ওর রাগ হচ্ছিল। অত্যন্ত খেয়ালী মেয়ে, দুপুর পর্যন্ত পড়ে পড়ে ঘুমোবে আর রাত দিন কেবল ঘ্যান্ ঘ্যান্ করবে। মাথায় তার এটুকু বুদ্ধি যোগায় না যে, বিছানাটা পাতে বা শোবার ঘরখানা পরিষ্কার করে। নোংরা বিছানাটার কথা মনে হলে ওর কেমন ঘৃণা ধরে যায়। ঘরের মেঝেতে রানীকৃত সিগারেটের টুকরো, টেবিলের উপর কতকগুলি হেয়ার পিন, নখকাটা কাঁচি, মাখন, কুটি—সব কিছু এলোমেলো হয়ে পড়ে আছে। আর ড্রেসডেনে তার সেই ছোট্ট ক্ল্যাটটি? কেমন পরিষ্কার পরিচ্ছন্ন! প্রত্যেকটি জিনিস বেশ সাজানো গোছানো। লুইজা প্রায় সব সময়ের জন্তেই একখানা কাড়ন-হাতে ঘুরে বেড়ায়। অধীনস্থ সৈনিকগুলোর উপরেও রাগ হচ্ছিল। যত সব স্টুপিড, নিরেট! সর্বজ্ঞ ভরতি উকুন, বরফে হাত মুখ ফেটে উঠেছে। যত রকম ব্যাধি মানুষের থাকতে পারে তার সবই আছে তাদের। যে গ্রামে সম্পূর্ণ একটি মাস কেটে গেল সে গ্রামখানির উপরেও আজ ভের্নের অত্যন্ত রাগ হচ্ছিল। বিল্লী নিরানন্দ নির্জন গ্রাম! মাটির দিকে চেয়ে লোকগুলো ওর পাশ দিয়েই যাতায়াত করে, অথচ একবার চোখ তুলে চায় না। অবশ্য ও জানে তাদের সে দৃষ্টিতে বিবেচ ছাড়া আর কিছুই খুঁজে পাওয়া যাবে না। পৃথিবীতে বোধ হয় এমন কোন শক্তি নেই যাতে করে ওই লোকগুলোর কাছ থেকে এতটুকু ভয় বা বঞ্ছতা আদায় করা যায়।

“তোমাকে আরও কিছু শোনাব,” দাঁতে দাঁত চেপে সে বিড় বিড় করল। তার দৃষ্টি গিয়ে পড়ল একখানা সাদা কাগজের উপর। টেবিলের উপর মাথা গুঁজে সে দ্রুত লিখতে আরম্ভ করে দিল—এত দ্রুত যে, লিখতে লিখতে চার-দিকে অতি ক্ষুদ্র কালির ফোঁটা ছড়িয়ে পড়তে লাগল।

“কবে তোমাদের সঙ্গে মিলতে পারব, এখন থেকে আমি সেই দিনটি গুণছি। লুইজা, জান, আমরা কেবল এগিয়েই চলেছি, এই অচেনা বর্ষর অসভ্য দেশে আমরা এগিয়েই চলেছি। শীঘ্রই সম্পূর্ণ জয়ে আমাদের অভিযান সাফল্য-মণ্ডিত হয়ে উঠবে।”

লুইজা খুশি হোক। তারা যে পুরো একটা মাস একই জায়গায় আটকে আছে এ খবর তাকে জানানো অনাবশ্যক। একটা অতি বিস্তীর্ণ গ্রামে পুরো একটা মাস তারা ভয়ানক তুষার-বরফে বিব্রত, গ্যারিলারা বনের ধারে খাদের পাশে ঘুপটি মেরে আছে, সৈন্তেরা দিন দিনই দুর্বল হয়ে পড়ছে, এবং তাদের মধ্যে নানা রকম আধিব্যাধি দেখা দিয়েছে, ফ্রান্স থেকে যে সৈন্যদল নিয়ে সে এখানে এসেছিল তার মধ্যে বড় একটা কেউ বেঁচে নেই, একমাত্র শাখের ছাড়া তার ড্রেসডেন-বন্ধুদের মধ্যে আর কেউ জীবিত নেই—এসব খবর তাকে দেওয়ার দরকার নেই। না, সে এসব জানে না, আর জানবেই বা কেমন করে? যুদ্ধক্ষেত্র থেকে যে সব চিঠি লেখা হয় তাতে আশার বাণীই থাকা দরকার। তাতে সৈনিকের স্বদেশাহরণেরই পরিচয় থাকে। তা ছাড়া, যে চিঠি সে লুইজাকে লিখবে সে চিঠি লুইজা পড়ার আগে অপরে পড়বে; স্তত্রাং কুট ভেনের-এর মনোভাব তারা চিঠি থেকে স্পষ্ট জানতে পারবে।

“এখানে শীত খুব বেশি, এরকম তুষারের সঙ্গে আমাদের আদৌ পরিচয় নেই। তবে আমাদের তাতে কোন অসুবিধা হয় না, কেন না, ফ্রান্স-এর আদেশবাণী আমাদের উৎসাহিত করে এবং তাঁর মহৎ উদ্দেশ্যকে কার্যে পরিণত করবার স্বযোগ আমাদের উপর হস্ত বলে আমরা গর্ব অনুভব করি। জার্মানীর শৌর্ধের পরাকাষ্ঠা প্রদর্শনের ভারও আমাদের উপরই হস্ত।”

আরও গুটিকয়েক পংক্তি লেখার পর কুর্ট চিঠিখানা আর একবার প্রথম থেকে পড়ল। না, শুনতে ত খারাপ লাগছে না। বরং জার্মানী থেকে সৈন্যদের জন্তে যে সব ইস্তেহার এখানে পাঠানো হয়, তার চেয়ে এ চিঠি ঢের ভাল হয়েছে। অধিকতর সতেজ ও সহজবোধ্য।

কলমের প্রান্তটা চিবোতে চিবোতে সে আরও খানিকক্ষণ কি ভাবল, তারপর স্থির করল যে, এ-ই ঠিক। অবশ্য ছেলেমেয়েরা কে কেমন আছে, সেকথাও লিখতে হবে। কেন না, সে ত শুধু জার্মান-বাহিনীর অগ্রতম ক্যাপ্টেনই নয়, সে স্বামী এবং পিতাও।

“লুইজা, তোমার দিন কেমন কাটছে? লিজেল কেমন আছে? উইলির টনসিলটা কমেছে? তার জামার জন্তে কিছু ফার পাঠাতে চেষ্টা করছি। তা হলে আর তার ঠাণ্ডা লাগবে না। মোজা চেয়ে পাঠিয়েছ, কিন্তু দুঃখের বিষয়, এখানে তা পাওয়া মুশকিল। প্রথম থেকেই আমরা কেবল পাড়ারগায়েই আড্ডা গেড়েছি। কোন শহর দখল করতে পারলে তখন মোজা সংগ্রহ করে পাঠাতে পারব। গেল সপ্তাহে কিছু মাখন পাঠিয়েছি। আমার প্রেরিত জিনিসগুলি যখন যখন পাও, নিয়মিত আমাকে খবর দিও। আগামী বারে কিছু মধু পাঠাব— মধু ব্যবহার করলে উইলির গলার উপকার হবে। ...”

দরজায় কে কড়া নাড়ল।

“কি চাও?”

“মোড়ল এসেছে দেখা করবার জন্তে।”

“তাকে বসতে বল,” কাঁধের উপর দিয়ে একবার পিছন দিকে তাকাল এবং পরক্ষণেই আবার মাথা গুঁজে চিঠিতে মনোনিবেশ করল, কিন্তু সঙ্গে সঙ্গেই তার চিন্তার সূত্র ছিঁড়ে গেল; এতক্ষণ সে তার ডেস্কেডেনের বাড়ীতে ছিল, হঠাৎ যেন অব্যবসায় থেকে ফিরে এল যুদ্ধের এই পল্লীগ্রামে। এত রোগে গেল যে, সে আর লিখতে পারছিল না। তাড়াহাড়ি স্নেহচূষন ও প্রীতি জানিয়ে চিঠি শেষ করে নাম দস্তখত করল এবং খামের মধ্যে পুরে ফেলল।

“এই—কে আছিল? ওকে আসতে বল!”

দ্বার-পথে একটি লম্বা ছিপছিপে লোক এসে উপস্থিত হল।

“হের ক্যাপ্টেন, আমায় ডেকেছেন?”

“হাঁ, ডেকেছি এই জগ্গে যে,…”

কুর্ট পা দুটো টেবিলের তলায় লম্বা করে ছড়িয়ে দিল এবং ক্ষণেকের জগ্গে লোকটার ভিতরটাকে যেন একবার বুঝে নিতে চেষ্টা করল।

“হাঁ, যা বলছিলাম, খাওয়াশু কবে নাগাদ পাঠাতে পারবে?” কুর্ট হঠাৎ চোঁচিয়ে উঠে সামনের দিকে বুঁকে পড়ল।

মোড়ল কেঁপে উঠে মাথা নীচু করে রইল।

“আমার যা সামর্থ্য, আমি করছি। প্রাণপণ চেষ্টা করছি—কিন্তু খাওয়াশু মোটেই পাচ্ছি নে।…”

“তুমি কি বলতে চাও যে খাওয়াশু নেই? গ্রামে তিন শ ঘর লোক আছে, এবছর ফসলও যথেষ্টই ফলেছে, আর তুমি বলছ খাওয়াশু নেই? তারা সব লুকিয়ে রেখেছে।”

লোকটা হুঃখের সঙ্গে একটা দীর্ঘ নিশ্বাস ফেললে।

“হাঁ, নিশ্চয়ই তারা লুকিয়ে রেখেছে।…”

বাইরে ঝড় বইছে, জানলার দিকে চেয়ে সে কি যেন ইঙ্গিত করল।

“কি দেখব? ওখানে কি আছে?”

“তুমি দেখবে,” ক্যাপ্টেন তাকে প্রতিবাদ করে বলল। তোমাকে শুধু ঠিক মত তল্লাশ করতে হবে। বুঝলে গাপলিক, ঠিক মত তল্লাশ।… বসো।”

মোড়ল একখানি চেয়ারের কিনারা ঘেঁষে আড়ষ্টভাবে বসে পড়ল।

“তোমার কাজে আমি সন্তুষ্ট নই, মোটেই না। সত্য বলতে কি, তারা যে কেন তোমাকে এখানে পাঠিয়েছে তার কারণও আমি বুঝতে পারছি নে। আমার মনে হয়, স্থানীয় কোন লোক হলেই আমাদের কাজের সুবিধা হত।… মাসখানেক তুমি এখানে এসেছ, অথচ আজও তুমি এখানকার লোকদের ভাল করে চিনতেই পার নি। এ গ্রামে কারা বাস করে, তুমি জান?”

মোড়লের চোখে একটা আশার দীপ্তি কেঁপে কেঁপে উঠল।

“সত্যিই, আমি যে তাদের চিনতে পারি নি, এটা ঠিক।... গ্রামটা বেশ বড়, এবং আমার কাছে তাদের কারুরই কোন প্রয়োজন নেই। স্থানীয় লোক হলে কাজটা সহজই হত সন্দেহ নেই।...”

ক্যাপ্টেন চেয়ারে হেলান দিয়ে বসল।

“ও, তাই নাকি!... তা হলে ত দেখছি, এ কাজ নিয়ে তুমি খুশি নও, তাই কি?”

গাপলিক তার হাতের টুপিটাকে মোচড়াতে লাগল, কিন্তু কোন জবাব দিল না।

“ভাল।... কিন্তু তোমার ভুলে যাওয়া উচিত হবে না যে, লালপন্টনের লোকেরা তোমাকে গুলি করে মারত, হয় ত তার চেয়েও খারাপ কিছু করে বসত, চাষীরা লেজা দিয়ে ফুঁড়ে মারত।... জার্মান সামরিক কর্তৃপক্ষ তোমাকে বাঁচিয়েছে। এখন তারা যা বলবে, তোমার পক্ষে তা-ই করা উচিত। বিশেষত, তারা ত তোমার কাছে কিছু দাবি করেছে না, করেছে বলতে পার?”

মোড়ল দীর্ঘনিশ্বাস ফেলল।

তোমার মধ্যে উৎসাহের অভাব যথেষ্টই আছে বলে আমাদের মনে হয়। বলশেভিকরা তোমার জায়গা-জমি সবই কেড়ে নিয়ে তোমাকে বন্দী করেছিল। আমরা ভেবেছিলাম তুমি সাধ্যমত আমাদের উপকার করতে অবশ্য চেষ্টা করবে। কিন্তু সত্য বলতে কি, তুমি কিছুই করছ না।...সৈন্তেরা গ্রাম-বাসীদের কাছ থেকে গায়ের জোরে যতটুকু আদায় করতে পেরেছে ততটুকুই আমরা পেয়েছি। তোমার চেষ্টার কথা বলতে গেলে বলতে হয়, কিছুই তুমি কর নি। এমন কি, তোমার কাছ থেকে একটা সামান্য খবরও আমরা পাই নি।”

“কিন্তু আমি ত কস্টিয়ুক-রমণীর কথা আপনাকে জানিয়েছি।...”

একটি মাত্র কাজ করে দিয়েছে সেই কথা উল্লেখ করে সে এখন আশ্বর্যকর চেষ্টা পেল। সে যখন জার্মান-দফতর থেকে লুকিয়ে পিছনের দরজা দিয়ে বেরিয়ে যাচ্ছিল তখন খবরটা দৈবাৎ সে শুনে ফেলেছিল।

ভেনের জুকুটি করল।

“বেশ। তারপর?”

“তারপর মাস্টারনী। ...” গাপলিক অস্পষ্ট স্বরে বললে।

“ও, হাঁ, মাস্টারনী। তার সম্বন্ধে খুব সামান্য খবরই দিয়েছ, সেই সামান্য খবরও আবার প্রমাণসাপেক্ষ।”

“সেটুকুও স্থানীয় লোকের পক্ষে সহজসাধ্য ছিল।...”

“রাখো তোমার স্থানীয় লোক! স্থানীয় লোক হলে যে সুবিধাই হত, সে ত জানা কথা, কিন্তু পাই কোথা? গ্রামে তিনশটি পরিবার আছে, তার সবগুলিই সমঝায়ে চাষ করে। একটিও স্বাধীন চাষী নেই। জমিগুলি সবই ভদ্রলোকদের। এখানকার সব লোককেই যেমন তুমি জান, তেমনি আমি জানি—সকলেই ছিল নিঃস্ব, কপর্দকশূণ্য; বলশেভিকেরা তাদের জমি দিয়েছে, কাজেই তারা তাদের প্রতি কৃতজ্ঞ। তাদের প্রায় সকলেই গৃহযুদ্ধের আগে ছিল দিন-মজুর, স্বতরাং তাদের মধ্যে আমাদের অহুঁরাগী স্থানীয় লোক পাব কোথা থেকে?” ক্রুদ্ধ হয়ে ভেনের টেবিল চাপড়ে উঠল। “তোমাকে সজাগ হতে হবে, বুঝেছ গাপলিক, একটু মন দিয়ে কাজ কর, নইলে তোমার সম্পর্কে আমার অন্য মনোভাব পোষণ করতে হবে। তোমাকে তিন দিন—না, চার দিন সময় দিলাম, এর মধ্যে তোমাকে খাণ্ডশস্ত্র যোগাড় করতে হবে। সৈন্তদের খেতে দিতেই হবে, তুমি চাষীদের কাছ থেকে খাণ্ডশস্ত্র আদায় করতে অক্ষম বলে কি এই হতভাগা গ্রামে পড়ে আমার সৈন্তেরা না খেয়ে মরবে?”

“আমার নিজের কিছুই করবার সামর্থ্য নেই,” মোড়ল অগ্রসর হয়ে বললে।

“সামরিক সাহায্য পেলে আমার পক্ষে সুবিধা হয়।”

“সামরিক সাহায্য দিতে কবে আমি গররাজী? তোমার যদি সাহায্যের প্রয়োজন হয়, অবশ্যই তা পাবে, কিন্তু তোমাকে কিছু কাজ করতেই হবে, কি করবে ভেবেচিন্তে ঠিক করে নাও।...”

মোড়লের স্ত্রী চোখ দুটো উজ্জ্বল হয়ে উঠল।

“বেশ, তবে তাই হবে, একটা মতলব ঠিক করে আপনাকে জানাব।”

“উত্তম, তবে একটা কথা বলে রাখি, বেশি দেরি যেন না হয়। মনে রেখো, মাত্র চারটি দিন তোমার হাতে আছে। হাঁ, তারপর সেই ছোকরার কথা। অপরাধীদের খুঁজে বার কর, নইলে এর জন্তে তোমাকেই দায়ী হতে হবে। মনে থাকে যেন। এর জন্তেও মাত্র চার দিন সময় পাবে।”

ভের্নের গাপলিকের দিক থেকে ফিরে বসে জানলা দিয়ে বাইরের দিকে তাকিয়ে রইল। বাইরে তখনও ঝড় বইছে, বৃষ্টির সঙ্গে বাতাসে উৎক্ষিপ্ত বরফ মিশে যাচ্ছে, ঘরটা মড় মড় করে উঠছে এবং এক এক সময় মনে হচ্ছে যে, এখনই বোধ করি ছড়মুড় করে ঘরটা ভেঙে পড়ল। গাপলিক বুঝতে পারল যে, তাদের সাক্ষাৎকার তখনকার মত শেষ হয়ে গেছে। সে মাথা নীচু করে ক্যাপ্টেন ভের্নেরকে সেলাম করে ঘর থেকে বেরিয়ে গেল।

বাইরে খোলা জায়গায় না যাওয়া পর্যন্ত সে মাথায় টুপি পরতে সাহস পেল না। দৃঢ়প্রতিজ্ঞ গ্রামবাসীদের কাছ থেকে কেমন করে প্রচুর খাদ্যশস্ত্র যোগাড় করবে, পথ দিয়ে চলতে চলতে কেবল এই ফন্সিই সে আঁততে লাগল। সে নিজের চিন্তায় এমনি মগ্ন হয়ে পড়েছিল যে, বিপরীত দিক থেকে একটা লোকের সঙ্গে বরফের দমকা ঝাপটায় ধাক্কা লাগবার উপক্রম হয়ে পড়ল। ভয়ে সে পিছন দিকে লাফ দিল। অপর ব্যক্তি প্রবীণ, তার মাথায় পাকাচুল, ক্রটি স্বীকার করতে উগ্ধত হল, কিন্তু পরে তাকে চিনতে পেরে ইচ্ছে করেই মাটিতে থুথু ফেলল এবং ফিরে কুটীরগুলির দিকে যে পথটা গেছে সে পথে চলে গেল।

গাপলিক দ্রুতগতিতে বাড়ী গিয়ে দেরাজ থেকে একখানি কাগজ নিয়ে একটা আদেশের খসড়া রচনায় লেগে গেল। মাথাটা একবার একদিকে, আর বার আর একদিকে রেখে কলম চালাতে লাগল। একবার লেখা অপছন্দ হওয়ায় কেটে বাদ দিচ্ছে, হাই তুলছে, ঘর্মাক্ত কলেবরে টাক রগড়াচ্ছে। বাইরে তখন ঝড়ের মাতামাতি চলেছে। ক্যাপ্টেন তাকে যে রকম শাসিয়েছে তা মনে পড়ছে, অধিকন্তু তার প্রতি গ্রামবাসীদের যে মনোভাব তার অপ্রীতিকর স্বভিত্তিও তাকে ঘরের বার করতে পারছে না। সে খুব ভাল করেই জানে যে, এই তার শেষ স্বযোগ, এবারে সে যেমন করে পারে ভের্নেরকে খুশি করবেই

এবং ভের্নেরও স্থির করে বসেছে যে, যেমন করে হোক, গ্রামবাসীদের প্রতিকূলচরণ সে ভাঙবেই।

ঝড়ের মুখে বরফের স্তর চারদিকে উড়ে পড়ছে, তারই মধ্যে গ্রামখানি নীরব নিস্তব্ধ। গ্রামবাসীরা কুটারে বসে বসে বরফ-ঝড়ের গর্জন শুনছে। কেবল মাত্র য়েভদোকিম ওখাবো এক। আর কোনমতেই ঘরে বসে থাকতে পারছে না, তাই ঝড় দাপাদাপি করুক আর না-ই করুক, সে প্রতিবেশীদের সঙ্গে দেখা করবেই। ভীষণ বাতাসের মুখে সে প্রাণপণ চেষ্টায় মান্যকদের বাড়ীর দিকে এগিয়ে গেল এবং বিশেষ যত্নের সঙ্গে বুট থেকে বরফের কণাগুলি ঝেড়ে ফেলে দাওয়ায় গিয়ে উঠল। ভিতরে সব নিস্তব্ধ। য়েভদোকিম দরজায় কড়া নাড়ল এবং কেউ এসে দরজা খুলে দেওয়ার অপেক্ষা না করেই ভিতরে প্রবেশ করল। সঙ্গে সঙ্গে তিন জোড়া চক্ষু ভয়ে তটস্থ হয়ে তার দিকে নিবদ্ধ করল।

“তোমরা সব কেমন আছ গো?”

মান্যচিখা একটা দীর্ঘ নিশ্বাস ফেলল। তার বুকটা তখন ভীষণ ভাবে দপ দপ করছিল।

“দেখতে পাচ্ছ না, আমি! এত ভয় কিসের জন্তে?”

সে জবাব দিল না। য়েভদোকিম লাঠিতে ভর দিয়ে তখনও দাঁড়িয়ে।

“আমাকে কি বসতেও বলবে না? এটা ত দেখছি নতুন ব্যবস্থা।”

“আমাদের বাড়ীতে এসে তোমার বসণও উচিত নয়, আসাও উচিত নয়,” নীচু গলায় সে বললে।

“কেন?”

সে তার কাঁধ দুটো কাঁকাল। বৃদ্ধ হাত ঝেড়ে নিয়ে জানলার ধারে বেঞ্চিতে বসে পড়ল।

“ব্যাপার কি গালিয়া, তোর মাথা খারাপ হয়েছে না কি? ও রকম করে বসে আছিল যে? মিশ্কা কোথায়?”

হঠাৎ জিনা টেচিয়ে কঁদে উঠল।

“কি হয়েছে, বল না ছাই!”

“চূপ কর জিনা, কাঁদে না,” তার মা কঠোর স্বরে বলে উঠল।

য়েভদোকিম তার মাথাটা আঁচড়াতে লাগল।

“কি ঝড় বইছে, ভয়ানক বিশ্রী লাগছে। গোটা বাড়ীটা কেঁপে কেঁপে উঠছে; একা একা মোটেই ভাল লাগছিল না ... তাই মনে করলাম একবার তোমাদের কাছে আসি। ...”

“হাঁ দাদু, আমরা প্রতিবেশীই বটে। ..” মাল্যুচিখা দীর্ঘ নিশ্বাস ফেলে বললে।

য়েভদোকিম লাঠি গাছটির ডগা দুখানি হাত দিয়ে জড়িয়ে ধরে তার উপর গালখানি কাৎ করে রেখে জ্বীলোকটির দিকে মনোযোগের সঙ্গে তাকিয়ে রইল।

“কিছু হয়েছে নাকি? মিশ্কাই বা কোথায় গেল? এ রকম ঝড়বাদলায় সে নিশ্চয়ই কোথাও বেড়াতে বার হয় নি।”

“দাদু, মিশ্কা চলে গেছে ..”,

“চলে গেছে! কোথায়?”

“কোথাও না। ... রাতে জার্মানরা মিশাকে গুলি করে মেরেছে।

“কোথাও না। ... রাতে জার্মানরা মিশাকে গুলি করে মেরেছে।”

বৃদ্ধের স্বর কেঁপে উঠল।

“তারা—মিশাকে—গুলি—করেছে? কি বলছ মেয়ে! কি বলতে চাও?”

মাল্যুচিখা হাত কচলাতে কচলাতে আঙুলে ব্যথা ধরিয়ে দিল।

“শোন তা হলে। ... ওলেনাকে দেওয়ার জন্তে খানিকটা ক্রটি নিয়ে খামার-বাড়ীতে গিয়েছিল, সেখানে তারা তাকে গুলি করেছে। ..”

বৃদ্ধের চোখে যেন একটা জিজ্ঞাসা ভেসে উঠল।

“না, তাকে জার্মানদের হাতে ফেলে রাখিনি, রাখতে পারি নি। খাদ থেকে মৃতদেহটা তুলে বাড়ী বয়ে এনেছি। ... কবরও দিয়েছি। এখন আর কেউ তাকে খুঁজে পাবে না। ...”

“ও কে, তারা জানে?”

“জানবে কেমন করে? ওকে গুলি করে মেরে কুকুরের মত নালায় ফেলে দিয়েছে। অবশ্য পরে তারা ওকে নিশ্চয়ই খুঁজবে, কিন্তু এখনও খোঁজ পড়ে নি। তুমি যখন কড়া নাড়, তখন আমার মনে হয়েছিল তারাই এসেছে।”

বুদ্ধ তার মাথা নাড়ল।

“তা হলে এই। আমাদের কত জনকে যে তারা এমনি করে মেরেছে। ছোট ছেলেরাও বাদ গেল না। ... আর তুই, শাশা, এসবই মনে করে রাখিস, ভাল করে মনে রাখিস।”

ছেলেটি নীরবে সম্মতিসূচক মাথা নাড়ল।

“তোরা বাবা ও আর সকলে যখন ফিরে আসবেন—তাদের সব কিছু বলিস, সব কিছু, বুঝেছিস?”

“তুমি কি বলতে চাও দাদু, যে, তারা এ সব কিছুই জানে না?” স্ত্রীলোকটি শুক কণ্ঠে জবাব দিল।

“অবশ্য তা জানে। নিজেদের চোখে তারা প্রচুর দেখেছে। কিন্তু তবু এটা স্বতন্ত্র ব্যাপার। ... এর আগে, তোমার প্লাতোন অগ্নের জন্তে প্রতিশোধ নিয়েছে, কিন্তু এখন থেকে নিতে হবে মিশার জন্তে, তার নিজের রক্তমাংসের জন্তে।

“তাতে বিশেষ কিছু পার্থক্য নেই,” শাস্ত্রভাবে মাল্যুচিখা জবাব দিল।

“হ্যাঁ, নিশ্চয়ই না, কোন পার্থক্য নেই। কিন্তু তবু, ছেলে—ছেলেই। আঠার সালে জার্মানরা আমার ছেলেকে হত্যা করেছে। তাদের বিরুদ্ধে আমার অনেক কথা মনে আছে, কিন্তু সে কথাটা সব চেয়ে স্বতন্ত্র। বৃকের মত কাছাকাছি আঘাত লাগবে, আঘাতটা তত বেশি মারাত্মক হবে। শুধু আমিই পড়ে রইলাম বাসি রুটির ছিলকার মত—কারুর কোনও কাজে লাগি না। আজ যদি সে বেঁচে থাকত, তা হলে আমার ঘর আজ নাতি-নাতনীতে ভরে থাকত, একা একা ঘরে ইঁপিয়ে উঠতাম না।”

“ঠাকুর্দা, সারা গাঁয়ের লোকই ত তোমার নাতি-নাতিনী, কেমন, তাই না?”

হাঁ, হাঁ, একরকম তা-ই বটে, কিন্তু—কিন্তু নিজের রক্ত-মাংস—
আলাদা।”

“চুপ! ওই শোন, তারা ঢাড়া পিটোচ্ছে, মানে—সভা।।...”

মাল্যুচিখার মুখ বিবর্ণ হয়ে গেল।

“সভাটা নিশ্চয়ই মিশ্কার ব্যাপার নিয়েই।”

বুদ্ধ তুড়ি মারল।

“হতে পারে মিশ্কার ব্যাপার, আবার অল্প কিছু হওয়াও বিচিত্র নয়। তাদের কাছে বিষয়ের অভাব নেই।”

ঢাড়ার শব্দ তখনও চলেছে।

“আমরা সভায় যাব, নিশ্চয় যাব। নতুবা তারা এসে জোর করে ধরে নিয়ে যাবে। তুমি আসছ ত ঠাকুর্দা?”

“না গিয়ে উপায় কি? যেতেই হবে,” য়েভদোকিম বলল, এবং উঠে লাঠির উপর ভর দিয়ে ঝুঁকে দাঁড়াল।

“আর ছাখ, শাশা, তুই ঘরেই থাকিস, বাইরে বেরোবিনে, বুলি? জিনাকে দেখিস। সভা হয়ে যাওয়া মাত্রই আমি চলে আসব।”

তারা ধীর মন্থর গতিতে রাস্তা ধরে এগিয়ে চলল, তখনও বাতাসের সঙ্গে বরফের কণা চারিদিকে ছড়িয়ে পড়ছে। রাস্তার দু ধারের কুটীরগুলির দরজা খুলে গেছে, বুদ্ধ-বুদ্ধা-যুবতী একে একে বাইরে বেরিয়ে এল।

“কি ব্যাপার, কিছু জান?”

“কেমন করে জানব বল? তুমি যতটা জান, আমিও ততটাই জানি। ঢাড়ার শব্দ পেয়ে বেরিয়ে এসেছি।”

“হা ভগবান, এবার আবার কি হবে?” একটি স্ত্রীলোক দীর্ঘনিশ্বাস ফেলে বলল।

“ঘ্যান্ ঘ্যান্ করো না,” ফেডোসিয়া ক্রাবচুক গভীর স্বরে জবাব দিল। “কেন, কি বৃত্তান্ত কিছু জানবার আগেই হা-হতাশ শুরু করে লাভ কি? ...”

“কিন্তু ব্যাপারটা মনে হচ্ছে বড় স্তব্ধতার নয়।”

“ওদের কাছ থেকে কি তুমি কখনও ভাল কিছু প্রত্যাশা কর নাকি ? ভাল ! সব ব্যাপারে ওরা এত ভাল করেছে যে, ভাল ছাড়া আর কিছুই আশা করা যায় না । ...”

“ঠিক ।”

“কাজেই আঘাত পাওয়ার আগেই কেঁদে ওঠার কোন মানে হয় না । অবশ্য পরে কেঁদেও কোন লাভ নেই ।” ফেডোসিয়া বলল ।

কেউ কোন জবাব দিল না । তারা সকলেই ভাসিয়ার ব্যাপারটা জানে । ফেডোসিয়ার মুখের কোণে কেন ওই দুটো গভীর রেখা পড়েছে, তারা তাও জানে । স্মৃতিরাজ এখন হা-হুতাসের যে সময় নয়, এ কথা বলবার অধিকার তার যথেষ্টই আছে—কেউ কখনও তাকে অভিযোগ করতে শোনে নি, যদিও আর সকলে যে যুক্তিতে সাধন্য পেতে পারে তার পক্ষে সে যুক্তি খাটে না : আর সকলের স্বামী বা ছেলেরা সৈন্যদলে বা গ্যেরিলা দলে কাজ করছে, তারা হয় ত বেঁচে আছে, হয় ত তারা একসময়ে বিজয়োল্লাসে ঘরে ফিরে আসবে, তখন হয় ত রুশিয়ায় শেষ জার্মানিটি নিমূল হয়ে যাবে লাল পল্টনের গুলির যায়ে ।

চারদিকে ঘন-অন্ধকার, বরফের ঘূর্ণির ভিতর দিয়ে সর্বাঙ্গ ঢেকে কালো মূর্তিগুলি একে একে আসতে লাগল । গ্রামীবাসীরা চার দিক থেকেই ইঙ্কল-বাড়ীতে গিয়ে জমায়েত হতে লাগল । এখনও তারা অভ্যাসবশেই একে ইঙ্কল-বাড়ী বলে । বাড়ীটা বেশ বড়, তাতে অনেকগুলি কামরা, প্রত্যেক কামরায় বড় বড় জানলা, সিলিং খুব উঁচু, এবং প্রত্যেক ঘরেই সাদা টালির চুল্লী । ঘরগুলি খুব প্রশস্ত এবং খোলামেলা । কিন্তু এখন আর এটা ইঙ্কল-বাড়ী নয় । জার্মানরা বেক ইত্যাদি টুকরা টুকরা করে জালানি-রূপে ব্যবহার করেছে, দেয়ালে টাঙানো মানচিত্রগুলি ছিঁড়ে ফেলেছে, তাকের উপর যে সব জিনিসপত্র ছিল তাও ভেঙে দিয়েছে, ঘরে ঘরে যে সব ছবি ও প্রতিকৃতি টাঙানো ছিল তাও নষ্ট করে ফেলেছে, ঘরগুলি এখন খাঁ খাঁ করছে, চুল্লীতে আগুন নেই । আজ কাল এখানেই সভা হয় । এবারও গ্রামের বৃদ্ধ-বৃদ্ধারা এসে জমেছে ।

মালাশা ভিশনিয়েভা একপাশে একা দাঁড়িয়েছিল। তাকে দেখে মনে হয়, জনতার সঙ্গে তার যেন কোন সম্পর্ক নেই। কেউ যেন তা'ব ছায়া মাড়াতে রাজী নয়। দেয়ালের কাছে সে মৃতের মত পাংশু মুখে হিংস্র দৃষ্টিতে চেয়ে আছে এবং বিশেষ কোন দিকে তার নজর ছিল না। গায়ে মাথায় শাল জড়ানো, তার ভিতর থেকে খোবা খোবা কালো চুলের গোছা বাইরে বেরিয়ে পড়েছে, কিন্তু সেগুলিকে বিগত করবার চেষ্টাও সে করে নি।

ঘরের ভিতর যে একটি মঞ্চ ছিল, সেটি এখনও জার্মানদের হাতে বিনষ্ট হয়নি। তারই উপর একখানা ছোট টেবিল নিয়ে গাপলিক বসে আছে। পাশেই জার্মান সার্জেন্ট অধিষ্ঠিত। সার্জেন্ট বসে বসে হাই তুলছে এবং একটা উপেক্ষার সঙ্গে সভায় যারা উপস্থিত তাদের দিকে চেয়ে আছে।

“সকলে এসেছে ত?” গাপলিক পা দুটোকে কোন রকমে ঠেলে তুলে দাঁড়িয়ে জিজ্ঞেস করল। তার লম্বা লিকলিকে দেহের উপর ততোধিক লম্বা গলার উপর টাক-পড়া মাথাটা যেন স্থির করে রাখতে পারছে না।

“হা সকলেই হাজির হয়েছে,” কে একজন দরজার পাশ থেকে জবাব দিল।

মোড়ল তখন টেবিলের উপর থেকে খান কয়েক কাগজ হাতে তুলে নিল, কিন্তু পরক্ষণেই কি মনে করে আবার টেবিলের উপরই রাখল। তার হাত-পা একটু একটু কাঁপছিল।

“টেকোর মনে ভয় ঢুকেছে রে,” কে একজন জনতার মধ্যে থেকে চুপি চুপি বলে উঠল।

“ও হয় ত এমন কোন জঘন্য চাল চালতে চাইছে যা জগতে কেউ কখনও দেখেনি। স্পষ্টই বোঝা যাচ্ছে...”

“ভয় ও নিশ্চয়ই পেয়েছে; ও ঠিক জানে যে আমাদের ছেলেরা ফিরে এসে জ্যান্ত ওর গা থেকে চামড়া তুলে ফেলবে।”

“অর্থাৎ—আমরা যদি ওকে আগে থেকে পাই এবং তার উপযুক্ত ব্যবস্থা করি, তাহলেই ওর গায়ের মোড়ল হওয়ার নেশা ছুটবে।”

“ওকে নিয়ে তোমরা কি করবে?” সমবায় খামারের আন্তাবল-রক্ষক খোঁড়া বৃদ্ধ আলেকজেন্ডার জিজ্ঞাসা করল।

“ভেবো না। কি করতে হবে আমরা জানি!” ছিপছিপে গড়নের হুন্দরী ফ্রসিয়া সঙ্গে সঙ্গে জবাব দিল।

“চূপ করো, তোমরা সব চূপ করো! কি সব আলাপ চলছে তোমাদের! সভার কাজ শুরু হল!” জনতার দিকে ক্রুদ্ধ দৃষ্টিতে তাকিয়ে গাপলিক বলে উঠল।

“সভা আরম্ভ হওয়ার কোন লক্ষণই ত দেখতে পাচ্ছিনে,” য়েভদোকিম বিড় বিড় করে বললে।

“বিড় বিড় করে কি বলছ তুমি? স্বয়ং মোড়ল সভায় অহুগ্রহ করে উপস্থিত হয়েছেন, তার প্রভু ও মনিবও এখানে উপস্থিত। আর কি চাও তোমরা?” প্রত্যাত্তরে কে একজন বলে উঠল।

“চূপ!” গাপলিক গর্জন করে উঠল, এ স্বর যেন তার নয়। “চূপ করবার জ্ঞে তোমাদের আর কত বার বলতে হবে, শুনি? ফিস্‌ফিসানি এখনই বন্ধ কর!”

“চূপ, মেয়েরা, চূপ করে থেকে ইনি কি প্রলাপ বকেন শোন,” তেরপিলিখা বললে এবং সশব্দে নাকটা ঝাড়লে।

গাপলিক গলা পরিষ্কার করে পকেট থেকে লোহার-ফ্রেম চশমা বার করে নিয়ে নাকের উপর বসাল এবং চোখের সামনে কাগজগুলি ধরলে।

“ওঃ-হো। ...”

“উনি কাগজ পড়ে শোনাবেন! ...”

“জিনিসটা নতুন বটে।”

চশমার ভিতর দিয়ে মোড়ল জনতার উপর একবার চোখ দুটো বুলিয়ে নিল। ততক্ষণে ঘর নিশ্চল হয়ে গেছে। আবার গলা পরিষ্কার করল, তারপর তীব্রকণ্ঠে পড়া শুরু করল: “এই গ্রামের অধিবাসীরা আজ পর্যন্ত তাদের দেয় খাজনা পরিশোধ করে নি—অবশ্য আমি খাত্তশস্তের কথাই বলছি।—”

জনতার মধ্যে একটা কলগুঞ্জন উঠল এবং সঙ্গে সঙ্গেই আবার সব নীরব হয়ে গেল।

“এই ঘোষণাবাণী প্রচারের তিন দিন পরেই খাশখশ জমা দেওয়ার নির্দিষ্ট সময় উত্তীর্ণ হয়ে যাবে।—”

আবার গুঞ্জন শুরু হল।

“যে-কেউ তার দেশ ও জার্মান সৈন্তবাহিনীর প্রতি এই কর্তব্য অবহেলা করবে, তাকেই ... আইন ... অনুসারে দায়ী ...”

গাপলিক খামল। চশমার ভিতর থেকে জনতার উপর বিজয়োল্লাসে একবার তার দৃষ্টি বুলিয়ে নিল। অবশেষে যখন সম্পূর্ণ নীরবতা এল তখন দেখা গেল, সকলেই উৎসুক হয়ে তার মুখের দিকে সাগ্রহে চেয়ে আছে।

“কর্তৃপক্ষের আদেশ না-মানা, শৃঙ্খলা ভঙ্গ করা ও নিষ্ক্রিয় প্রতিরোধের দ্বায়ে অভিযুক্ত হবে! ...”

“আমরা ও সব জানি,” একজন অস্বাভাবিক শাস্তভাবে অবজ্ঞার স্বরে চোঁচিয়ে বলে উঠল।

জার্মান সার্জেন্ট দাঁড়িয়ে উঠে যে দিক থেকে কথাটা উঠেছে সে দিক পানে ঘাড় ঝুকিয়ে ব্যগ্র দৃষ্টি নিক্ষেপ করল। কিন্তু গ্রামবাসীরা নীরবে দাঁড়িয়ে রইল, তাদের সকলের দৃষ্টিই মোড়লের দিকে নিবদ্ধ।

“... অভিযুক্ত হবে,” গাপলিক কণ্ঠ চড়িয়ে দিয়ে বলল, ঘেবে তার কণ্ঠ রোধ হয়ে আসছিল, “... এবং তাদের মৃত্যুদণ্ড দেওয়া হবে।”

সে একটা দীর্ঘনিশ্বাস ফেললে, মুহূর্ত কয়েক থেমে রইল। তার আদেশের তারিখ, ক্যাপ্টেন ভেনেরের দস্তখত ইত্যাদি সব পড়ে কাগজখানা ভাঁজ করে ফেলল।

“সকলে শুনতে পেয়েছ ত?”

“হঁ। সকলেই শুনেছি।” ভিড়ের মধ্যে থেকে কে একজন বললে।

“সকলে বুঝতে পেরেছ ত?”

“হঁ। সকলেই বুঝতে পেরেছি, ভাল করেই বুঝেছি,” মঞ্চের সামনেকার নিজের আসন থেকেই তেরপিলিখা জবাব দিল। “এর মধ্যে বোঝবার যেটুকু আছে, আমরা সকলেই বুঝেছি।”

গাপলিক তার দিকে সন্ধিদ্ধ দৃষ্টিতে তাকাল। কিন্তু সে নীরবে তার দিকে সোজা তাকিয়ে রইল, তার মুখে দৃঢ়প্রতিজ্ঞার লক্ষণ প্রকট হয়ে উঠল।

“বেশ, তা হলে ত সবই ঠিক হয়ে গেল।...”

জনতার মধ্যে একটা চাঞ্চল্য দেখা গেল। এবং কেউ কেউ বাইরে বেরিয়ে যাওয়ার জন্তে দরজার দিকে এগিয়ে গেল।

“কোথায় চললে সব?”

“কেন সভা কি শেষ হয় নি?”

“না, আর একটা বিষয় এখনও বাকি আছে,” গম্ভীর ভাবে মোড়ল জবাব দিল। মাল্যুচিখার বুকটা দপ্ দপ্ করতে লাগল। সে আতঙ্কে ছুটে পালিয়ে যেতে চাইল।

“ব্যাপারটা এই যে ...”

চাষীরা সকলেই সাগ্রহ প্রতীক্ষা করতে লাগল।

“গতকল্য রাত্রিতে কে একজন গোপনে বন্দীকে ঝুটি দিতে চেষ্টা করে ...”

মাল্যুচিখা শক্ত করে চেচোরিখার হাতখানি ধরে ফেলল এবং সে তার মুখের দিকে বিস্ময়ের সঙ্গে চাইল।

“কি হয়েছে তোমার?”

“না, কিছুই না ...”

চেচোরিখার হাতখানা শক্ত মুঠোয় ধরে, নিশ্বাস নেওয়ার জন্তে সে হাঁপিয়ে উঠল।

“যে গোপনে ঝুটি দিতে চেষ্টা করেছিল তার বয়স প্রায় দশ বছর।”

জনতার মধ্যে একটা ফিস্‌ফিসানি শুরু হল। তারা পরস্পরের কানে কানে কথা বলাবলি ও দৃষ্টিবিনিময় করতে লাগল।

“চুপ করো! প্রায় বছর দশেকের ছেলে। তাকে গুলি করা হয়েছে।”

চেচোর মাল্যুচিখার মড়ার মত পাংশু মুখখানির দিকে জিজ্ঞাসু দৃষ্টিতে তাকাল এবং তাড়াতাড়ি তার অপর হাতখানা দিয়ে আঁস্বে আঁস্বে তার হাতে চাপড় দিয়ে বলল :

“সইতে হবে বোন! নইলে ও টের পেয়ে যাবে,” মালুচিথার কানে কানে বলল।

কিন্তু গাপলিক তাদের দিকে তাকায় নি। নাকিস্বরে সে পাড়ে চলল :

“কোন অজ্ঞাতনামা লোক বা লোকেরা সেই ছেলের মৃত দেহ গায়েব করেছে। যদি কেউ ছেলের পরিচয়, যে বা যারা মৃত দেহ সরিয়েছে তাদের পরিচয় জানে তা হলে তা অবিলম্বে জার্মান কমাণ্ডটুরে খবর দিতে হবে—”

গাপলিক কাগজখানা তার চোখের সামনে তুলে ধরল এবং তার পার্শ্বপাশে সার্জেন্টের দিকে তাকিয়ে কাশতে শুরু করে দিল। সার্জেন্ট দাঁড়িয়ে উঠে সোজা জনতার মধ্যে দিয়ে দরজার দিকে এগিয়ে গেল। জনতা সরে গিয়ে তাকে পথ করে দিল। সে পথপ্রকোষ্ঠের দিকে একবার দৃষ্টি বুলিয়ে নিল। সেখানে সশস্ত্র সৈনিক মোতায়েন ছিল, সকলেই দেখতে পেল। রাইফেলের ডগায় বেয়নেটগুলো ঝকঝক করছে। গ্রামবাসীরা পরস্পরের দিকে তাকাতে লাগল। হঠাৎ তাদের গুঞ্জন ও ফিসফিসানি থেমে গেল।

“...আইন ও শৃঙ্খলার খাতিরে এবং অপরাধীদের গ্রেফতারের সম্পর্কে নিশ্চিত হওয়ার উদ্দেশ্যে জার্মান কমাণ্ডটুর আদেশ করছেন ...”

কৃষকেরা রুদ্ধ নিশ্বাসে প্রতীক্ষায় রইল।

“যে, নিম্নলিখিত গ্রামবাসীদের জামিনদার হিসেবে গ্রেফতার করা হল ...”

সকলের মাথাই সামনের দিকে ঝুঁকে পড়ল। য়েভদোকিম ভাল করে শুনবার আশায় কানের পিছনে হাত রাখল।

“গ্রামের এই সকল অধিবাসী : অলগা পালাধুক ...”

দরজার সামনে একটি যুবতী দাঁড়িয়েছিল, সে চমকে উঠল। এমনভাবে সে হাঁ করে উঠল যে, মনে হল, সে এখনই চৌকিয়ে উঠবে, কিন্তু কোন শব্দই করল না।

“য়েভদোকিম ওখাবকো। ...”

তার চার পাশে যেসব লোক দাঁড়িয়েছিল য়েভদোকিম তাদের দিকে বিশ্বয়ের সঙ্গে চেয়ে রইল।

“কি ?”

“য়েভদোকিম ওখাবকো,” জোর দিয়ে গাপলিক নামটা পুনরায় উচ্চারণ করল। এবং বলে চলল : “অসিপ গ্রাখাচ। ...”

একঠেঙে জোয়ান একজন চাষী বিষন্ন ভাবে মাথা নাড়ল।

“মারিয়া চেচোর ...”

মান্যচিখা প্রতিবেশিনীর হাত ছেড়ে দিয়ে তার দিকে ভয়াবহ দৃষ্টিতে চাইল।

“ঠিক আছে, গালিয়া, এর জন্তে ভাবিস না। আমার বাচ্চাগুলোকে দেখিস,” চেচোরিখা শান্তভাবে বলল।

“মালানিয়া ভিশনেভা। ...”

মেয়েটি একটু বিচলিত হল না, স্থির দৃষ্টিতে চেয়েই রইল।

সহসা মোড়লের মনে হল যে, খাণ্ডশস্ত্র আদায়ের জন্তেও এই সব জামিনদারকে লাগানো যেতে পারে। গুলি করে, ভালই। এমন হয় ত অনেকেই আছে যারা মরতে ভয় পায় না, কিন্তু তাই বলে কোন প্রতিবেশীর জীবন দিতে তারা প্রস্তুত নয়। আগে সে এরকম দেখেছে। জার্মানদের কোন্ কাজে বাধা দেওয়া উচিত বা কোন্ট। মেনে নেওয়া যেতে পারে, সে সম্বন্ধে ব্যবস্থা করবার দায়িত্ব নিজে গ্রহণ করে সে বলে উঠল :

“তিন দিনের মধ্যে যদি অপরাধীদের সন্ধান পাওয়া না যায় বা ওই সময়ের মধ্যে খাণ্ডশস্ত্র দেওয়া না হয় তা হলে জামিনদারদের ফাঁসি দেওয়া হবে।”

জনতা চঞ্চল হয়ে উঠল এবং তাদের মধ্যে অস্পষ্ট বিক্ষোভের গুঞ্জন শোনা গেল।

“এই ত সব, আমরা এখন যেতে পারি ?” হঠাৎ ফেডোসিয়া ক্রাবচুক জিজ্ঞাসা করল।

জনতা দীর্ঘনিশ্বাস ফেলল এবং স্বস্তিবোধ করল।

“সভা শেষ হয়েছে। যাদের নাম পড়া হল, তারা ছাড়া আর সকলে চলে যেতে পার।”

একে একে কৃষকেরা দরজার দিকে এগিয়ে গেল। জামিনদার পাঁচজন আদেশের পূর্বেই টেবিলের সামনে গিয়ে সারি দিয়ে দাঁড়াল। গ্রামবাসীরা তাদের পাশ দিয়ে একে একে চলে গেল, কেউ কেউ মাথা নীচু করে, আর কেউ কেউ বা তাদের দিকে তাকাতে তাকাতে বেরিয়ে গেল।

অল্প ক্ষণের মধ্যেই ইস্কুল-ঘরটি খালি হয়ে গেল, কিন্তু তারা একেবারে চলে গেল না। বরফবৃষ্টির মধ্যে তারা রাস্তায় গিয়ে দাঁড়াল। গাপলিক এবং সার্জেন্টও বেরিয়ে এল ; তাদের পিছনে একে একে জামিনদার পাঁচজন এগিয়ে গেল। সৈনিকেরা সঙ্গীন উচিয়ে তাদের সঙ্গে সঙ্গে এল। মারিয়া চেচোর ও অল্গা পালাধুক পরস্পর হাত-ধরাধরি করে চলেছে। য়েভলেন্‌কিম প্রতিপদক্ষেপে লাঠিটা মাটিতে ঠুকতে ঠুকতে চলল। নীরব জনতার পাশ কাটিয়ে তারা ধীর মন্থর গতিতে এগিয়ে গেল। হঠাৎ মরিয়া চেচোর ফিরে দাঁড়াল।

“এর জন্তে দুঃখ করো না, ঠিক থেকো ; বশুতা স্বীকার করো না ! আমাদের জন্তে ভেবো না ! স্থির থেকো !” সে স্পষ্ট করে কথাগুলি বলল।

যে সৈনিকটা পাশে পাশে যাচ্ছিল সে গুর বুকে একটা ঘুঘি বসিয়ে দিল। ও প্রথমটা একটু হকচকিয়ে গেল, কিন্তু মাথা উঁচু করেই এগিয়ে চলল।

জনতা আস্তে আস্তে একটা বিষন্ন নীরবতায় ছত্রভঙ্গ হয়ে পড়ল। গাপলিক সার্জেন্টের পাশাপাশি চলতে গিয়ে হাঁপিয়ে উঠছিল। সার্জেন্ট চলছে লম্বা পদক্ষেপে ; তার সঙ্গে তাল রাখতে গিয়ে গাপলিককে দস্তুরমত নৌড়তে হচ্ছে। কিছুতেই সে সার্জেন্টের পাশ থেকে পিছনে পড়তে রাজী নয়। এই গ্রামের মোড়ল হয়ে আসার পর এই সব প্রথম সে গ্রামবাসীর বিরুদ্ধে প্রকাশ্যে ঘোষণা প্রচার করল। কৃষকদের মুখের ভাব মনে হতেই একটা ঠাণ্ডা কাঁপুনি তার মেৰদণ্ড ভেদ করে বয়ে গেল। তা ছাড়া, ক্যাপ্টেন ভের্নেরের আদেশও তার মনে নাছে ; তাতে ভয়ের কারণ যথেষ্টই রয়েছে। জার্মান ক্যাপ্টেন সকালেই তাকে শাসিয়েছে, চেষ্টা সার্থক না হলে গুর অদৃষ্টে অনেক দুঃখ আছে। গ্রাম গ্রামই, গ্রামে বাস করে কতকগুলি বৃদ্ধ বৃদ্ধা, আর ছেলেমেয়ে। স্বতরাং তাদের তত ভয় করবার কিছু নেই। কিন্তু ক্যাপ্টেন ভের্নের হচ্ছে জার্মান

কতৃপক্ষের প্রতিনিধি এবং তার আদেশের সঙ্গে রাইফেল ও বেয়নেট এসে মিলিত হবে। গাপলিক প্রথমটায় কৌশলে এড়িয়ে যেত, কিন্তু অবস্থা এমন হয়েছে যে, আর এড়ানো চলে না এবং এড়িয়ে যেতে চাইলে অনেক দুঃখ পেতে হবে। জার্মানরা যে দিন রস্তোভ থেকে পশ্চাদপসরণ করে সেই দিনেব কথা তার মনে পড়ে, সেই অভিশপ্ত দিনেই সে জার্মানদের সঙ্গে যোগ দেয়। তার উচিত ছিল লুকিয়ে থাকা, দুদিন সবুর করে অত্যাচার কোথাও চলে যাওয়া।

কোন রকমে সে জীবিকার্জন করতে পারতই। সে-ই যে বাদার মধ্যে দিয়ে নিরাপদে জার্মানদের নিজের গ্রামের পথ দেখিয়ে নিয়ে এসেছে একথা যুদ্ধের সময় আবিষ্কার করা সহজসাধ্য হত না।

‘জার্মানরাই জয়ী হবে,’ সে নিজেকে এই বলে আবার আশ্বাস দিল। কিন্তু সে ষত দিন এই গ্রামে বাস করবে ততদিন এইটে ভেবে কোন মতেই সাধনা পাচ্ছিল না যে, গ্রামে তিন শ ঘর অধিবাসী আছে, তারা প্রত্যেকেই তাকে তাদের অন্তরের অন্তস্তল থেকে ঘৃণা করে এবং সেই তিন শ কুটারের যে-কোনটিই তার হত্যাকারীকে আশ্রয় দিতে পারে এবং স্বযোগ পেলে তাকে চিরজন্মের মত শেষ করে দিতেও এতটুকু ইতস্তত করবে না।

একটা দীর্ঘনিশ্বাস ফেলে সে কমাগাণ্টুরে প্রবেশ করল—সভার কার্য-বিবরণী পেশ করতে হবে।

কৃষকেরা একে একে যে ঘর বাড়ী চলে গেল। মাল্যুচিখা ভয় পাওয়ার পর থেকেই এমন মৃতকল্প হয়ে পড়ল যে নে যেন বেঁচে নেই। পৃথিবীটা যেন তার পায়ের তলায় তুলছে এবং বৃকের ভিতরটা মোচড় দিয়ে দিয়ে উঠছে।

শাশা চুল্লীর সামনে কতকগুলি কাঠের কুচো নিয়ে জিনার সঙ্গে বসে বসে খেলছে। ছেলেমেয়েদের খোলা মাথার দিকে সে একবার তাকাল এবং সঙ্গে সঙ্গে তার বৃকের যন্ত্রণা আরও তীব্রভাবে বেড়ে উঠল।

“ভালয় ভালয় ছিলে ত, জিনা কোন রকম গোলমাল করেনি?”

“না, লক্ষ্মীমেয়ের মতই ছিল। ... সভা শেষ হয়েছে?”

“হ্যাঁ, শেষ হয়েছে। আমি এখনই একবার চেচোরদের বাড়ী যাচ্ছি, বেশি দেরি হবে না, এখনই ফিরে আসব।...”

“কেন, তাদের বাড়ী যেতে হবে কেন?”

“জার্মানরা চেচোরিথাকে গ্রেফতার করেছে; তার ছেলেকেদের এখানে নিয়ে আসব,” নির্জীবের মত বলল। সাদা খেলা থেকে মুখ তুলে মায়ের দিকে তাকাল।

“গ্রেফতার করেছে? কেন?”

“জার্মানদের কি এখনও চিনতে পার নি?” মা উদাসভাবে জবাব দিল; এবং বেরিয়ে গেল। একটু পরেই মারিয়ার তিনটি শিশুকে নিয়ে ফিরে এল। বড়টির বয়স আট বছর, সাদারই বয়সী।

“মা, মা!” তিন বছরের নিনা তারস্বরে চীৎকার করতে লাগল।

“কাদে না বাবা, মা এখনই আসবে,” মালুচিখা তাকে আশ্বাস দিল। “বসো এখানে, খেতে দিচ্ছি।”

চুল্লীর তলায় আলু লুকানো ছিল, সেখান থেকে গোটা কয়েক আলু নিয়ে বেশ ভাল করে ধুয়ে নেকডায় বেধে সিদ্ধ করতে দিল। এতটুকু নষ্ট করা চলবে না। কিন্তু আলু ও সামান্য রাই ছাড়া ঘরে আর কিছুই নেই। খাণ্ডশস্ত্র আলু, শূয়েরের মাংস, মধু—সবই বাড়ী থেকে অনেকটা দূরে এমন জায়গায় মাটির নীচে লুকানো আছে যে, তা সংগ্রহ করা এখন অসম্ভব, বরফ পড়ে পড়ে জায়গাটা বেশ ভাল করেই ঢেকে আছে।

“শুধু আলুই খেতে হবে, আর ত কিছু নেই বাচ্চা। তারা যখন ফিরে আসবে, তখন রুটি তৈরি করব, তার আগে ত সম্ভব নয়।”

“কেবল আলু!” জিনা অসন্তোষ প্রকাশ করল।

মা তাকে ভৎসনা করল।

“তার বেশি আর কি চাও? এখনও যে এই আলু পাচ্ছি, এই ভাগ্য বলে মনে করো। ... ইচ্ছে মত খাবার কোথায় মিলবে বাবা।—”

বাচ্চা মেয়েটার দিকে ক্রোধভরে তাকাল, সঙ্গে সঙ্গে তার মনে হল, মেয়েটার হাত দুখানি অত্যন্ত শীর্ণ হয়ে গেছে, মুখের দু পাশে ছোট ছোট দুটি বলিরেখা পড়েছে। মায়ের মনে একটা অসহ্য বেদনা দেখা দিল।

“কৈদো না, মা, কৈদো না! ওরা ফিরে আসবে, নিশ্চয় ফিরে আসবে। তখন আর কোন অসুবিধা থাকবে না। ঝুটি তৈরি করে তাতে মধু দিয়ে তোমরা খাবে! কিন্তু এখন আলু নিয়েই খুশি থাকতে হবে।”

“নিশ্চয়, এ-ই যথেষ্ট,” শাশা বুক ফুলিয়ে বলল। এবং জিনাও তাড়াতাড়ি দাদার কথার পিঠ পিঠ বলল, “হাঁ এই যথেষ্ট। ...”

মাল্যুচিখা তখন চুল্লী ধরাল, ছেলেদের সঙ্গে খানিকক্ষণ একটু কথাবার্তা কইল, কিন্তু মনের অস্থিস্থি কোনমতেই চাপা দিতে পারছিল না। তার হাত থেকে জিনসপত্র কেবলই পড়ে পড়ে যাচ্ছিল, কি বলতে চায় তাও ভুলে যাচ্ছিল, জিনাকে খোসা-ছাড়ানো আলুর বদলে খোসাগুলো এগিয়ে দিল, এবং জল দিতে গিয়ে খানিকটা জল ফেললে। ছেলেরা আশ্চর্য হয়ে তার দিকে চেয়ে রইল।

“মা, তোমার কি হয়েছে বল ত?” শাশা শেফটায় আর থাকতে না পেরে জিজ্ঞাসা করে বসল। ছেলের মুখের পানে তাকিয়ে মা ভয় পেয়ে গেল।

“না, বাবা, কিছু না। কি আবার হবে?”

“মাথা ধরেছে?”

“মাথা ধরা? হাঁ, হাঁ, মাথাই ধরেছে।” এই অজুহাতটাই সে মেনে নিল। “হাঁ, আমার ভয়ঙ্কর মাথা ধরেছে।”

“সভায় যে ভিড়, তাইতেই তোমার মাথাটা ধরেছে বোধ হয়,” শাশা গম্ভীরভাবে সিদ্ধান্ত করে বসল।

“হাঁ, হয় ত তাই। গুমটেই মাথা ধরেছে। তাই হবে।”

ছেলেরা এই কৈফিয়ৎ মেনে নিয়ে যার যার মত চূপ করে গেল। মাল্যুচিখা বাসন ক'খানা ধুয়ে মুছে রেখে দিল।

ছেলেরা তখন চুল্লীর পাশে খেলা করছে, একদৃষ্টে তাই দেখতে লাগল। তার হাত দুখানা ঠাণ্ডায় যেন জমে গেছে, আর বুকটা হুখে ফেটে পড়ছে।

তিনটি শিশু, তিন বছরের নিনা, পাঁচ বছরের অঙ্কা, আট বছরের নোনিয়া। কচি ছেলে। আর চেচোর নিজে লড়াই করছে। ওর উত্তেজনা ক্রমশ বেড়ে উঠল, ওকে যেন দুঃখের আগুনে পুড়িয়ে মারছে, ওর বুকটা যেন চিবোচ্ছে। বার বার সে জানলার ধারে যায় ও বাইরে তাকিয়ে কি দেখে।

“কেউ আসবে নাকি?”

“ন, বাবা, কেউ কোথাও নেই। কিন্তু আমাকে ত এখন একবার বাইরে যেতে হবে। শীগগির ফিরে আসব!”

“তুমি খালি খালি বাইরেই যাবে,” জিনা অহুযোগ করল, কান্নায় ফেটে পড়বার পূর্ব লক্ষণ।

“চু-প্! আমাকে যেতেই হবে। অবশ্য বেশি দেরি হবে না। বেড়াতে যাচ্ছি না,” মাল্যুচিখা রাগের সঙ্গে বলল।

শুধু পাতলা একটা ব্লাউজ পরেই যেতে দেখে শাশা বলে উঠল, “মা, শালখানা গায়ে দিয়ে নাও না।”

গ্রথাচন্দের বাড়ী অনেকটা পথ। বাড়ের বাপটায় মাল্যুচিখার মুখে চোখে বরফের কণা এসে বিঁধছিল। বরফের আঘাতে তার গাল দুটো ক্ষতবিক্ষত হতে লাগল। বাতাসের সঙ্গে লড়াই করে সে হাঁপিয়ে উঠল এবং অত্যন্ত শ্রান্ত হয়ে গ্রথাচন্দের বাড়ী গিয়ে পৌঁছল। দরজার সামনে দাঁড়িয়ে খানিকক্ষণ অপেক্ষা করে, মনে মনে বলে উঠল যে, এরকম দম-বন্ধ অবস্থায় তাদের সামনে যাওয়া উচিত হবে না। আসল কথা, গ্রথাচ-পরিবারকে মুখ দেখাবার সাংঘাতিক মুহূর্তটাকে সে খানিকক্ষণের জগেও পিছিয়ে দিতে চেয়েছিল। গৃহিণী ও তার দুই কণা হয় ত খালি বাড়ীতে বসে বসে কাঁদছে, গ্রথাচের গলায় ফাঁসির দড়ি এগিয়ে আসছে।

কিন্তু শুনল আঙিনায় কে করাত চালাচ্ছে, কেউ কাঁদছে না। ও বিস্মিত হল। আজকার দিনেও গ্রথাচদের বাড়ীতে কাজকর্ম চলতে পারে এ ধারণা ওর ছিল না।

গ্রাখাচ-গৃহিণী ও তার জ্যেষ্ঠা কন্যা ফ্রসিয়া করাত দিয়ে কাঠ ফাড়ছে। গ্রাখাচের মেয়েটি দেখতে লম্বা, কালো কালো ছুটি চোখ। গালিয়াকে আসতে দেখে তারা উভয়েই চমকে উঠল। কেন না, যে দিনকাল পড়েছে, কেউ কারুর বাড়ীতে বড় একটা যাওয়া-আসা করতে পারে না। প্রত্যেকেই নিজ নিজ ঘরে বসে বসে ভাবে, এর পর জার্মানবা কি করবে।

“তোমাব সঙ্গে একটু কথা কইতে এলাম দিদি। ...”

“বেশ, ভাল কথা।” গ্রাখাচ-গৃহিণী সোজা হয়ে দাঁড়াল। “এসো, ভিতরে এসো।”

ঘরের ভিতর গিয়ে মালুচিখা দেখলে গ্রাখাচদের ছোট মেয়ে জানলায় বসে কি-একটা সেলাই করছে।

“একটু গোপন কথা, কেউ থাকলে চলবে না। ...”

“বেশ, তাই হবে।” গ্রাখাচিখা অবাক হয়ে বলল, “যা ত মা লিদিয়া, বাইরে গিয়ে করাত চালা, আমি তত্ত্বক্ষণ ওর সঙ্গে একটু কথা বলে নিই।”

মেয়েটি সেলায়ের জামাটি ভাঁজ করে সূঁচটা কাপাডেব উপর ফুঁড়ে রেখে নীরবে বাইরে বেরিয়ে গেল। তার চোখ ছুটি কৈঁদে কৈঁদে ফুলে উঠেছে।

মালুচিখা একখানি বেঞ্চিতে বসে হাত কচলাতে শুরু কবে দিল। গ্রাখাচ-গৃহিণী নীরবে তার দিকে চেয়ে রইল।

“বাইরে কি ভীষণ ঝড় বইছে!” অবশেষে সে বললে।

“হাঁ,” মালুচিখা জবাব দিল এবং সঙ্গে সঙ্গেই আবার নীরব হয়ে গেল।

গ্রাখাচের কোটটি দেওয়ালের একটি আংটায় টাঙানো রয়েছে। একটা পকেট হেঁড়া, বৃকে ও পিছনে তালি দেওয়া। একটা বোতাম তখনও সূতার সঙ্গে ঝুলছে। শ্রমিকদের কোট যেমন হয় তেমনি।

“কি যেন বলতে চেয়েছিলে, কই, বলছ না ত?” গ্রাখাচ-গৃহিণী শেষটায় বলে উঠল। মালুচিখা তার দিকে ব্যগ্র দৃষ্টিতে তাকাল।

“তোমার স্বামীকে তারা গ্রেফতার করেছে,” চুপি চুপি সে বলল।

অপর স্ত্রীলোকটি চোখ পাকাল।

“হাঁ, তারা তাকে গ্রেফতার করেছে। আমরা তাতে কি করতে পারি? আমাদের অদৃষ্টের লেখন। হয় ত সে ফিরে আসবে। তুমি কি সেই সম্বন্ধে কিছু বলতে চাইছ?”

“হাঁ, তা ছাড়া আরও একটি কথা আছে।”

“এতে বলবার কি আছে? প্রথমে আমার বুকটা এমন ভাবে কেঁপে উঠেছিল যে, মনে হয়েছিল, আমি হয় ত ওখানেই হার্টফেল করে মারা যাব। তারপর বাড়ী ফিরে এসে ভেবে দেখলাম, কাজ নিয়ে থাকাটাই ভাল, আর তাতে নিজেকে ভুলে থাকাও সহজ। তাই, সঙ্গে সঙ্গে করাত নিয়ে ফ্রন্সার সাহায্যে কাঠ ফাড়তে লেগে গেলাম। মাথা খুঁড়ে মরলেও ত দেয়াল ভাঙতে পারব না—এবং বসে বসে কাঁদলেও কোন ফল হবে না। আজ উনি গেলেন—কাল আর কেউ যাবে। আর বেশি দিন ওরা থাকলে গ্রাম আর কেউ বেঁচে থাকবে না—এ তুমি নিশ্চয়ই জেনে রেখো। তারা আমাদের সকলকেই হত্যা করবে; তবে একে একে।”

হয় ত এরকমটা আর বেশি দিন চলবে না।”

“আমিও ত তাই বলছি—যদি চলে। কিন্তু তেমন কিছু হবে বল ত এখনও জানা যায় নি। সামান্য শব্দ পেলেই আমার মনে হয় গুলি ছুঁড়েছে, হয় ত আমাদের ছেলেরা আসছে। কত দিন হল? এক মাস। অথচ মনে হয় যেন এক বছর। আর কত লোক যে মরল!... মোড়ল যখন ওঁর নাম উচ্চারণ করে, তখন সে আমার দিকে তাকিয়ে ছিল। আমি মনে মনে বললাম: আমায় হাঁ করে দেখছ, ভাবছ এখনই আমি কেঁদে টেঁচিয়ে উঠব। কিন্তু তুমি কখনও সে দৃশ্য দেখবার সুযোগ পাবে না, কখনও না! তোমার মত একটা থেকি কুস্তার বাচ্চার সামনে কখনও কাঁদব না। এমন সময় আসবে যখন তোমাকেই কাঁদতে হবে, কেঁদে বুক ভাসাতে হবে! আমরা—গ্রামের মেয়েরা—পেরেকের মত কঠিন: হাঁ, সত্যি লোহার মত শক্ত। তুমি আমাদের কিছুতেই হার মানাতে পারবে না। ...”

“দিদি!”

“কি, কি বলতে চাও বোন ?” সে জিজ্ঞাসা করল।

মালুচিখা উঠে দাঁড়াল এবং গ্রোখাচিখার সামনে হাঁটু গেড়ে বসল।

“কি হচ্ছে ? তুমি কি পাগল হলে নাকি ? কি করছ ?”

“দিদি, কাল রাতে জার্মানরা যাকে গুলি করেছে সে আমাদের মিশ্কা। ...”

“মিশকা !”

“আমি রাত্রেই গিয়ে গর্তের ভেতর থেকে মৃতদেহ বাড়ী এনে কবর দিয়েছি। ... আমার জগ্রেই তোমার স্বামী ও আর সকলে জার্মানদের হাতে বন্দী হয়েছে। ...”

তার দেহের প্রত্যেকটি অঙ্গ-প্রত্যঙ্গ কাঁপছিল, তার পা দুটো যেন আর তাকে বহিতে পারছিল না। কিন্তু সহসা সে নিজেকে অনেকটা সামলে নিল। শেষ পর্যন্ত সব কথা বলতে পেরেছে। গ্রাচ-গৃহিণী সামনের দিকে ঝুঁক পড়ল।

“একথা আমায় কেন তুমি শোনাচ্ছ ? অশ্রু কেন একথা গুনবে ?”

মালুচিখা তার কথা বুঝতে পারল না।

“কেন ! তোমার স্বামীকে গ্রেফতার করেছে। ... আমি জার্মান ক্যাপ্টেনের সঙ্গে দেখা কবে তাকে সব বলব। তা হলে তাবা ওদের ছেড়ে দেবে।”

গ্রোখাচিখা আতকে উঠল।

“তুমি কি সত্যই বন্ধ পাগল হয়েছ ? বুদ্ধিশুদ্ধি কি একেবারে লোপ পেয়েছে ? তুমি যাবে জার্মানদের কাছে ?”

“হাঁ, কি ঘটেছে, সব তাদের জানাতে। বলব—ওদের কোন দোষ নেই।”

“কিন্তু দোষ কি তোমারই আছে ? ছেলেটার মৃতদেহ তাদের হাতে তুলে দেবে ? কি বুদ্ধি তোমার ! হিতাহিতজ্ঞান কি একেবারে লোপ পেয়েছে ? এ হচ্ছে মোড়লের হাতে গিয়ে পড়া ! পাঁচ জনকে আটকে তারা তোমাদের সকলকে জালে ফেলতে চায়। এর ফল কি হবে ভেবে দেখেছে, নির্বোধ কোথাকার ? তুমি তাদের পথ দেখিয়ে ঘরে ঢোকাতে চাও, তারা যে এই

স্বযোগে আমাদের পেয়ে বসবে। তুমি তাদের কাছে গিয়ে একথা বললে, ফল এই হবে যে, আজ গ্রেফতার করেছে পাঁচজনকে, কাল করবে পঞ্চাশজনকে। এমন কথা কখনও শুনি নি। আজ পর্যন্ত আমাদের কোন লোক বন্ধ্যতা স্বীকার করতে জার্মানদের কাছে যায় নি, আর তুমি কি না তাই করতে চাও? . ”

“কিন্তু ওঁরা ত আমার জগ্গেই আজ বন্দী। আমার দোষেই ওঁরা . ”

“না, তোমার জগ্গে নয়। কারণ, আমাদের দুর্ভাগ্য, কারণ, এই লড়াই, কারণ, জার্মানরা! তারা মিশকাকে হত্যা করেছে! এরা খুনে, এরা শিশুদেরও গুলি করতে সঙ্কোচ করছে না!”

মাল্যুচিখা বিশ্বলের মত দাঁড়িয়ে রইল।

“তা হলে তুমি মনে কর ...”

“আমি কিছুই মনে করি নে! মনে করবারও কিছু নেই! তুমি বাড়ী চলে যাও বোন, আর কাকুর কাছে কোন কথা বলো না। এখানে সকলেই অবশ্য আমাদের আপন লোক কিন্তু মানুষকে প্রলোভন দেখিয়ে লাভ কি? এসব কথা কাকুরই জানার দরকার নেই। জিহ্বাই আমাদের পরম শত্রু। বাড়ী গিয়ে কাজকর্মে মন দাও, পাগলামি করো না।”

“কিন্তু, তোমার স্বামী!”

“মেয়েটার কথা শোন! বলি, সে আমার স্বামী, না তোমার? আমি যদি মুখ বুজে চুপ করে থাকতে পারি, তোমারও পারা উচিত নয় কি? যা হবার, হবে। তার অদৃষ্টে যদি এরকম মৃত্যু লেখা থাকে ত তারা তাকে খুন করবে। যদি অদৃষ্টে না থাকে ত সে বাঁচবে। আর অদৃষ্টে যদি এই লেখা থাকে যে, জার্মানদের অধীনেই থাকতে হবে, তা হলে যত শীঘ্র মরি, ততই মঙ্গল।...”

“জার্মানদের অধীনে আমরা চিরদিন থাকব না।”

“দেখ বোন, আমি যদি তা মনে না করতাম ত একমুহূর্তও অপেক্ষা করতাম না—গলায় দড়ি দিয়ে ঝুলে পড়তাম। কিন্তু একটা কথা বুঝি যে, এখন

আমাদের সময়টা খারাপ যাচ্ছে। কিন্তু তাদের পালাও আসচে, তখন তারা তাদের অদৃষ্ট ভোগ করবে।”

গ্রোথাচিখার মুখখানা উজ্জ্বল ও চোখ দুটি আনন্দে উদ্ভাসিত হয়ে উঠল।

মাল্যুচিখা দীর্ঘনিশ্বাস ফেলল।

“তুমি আমার সব গুলিয়ে দিলে। ...”

“আমার মনে হয়, অনেক দিন আগেই তোমার সব গুলিয়ে গেছে।... তোমার ঈশ্বরদত্ত বিবেক আছে বটে, কিন্তু ধারণাগুলি অত্যন্ত নির্বোধের মত। তোমার নিজের কথাই শুধু ভেবো না, আর সকলের কথাও ভেবো। সবলের কথা ভাবলে ব্যাপারটা খোলসা হয়ে যাবে, তোমার কিছু বলার অধিকার নেই। নিজের জন্তে তোমার পক্ষে জার্মানদের ফাঁদে ধবা দেওয়ার কোন অধিকার তোমার নেই! তারা আমাদের কিছু করতে পারবে না। অত্যাচারই ককক, ফাঁসিই দিক, আব গুলি করেই মাকক।... একজন দুজন মরবে কিন্তু সবলকে ত মাবতে পারবে না। .. যত দিন না আমাদের ছেলেরা ফিরে আসে তত দিন প্রাণপণে তোমাকে সবর করতে হবে। . ”

মাল্যুচিখা অর্থহীন ভাবে মাথা নাড়ল। একটা দুর্বলতা তাকে প্রবল ভাবে পেয়ে বসল, তার সবল শক্তি যেন সে হারিয়ে ফেলেছে। সে বসতে চায়, সোজা মেঝের উপর বসে প্রাণ ভরে কাঁদতে চায়! সে মিশুংকার জন্তে কাঁদতে চায়, গ্রুথাচের জন্তে কাঁদতে চায়, আর কাঁদতে চায় মারিয়ার বাচ্চা তিনটির জন্তে—শাশার হেপাজাতে যাদের ঘরে রেখে এখানে চলে এসেছে! কাঁদতে চায় ভাসিয়া ক্রাব্‌চুকের জন্তে, যে খাদের মধ্যে বরফে শুয়ে আছে। কাঁদতে চায় তরুণ পাণ্‌চুকের জন্তে, যাকে গুলি করে মেরে খাদের পাশে ফেলে রেখেছে। কাঁদতে চায় সেই ছেলোটর জন্তে, যাকে ফাঁসি কাঠে ঝুলিয়ে রেখেছে। কাঁদতে চায় গোটা গ্রামখানির জন্তে, আর কাঁদতে চায় তাদের জন্তে যারা গ্রামের জন্তে লড়াই করেছে,—যারা নিরুপায় হয়ে হটে গিয়েছে। আজ এক মাস হয়ে গেল, তাদের আর দেখা গেল না।

“শোন, নিজের হাতে রাশ টেনে ধরে থেকো, নইলে সকল কাজেরই অযোগ্য হয়ে পড়বে,” গ্রোখাচিখা পরখ করবার জন্তে বললে।

মাল্যুচিখা নীরবে বিদায় নিয়ে চলে এল। লিদা ও ফসিয়ার সঙ্গে কথা কইবার জন্তে সে মনকে রাজী করাতে পারল না, তারা দু'বোনে তখন আঙিনায় দাঁড়িয়ে কাঠ ফাড়াছিল। গ্রাখাচ-গৃহিণীর ভৎসনা তখনও যেন তার কানে ধ্বনিত হচ্ছিল। গ্রামস্বদ্ধ সকলেই গ্রোখাচিকার এই পরিচয় জানে যে, সকলকেই উচিত কথা বলতে এবং কলহ-বিবাদ করতে সে অভ্যস্ত। তার মুখ থেকে কেউ কখনও একটা মিষ্টি বখা শুনতে পায় নি। তার স্বভাবই ওরকম। আর আজ কি পরিবর্তনই না হয়েছে তার! ...

বাড়ীতে তখন শাশা ছেলেদের নিয়ে খড়কুটোর একটা খেলাঘর বানাতে ব্যস্ত : এখানে আঙিনা,—সেখানে গোয়ালঘর, এটা আস্তাবল, আর ওটা কি? ... কান্না খামিয়ে খেলায় যোগ দিয়ে নিনা সাগ্রহে সব কিছু লক্ষ করছে।

“কিন্তু এখানটায় কি রাখবে?”

“এখানে থাকবে ভেড়ার পাল, নতুন ভেড়াগুলি।”

“বেশ।”

“আমাকে একটা কাঠকয়লা দাও। ভেড়াগুলি হবে কালো : আরও গোটা কয়েক দাও, অনেকগুলি ভেড়া থাকবে। ...”

“বেরালটা কোথায়?” নিনা জানতে চাইল।

“বেরাল বাইরে চলে গেছে, তারা সব সময়ই বাইরে থাকে,” জিনা তাকে বুঝিয়ে দিল, নিনা তার কৈফিয়তে খুশি হয়ে গেল।

“জার্মানরা আসছে। পশুগুলিকে খেদিয়ে নিয়ে যেতে হবে।” অসিয়া খাঁটি বিষয়ী লোকের মত ভারিক্কি চালে আদেশ জারি করল।

“বেশ, কিন্তু তাদের খেদিয়ে নেবে কে, শুনি?”

“কেন, আমি।” নিনা স্বেচ্ছায় কাজটা নিল।

“আমি কিন্তু গোয়ালীদের সঙ্গে থাকব,” অসিয়া স্থির করল। “এখন এসো আগে ভেড়ার পাল খেদিয়ে নিয়ে যাই।”

তাদের কাঠের কুচি সরিয়ে নিয়ে রাখল, কেন না, সেটা হল সদর দরজা, আর সমবায় খামারের সমগ্র সম্পত্তি—ফেঁকড়ি ও কাঠ কয়লাগুলি—খোলা মাঠে নিয়ে গিয়ে ফেলল।

তা ত হল, কিন্তু ভেড়াগুলি কোথায় নিয়ে যাব?”

“কেন, ভিতরের দিকে,” গম্ভীরভাবে সাশা উত্তর দিল। “নদীর ধারে নিয়ে গিয়ে রাখব। আমাদের লোকজনেরা জার্মানদের নদী পার হতে দেবে না।”

“কিন্তু তারা ত নদীতে বোমা ফেলতে পারে,” অসিয়া বলল।

“তাতে কিছু যায় আসে না, রাত্রিবেলা আমরা পার হব,” সাশা জবাব দিল। “আমাকে ওই তক্তার টুকরোটা দাও, ওটা হবে নদী।”

হঠাৎ সশব্দে দরজাটা খুলে গেল। পাঁচ জোড়া চোখ সঙ্গে সঙ্গে পিছন ফিরে তাকাল। সাশা নড়া চড়া করতেও পারল না।

দরজায় একজন জার্মান সৈন্য দাঁড়িয়ে। রক্তাভ চোখে ছেলেদের দিকে স্থিরদৃষ্টিতে চেয়ে আছে—মাথায় কতকগুলি ছেঁড়া নেকড়া জড়ানো। তার সারা গায়ে বরফ। ঘরের চারিদিকে সাগ্রহ দৃষ্টিতে তাকাচ্ছে, বয়স্ক কাউকেই দেখতে না পেয়ে যেখানে স্টোভের ধারে ছেলেরা খেলছিল সেখানে এসে উপস্থিত হল। প্রথমটা সাশা তার আগমনের উদ্দেশ্য বুঝতে পারে নি। তার ধারণা হয়েছিল যে, সে মিশার খোজেই এসেছে, জার্মানরা সব কিছু জেনে ফেলেছে, মাকে তারা আটক করেছে এবং এ লোকটা এসেছে মিশার খবর নিতে, এখনই কবর খুঁড়তে শুরু করবে। মিশা জার্মান সৈনিকের ভুল উচ্চারিত রুশ শব্দ প্রথমটা বুঝতে পারে নি, ফলে সৈনিককে বার কয়েকই তার বক্তব্য পুনরুক্তি করতে হল। সে বলছিল :

“হুধ, হুধ!...”

“আমাদের হুধ নেই,” সাশা জড়িত স্বরে জবাব দিল।

কিন্তু সৈনিকটা জেদ করতে লাগল।

“হুধ, হুধ দাও। ...”

সাশা উঠে বাইরে চলে গেল, এবং একমুহূর্তের জ্ঞাপ সৈনিকের দিক থেকে দৃষ্টি ফেরালো না। দালান পার হতে গিয়ে তার মনে পড়ে গেল যে, সে তার দাদার কবরের উপর দিয়ে হেঁটে চলেছে, এইখানেই ত তার দাদা মিশকা চির-নিদ্রায় শুয়ে আছে। সৈনিক তার সঙ্গে সঙ্গে গেল। সাশা গোয়ালের দরজা খুলে হাত-মুখের ইশারা করে তাকে বুঝিয়ে দিল যে, সেখানে কিছুই নেই। আর সত্যি, জার্মানরা যেদিন প্রথম এখানে আসে সেই দিনই তাদের গরুটাকে কেড়ে নিয়ে গিয়ে কমাগুণ্টের বাড়ীর সামনে জবাই করেছে।

খালি গোয়ালের দিকে সৈনিকটা একবার চোখ বুলিয়ে নিল। মেঝেয় কিছু খড় ও গোবর তখনও পড়ে ছিল, তার থেকে ওটা যে গোয়ালঘর তা শোকা যায়, কিন্তু গরুর জাবনার তাগাড়িটা শূন্য পড়ে আছে। এ সব থেকে স্পষ্টই বোঝা যায় যে, এখানে সত্যসত্যই দুধ পাওয়া যাবে না।

এদিকে জিনা ভয়ে প্রাণপণে চীৎকার আরম্ভ করে দিয়েছে। মা বাড়ীতে নেই, সাশা জার্মানটাকে নিয়ে গোয়ালঘরে গেল, কাজেই সে ভয় পেল। নিনা কাদবার স্বযোগের প্রতীক্ষাই করছিল, স্বযোগ পেয়ে সেও জিনার অহুসরণ করল।

সৈনিক আবার ঘরে ফিরে এল এবং ছেলেদের দিকে চেয়ে অর্থহীন হাসি হাসল।

“কৈদো না,” জার্মান: ভাষায় বলল, সঙ্গে সঙ্গে তার ক্ষয়ে যাওয়া কালো দাঁতগুলি বের হয়ে পড়ল।

জিনা ভয়ে আরও জোরে চোঁচাতে লাগল। জার্মানটা তার রাইফেল জিনার দিকে তাক করল। নিরুপায় সাশা লাফ দিয়ে এগিয়ে গেল এবং বোনকে আড়াল করে দাঁড়াল। দুহাত উঁচু করে তুলে সে জার্মানটার ঘেঁষা রক্তাভ চোখ দুটোর পানে তীক্ষ্ণ দৃষ্টি মেলে তাকিয়ে রইল। জার্মানটাও ছেঁড়া নেকড়ার পটিবাঁধা মাথার ফাঁক দিয়ে তার দিকে তাকিয়ে ছিল।

“হো-হো,” সৈনিকটা দাঁত বের করে হাসতে লাগল এবং রাইফেলের নলের মুখটা এবার নিনার দিকে ঘুরিয়ে ধরল। কি হচ্ছে, ছেলেমানুষ নিনা বুঝতে

পারল না, কিন্তু সঙ্গে সঙ্গে সে কান্না থামাল এবং সম্পূর্ণ অপরিচিত লোকটার দিকে চোখ পাকিয়ে এক দৃষ্টে চেয়ে রইল। অবশ্য সেও এটা বুঝেছিল যে লোকটা জার্মান।

“গুলি করব,” সৈনিকটা বলল। নিনা তার কথা বুঝতে পারল না। কিন্তু এটা সে বুঝতে পেরেছে যে, তার কথাগুলি সাংঘাতিক কিছু নিশ্চয়। ইতিমধ্যে জিনাও চূপ করেছে। শাশা রাইফেলের মুখটার দিকে লক্ষ রাখছিল।

রাইফেলের কালো মুখটা খুব উঁচুতে ছিল না। এমনভাবে তাক করছিল যে, প্রথমে একটি ছোট্ট মাথা এবং পরে আর একটিকে যেন লক্ষ করা হয়েছে।

হঠাৎ শাশার মাথায় একটা মতলব এল : লাফ দিয়ে গিয়ে রাইফেলটা ধরলে হয়! কিন্তু সৈনিকের হাত থেকে সেটা ছিনিয়ে নিতে পারবে? কেমন করে গুলি ছুঁড়বে? জার্মানটাকে খুন করার পর কি হবে? আর সব চেয়ে বড় কথা, ও কি সৈনিকটার হাত থেকে ওটা ছিনিয়ে নিতে পারবে?

জার্মানটা তখনও দাঁত বের করে হাসছিল। খেলাটা তার কাছে মন্দ লাগছিল না। ছেলেরা সকলে ভয় পেয়ে গেছে, তাদের চোখ মুখ সাদা ফ্যাকাশে, সব চেয়ে বড়টির মুখেব অসচ্ছন্দতাও তার নজরে পড়ল। একটুক্ষণের মধ্যেই শাশা বুঝতে পারল যে, সৈনিক তাদের নিয়ে কৌতুক করছে। ইঁদুরের সঙ্গে বেরালেরা যেমন কৌতুক করে থাকে, সৈনিকও ছেলেদের সঙ্গে সেই রকম করছে। ইঁদুরের সঙ্গে, ও ওদের সঙ্গে কৌতুক করছে। রাইফেলের কালো মুখটা দেখতে দেখতে খাড়া হয়েই আবার নীচের দিকে নামল। শাশা মনে মনে কামনা করছিল যে, সৈনিক গুলি ছুঁড়ুক। যত তাড়াতাড়ি ছোঁড়ে ততই ভাল, এ দৃশ্য আর সহ্য হয় না।

তার মনে হল, জার্মানটা সর্বাগ্রে তাকেই গুলি করবে, কেন না, সে-ই সকলের বড়। রাইফেলের নলের দিকে সে স্থির দৃষ্টিতে চেয়ে রইল। ও তাড়াতাড়ি গুলি ছুঁড়ুক। শেষ করে দিক।

অবশেষে খেলায় সৈনিকের শ্রাস্তি এল এবং তাড়াতাড়ি রাইফেলটা কাঁধে ফেলে আর একটিবারও পিছন দিকে না তাকিয়ে চলে গেল। ছেলেরা এক

জায়গাতেই যে যেমন ছিল তেমনি ভাবে রইল, এবং তাদের সকলের দৃষ্টিই দরজার দিকে নিবদ্ধ। সাশা অপেক্ষা করল—হয় ত জার্মানটা দরজার আড়ালে গিয়ে লুকিয়ে আছে, হয় ত সে অপেক্ষা করছে, যেই তারা নড়াচড়া করবে অমনি দরজা খুলে গুলি ছুঁড়বে। এমন কি, ইঁদুরের মতই চুপচাপ রইল। তারা পায়ের শব্দ শুনতে পেল, এবার আরও কাছে। দরজা খুলে মা এসে উপস্থিত হল।

ঠিক সেই মুহূর্তেই মনের সমস্ত রুদ্ধ আবেগ আত্মপ্রকাশের স্বযোগ পেল। জিনা প্রাণপণ শক্তিতে চেষ্টায়ে উঠল। নিনা কাঁদতে শুরু করে দিল এবং অসিয়া ও সোনিয়াও কান্না জুড়ে দিল। একমাত্র সাশা মায়ের সামনে নীরবে গিয়ে দাঁড়াল।

“কি হয়েছে বাবা? হল কি তোদের?” ভয়ত হয়ে মাজিজাসা করল।

“বিশেষ কিছুই না, একটা জার্মান এসেছিল,” সাশা জবাব দিল।

“জার্মান? কি চায়?”

“কিছু না। দুখ চাইতে এসেছিল।”

“তারপর কি হল?”

“আমি দেখিয়ে দিলাম যে আমাদের গরু নেই।”

“তারপর সে চলে গেল?”

“হ্যাঁ।”

“তা হলে, তোরা চেষ্টাচ্ছিল কেন?” রাগত স্বরে সে শুধাল। “সে ত চলেই গেছে, আর চেষ্টানো কেন? তোদের মেরেছে?”

“না। মারে নি,” সাশা মুখ ভার করে জবাব দিল। তবে তার মনের উত্তেজনা তখন অনেকটা শান্ত হয়ে এসেছিল। মাল্যুচিখা শালের উপর যে বরফের কণাগুলি পড়েছিল তাই স্বদ্ধ ঘরে না এসে দালানে গিয়ে ঝেড়ে ফেলল।

“কি দুর্ভাগ্য চলেছে! থামবার কোন লক্ষণই দেখা যাচ্ছে না...”

দূর থেকে একটা আতঁচীৎকার শোনা গেল।

“ও কি?”

“কিছুই না। ... ওলেনার প্রসব হচ্ছে,” মাল্যুচিখা চোখ পাকিয়ে বলল।

ছেলেবা মনোযোগ দিয়ে শুনছিল। খামার বাড়ীর দিক থেকে একটা চাপা কাতরানি শোনা গেল। কখনও জোরে, কখনও আস্তে, পরক্ষণেই তা থেমে গেল, কিন্তু সঙ্গে সঙ্গেই আবার নতুন করে শুরু হল।

৪

জার্মানদের আর্টক-ঘরটা কমাগাটুরের ঠিক পিছন দিকে। চারদিকে চারটি দেয়াল আর মাটির মেঝে। এক সময় এখানে বইয়ের আলমারি, টেবিল, তাক, তাতে গ্রাম্য সোভিয়েট ও সমবায় খামারের কাগজপত্র, বই—কত কি ছিল।

পুরানো ঘরের দেয়াল তৈরি হয়েছিল মোটা মোটা কাঠের কুঁদো দিয়ে। জার্মানরা তক্তা দিয়ে জানলাগুলি সব ঢেকে দিয়েছে, ফলে ঘরটা অন্ধকার হয়ে পড়েছে। দরজার ফাটল দিয়েই একমাত্র আলো আসে—সে আলোও আসে আবার সাজীদের ঘরের আলো থেকে। গ্রামের যে পাঁচ জনকে গ্রেফতার করা হয়েছে তাদের এনে এখানেই রাখা হয়েছে। দরজায় চাবি লাগানোর শব্দ পাওয়া গেল—একবার, দুবার,—তারা সেইখানেই রয়ে গেল। চারিদিকে দেয়াল, ঘরখানি আঁধারে ডুবে গেল। ঘরে টুলও নেই, বেঞ্চও নেই। অন্ধকারে ক্রমশ চোখ অভ্যস্ত হয়ে এল। দেয়ালে হেলান দিয়ে সেই মেঝেতেই যে যার মত বসে পড়ল। গ্রন্থাচ হাতের উপর মাথা রেখে লম্বা হয়ে শুয়ে পড়ল এবং অল্পক্ষণের মধ্যেই তার নাক ডাকতে শুরু করল।

কিন্তু আর কেউ অবশ্য ঘুমোতে পারল না। অলগা পালাঞ্চুক চেচোরিখার গা ঘেঁষে বসল। তার ভয় হচ্ছিল। ঘরটাকেই তার ভয়, অন্ধকারকে ভয়, দরজার বাইরে যে আলো আছে তাকে ভয়। কি হবে তাই তার ভাবনা। চেচোরিখা দু হাতে তাকে জড়িয়ে ধরে ছিল। এবং তারা উভয়ে উভয়কে অবলম্বন করে বসল।

একমাত্র মালাশাই কারুর গা ঘেঁষে বসে নি, হাঁটু দুটো দু হাতে জাপটে ধরে সে এক কোণে বসে ছিল, অবশ্য দেয়ালে হেলান দিয়ে বসে সে চোখ দুটো মেলে

অন্ধকারের দিকে একদৃষ্টে চেয়েছিল। তার সঙ্গে আর যারা বন্দী, তারা যা ভাবছিল, তার ভাবনা তাদের চেয়ে স্বতন্ত্র। নিষ্পন্দ হয়ে, নিবন্ধ দৃষ্টিতে শ্বাস রুদ্ধ করে একান্ত মনোযোগের সঙ্গে শুনতে লাগল। পাশের ঘর থেকে যে অস্পষ্ট শব্দ শোনা যাচ্ছিল, তা কি, জানবার আগ্রহও সে করল না, অথবা, ঘরের বাইরে—গ্রামে কিসের শব্দ হচ্ছে তা শুনবার আগ্রহও তার ছিল না। ভুক কুচকে সেখানে বসে সে নিজের ভিতর থেকেই কি যেন একটা শুনবার চেষ্টা করছিল। এর মধ্যে এক সপ্তাহ হয়ে গেছে—না, বেশি, দশ দিন। কিন্তু কিছুই হল না ... ক্রমাগত একটা প্রশ্নই ঘুরে ঘুরে মনে হয়ে তাকে পীড়িত করতে লাগল : হাঁ, না,—না? হাঁ,—না? সমস্ত রক্ত মাথায় এসে জমা হয়েছে। বুকটা ধড়ফড় করতে লাগল। তার মনে হল, সে যেন দেহের রক্তপ্রবাহের শব্দ শুনতে পাচ্ছে এবং শিরাগুলিতে কে যেন ছোট হাতুড়ি পিটোচ্ছে। কেমন করে বুঝতে পারবে, কি করে নিশ্চিত জানবে?

আর একবার সে দিনগুলি গুলল। হয় ত সে ভুল করেছে। কিন্তু, না, বার বারই দশ দিন, সেই একই দশ দিন। এবং কারণও আছে যথেষ্ট ... দশ দিন।

কিন্তু সে বেশিক্ষণ এ চিন্তা নিয়ে থাকতে পারছিল না, তন্ন তন্ন করে আতি-পাতি করেছে, আজ পর্যন্ত প্রতিদিনের কথা পুনরালোচনা করেছে এবং সেই দিনটাই তার জীবনকে দু'ভাগে ভাগ করে দিয়েছে। সেদিনটির কথা মনে হতেই মালাশা একটা তীক্ষ্ণ দৈহিক বেদনা অনুভব করল। এত জোরে সে হাত মুঠো করল যে, নখগুলো তেলোতে বসে গেল, হাঁটু দুটো বৃকের উপর গুটিয়ে নিয়ে জড়সড় হয়ে বসল। একটা অসহ্য মৃত্যুযন্ত্রণা যেন তার মজ্জায় মজ্জায় আঘাত করেছে। মনে হল, সে আর সইতে পারছে না, হয় ত হঠাৎ কখন বলা জন্তুর মত চীৎকার করে উঠবে। ইচ্ছে করে, মাথার চুলগুলো টেনে সব ছিঁড়ে ফেলে। ও নিজের চীৎকারে নিজেরই দম বন্ধ করে ফেলতে চায়। সব কিছু একটা গাঙগোলে ডুবিয়ে দিতে চায়—সব কিছু : সেদিনের স্মৃতি, এই দশ দিনের অবিরাম গণনা, পুনর্গণনা এবং তার একই ফল।

যন্ত্রণায় সর্বাঙ্গ আলোড়িত হতে লাগল। ও ঠিক জানে, এ রকম যন্ত্রণা আর বরদাস্ত করতে পারবে না। হয় ত সেখানেই পড়ে মরে থাকবে। কিন্তু মরণ এল না। মরণ অত সহজ নয়। ওকে সেই অন্ধকারের মধ্যে বসে বসে মাহুষের শ্বাস-প্রশ্বাসের শব্দ শুনতে হবে এবং সঙ্গে সঙ্গে এক মুহূর্তও বাদ না দিয়ে স্মরণ করতে হবে যে, ও—মালাশা, একটা পাপিষ্ঠা, জাতিচ্যুত। চিরকালের জন্তে—আর সকলের থেকে, গ্রামের থেকে ও পৃথক হয়ে গেল, এমন কি, যে-জীবন ও এর আগে পর্যন্ত যাপন করেছ এখনকারটা তার চেয়েও স্বতন্ত্র। এবং কেন? কেন এমনটা হল? গ্রামের আরও ত মেয়ে ছিল, তাদের কাকর কিছু না হয়ে ওরই বা হল কেন?

অন্ধকারের দিকে ওর দৃষ্টি ছিল না, ওর চোখের সামনে ভেসে উঠল সেই তিনটা মুখ—যে তিনটা বীভৎস কুৎসিত মুখ ওর পানে ঝুঁকে পড়েছিল। ওর স্মরণে চিরকালের মত জল জল করবে—যেন ফটাংগ্রাফ। অনন্ত কাল ধরে তারা ওর চোখের সামনে ভেসে থাকবে, কোন মতেই স্মৃতি থেকে মুছে ফেলা বা ঢেকে ফেলা যাবে না। তিনটা মুখ, দাড়ি-গোঁফ কামানো হয় নি, শূয়োরের কুঁচির মত খোঁচা খোঁচা লাল গোঁফ-দাড়ি, দাঁতগুলি ক্ষুদ্র ঠোঁটের ফাঁকে দেখাচ্ছে যেন পশুর দাঁতের মত, চোখে তাদের বর্বরতা।

মাস কয়েক আগেও সেই ঘরেই ও ইভানের সঙ্গে বাস করেছে। সেই একই ঘর, একই বিছানা। কিন্তু সেই রাত্রিতে তার বালিশের পালকগুলি ঘরময় ছড়িয়ে পড়েছিল, মেঝেতে খড়কুটো ছড়ানো, চিত্রিত ফুলদানি জানলা থেকে স্থানচ্যুত এবং স্বগন্ধ গোলাপও জার্মান সৈন্তের বুটের চাপে স্নান। ও আর ভাবতে চায় না, ভাবতে গেলে বুক ফেটে যায়, কিন্তু না ভেবেও পারে না। যেন জোর করে ওকে ভাবায়, এক মুহূর্তও না ভেবে পারে না। তারা তিন জন। তিন জনের মুখে খোঁচা খোঁচা লাল দাড়ি—ঘোঁং ঘোঁং করতে করতে ধরে ঢুকে তারা চোঁচাতে লাগল, সঙ্গে সঙ্গে বজ্রহুষ্টিতে তার দেহটা জাপটে হাত দুটোকে চেপে ধরল। তারপর ওর অসাড় দেহটা ফেলে রেখে সশব্দে দরজাটা বন্ধ করে তাবা বেরিয়ে গেল। সঙ্গে সঙ্গে ধূমল বাষ্পে ঘরটা ছেয়ে গেল। তারপর

থেকেই এ অসহ যন্ত্রণা শুরু হল। আরও অসহ এই দশটা দিন, সকাল থেকে সন্ধ্যা এবং বিনিদ্র রাত্রি ও নিজের দেহের বিপর্যয় মন দিয়ে শুনেছে এবং একটির পর একটি করে দিন গুণে আজ উন্মত্ততার সীমায় এসে পৌঁচেছে। প্রতি দিন একটি করে দিন বেড়ে বেড়ে আজ দশটি দিনে এসে পৌঁচেছে। একটি, আর একটি—এমনি করে একদিন তার গোণার শেষে এসে পৌঁছবে, যেদিন মালাশা, লাল পল্টনের স্ত্রী মালাশা একটা জার্মান বর্ণসঙ্করকে প্রসব করবে।

তবু কান পেতে শোনে। রক্তের প্রবাহ ওর হাতের কব্জিতে, কপালে মুহুমুহু হাতুড়ির আঘাত করে। পেটে হাত দিয়ে দেখে, সেখানেও যেন অমনি হাতুড়ি মেরে রক্তশোত বইছে। বিজাতীয় ঘৃণায় সর্বাঙ্গ ভরে উঠল। ওর এই দেহ হয়ে উঠেছে একটা জার্মানের আবাস, এখন হয় ত তার অস্তিত্ব নাই, এর আগেও হয় ত ছিল না, তবু সে জার্মান যেন সর্বাঙ্গ জুড়ে বসেছে। ও যা খাবে তা নিজে খাবে না, ওর ভিতরে বসে খাবে সেই জার্মানটা। ধীরে ধীরে বেড়ে উঠবে, বড় হবে।—হয়ে ওরই দুর্ভাগ্যের উপর লাঞ্ছনার তিলক পরিয়ে দেবে। ও যদি যুগ্মেয় তাতে ওর নিজের দেহ আর সবল হবে না, কারণ সে বিশ্রাম ওর বিশ্রাম নয়—ওর ভিতরে থেকে বিশ্রাম করবে সেই জার্মানটা। তাকে ও আর আজ সন্তান বলে ভাবতে পারে না। ও সেই ওলেনার ছেলে নয়, যার কান্না মাঝে মাঝে ওই অপরূপ ঘরের ভিতর থেকে শোনা যায়। ওই যে অজানা ছেলেটাকে ওরা গুলি করে মেরেছে—চেচোরিখা আর মাল্যুকদর ছেলে, যারা এ গ্রামে জন্মেছে এবং স্বদেশের জেগেই জার্মানদের হাতে প্রাণ দেবে, তাদের মত কোন সন্তান নয়। এরাই হল ছেলে। মাথায় সুন্দর কালো কালো চুল, চঞ্চল কালো চোখের তারা,—কখনও কাঁদে কখনও হাসিখুশি। দোলনায় শুয়ে খেলা করে। মায়েরা তাদের সত্যিই গর্ভে ধারণ করেছে, জন্মের পর লালন পালন করে বড় করেছে। আর ও যাকে প্রসব করবে সে সন্তান নয়—একটা জার্মান কুকুরের বাচ্চা। অথচ যা ঘটেছে তা পরিবর্তন করার কোন উপায়ই নেই—ভাবতে গিয়ে মালাশা শিউরে ওঠে। যদি সেটা মরেও যায়, এমন কি, ও নিজেও যদি তাকে গলা টিপে মারে, তবু কোন ফল হবে না। চিরদিনের

জগ্রে লোকে ওকে ঘৃণা করবে, বলবে—ও একটা জার্মান-বাচ্চা পেটে ধরেছিল, দেহের রক্ত দিয়ে তাকে মাহুষ করেছিল। লোকে বড় পেটটার দিকে চেয়ে থাকবে। সবাই ওকে পথ ছেড়ে দেবে—সেটা গর্ভবতী নারীকে সহজে পথ চলবার স্বযোগ দেওয়ার জগ্রে নয়, ওর প্রতি দারুণ ঘৃণায়—পাছে ওর গায়ের ছোঁয়া লাগে। ও হয়েছে জার্মানের শয্যাসজ্জিনী, একটা জার্মানকে গর্ভে ধারণ করছে।

গ্রামের সকলেই অবশ্য এ কথা জানে। সকলেই ওর জগ্রে দুঃখিত, তারা সকলেই জার্মানদের অভিশাপ দেয় এবং একদিন যে সব কিছুর প্রতিশোধ নেওয়া হবে সে কথাও তারা বলাবলি করে। কিন্তু মালাশা জানে, এর প্রতিশোধ নেওয়া আর সবার মত তত সহজ নয়। প্রত্যেকটি অগায়েবই প্রতিশোধ নেওয়া হবে, পাশ্চুক, লেভন্ত্যক এবং ওলেনা, বিনষ্ট গৃহ, নিহত বালক—সব কিছুরই প্রতিশোধ নেওয়া সম্ভব হবে, কিন্তু ওর ক্ষতির প্রতিশোধ নিতে কেউ কখনও পারবে না। এ এমন একটা বস্তু যার প্রতীক্য করা যাবে না। কেউ মুখ ফুটে না বললেও ও দেখেছে যে অগায়েব মেয়েরা ওর দিকে চেয়ে দেখে না পর্যন্ত, লোকেরা তাকে একটা প্লেগের রোগী মনে কবে এড়িয়ে চলে। সেদিন ওই তিনটা লোক যখন জোর করে ওর ঘরে প্রবেশ করে তখনই গ্রাম আর ওর মধ্যে একটা দূর্ভেদ্য দেয়াল গড়ে উঠল। সাধারণত তাদের হাতে যারা পড়ে তাদের তারা গুলি করে মারে, কিন্তু সেদিন তারা ওর পবিত্রতা নষ্ট জেনেও ওকে গুলি করে নি। সারা জীবন গ্লানি ভোগ করবাব জগ্রেই জীবিতদেব সঙ্গে ওকে বেঁচে থাকতে হবে। যেন এ সব কিছুই যথেষ্ট নয়, তারা যে ওর অমর্যাদা করেছে, এটাই যেন যথেষ্ট নয়, ওকে একটা ছেঁড়া নেকড়ায় পরিণত করেছে, তাই আজ ও কেবলই দিন গুণে চলেছে, দিনগুলির সমষ্টি বার বার একই হয়ে দাঁড়াচ্ছে। ও হতাশার মধ্যে দিয়ে আশার মরীচিকা দেখতে পায়, একটা ভ্রান্ত ধারণার বশবর্তী হয়ে আলোয়ার পিছনে ছুটে চলে, একবার ওর মনে হয়েছে হয় ত ভুল করেছে, হয় ত তা সত্য নয়, অনেক সময়ই ত এরকম হয়, তাই বলেই যে কিছু হয়েছে তার কোন মানে হয় না, দু-একদিন সবুর করলেই হয়ত সব কিছু ঠিক হয়

যাবে। কিন্তু সব কিছুই বুঝা, অন্তরের অন্তস্তল থেকে জেনেছে যে সত্য সত্যই ৬ গর্ভবতী এবং কিছুতেই তার পরিবর্তন হতে পারে না।

একটি গ্রীষ্মকালের কথা ওর মনে পড়ে। রৌদ্রোজ্জ্বল গ্রীষ্মকাল—গাছে গাছে ফুল ফুটেছে, চারিদিকে ছড়িয়ে পড়েছে তার সুগন্ধ। শিশিবসিক্ত রূপালী রাত্রিগুলি! ঘাসগুলো মানুষের কোমর পর্যন্ত বেড়ে উঠেছে। নদীতীরে ঘাসছড়িয়ারা তাঁবু ফেলেছে। সারা রাত্রি তারা সেখানেই থাকে। চারিদিকে ঘাসফুলের সুগন্ধ, আকাশে উজ্জ্বল তারা, বাইরে পাগলা বাতাসের মাতামাতি। তারই মাঝখানে তারা রাত্রি যাপন করেছে তাঁবুতে। তখনকার সে আদর, আলিঙ্গনের ভেতর দিয়ে কোন সন্তান তার হয়নি। মধুর আনন্দময় রাত্রি! চূষনের স্পর্শে বুকখানি আনন্দে ঢুলে ঢুলে উঠত। সে সব দিন কেটে গেছে, কিন্তু তার কোন স্মৃতিচিহ্নই রেখে যায় নি। দেখলে মনে হয়, যেন জীবনে সে সব দিন কখনও আসে নি, অথচ এসেছে, এমনি কত মধুর রাত্রি এসেছে তার জীবনে, সারা গ্রীষ্মকাল! উন্মত্ত ভালবাসায় সে নিজেকে তুলে দিয়েছে, বিচ্ছেদের কোন কলহ, কোন মান-অভিমান হয়নি কোন দিন। আঁচলে কোন ফলই ত পায়নি সে।

আর এখন এই একটি মুহূর্ত, বীভৎস আধঘণ্টা মাত্র, তারই ফল ওকে ভোগ করতে হবে সারা জীবন। ওর জীবন জুড়ে থাকবে এই কুৎসিত ক্ষত যার থেকে চিরদিন রক্ত ঝরবে।

ইভানের কথা মনে পড়ে। বিবাহের পর বেশি দিন দাম্পত্যজীবন ওরা ভোগ করতে পায় নি। কত রজনীর আনন্দস্মৃতি তাতে জড়িয়ে আছে। ধরের বেড়ার ফাঁক দিয়ে জ্যোৎস্না এসে ঘরে পড়েছে এবং জুন মাসের রাত্রিতে গ্রীষ্মের হাওয়া বয়ে এনেছে। ওরকম সুখের দিন একসময় ছিল—ওর স্বামীর সৈগ্গদলে যোগ দেওয়ার আগে, কিন্তু এখন,—কিছুই নেই।

তার পরও গ্রামের মধ্যে দিয়ে ও ধীর মন্থর গতিতে হেঁটেছে, ওর সে ক্লান্তমু, কুমারীমূলভ বক্ষস্থল, সৰু কোমর—ছেলেরা ওর দিকে তখনও তাকাত, ওকে দেখে হাসত, তারা ভুলে যেত যে ও বিবাহিতা, ইভানের জায়গায় আর কাউকেই

ও বসাবে না। তবু তারা ওর সাদা ধুঁধবে দাঁতগুলো দেখবার আশায় ব্যগ্র হয়ে উঠত, ওর হাসি ঠাট্টা শুনতে চাইত, আর চাইত ওর কালো চোখের একটি দৃষ্টি।

কিন্তু আধঘণ্টার একটি মাত্র দুঃস্বপ্ন ওর সব কিছু একদম বদলে দিয়েছে। এখন পর্যন্ত তার বেশি কেউ জানে না, এখনও কাকুর নজরে পড়বার মত হয় নি। কিন্তু এমন একদিন আসবে যেদিন সকলের কাছে ওর দুর্ভাগ্য প্রকট হয়ে পড়বে, কেবল যে ওর কপালে কলঙ্কের ছাপই পড়ল, তাই নয়। ওকে জার্মান-শিশু গর্তে ধারণের দুঃখও সহিতে হবে এবং শেষে প্রসবও করতে হবে জার্মান-সন্তান। কে তখন ওকে সাহায্য করবে, ওর সে চরম প্রয়োজনের দিনে কে ওর কাছে আসতে চাইবে? কোন্ নারী হাত কলুষিত করতে চাইবে—নেকড়ে বাঘের বাচ্চাকে প্রসব করিয়ে—একটা মাথা-পিয়াল খুনের ডিম! অলগা মৃত্যুর ভয়ে কাঁদছিল। কিন্তু মালাশা নিশ্চয় করে জানে যে, তার মরণ হবে না। তারাই বা নিষ্কৃতি পাবে কি না কে জানে! ও ভাবতেও পারে না যে, কেউ এসে সেই মৃত শিশুটির দেহ জার্মানদের হাতে ফিরিয়ে দেবে বা যারা সেটা সরিয়েছে তাদের ধরিয়ে দেবে। কিন্তু একথা ঠিক যে, জার্মানদের কেউ কোনরকম খাণ্ডশস্ত্র দেবে না।

ও জানত না কেমন করে এটা ঘটল, আর কেনই বা ঘটল, তবে একথা স্থির জানে যে, মৃত্যু ওর হবে না। তারা ওকে হত্যাও করবে না। ওকে যদি তারা হত্যা না করে, তা হলে ওরা কয়জনও বেঁচেই থাকবে।

প্রথমে চেচোরিখা নীরবে অলগার হাতের উপর মুহূ করাঘাত করছিল। কিন্তু অলগার কান্না থামছে না দেখে তার ধৈর্য আর রইল না।

“কিসের জ্ঞান তুমি দুঃখ করছ? যা হবার তা হবেই। এমনি করে কাঁদতে তোমার লজ্জা হয় না?”

“কাঁদতে আমি চাইনে, কিন্তু নিজেকে সামলাতে পারছি নে,” অসহায় শিশুর মত ফুঁপিয়ে ফুঁপিয়ে কাঁদতে লাগল। চেচোরিখার কানে ওর সে কান্না তার ছোট মেয়ে নিনার মতই মনে হল। সঙ্গে সঙ্গে ওর মনটা নরম হল।

“হয়েছে, হয়েছে, আর অমন করে কাঁদতে হবে না। আমরা এখনও কিছু জানি নে। ...”

মালাশা অন্ধকারে এক কোণে বসে তিক্ত হাসি হাসল। কি হবে না হবে ও বেশ ভাল করেই জানে। মৃত্যুর কোন আশাই নেই।

“বাড়ীতে তিনটি ছেলেমেয়ে রেখে এসেছি, তাদের কি হচ্ছে জানি নে। ... আমি ত কাঁদছি না,” চেচোরিখা বললে বটে, কিন্তু হঠাৎ ছেলেমেয়েদের একটিবার দেখবার আগ্রহ তাকে পেয়ে বসল। যদি একটি মিনিটের জন্যে তাদের দেখা পেত। তারা না জানি এখন কি করছে, কেমন করে তাদের চলছে? মালুচিখা কি তাদের নিজের কাছে নিয়ে গেছে, কি, নেয় নি? হয় ত তারা একাকীই পড়ে আছে, রাত্রিতে তারা নিশ্চয়ই ভয়ে কাঁপছে, রাস্তায় পায়ের শব্দে হয় ত তারা আঁতকে উঠছে। জার্মানরা যেদিন এসে ঘর দখল করে তাদের বাইরে বের করে দিয়েছিল সেদিন থেকেই তারা সব কিছুতেই ভয় পায়।

“বেরোও!” লম্বা একটা সার্জেন্ট চেষ্টা করে ওঠে। ছেলেরা যাতে শীতে একেবারে জমে না যায় তাই সে কিছু ছেঁড়া নেকড়া সঙ্গে নিতে উত্তত হলে সার্জেন্ট রাইফেলের বাঁট দিয়ে তাকে আঘাত করে। “বেরোও!” আবার সে গর্জন করে ওঠে। সঙ্গে সঙ্গে ছেলেরা ভয় পেয়ে ঘর থেকে দৌড়ে বরফের মধ্যে—কঠিন বরফের মধ্যে বেরিয়ে গেল, সোনিয়ার গায়ে ছিল মাত্র একটি সামান্য ছোট শার্ট।

পরে কিন্তু বাড়ী অপছন্দ হওয়ায় জার্মানরা তাদের বাড়ী ছেড়ে দিয়ে আর একটা বাড়ীতে গিয়ে ওঠে। তখন আবার চেচোররা তাদের বাড়ীতে এসে বাস করতে শুরু করে। সৈন্তেরা গুলি-পথটাকে এমন নোংরা করে রেখেছিল যে ও এসে সর্বাগ্রে সেটা পরিষ্কার করল। তুঘারের ভয়ে তারা বাইরে বেরুতে পারে নি, তাই সেইখানেই—দরজার সামনেটাতেই তারা মলমূত্র ত্যাগ করে রেখেছিল। এবং সেই সব নোংরা মাড়িয়েই তারা যাতায়াত করত, তাতে তাদের কোনই অস্ববিধা হয় নি। চেচোরিখা দাঁতে দাঁত চেপে সে সব নোংরা পরিষ্কার করেছে, দুর্গন্ধে তারি নাড়িছুঁড়ি পর্যন্ত উলটে এসেছে। ঘরখানাকেও

ভাল করে পরিকল্পনা করতে হয়েছে, সেখানেও আবজ্ঞানার অভাব ছিল না। বাড়ী তাদের পছন্দ হয় নি, ছেড়ে দেবে, তাই হয় ত আড়ি করেই এ-কাজ করেছে—চেচোরিখার তাই মনে হল। কিন্তু গ্রামের সর্বত্রই তারা এরকম করেছে।

মাল্যুচিখার বাড়ীতে ছেলেরা কেমন থাকবে? অঙ্কা যদি সাশার সঙ্গে ঝগড়া না করে তবেই মজল; সে বয়সেও ছোট, দুর্বলও, কিন্তু ছেলেটা ভারী ঝগড়াটে, তাই যত ভাবনা। চিরকালই সে মার খেয়ে বাড়ী ফেরে, হাত-পা ছড়ে যায়। সব সময়েই সে তার চেয়ে বড় ছেলেদের সঙ্গে ঝগড়া বাধাবে। সোনিয়ার জন্মে কোন ভাবনা নেই। মেয়েটা সরল, তা ছাড়া বয়সের তুলনায় বুদ্ধিমতীও। কিন্তু আর দুজন—অঙ্কা আর নিনা ... সে যাই হোক, মাল্যুচিখা ছেলেদের উপদ্রব মানিয়ে নেবেই, তারও ত আর দুটো আছে! কেমন করেই না সে এ দুঃসময়ে এ-কয়টিকে খাওয়াবে!

য়েভদোকিম এক কোণে হেলান দিয়ে বসেছিল। দীর্ঘনিশ্বাস ফেলল।

“দেখ তোমরা, গ্রোখাচ্ কেমন নাক ডাকিয়ে ঘুমোচ্ছে!”

অঙ্কাকারে তার নাক ডাকার শব্দ সমান তালে শোনা যাচ্ছিল।

“কিন্তু তুমি, তুমি ঠাকুর্দা, ঘুমোবে না একটু?” ছেলেমেয়ের দুর্ভাবনা বেড়ে ফেলবার জন্মে চেচোরিখা বলে উঠল।

“আজকাল আমার বড় একটা ঘুম হয় না। ঘুমোতে চাই, কিন্তু ঘুম আসে না, কতকাল যে ঘুমোই নি। ... দু-তিন ঘণ্টা ঘুমোই, কিন্তু তারপর আর ঘুম আসে না। আজকাল দিনটাই বড়। ...”

“আচ্ছা, আমরা কি এখানে অনেকক্ষণ এসেছি?” হঠাৎ অলগা প্রশ্ন করে বসল।

“কে জানে? এমনি করে বসে থাকলে সময়ের জ্ঞান রাখা যায় না। ... সন্ধ্যা নেমেছে বলেই মনে হয়। পাশের ঘরে আলো জ্বলছে। মনে হয় সন্ধ্যা হয়েছে।”

“মাত্র সন্ধ্যা!” হতাশার সঙ্গে অলগা দীর্ঘনিশ্বাস ফেলল, “কতক্ষণ এখানে এসেছি আমার কিছুই মনে হচ্ছে না। ...”

“সে যাক্ গে বাছা, দুর্ভাবনা দূর কর, কে জানে আরও কতক্ষণ আমাদের এখানে থাকতে হবে। ...”

“ও ছেলেমানুষ। আর ছেলেমানুষরা সব ব্যাপারেই একটু তাড়াহুড়া করে,” দীর্ঘনিশ্বাস ফেলে য়েভদোকিম বললে।

অন্ধকারের মধ্যেই চেচোরিখা তার দিকে তাকাল। আঁধারে তার চোখ দুটো ইতিমধ্যেই বেশ অভ্যস্ত হয়ে গেছে এবং দরজার ক্ষীণ ফাটল দিয়ে বাইরে থেকে একটু আলোর রেখা এসে ঘরে পড়েছে। দেখা যাচ্ছে বুদ্ধের সাদা মাথাটা অস্পষ্টভাবে দেয়ালে হেলানো।

“তাড়ার কি আছে? দাঁহু, আমাদের এখন কোন তাড়াই নেই কোন দিক থেকে। ... এখানে যতক্ষণ বসে আছি, সেটা নিতান্তই আমাদের, নিজস্ব; পরে কি হবে না হবে, সে পরেই দেখা যাবে। ...”

“আর আমাদের সৈন্তরা যদি ফিরে আসে?” ভয়ে ভয়ে অলগা কথাটা পাড়ল। কোন দিক থেকে যে কোন আশা নেই এটা সে কোনমতেই ভাবতে পারছে না, এ আঁধার ঘরের দরজা যে শুধু মৃত্যুকে বরণ করবার জগ্গেই খুলবে—এও সে ভাবতে পারে না।

“ভুলে যেয়ো না, জার্মানরা আমাদের মোটে তিনটি দিন সময় দিয়েছে।”

“তিন দিনে অনেক কিছু হতে পারে।”

“কিন্তু এই ঝড় বাত্যা! ব্যাপারটা সহজ নয়। তারা কেমন করে আসবে, কেমন করে তাদের মেশিনগান, কামান নিয়ে আসবে? বাইরে এমন শিলাবৃষ্টি হচ্ছে যে সামনেকার কিছুই দেখা যায় না। তা ছাড়া, নালগুলি বরফে ভরে গিয়ে এমন হয়েছে যে, নালার অবস্থানও ঠিক রাখা যাবে না। ...”

চেচোরিখা ধীরভাবে কথাগুলো বললে, কিন্তু হঠাৎ তার জ্ঞান হল যে, সে নিজের কথাগুলো বিশ্বাস করতে পারে না।

সত্যি বরফ আছে, কিন্তু তা সত্ত্বেও তারা দিনের পর দিন একান্ত ভরসা নিয়ে প্রতীক্ষা করেছে যে লালপন্টন আসবেই, তাদের বিশ্বাসের মূল এতটুকু শিথিল হয় নি। সেদিনও সকাল বেলা ও মনে মনে ভেবেছে যে, তারা নিশ্চয়ই আসবে,

হয় ত তারা লেশ্চান পর্যন্ত এগিয়ে এসেছে, হয়ত তারা নদীর ওপারে এসে পৌঁছে পাহাড়ে রাস্তাটা ধরে গ্রামে ঢুকবার চেষ্টা করছে। তা হলে তারা এখন কেন আসবে না? কালও বরফবৃষ্টি হয়েছে, পরশুও—কিন্তু বরফবৃষ্টিতে তাদের কি আসে যায়? তারা দেশের পথঘাট সব জানে, তারা ত এখানকারই অধিবাসী। এরকম বাড়বাত্য বরফের সঙ্গে তাদের পরিচয় আছে, আর জীবনে এই প্রথম তাদের এ সবেব সঙ্গে পরিচয় নয়। ...

হাঁ, অলগার কথাই ঠিক। তারা আসতে পারে। এই তিন দিনের যে-কোন এক দিন তারা এসে পড়তে পারে। হয় ত হঠাৎ এসে তারা দরজা ভেঙে ঘরে ঢুকে পড়বে, চারদিক গুলির শব্দে প্রতিধ্বনিত হবে। তারা সকলে এ ঘর থেকে বাইরে বেরিয়ে গিয়ে বিশাল খোলা প্রান্তরে উপস্থিত হবে, সেখানে লাল পন্টনের দল ওদের প্রতীক্ষা করবে, তারপর যে যার মত তাড়াতাড়ি ঘরে ফিরবে। ও কিন্তু সর্বাগ্রে মালুচিখার বাড়ী গিয়ে ছেলেদের নিয়ে ঘরে ফিরবে। ... মুহূর্ত বিলম্ব না করেই ওরা ঘরের বাইরে গিয়ে দাঁড়াবে।

“ও নিয়ে মাথা ঘামিও না—ওরা আগে আসুক ত,” চেচোরিখা মিষ্টি করে বললে। “তুমি এমনি ভাবে কথা বলছ যে, তারা যেন ইতিমধ্যেই আমাদের গ্রামপ্রান্তে এসে পৌঁছেছে।”

“সত্য সত্যই কি তারা আসতে পারে না?”

“সত্যিই হয় ত পারে,” চেচোরিখা অস্থিরতার সঙ্গে আঙুলগুলো মোচড়াতে মোচড়াতে বলল।

মালাশা তখনও সেই একইভাবে একই জায়গায় অন্ধকারের দিকে দৃষ্টি নিবদ্ধ করে বসেছিল। হাঁ, ওদের পক্ষে প্রতীক্ষা করা ভালই, ওরা এভাবে মুক্তি আশা করতে পারে। কিন্তু তাকে ত কেউ সাহায্য করবে না, কেউ তাকে বাঁচাতে পারবে না। লাল পন্টন আসবে, কিন্তু তারপর? ও ত তাদের সামনে গিয়ে দাঁড়াতে পারবে না, তাদের বরণ করতে পারবে না, তাদের আনন্দের অংশ গ্রহণও ওর পক্ষে সম্ভব নয়। ও ত তাদের এক গ্লাস জল দিতে বা ওর ঘরে তাদের আমন্ত্রণ করে নিতে পারবে না। ও কে?—একটা জার্মানের

শয্যাসঙ্গিনী। একটা জার্মানকে ও গর্ভে ধারণ করছে, চিরকালের অভিশপ্ত ও। সৈন্তেরা আবার গ্রামে ফিরে এলে গ্রাম আশার নবজীবন লাভ করবে, মেয়েরা রাস্তায় এসে দল বেঁধে গান গাইবে, লাল পন্টনের দিকে স্মিতহাসি হাসবে। আবার ঘরে ঘরে ভালবাসা-বাসি চলবে, কেউ তাতে নিন্দা করবে না—সৈন্তেরা ত গ্রামবাসীদেরই ছেলে। ছেলেদের মধ্যে বেঁচে কে কবে ফিরে আসবে, কি আসবে না—কেউ জানে না, স্মৃত্তাং কোন মেয়েই তাদের চুমু খেতে আপত্তি করবে না। একমাত্র ওর পানেই কেউ ফিরেও তাকাবে না, সকলেই ওর কাছ থেকে দূরে সরে থাকবে। যদি যুদ্ধ শেষ হয়ে যায় আর ইভান ফিরে আসে, সেও আর ওর কাছে আসবে না। সকলেই ইভানকে সব কিছু বলবে। সে আর ঘরে যাবে না। পথ চলতে চলতে যদি ওর সঙ্গে দেখাও হয়, তা হলেও সম্পূর্ণ অপরিচিতের মতই সে ওর সঙ্গে ব্যবহার করবে, হয় ত বিরক্তির সঙ্গে ওকে দেখে থুথু ফেলে চলে যাবে।

অপর কোণে অলগার কথা ও শুনতে পাচ্ছে। “ওরা আমার থেকে যতটা সম্ভব দূরে সরে বসেছে,” বিদ্রোহের সঙ্গে মনে মনে ভাবল, অথচ ভুলে গেল যে ওরা এসে বসবার পর ও এসে নিজের ইচ্ছামত জায়গা বেছে নিয়েছে। হাঁ, অলগা প্রতীক্ষা করতে পারে, অলগার পক্ষে মরণ-ভয় থাকার কারণ আছে, অলগার বেঁচে থাকার মানে আছে। অস্ত্রাপ সৈন্যদল থেকে ফিরে আসবে, ওদের বিয়ে হবে, আর পাঁচজনের মত ওরা বাস করবে, আর পাঁচজনের মত কাজকর্ম করবে—যেমন লড়াইয়ের আগে সকলে করত। ওদের ছেলেমেয়ে হবে। আর একমাত্র ও, গ্রামের সবচেয়ে জনপ্রিয় এবং সবচেয়ে কাজের মেয়ে মালাশা যুদ্ধের আগে যেমনটি ছিল তেমনটি আর হতে পারবে না।

ফেডোসিয়াও ভাসিয়ার শোক ভুলতে পারবে। দিনের পর দিন, মাসের পর মাস কেটে যাবে, তখন সে ধীর ভাবেই মৃত পুত্রের স্মৃতি মনে করবে। কেন না, ভাসিয়া ছাড়া আরও ত অনেকে দেশের জগ্রে প্রাণ দিয়েছে। লেভন্যুকের মা-বাবাও ভুলে যাবেন যে তাঁদের আরও দুটি ছেলে ও দুটি মেয়ে ছিল। ছেলেরা যখন লড়াই থেকে ফিরে আসবে, ওদের ঘর ভরে থাকবে।

জার্মানরা যে সকল বাড়ী ধ্বংস করে ফেলেছে সেগুলি আবার গড়ে উঠবে, বাগানের যে-সব গাছ নিৰ্মম হস্তে নষ্ট করেছে সেগুলির জায়গায় আবার নতুন গাছ লাগানো হবে। আহতদের ক্ষত শুকিয়ে যাবে এবং সব কিছুই আবার আগের মত হবে। একমাত্র ওর পক্ষেই আশা করবার কিছুই রইলো না—কিছুই ও ফিরে পাবে না এবং তুলবার মতও কিছু নেই ওর। প্রত্যেকের জীবনেই একটা পথ খোলা আছে, কাকুর বন্ধুর, কাকুর সহজ, একমাত্র ওর জীবনেই কোন পথ খোলা রইল না।

গ্রামের সব চেয়ে সুন্দরী মেয়ে বলে একসময় তার গর্বের সীমা ছিল না। সমবায় খামারে যারা কাজ করে, ও ছিল সকলের চেয়ে সেরা কাজের মেয়ে, দশ-বারটি মেয়ের সামনেও সকলের দৃষ্টি ওরই উপর পড়ত, যখন সকলে একসঙ্গে গান গাইত, ওর কণ্ঠই সকলের চেয়ে স্পষ্ট ও উচ্চারণ বিশুদ্ধ হত, ওর চোখের মত চোখ আর কাকুরই ছিল না, ওর মত বেগী, রোদে-পোড়া গোলাপী গাল, ধনুকের মত ক্র আর কাকুরই ছিল না। আর সবার উপর, নিজের সৌন্দর্যে উৎফুল্ল হয়ে ও মাথা উঁচু করে চলত।

কিন্তু সেই সৌন্দর্যই আজ এনে দিয়েছে ওর জীবনে বিপুল দুঃখ চরম গ্লানি। ও যদি গ্রামের ঠাকুরমা মাকুর মত বড়ী হত, ওর মুখ যদি শুকিয়ে যেত যদি মুখময় বলিরেখা পড়ত, তা হলে আজ এত দুঃখ গ্লানি ওকে সহিতে হত না। ও যদি খোঁড়া উস্তিয়ার মত কুঁজো হত, তা হলেও কোন ভাবনা ছিল না। ও তাদের কাকুর মতই নয় বলেই না ওই তিনটির নজর এসে পড়ে ওর উপর, আর তাই আজ ওর সর্বনাশের কারণ হয়ে দাঁড়িয়েছে।

মাঝে মাঝে দরজার বাইরে লোকজনের কণ্ঠস্বর, পায়েৰ শব্দ শোনা যাচ্ছে। একদিন যে বাড়ীতে গ্রাম্য সোভিয়েটের দফতর ছিল আজ সেই বাড়ীতে ওরা সকলের উপর হুকুম চালাচ্ছে, যেন ওটা নিজেদের বাড়ী। ওরা যেন বাড়ীর কর্তা। মালাশা হাত মুঠো করল। তারা কেবল এখানেই নয়, কীয়েভেও আছে। একবার মালাশা একটা মেলা দেখতে সেখানে গিয়েছিল। জার্মানরা কীয়েভের বড় রাস্তাগুলিতে ঘুরে বেড়াচ্ছে, কীয়েভের সোনার গজুজ পার হয়ে

ফুটপাথের উপর দিয়ে দম্ভভরে হেঁটে চলে। তারা খারকভেও আছে, সেখানেও তারা বৃকের ছাতি ফুলিয়ে যুদ্ধের মাটি মাড়িয়ে চলে। কেবলমাত্র মালাশাকেই নয়, ওরা যুদ্ধের মাটি পর্যন্ত কলুষিত করেছে। শহরগুলি পরিত্যক্ত এবং বাতাসের আগে ভস্মীভূত গ্রামের ছাই চারিদিকে ছড়িয়ে পড়ছে। এখানে সেখানে মৃত দেহ পড়ে আছে এবং ফাঁসিকাঠে মৃতদেহ আজও ঝুলছে। ধরিত্রী মাহুঘের রক্তে সিক্ত, চোখের জলে ভিজে আছে।

কিন্তু এমন দিন আবার আসবে যেদিন স্বাধীন দেশের মাটিতে আবার লুটিয়ে পড়বে সূর্যের সোনালী আলো। ওই দ্বীপার আবার উন্মুক্ত হয়ে অবাধ গতিতে প্রবাহিত হবে, ভস্মকল্যাণ, লোপান, প্সেল আবার তেমনি কলনাদ করে, আপন গতিতে বয়ে চলবে, উচ্ছ্বসিত জলশ্রোতে ধুয়ে যাবে দেশের মাটি, মুছে যাবে তার যা-কিছু লাঞ্ছনা ও মলিনতার গ্লানি। রক্তসিক্ত মাটিতে আবার ফলবে শত গুণ সোনার ফসল। গমের ক্ষেতে আবার সাগরের ঢেউ খেলে যাবে। সূর্যমুখীর বন সোনার বরণ ফুলে আলো হয়ে উঠবে। বাগানে বাগানে ফুটে উঠবে হলিহক, উগ্গান ছেয়ে যাবে লাল টোমাটোতে।

দেশে আবার ফুল ফুটবে, আবার হবে সব পরিচ্ছন্ন, পরিপূর্ণ হয়ে উঠবে ঐশ্বর্য।

কিন্তু মালাশা যা হয়েছে, চিরদিন তাই থাকবে—একটা হতভাগিনী পতিতা, যার জীবনের সব পথ রুদ্ধ হয়েছে! একটা অব্যক্ত বেদনায় মালাশার বৃকের ভিতরটা মোচড় দিয়ে উঠছিল।

“মালাশা, তুমি ঘুমোও নি?” চেচোরিখা জিজ্ঞাসা করল।

মালাশা চমকে উঠল। চেচোরিখার স্বরে যেন একটা সংকোচের সাড়া পেল। সঙ্গে সঙ্গে সে ক্রুদ্ধ হয়ে উঠল। ইচ্ছে যদি না থাকে ত কথা বলার দরকার কি? চলনা কেন?

“না, ঘুমোই নি। তোমার তাতে কি?” ও ভেঙে পড়ল।

“না, আমি জিজ্ঞাসা করছি।”

“জিজ্ঞাসা করার ত কিছু নেই। আমার সম্পর্কে অত কৌতূহলী না হলেই ভাল করতে।”

“রাগ করছ কেন ? সকলের অবস্থাই ত সমান।”

মালাশা হেসে উঠল—একটা অপ্রীতিকর কাণ্টহাসি।

“সকলের অবস্থাই সমান ? না, আমার অবস্থা আলাদা।”

“সেটা একটা ছুঁতাপ। ...”

“ছুঁতাপের কথা তুমি কত জান !” ওর ভিতরে একটা বিদ্বেষ যেন ক্ষীণভাবে মাথা চাড়া দিয়ে উঠছে এবং কারুর উপর দিয়ে তা প্রকাশ পেতে চায়। “তোমার গায়ে যতক্ষণ না আঁচড় লাগছে ততক্ষণ ওখানে বসে চুপ করে থাকাই বরং সঙ্গত। গ্রন্থাচের নাক কেমন ডাকছে বসে বসে শোন।”

“ওর সঙ্গে কথা বলা না। ... ওর মেজাজই তিরিক্ষে,” অলগা চেচোরিখার হাতখানি ছুঁয়ে সম্মুখে চুপি চুপি বলল।

মালাশা কথাটা শুনল।

“ঠিকই ত, আমার সঙ্গে কথা বলবে কেন ? আমার মেজাজ তিরিক্ষে, সকলেই তা জানে। আর তোমরা সব সময়ই মধুবর্ণ কর, তাও সত্যি।”

মেয়েরা কথা বলা বন্ধ করল। মালাশা জোরে জোরে নিশ্বাস ফেলতে লাগল, তার দৃষ্টি নিবদ্ধ রইল অন্ধকারের মধ্যে।

ওর মনে পড়ল ফসল কাটার সময় ওর সন্ধ্যা কাগজে কি লিখেছিল। হ্যাঁ, তখন কিন্তু ওর মেজাজ তিরিক্ষে ছিল না। যুবতীরা, বয়সীরা ওকে জড়িয়ে ধরে অভিনন্দন করেছে। কাগজে ওর ছবি ছাপা হয়েছিল। সে ছবিটার মালাশাকে বিশেষ ভাল দেখায় নি ; হাসতে গিয়ে দাঁতগুলো চক্ চক্ করছে—দেখলেই নজরে পড়ে। মুখখানা ছায়ায় ঢাকা পড়ে গেছে। কিন্তু তখন ওর ছবি কাগজে বার হয়েছিল, সে সঙ্গে আদর্শ সমবায় চাবী বলে বহু প্রশংসা বার হয়েছিল। তখন কিন্তু ওর সন্ধ্যা লেখবার সত্য সত্যই অনেক কিছু ছিল। ...

কিন্তু এখন সেই মালানিয়া ভিশনেতা, আদর্শ সমবায় চাবী, নিজের গর্ভে একটা জার্মানের ডিম বহন করছে !

বাইরে বাতাস আঁর্তনাদ করছে। সে শব্দ পুরু দেয়াল ভেদ করেও শোনা যাচ্ছে। কাঠের গুঁড়ি দিয়ে আটক-ঘরের দেয়াল তৈরি। গ্রাখাচ হঠাৎ জেগে উঠে জোরে হাই তুলল।

“তোমার ত বেশ ঘুম হয়েছে,” য়েভদোকিম ঈর্ষার সঙ্গে বলল।

“কেন হবে না? এতে ঘুমের ব্যাঘাত হবার ত কোন কারণ দেখছি নে।
পরমুহূর্তে কি হবে না হবে কেউ বলতে পারে না।”

“কি হতে পারে? কি হবে, আমরা জানি।”

“হয় ত আমাদের ছেলেরা ফিরে আসবে,” অলগা তাড়াতাড়ি বলে ফেলল।
ছেলেরা যে ফিরে আসছে এবং তারা আসবে এ সত্যটা ও গ্রাখাচকে বুঝিয়ে দিতে চায়।

“নিশ্চয় তারা আসতে পারে। ... এবং এই তিন দিনের মধ্যে আসাটাও বিচিত্র নয়। ...”

“অথবা আমাদের গ্যেরিলারাও আসতে পারে। ...”

“এতটা প্রত্যাশা বাড়াবাড়ি,” চাষী আপত্তি জানাল। “তারা এখানে এসে পৌঁছবে কেমন করে? তারা যে জঙ্গলে আছে তা অনেকটা দূরের পথ এবং সেখানে তারা আটকে আছে। এরকম বরফের মধ্যে দিয়ে আসার কথা তারা ভাবতেও পারে না। তা ছাড়া, তারা এখানে আসতে চাইলে জার্মানদের তরফ থেকে তাদের লক্ষ্য করা হবে। ফলে সকলকেই মরতে হবে। অবশ্য গ্রীষ্মকালে যেখানে খুশি যাওয়া যায়, প্রতিটি কোঁপে আত্মগোপন করা চলে। কিন্তু এরকম আবহাওয়ায় খোলা মাঠেও যাওয়া চলে না।”

“কিন্তু সৈন্যবাহিনী?”

“সৈন্যবাহিনীর কথা আলাদা। তারা লড়াই করতে পারে।”

অলগা দীর্ঘনিশ্বাস ফেলল।

“বাতাস কেমন আঁর্তনাদ করছে। ...”

“লোকে বলে এরকম রাত্রিতেই মৃত্যুর দেবতা দক্ষ ভরে ঘুরে বেড়ায়,”
য়েভদোকিম বলল।

অলগা মেকদণ্ডের ভিতর একটা তীব্র ঠাণ্ডা কাঁপুনি অনুভব করল। আটক-ঘরটা অন্ধকার এবং ভয়াবহও বটে। বুদ্ধ কেন এ সব কথা নিয়ে আলোচনা করে ?

“সত্যি কথা,” চেচোরিখা বিষন্ন মনে মনে নিল। “হ্যাঁ, মরণ বুক ফুলিয়ে হেঁটে বেড়ায়। ...”

চণ্ডা দেয়ালের ওপাশ দিয়ে মরণ যেন হেঁটে বেড়াচ্ছে, তার পায়ের শব্দ শুনে তারা নীরব হয়ে গেল। মরণ যেন রাস্তা দিয়ে হেঁটে চলেছে, তারা যেন তাকে দেখছে।

“জান, আজকাল যম একটা নয়,—দুটো,” বুদ্ধ মন্তব্য করল।

“যম দুটো, সে আবার কি কথা ?”

“খুব সোজা, দুটো। ... একটা—জার্মান যম, যে আমাদের লোক-জনকে মারছে, আর একটা সেই যম—যে জার্মানদের মারবার জন্তে ওৎ পেতে আছে।”

অলগা চেচোরিখার গা ঘেঁষে এসে বসল।

“ঠাকুর্দা, তোমার কিন্তু এরকম কথা বলা উচিত নয়। ... এ যে ভয়ংকর কথা। ... ”

“ভয়ংকর কথা শুনে তোমাদের আর ভয় পাওয়া উচিত নয়,” গ্রন্থাচ কঠোর ভাবে বলল। “পৃথিবীটাই আজ হয়ে উঠেছে ভয়ংকর, মানুষগুলোও ভয়ানক। ... কি চাপ তুমি, তাই তোমাকে জানতে হবে এবং কোন কিছুতেই ভয় পেলে চলবে না। তারা একবার তোমাকে ভয় দেখাতে পারলেই পেয়ে বসবে, তখন তোমাকে দিয়ে তাদের ইচ্ছামত সব কিছু করিয়ে নিতে পারবে।”

“তারা কারা ?”

“কারা ? কেন, জার্মানরা। ... আজ তারা যা করতে চাইছে, তা হচ্ছে জনসাধারণের মনে ভয় ঢুকিয়ে দেওয়া। একবার তোমরা তাদের ভয় করেছ কি তোমাদের হয়ে গেল। কিন্তু তোমরা যদি কিছুতেই ভয় না পাও, তা হলে জার্মানরা তোমাদের কিছুই করতে পারবে না।”

“ভাস্কা তাদের ভয় করে নি, কিন্তু তা সত্ত্বেও তারা তাকে গুলি করে মেরেছে। আর পাশচুক। ...”

“তারা গুলি করবে না, একথা কি আমি বলেছি? গুলি করবার জগ্গেই তাদের হাতে আছে রাইফেল—তাই দিয়ে তারা গুলি করবে—মারবেও, কারণ, তারা জাতে জার্মান। আমি তার কথা বলি নি, শক্তি সেইখানেই নয়। ...”

“তা হলে শক্তি কোথায় আছে?”

“তুমি নিজেই কি তা জান না?”

কি জবাব দেবে তা জানে না বলেই সে কোন জবাব দিল না।

“শক্তি নির্ভর করে তোমাদের শক্ত মুঠোয় বন্দুক ধরে রাখার উপর—যাতে করে আত্মসমর্পণ না করতে হয়। সে শক্তি এখন নির্বাক হয়ে আছে, তাই তোমাদের মুখ থেকে তারা কোন শব্দ শুনতে পাচ্ছে না। কিন্তু একথা মনে রেখো যে, সব কিছুই শেষ হবে এবং তারা একটি প্রাণীও এখান থেকে জীবন্ত ফিরে যেতে পারবে না। তারা যদি গুলি করে? এঃ, এখনও তোমরা যুবক ... গত মহাযুদ্ধে কত লোক মারা গিয়েছিল, আর রাষ্ট্রবিপ্লবেই বা কত গেল? ১৯১৮ সালে জার্মানরা আমাদের কি করেছিল সেটাও একবার মনে করে দেখো। কিন্তু তাতে ফল কি হয়েছিল? তার কোন চিহ্ন বা ছাপও আজ আর :নেই, কিন্তু আমরা আছি। আমাদের সে দেশও আছে, অর্থাৎ—যা-কিছু সবই আছে।”

“ওঃ! কিন্তু ১৯১৮ সালে তারা যে ভাবে হত্যা চালিয়েছিল এবারে তার চেয়েও ভয়ানক ভাবে চালাচ্ছে।”

“হাঁ, ভয়ানকই। কিন্তু তারা আমাদের সকলকে হত্যা করতে পারবে না। কেউ-না-কেউ নতুন করে জাতিটা গড়ে তুলবার জগ্গে বেঁচে থাকবেই। দুদিন সবুর কর; যদি আমরা বেঁচে থাকি, দেখতে পাব, আর যদি বেঁচে না থাকি, আর সকলে দেখতে পাবে কেমন করে সব ঘটবে। বদলাবে : যুদ্ধের আগে যা ছিল তার চেয়েও সুন্দর, সমৃদ্ধ এবং মহত্তর হয়ে। ...”

“সে যাই হোক, আমি নিজের চোখেই সব দেখতে চাই। ...” দীর্ঘনিশ্বাসের সঙ্গে অলগা চলে।

“আমি বলছি, তুমি দেখতে পাবে! বয়স তোমার কত হল?”

“উনিশ।”

“উনিশ। ... আচ্ছা ঠাকুর্দা, কত দিন আগে আমাদের বয়স উনিশ ছিল?”

“শোন কথা!” মেজাজের ভান করে যেভদোকিম বলে উঠল। “তুমি যখন টেবিলের তলে হেঁটে বেড়াতে তখন আমার দাড়ি গোঁফে বেশ পাক ধরেছে। ...”

“সে কথা সত্য। তবু ওর তুলনায় আমি বৃদ্ধ। তুমি যে নিজের চোখে সব কিছু দেখবার আকাঙ্ক্ষা কর তাতে তোমাকে দোষ দেওয়া চলে না। ... তোমার ত মাত্র উনিশ বছর বয়স, আমি ও ঠাকুর্দা তোমার কাছে নিশ্চয়ই বুড়ো, অথচ আমরাই আশা করছি বেঁচে থেকে তা দেখে যাব। ...”

“যুদ্ধের পরে সব কিছু কেমন হবে তাই দেখতে সাধ যায়। ...” দীর্ঘনিশ্বাসের সঙ্গে অলগা বললে।

অকস্মাৎ গ্রন্থাচ লাফ দিয়ে উঠে দাঁড়াল।

“না, আমি শুধু ওইটুকুই দেখতে চাই নে! আমি চাই দেখতে শেষ জার্মানটির মৃত্যু এখানে— আমাদের গ্রামে হবে! কীয়েতে শেষ জার্মানিটি ফাঁসি কাঠে ঝুলবে, পাহাড়ের উপর একটি ফাঁসি কাঠ খাড়া করে সেখানে শেষ জার্মানটিকে এমনি ভাবে ঝুলিয়ে রাখতে হবে—যেন দুনীপারের সব কিছু দেখতে পাওয়া যায়। তারপর, যারা জার্মানীতে বসে আমাদের জগ্রে ফাঁসির দড়ি তৈরি করেছে তাদের এখানে ধরে এনে তাদের দিয়ে গ্রামগুলিকে নতুন করে গড়ে তুলতে হবে, যে-সব বাড়ী-ঘর তারা ধূলিসাৎ করেছে সেখানে একখানের পর একখানা ইট বসিয়ে আবার তেমনি বাড়ী-ঘর তৈরি করাতে হবে এবং তাদেরই দিয়ে। খবরের কাগজে যে কথা লিখেছে সে কথা মনে রেখো—একখানা ইটের উপর আর একখানা ইট বসিয়ে গোটা বাড়ী তৈরি করা।”

“তাদের আবার এখানে দেখার চেয়ে কাজটা নিজেরা করাই কি ভাল নয় !”
চেচোরিখা মন্তব্য করল।

য়েভদোকিম দীর্ঘনিশ্বাস ফেলে বলতে লাগল :

“আমাদের লোকেরা ভয়ানক কোমল, হাঁ, ভয়ানক কোমল। ... আজ তারা ক্রোধোন্মত্ত হয়েছে, কিন্তু কালই তারা একেবারে ভুলে যাবে। ... কেমন করে বিষ বহন করতে হয়, তারা তা জানে না।”

“ঠাকুদাঁ, এইটেই তোমার ভুল। তারা নয় হতে পারে, কিন্তু যখন একবার তাদের হৃৎপিণ্ডে গিয়ে ছোঁরা বসে তখন তারা হয়ে দাঁড়ায় সাংঘাতিক ! এখন তারা ক্রোধে উন্মত্ত হয়ে উঠেছে, এখন ভুলবে কেমন করে ? না, এমন সব ঘটনা আছে ধীর কথা তারা মৃত্যুর দিন পর্যন্ত ভুলতে পারবে না। কখনই না।”

মালাশা এককোণে বসে বসে এদের কথাবার্তা শুনছিল। গ্রুখাচের কোন কোন কথায় তার নিজের অন্তরের প্রতিধ্বনি শুনতে পেল। হাঁ, শেষ জার্মানটিকে ফাঁসি কাঠে ঝুলতে বা কাজ করতে করতে তাদের ঘাম যেন নদীর জলের সঙ্গে মিশে যায়—এ সবই তার দেখবার আগ্রহ। কিন্তু তাতেও ত তার মনে সাস্থনা আসবে না। এদের প্রত্যেকেই প্রতিশোধ নিয়ে মনটাকে হালকা করতে পারবে, কিন্তু ওর মনের শাস্তি ত কোন মতেই ফিরে আসবে না। যত রক্তপাতই হোক না, সময় যতই এগিয়ে যাক না, কোন প্রতিশোধই ওর স্মৃতিকে ধুয়ে মুছে ফেলতে পারবে না। একটু একটু করে স্মৃতি ওর অন্তরকে দধে দধে মারবে।

গ্রুখাচের শেষ কথাটি তখনও যেন সেখানকার বাতাসের সঙ্গে মিশে আছে, যেন সিলিং-এর বৃকে কড়িকাঠের মধ্যে আগুনের আখর জল্ জল্ করছে :

“এ এমন একটা জিনিস যা লোকেরা মৃত্যুদিন পর্যন্ত কখনও ভুলবে না !”

মালাশাও প্রতিধ্বনি করে উঠল :

“না, কখনও না !”

“আমার তেষ্ঠা পেয়েছে,” অলগা চুপি চুপি বলল।

“তেষ্টার কথা মনেও এনো না,” গ্রথাচ বললে। “তারা আমাদের একফোঁটা জলও দেবে না। তিন তিনটে দিন তুমি এক ফোঁটা জলও পাবে না! এখানে ত তেমন গরম নয়, কিছু না করে বসে বসে তোমাকে ক্ষুধা তৃষ্ণা সবই বন্ধ করে রাখতে হবে! জলের কথা না ভাবলেই জল পানের ইচ্ছে হবে না।”

“ওঃ। ...”

“তোমার লজ্জিত হওয়া উচিত বাছা,” চেচোরিখা বলে উঠল। “এরকম হাত-হতাশ করার কোন মানে হয় না। ... তুমি কি মনে কর যে এরকম অবস্থায় একমাত্র তুমিই পড়েছ? গ্রামে কে এর চেয়ে আরামে আছে বলতে পার?”

“কিন্তু আমরা ত জামিনদার ...”

“জামিনদার, তাতে কি? তিন দিন পর তারা আমাদের গুলি করে মারবে বলেছে। বেশ ত, তাতে কি? তুমি নিজের কানে কি সে-কথা শোন নি? হুকুম দিয়েছে আমাদের খাওয়াশু সব তাদের ধরে দিতে হবে, গুলি করার ভয়ও দেখিয়েছে। কিন্তু তা সত্ত্বেও কি তুমি মনে কর যে কেউ তাদের কিছু দেবে? আজ প্রত্যেকের মাথার উপরই যমদণ্ড ঝুলছে। ...

নীরব। অলগা নিবিষ্টচিত্তে শুনছিল, পল্লীর পথে পথে মৃত্যু বুক ফুলিয়ে ঘুরে বেড়াচ্ছে, ও যেন তার পায়ের শব্দ শুনতে চায়।

গ্রামখানি বরফে ঢাকা পড়ে আছে, যেন বাইরের তুষারবাত্যার আতঁনাদ সত্ত্বেও গ্রামখানি ঘুমিয়ে আছে। কুঁড়েগুলি যেন মাটির সঙ্গে মিশে যাবার জন্তে হেলে পড়েছে। বাতাসের চাঁচানির সঙ্গে ওলেনার কাংরানি মিশে গেছে। কাজেই মনে হচ্ছে, এখনও তার প্রসব হয় নি। কাংরানি ছাড়া আর কোন শব্দ শোনা যাচ্ছিল না। সারা গ্রামটাই যেন গভীর ঘুমে অচেতন।

কিন্তু কুটারে তারা কেউ ঘুমোয় নি। যেভদোকিম বলেছে, গ্রামের পথে মৃত্যু হেঁটে বেড়াচ্ছে—তারাও প্রত্যেকেই তার পায়ের শব্দ কান পেতে শুনছে। মৃত্যু যেন তার বিরাট ডানা মেলে গ্রামখানিকে ছেয়ে রেখেছে। পথের ওই পুঞ্জীভূত বরফের উপর দিয়ে চলেছে মৃত্যুর তাণ্ডব নৃত্য, বাড়ির বাপটার সঙ্গে লুটোপুটি করছে প্রতিটি গৃহের ছাদে ছাদে, দেয়ালের ফাটলে ফাটলে মৃত্যুর

প্রেরিত রূপ যেন ওৎ পেতে আছে। খড়ো ঘরের চালাগুলোকে নাড়া দিয়ে লগতগু করে দিচ্ছে। যে সব গাছ জার্মানদের কুঠার এড়িয়ে এখনও দাঁড়িয়ে আছে তারাও লুটিয়ে পড়ছে মৃত্যুর সেই বাপটায়।

নালার নীচে খাদের মধ্যে মৃত দেহগুলো পড়ে আছে। মহাকাল যেন সেই সব দেহের ধ্বংসাবশেষগুলিকে ধীরে ধীরে বরফ দিয়ে ঢেকে ফেলতে চায়। ভাসিয়া ক্রাবচুকের কালো মুখখানাকে সে বার বার আবৃত করার চেষ্টা করে, কিন্তু ভাসিয়ার মা প্রতিদিন এসে সমস্তে সরিয়ে দেয় সেই আবরণ; এক মাস আগে লাল পল্টনের যে সব যোদ্ধা এই গ্রামের প্রান্তে জীবন দিয়েছে, মৃত্যু তাদের উপর প্রতিনিয়ত বরফের আস্তরণ ছড়িয়ে দেয়। এইখানে এই নালার মধ্যেই যেন মৃত্যুর রাজত্ব, স্তূপীকৃত শবদেহ বরফে জমাট বেঁধে আছে।

গ্যেরিলা দলের কর্মী লেভাহ্যকের যে মৃতদেহটা ফাঁসি কাঠে ঝোলান ছিল সেটাকে মৃত্যু যেন বার বার এসে দোলা দিয়ে যায়, তার স্পর্শে সে দেহটাও কালো হয়ে জমাট বেঁধে গেছে। দড়িটার কড় কড় শব্দ হয়। বাতাস যখন খুব জোরে এসে দেহটাকে দুলিয়ে দেয়, ছেলোটর পা দুখানা খট খট করে ফাঁসি কাঠের খুঁটিতে লাগে।

মৃত্যু যেন ভৈরব মূর্তিতে গজর্ন করে ফিরছে। ওই চালাঘরখানিতে—যেখানে তুণশয্যা শুয়ে ওলেনা সন্তান প্রসব করছে তার দ্বারেও করাঘাত করছে মৃত্যু।

মহাকাল তার সময়ের অপেক্ষায় আছে। অটুহাসির বিকৃত কণ্ঠস্বর গ্রামখানির উপর দিয়ে বয়ে যাচ্ছে। লোকে সে শব্দ শুনতে পায়। ওই সব কুটারে যারা বাস করে তাদের কারো চোখে ঘুম নেই; নিশ্চল বিছানায় পড়ে স্থির দৃষ্টিতে সবাই চেয়ে আছে কড়িকাঠের দিকে, অন্ধকারে কান পেতে মৃত্যুর শব্দ শোনে—সেই ভৈরব-গজর্ন, জার্মান-মৃত্যু! সে মৃত্যু থাবা উঁচিয়ে বসে শাণিত নখগুলোকে আরও ধারালো করে তুলছে। প্রচুর ফসল পাবে এই আশাই সে করছে। এ আর নালার ধারে পাশচুকের গুলি খাওয়া নয়। সর্বত্রই জার্মানের

ফাঁসি কাঠ খাড়া হয়ে রয়েছে, রাইফেলের নল আজ সকলের বুকই লক্ষ্য করে আছে।

আটক-ঘরে তারা এমন সব বিষয়েই আলোচনা করছে যা সকলের মনকেই আলোড়িত করছিল। এই আলোচনার ফলেই এত বাড়জলেও তাদের কান্ন চোখে ঘুম ছিল না। বুড়ো য়েভদোকিম নীরবতা ভঙ্গ করে বলে উঠল :

“ওরা আমাদের প্রত্যেককে গুলি করে মারতে পারবে না। ... কেমন করে পারবে? একটা গ্রামকে গ্রাম উজাড় করা সম্ভব নয়! কেউ তাদের এতটুকু খাণ্ডশস্ত্র দেবে না ...”

“তাতে ওদের কি এসে যাবে?” গ্রন্থাচ অভদ্রভাবে হেসে উঠল। “এই কি প্রথম? ওরা লেভানেঙ্কায় কি করেছে জান ত? সাহ্‌দিতে কি হয়েছে? কস্তিন্‌কায়?”

যে সকল গ্রামের আজ অস্তিত্ব নেই, তাদেরই প্রেতায়িত মূর্তি ওদের চোখের সামনে ভেসে উঠছিল। লেভানেঙ্কা মাটির সঙ্গে মিশে গেছে। জার্মানরা সেখানে চার দিক থেকে আগুন ধরিয়ে দেয়, লেলিহান অগ্নিশিখা থেকে বাঁচবার আশায় চাবীরা যখন গ্রাম থেকে ছুটে বেরিয়ে আসে তখন জার্মানরা তাদের গুলি করে। মায়েদের চোখের সামনে শিশুদের ধরে সেই বহু্যৎসবে আছতি দিয়েছে। আর এ সবই ঘটেছে মাত্র একটি কারণে : কে একজন কোন্ জার্মান সৈনিককে গুলি করেছিল। তারই প্রতিশোধ ! তারপর সাহ্‌দি। ইটের জন্ত মাটা সংগ্রহ করতে যে গর্ত হয়েছিল—তারই মধ্যে গ্রামের দেড় শ লোককে খেদিয়ে নিয়ে গিয়ে হাত-বোমা ছুঁড়ে হত্যা করা হয়েছে। তারপর কস্তিন্‌কা—যেখানে তারা সমস্ত পুরুষকে হত্যা করে শিশু ও স্ত্রীলোকদের উলঙ্গ অবস্থায় তাড়িয়ে দিয়েছে চল্লিশ ডিগ্রি শীতের মধ্যে। সেই অবস্থায়

দূরবর্তী পাশের গ্রামে আশ্রয় নিতে গিয়ে তাদের সব কটিই পথের মাঝে মারা যায়।

“সাহ্দি, লেভানেঙ্কা, কস্তিন্কা—এ ত শুধু আমাদের জেলাতেই, আরও কত আছে। কীয়েভে তারা কী করেছে—কি করেছে ওদেশায়? এ রকম আরও কত শহরে শহরে? আমাদের মফঃস্বল শহরগুলি আর গ্রামগুলি আছে কিছু আর? তারপর ১৯১৮ সাল। ইন্, ঠাকুর্দা, লোকে ভাববে—এই বুঝি তুমি প্রথম শুনলে বা দেখলে। ...”

অলগা নিঃশব্দে দু হাত দিয়ে তার চোখ ঢাকল। তার মনে হল, মুহূর্তেই সব যেন চুকে যাবে। যেন একুনি শুনতে পাবে গুলির আওয়াজ, তারপর সেই পরিচিত জয়ধ্বনি।—একুনি হয় ত যাবে দরজা দুটো খুলে। মুক্তি ... জীবন। ... ওরা যা বলে, সে শুধু মৃত্যুর কথা—শুধু মৃত্যু। মৃত্যু যেন অবধারিত। যেন কিছুই নয়—স্থির ভাবে ওরা যা আলোচনা করছিল, তাতে ওর সমস্ত মন আতঙ্কে ভরে যায়। ক্ষুব্ধ মনেই সে ভাবে, “ওদের কি! যেভদোকিম অনেক দিন বেঁচেছে—ওর বয়স আশী বছর, এটা মরবারই বয়স। তারপর, গ্রখাচ ... গ্রখাচ ১৯১৮ সালের যুদ্ধে যোগ দিয়েছিল। ওর স্ত্রী আর বয়স্কা মেয়েগুলি যেন এক-একটি থেকী কুকুর। তারই বা কি আসে যায়! তারপর চেচোরিখা ..” থমকে যায় অলগা—আবার ভাবে: চেচোরিখার তিনটি ছোট ছোট ছেলেমেয়ে, স্বামীও আছে—যুদ্ধে গেছে। যাই হোক, ছেলেমেয়ে আছে তার, স্বামী আছে। আমার কি আছে! জীবনের কতটুকু উপভোগ করেছে আমি! ওদেরই ওই সব বলা চলে ..”

“কিন্তু সে যাই হোক, কেউ ওদের খাণ্ডশস্ত্র দেবে না।” যেভদোকিম বলল।

“নিশ্চয়ই দেবে না,” চেচোরিখা সমর্থন করে। সারা গ্রাম—নালায় ধারে গ্রামের শেষ কুটারটি পর্যন্ত সবাই সেই কথাটাই ভাবছিল। খাণ্ডশস্ত্র যা—কিছু ছিল সবই মাটির নীচে সযত্নে লুকিয়ে ফেলা হয়েছে। দূরে মাঠের মাঝখানে তুষার জমাট মাটির তলায় গর্ত খুঁড়ে রাখা হয়েছে! বিগত শরৎকালে পর্যাপ্ত গম পেয়েছিল তারা—যতটা পেরেছে লাল পটনকে দিয়েছে—বাকিটা

রেখেছে মাটিতে লুকিয়ে। তাদের লুকানো সোনালী ফসলের উপর জমেছে পুরু বরফের স্তর, তারও পরে জমে উঠছে বায়ুতাড়িত তুষারপিণ্ড। কেউ তা খুঁজে বার করতে পারবে না, কেউ আন্দাজও করতে পারবে না—কোথায় আছে। জার্মানরা এসে যদি খোঁড়েই, তা হলে পাঁচ-ছ হাত গভীর করে খুঁড়তে হবে, তা হলে বিঘের পর বিঘে—কত হাজার বিঘে তারা খুঁড়বে ?

মাটির তলায় লুকানো ওই সোনার ফসল—সারা গ্রামের কটি তৈরি হয় তা দিয়ে। জীবনের জন্তে ওরা কটিও অস্বীকার করতে পেরেছে। সে ত শুধু ফসল নয়—সে তাদের হৃদয়। প্রলুক, অতৃপ্ত জার্মান দৃষ্টির কাছ থেকে মাটির তলায় লুকিয়ে রেখেছে। চাষীদের পরিশ্রমলব্ধ পুরস্কার—মাটির দান এই সোনার ফসল। সেই ফসল জার্মানদের হাতে সমর্পণ করা মানে তাদের বাঁচানো। ক্ষুধিত জঠর পূর্ণ করা, শীতাত্ম মৃতকল্প জার্মানদের বাঁচানো। সেই সমর্পণের অর্থ একটা প্রচণ্ড আঘাত দেওয়া তাদের বৃকে—যারা তুষারঝড়ের মধ্যে নিঃস্বার্থ একনিষ্ঠতা নিয়ে শত্রুর সঙ্গে যুদ্ধ করেছে। সেই সমর্পণের অর্থ দেশদ্রোহিতা করা, স্বজাতিকে প্রবঞ্চনা করা, এই কথা জগতের সমক্ষে স্বীকার করে নেওয়া : জার্মানরা এই রত্নপ্রসবা যুদ্ধের প্রভু। সেই সমর্পণের অর্থ নিজেকে বঞ্চনা করা। তার অর্থ, সেই আদেশকে লঙ্ঘন করা যা গ্রাম থেকে গ্রামান্তরে পরিব্যাপ্ত, যার ডাক গিয়ে পৌঁছেছে প্রত্যেকের কাছে, যাব গভীর দাগ আঁকা আছে হৃদয়ে হৃদয়ে। না—শত্রুকে এতটুকুও খাণ্ডকণা নয়! এই সমর্পণের অর্থ আত্মদ্রোহিতা, শত্রুর কাছে নিজেকে বিক্রয় করা। এর অর্থ—এই যুদ্ধে, গৃহযুদ্ধে, ১৯১৮ সালের যুদ্ধে—তারও আগে যারা স্বদেশের জন্তে যুদ্ধ করে মরেছে, তাদের প্রতি বিশ্বাসঘাতকতা করা—বিশ্বাসঘাতকতা করা তাদের প্রতি যারা মানবের মুক্তির জন্তে যুদ্ধ করেছে, যারা মৃত্যু দিয়ে অর্জন করেছে মুক্তিকে।

গ্রামে এক দিন যেখানে চাষী-শ্রমিকেরা নিজেদের জমির সীমানায় যোথ খামারে কাজ করে দিন যাপন করত তাদের একটি হৃদয়ও বিচলিত হল না, মেয়েরা জন্মনা কল্পনা করে : তারা চলে যাওয়ার পর কি হবে।

প্রোটা কোভালচুক অন্ধকারে তার ঘুমন্ত আঁটটি শিশু সন্তানের নিখাসের শব্দ শুনতে লাগল। কেউ তার বিছানায় শুয়েছে, কেউ উঠনের উপরকার তাকে। আপন মনে নীরবে কুশলী গিন্নীর মত সে ভাবতে থাকে : লেনা দিবি বড় হয়ে উঠেছে—সে আর একজনের খুঁটিনাটি কাজকর্ম বেশ দেখতে পারবে। লাল পণ্টন যখন ফিরে আসবে—তখন মাটির তলায় লুকানো খাণ্ডশস্ত্র দিয়ে সকলকে ভাল করে পরিতুষ্ট করা চলবে। ততদিন আর সকলের মত কোন রকমে টেনে চলতে পারলেই হল।

ভিশ্বেকভা অন্ধকারে ছেলের দোলনায় ভর দিয়ে দাঁড়িয়েছিল—আর ভাবছিল বাচ্চাটাকে খাওয়াবে কে, কে করবে লালন পালন? মনে মনে তার দৃঢ় ধারণা ছিল, বাচ্চাটাকে নিশ্চয়ই তারা মেরে ফেলবে না। এমন কোন মাকে তারা যোগাড় করে আনবেই যে বুকের দুধ দিয়ে বাচ্চাটাকে বাঁচাবে।

গ্রোখাচিখা অন্ধকারে একদৃষ্টে চেয়ে রইল—আর ভাবতে লাগল : গ্রখাচ বন্দী, ফসল না দেওয়ার জগ্রে অপরাধী সাব্যস্ত হবে কে? গ্রখাচ, না সে? ওর কিন্তু মনে হয়, ও-ই দোষী সাব্যস্ত হবে। কিন্তু তাতে ওর কিছু যায়-আসে না। ওর ছেলেমেয়েরা আর ছোট নেই। মেয়েরা বড় হয়ে উঠেছে, তারা চালিয়ে নিতে পারবে।

ভাহ্যুক—বয়স তার অল্প। স্বামীর সঙ্গে কোন দিন তার আর দেখা হবে না হয় ত—এই ভেবে দুঃখে হৃদয় তার বিদীর্ণ হয়ে যায়। আহত হয়ে হাসপাতালে থাকার সময় মাসখানেক আগে তার স্বামী লিখেছিল : হাসপাতাল থেকে স্বস্থ হয়ে বেরুলে কয়েক দিনের জগ্রে হয় ত ছুটি পাব বাড়ী যাওয়ার। এক মাস কেটে গেছে, জার্মানরা এসে চুকেছে গ্রামে। যখন তাদের নিজেদের সৈনিকরা আসবে, তখন হয় ত সে থাকবে না এখানে। নিজের জগ্রে তার দুঃখ হয় না—দুঃখ হয় স্বামীর জগ্রে। বেচারী ভারী শাস্ত আর অসহায়—একা থাকবে সে কেমন করে?

অন্ধকারে শুয়ে শুয়ে লোকগুলি ভাবে। আপন আপন চিন্তায় সকলে মগ্ন, যে-যার প্রিয়জনের কথা ভাবে, আর ভাবে ফসলের কথা। মৃত্তিকার স্বর্ণাভ রক্ত

এসেছিল স্বর্ণপ্রবাহের মত, শৈলস্থলিত তুষারস্তূপের মত নেমে এসেছিল উচ্ছ্বসিত বগ্নায়। নিজেদের সেনানীরা যখন ফিরে আসবে, আবার যখন হুদিন আসবে, তখনকার জগ্রে সব আছে মাটির তলায় লুকানো। যে-বার বিছানায় শুয়ে শুয়ে নিজেদের কথাই ভাবে—বিভিন্ন চিন্তা, কারুর সঙ্গে কারুর মিল নেই। কিন্তু সেই রাত্রে একটা জিনিস সকলেই জানত এবং সকলেই ভাবছিল সেটা নিয়ে—যদিও তা নিয়ে কেউ কিছু বলাবলি করছিল না, আলোচনাও করছিল না : ফসল মাটির তলাতেই লুকানো থাকবে, সে তাদের জীবনের চেয়েও দামী—যেখানে লুকানো আছে সেখান থেকে জার্মানদের খাবা চেষ্টা করেও খুঁড়ে বার করতে পারবে না। এ বিষয়ে তারা নিশ্চিত ও নিঃসন্দেহ।

এবং মর্ত্তমান জার্মান-মৃত্যু গোড়িয়ে, আতর্নাদ করে বাড়ের বেগে গ্রামের উপর দিয়ে বয়ে গেল। ভয়াবহ ; প্রত্যেকে শুনতে পেল ঘরের ভেতর থেকে।

সেই রাত্রে যে সমস্ত জার্মান সৈনিক পাহারায় ছিল তারা ঠাণ্ডায় জমে যাচ্ছিল যে-বার জায়গায়, ত্রস্ত দৃষ্টি মেলে দেখছিল চারদিকে, বরফের উপর দিয়ে নিঃশব্দে হাঁটবার জগ্রে আগ্রাণ চেষ্টা করছিল। তারাও শুনতে পাচ্ছিল মৃত্যুর ডাক। তাদের মুখের উপর মৃত্যু তার নিঃশব্দ হিমেল নিঃশ্বাস ফেলে চলে যাচ্ছিল একান্ত সন্নিকট দিয়ে—গোপনে আর অজ্ঞাতসারে। খাদের ভিতর গুড়ি হুড়ি মেরে, ঘরের কোণে লুকিয়ে থেকে, খড়ের চালের উপর নিঃশব্দে চলমান মৃত্যুকে অগ্ৰভব করছিল তারা। হাজার হাজার চোখ মেলে দিয়ে মৃত্যু তাকিয়েছিল তাদের দিকে হিমদৃষ্টিতে, দৃঢ়নিবন্ধ ঠোট, অগ্ৰচারিত কণ্ঠে দিচ্ছিল তাদের দণ্ডাজ্ঞা, গ্রামের পাঁচিলগুলির পাশ দিয়ে নিঃশব্দে অতিক্রম করে যাচ্ছিল সে, দাঁড়াচ্ছিল বেডার কাছে গিয়ে, বুকে পড়েছিল কুয়োগুলোর উপর। সে সর্বব্যাপী,—জার্মান সৈনিকেরা তার অস্তিত্ব অগ্ৰভব করছিল সর্বত্রই। গ্রামের পথে মৃত্যু গোপনে অগ্রসর হয়ে চলেছিল তাদের একান্ত পাশে পাশে, ঘরের কাছে স্তব্ধ হয়ে দাঁড়িয়েছিল তাদের সঙ্গে সঙ্গে এবং গৃহকোণ পর্যন্ত অগ্রসরণ করে চলেছিল পিছনে পিছনে। তাদের চোখের উপর সেই মৃত্যুই টেনে দিচ্ছিল স্বগভীর ঘুমের কালো পর্দা। তার সে হিমেল দৃষ্টি তারা নিজেদের দেহে

অহুভব করছিল, তার সেই অলক্ষ্য দৃষ্টিতে বিদ্ধ করছিল তাদের, নিম্পন্দ করে দিচ্ছিল তার নিঃশ্বাসে। মোটা মোটা আঙুল দিয়ে বার বার করে সে তাদের গোণে আর নিঃশব্দ নির্মম যুক্রেনের যুত্যা গভীর ভাবে প্রবেশ করে তাদের অস্থির মজ্জায় মজ্জায়।

৫

ঝড়ের আতঁনাদ আর গোঙানি। চালাটা কাঁপছিল—যেন উড়ে যাবে যে-কোন মুহূর্তে, ছড়মুড় করে ভেঙে গিয়ে পড়বে নালায়। কড়িকাঠগুলো কড়্ কড়্ করে শব্দ করে, খড়ের চালায় খস্ খস্ করে শব্দ হয়। আঁটি আঁটি খড়্ বাতাসের মুখে উড়ে গিয়ে পড়ে গ্রামসীমান্তের উন্মুক্ত তুষারাবৃত মাঠে—হারিয়ে যায় তুষারঘূর্ণির অন্ধকারে।

ওলেনা চীৎকার করছিল—প্রাণপণে চীৎকার করছিল। অসহ যন্ত্রণার উৎকট পীড়ন চলছিল তার দেহের উপর দিয়ে। এ শুধু প্রসব-যন্ত্রণা নয়। যাত্রিতে সৈনিকেরা যখন পথে পথে তাকে তাড়িয়ে নিয়ে বেড়াচ্ছিল, সে তখন বারবার হোঁচট খেয়ে পড়ে গেছে। বন্দুকের কুঁদোর গুঁতো আর সড়ীনের খোঁচাগুলোর যন্ত্রণাদায়ক অহুভূতি এতক্ষণে ফিরে আসে। এ যন্ত্রণা ক্ষুধার—তৃষ্ণার, শীতের। একযোগে সমস্তগুলো যেন একদল ক্ষুধার্ত নেকড়ের মত থাবা মেলে ঝাঁপিয়ে পড়েছে তার উপরে। লুক্ক তীক্ষ্ণ দাঁতে কামড়াচ্ছে তাকে—চিবোচ্ছে। সমস্ত দেহ যেন তার ছিঁড়ে টুকরো টুকরো হয়ে যাচ্ছে—দক্ষীভূত হচ্ছে প্রজ্জ্বলিত আগুনে, যেন হাজার বিঘাক্ত ছুরি প্রবেশ করেছে তার সর্বাস্থে।

চীৎকার করেছিল ওলেনা। এখন সে চীৎকার করতে পারে। এখন সে একটি সন্তানের জন্ম দিচ্ছে। এতদিন স্তব্ধতা তার সহসীমার শেষ প্রান্তে তাকে কোন রকমে ধরে রেখেছিল—আজ সেই অবরোধ সে ভাঙতে পারে। জার্মানরা যখন তাকে ঘর থেকে টেনে নিয়ে গিয়েছিল—তখন থেকে তার ধারণা হয়েছিল, যাই হোক—একটি সন্তানের জন্ম দেবে সে—সে দিন থেকে

নিষ্কর হয়ে ছিল ওলেনা। কুঁদোর গুঁতো, বরফের উপর পড়ে যাওয়া, প্রচণ্ড শীত—কিছুতেই মরল না তার গর্ভের সন্তান। সে বেঁচে আছে, সে এই পৃথিবীতে আসতে চায়। তার আসার রুদ্ধ পথ নির্দয় ভাবে বিদীর্ণ করে আলোর দিকে আসছে সে।

ওলেনা পশুর মত চীৎকার করছিল। চীৎকারে যেন তাঁর স্বস্তি বোধ হল। যন্ত্রণা, শীত আর বাইরেরকার ঝড়ের আতঁনাদ—সব ডুবে গেল সেই চীৎকারের মধ্যে। শো শো শব্দ ও গর্জানি তখনও চলছে। দরজাটায় কঁচাচ কঁচাচ করে শব্দ হল। ফিরে একবার সে দেখলও না। যন্ত্রণাটা ক্রমশ ঘন ঘন হচ্ছে—ক্রমশ তীব্র হয়ে উঠছে, মনের সাথে চীৎকার করছে সে। এ তার অত্যাচারক্লিষ্ট দেহের অপরিহার্য দাবি।

সৈনিকটা ধমকাতে গিয়ে দরজার কাছে থেমে গেল। বুঝতে পারল, মেয়েটি প্রসব করছে। একটু পরে আর একটা সৈনিক এল। তারা চেয়ে চেয়ে দেখছিল, মন্তব্য করছিল। খড়ের উপর নে যে শুয়ে আছে সম্পূর্ণ নগ্নকায়, ছুটি অপরিচিত পুরুষের নির্লজ্জ দৃষ্টি যে তাব ওপর নিবদ্ধ, তারা যে ওকে নিয়ে রসিকতা করছে—এ সবার কোন খেয়াল ছিল না ওর। একটি সন্তানের জন্ম দিচ্ছে ও। এখন ও জার্মান-শাসিত রাজ্যের বাইরে। ওর আসন্ন মাতৃস্ব ওদের নির্লজ্জ দৃষ্টি থেকে আড়াল করছে ওকে, রক্ষা করছে ওকে বর্মের মত ওদের নির্বোধ অট্টহাস্য থেকে। একটি সন্তান প্রসব করছে ও এবং তারাও বাধা দিচ্ছে না। ভিতরে না এসে দরজার বাইরে তারা অপেক্ষা করছিল।

ওর চীৎকার ক্রমশ বেড়ে চলল। প্রতিবেশী কুটারের মেয়েরা ভগবানের নাম স্মরণ করে আর আতঙ্কিত দৃষ্টিতে সেই কুজাটিকার মধ্যে ভয়ে ভয়ে তাকায় বাইরে। ওলেনা কন্সট্যান্ট নিঃশব্দ আর অসহায়—প্রসব করছে উন্মুক্ত একটা চালার ভিতর। তারা ভেবেছিল, ওলেনা মরে গেছে, নিশ্চিহ্ন হয়ে গেছে তুষারের মধ্যে, তার গর্ভস্থ সন্তানও মরে শেষ হয়ে গিয়েছে। কিন্তু সে মরে নি, বরং সন্তানটি প্রসব করছে। কেউ নেই তার পাশে, কেউ নেই তাকে একটু জল এগিয়ে দিতে, কেউ নেই তার শুকনো ঠোঁট দুটো একটু গরম করে

দিতে। মাথার বালিশটা গুঁজে দেওয়া বা সাহায্য করতে বন্ধুর মত হাত বাড়িয়ে দেওয়া—এমন কেউ নেই পাশে। সে এমন অবস্থায় প্রসব করছে যা এই গ্রামে কেউ কখনও করেনি—সম্পূর্ণ উলঙ্গ, তুষারের মধ্যে, একটা চালা ঘরের মাটির মেঝেতে। প্রতিবেশী মেয়েরা ভগবানের নাম স্মরণ করে, কান ঢাকা দেয় আর মুখ বুজে বসে থাকে। কিন্তু অদম্য কৌতূহলে কান পেতে আবার শোনবার চেষ্টা করে। আবার কাঁদছে—তীব্র তীক্ষ্ণ চীৎকার—কানে তাল লাগে। পীড়িত দলিত ভেঙে-পড়া একটা দেহে চীৎকার আসে কোথা থেকে ?

শেষ পর্যন্ত তার চীৎকার আতর্নাদে পরিণত হল—তারপর হঠাৎ থেমে গেল।

“ছেলে নেমেছে,” মাল্যুচিখা ফিস্ ফিস্ করে বলল। একেবারে পাশেই ঘর তার। একটা বেঞ্চির উপর নিঃশব্দে বসে পড়ল সে।

“ছেলে হয়ে গিয়েছে,” জিনাও বলল।

মুহূর্তকাল গুলেনা যেন সংজ্ঞা হারিয়ে পড়ে রইল। ছেলেটা পড়ে আছে দূরে। সব কিছু প্রতিবন্ধক সত্ত্বেও এই পৃথিবী স্পর্শ করেছে সে। যার বাপ ইতিমধ্যে মৃত, যার মায়ের ইতিমধ্যে মরা উচিত ছিল দশ ব'র। একটি ছেলে—ছোট্ট লাল টুকটুকে একটি ছেলে।

বাজতে তুলে নিল সে তাকে। কোন দাই নেই, আবশ্যিক কাজগুলি করবার জগ্রে কেউ নেই পাশে। কুকুরের মত দাঁত দিয়ে কেটে ফেলল সে নাদীটা! শাল থেকে খানিকটা ছিঁড়ে নিয়ে নাদীর মুখটা বেঁধে দিল। হিমশীতল হাত দিয়ে ছেলেটার গা মুছে দিল আর ভাবতে লাগল একটু জলের কথা—কন্সেক ফোঁটা জল—ঘাতে ছেলেটার মুখখানি ধুয়ে দেওয়া যেতে পারে।

বাচ্চাটা কাঁদে—যেমন করে একটি স্তন্থ পরিপুষ্ট ছেলে কাঁদে। গুলেনার যেন নিঃশ্বাস বন্ধ হয়ে আসে। একটি ছেলে—প্রথম ছেলে তার, তার দেহের প্রথম অবদান—যা চল্লিশ বছর বন্ধ্যা হয়েছিল। ছেলে হয়েছে তার—হয়েছে অনেক কিছুর পরেও।

“মিকোলা, ছেলে হয়েছে,” বলতে চায় সে তার স্বামীকে খুশি করতে, তার সমস্ত সজ্জদয়তার প্রতিদান দিতে। একটি ছেলের কামনা দীর্ঘ দিন ছিল তার স্বামীর। কিন্তু একদিনের জন্তেও সে সম্বন্ধে কোন আঘাত দেয় নি সে ওলেনাকে—অতুষ্ণোগ কবে নি, গালাগালি করে নি, অত্যাগ্ন মেয়েদের ছেলেপুলে হয়, কিন্তু সে নিজে এমন একটা বক্ষ্যা স্ত্রীলোককে বিয়ে করেছে—যার সবল স্বাস্থ্যের অন্তরালে আছে শুধু বক্ষ্যায়।

যে দিন প্রথম সে আবিষ্কার করে ফেলেছিল তার মাতৃত্ব—সেদিন সে নিজেরও বিশ্বাস করে উঠতে পারে নি। বার্ষিক্যের প্রাপ্তিতে এসেছে, চল্লিশ তার বয়স। কিন্তু তবু তার মাতৃত্ব সত্য।

এরই কিছু দিন পরে মিকোলা সৈন্যদলে যোগ দিয়ে চলে গেল। যাত্রার মুখে ওকে বিদায়-সম্ভাষণ জানাল, কিন্তু ও জানে যে যে-ছেলে তখনও জন্মগ্রহণ কবে নি তার কাছে বিদায় নেওয়া মিকোলার পক্ষে কত কঠিন। তবু তাকে যেতে হল।

তারপর মিকোলা যুদ্ধে চলে গেল। যাওয়ার সময় বলেছিল, তবে, যাই।—কিন্তু তার এই যাওয়া, তাদের ভাবী জাতকেব কাছ থেকে বিদায় নিয়ে যাওয়া মিকোলাব পক্ষে কতখানি যে কষ্টকর—ওলেনা তা জানে।

কিন্তু এখন মিকোলা আব নেই, যুদ্ধে মারা গেছে। ছেলে হল ওলেনার—যে ছেলে মিকোলা কামনা করেছিল। ছেলে হল জার্মান কারাগারে, ছেলে হল সেই জার্মানদের নির্লজ্জ দৃষ্টির স্তম্ভে—যাবা প্রসবরত একটি নারীকে প্রতিও সম্মান দেখায় নি এতটুকু।

ছেলেটা শুয়ে আছে খড়ের উপর—ভেজা আর ঠাণ্ডা খড়ের উপর। সেই নয় কচি দেহটা বৃকে চেপে ধরল সে, তাকে গরম করবার চেষ্টা করতে লাগল ওলেনা নিজের উত্তপ্ত নিঃশ্বাসে। হঠাৎ কেমন ভয় হল তার—একটা অস্বাভাবিক ভয় : বহু দুঃখকষ্টের পরও যে শিশুটা জন্মাল, সে হয় ত মবে যাবে একটা পাখীর বাচ্চার মত, অথবা একটা বেরাল-বাচ্চার মত। তার নিজের দেহেব উত্তাপে, তার নিঃশ্বাসের উত্তাপে গরম কবতে চাইল সে শিশুটাকে; কিন্তু তার নিজেরই

হাত ঠাণ্ডা হয়ে আসছে বরফের মত, তীব্র শীত তার শিরায় শিরায় রক্ত জমাট করে আনছে যেন ধীরে ধীরে। দরজার কাছে দণ্ডায়মান সৈনিক দুটো নিজেদের মধ্যে কি যেন বলাবলি করে—তারপর একজন চলে যায়। কিছুক্ষণ পরেই সে ফিরে আসে।

“এই যে—” নিতান্ত হেলাফেলাভাবে সৈনিকটা বলে।

একটি শার্ট, একটি ব্লাউজ এবং স্কার্ট এসে খড়ের উপর পড়ল। এ সব ওর নিজেরই। রাস্তায় বের করে তাড়িয়ে দেওয়ার আগে এসব কেড়ে নিয়েছিল তারা। ওলেনা অত্যন্ত অবিশ্বাসের সঙ্গে সৈনিকটার দিকে তাকল। সৈনিকটা বোকার মত হাসল। কম্পিত হস্তে কচি ছেলেটার সবাক শার্টটা দিয়ে জড়িয়ে দিল ভাল করে। কাপড়ের ভিতর থেকে তার কচি মুখটা কেমন অদ্ভুত দেখায়—যেন একটা পুতুল—দুর্বোধ্য নীল চোখ দুটি, যেন সব চোখ ফোটা কুকুর ছানার মত। আনন্দে তার বুকটা তোলপাড় করে ওঠে। কিছু একটা দিয়ে বাচ্চাটাকে ঢাকতে পেরেছে এই শীতে—এইটেই তার কাছে মস্ত বড় হয়ে ওঠে—কিছুক্ষণের জগ্গে আর সব কিছু সে ভুলে যায়। এবারে সব কিছু সহজ ভাবেই চলবে—মনে হয় তার; দুঃস্বপ্নের দিন যেন কেটে গিয়েছে। কাপড়-জামা পরতে গিয়ে তার হাত কাঁপে। একটুও গরম বোধ করে না—তবু এই মনে করে একটু ভাল বোধ করে যে, তার অত্যাচারক্লিষ্ট নগ্ন দেহের উপর ওই ছেঁড়া ফুটো কাপড়গুলোও সে জড়াতে পেরেছে। তার কোট আর শাল—বেগুলো ফেলে এসেছে সে জার্মান কমান্ডেণ্টের ঘরে—সেই দুটো যদি পেত সে!—মুখ বুজে থাকে সে কোন রকমে। যা আছে তার, তাইতেই চালিয়ে নেবে সে কোন রকমে। সামান্য একটু কাপড় দিয়ে বাচ্চাটাকে শীত থেকে রক্ষা করতে পেরেছে—এই যথেষ্ট। ছেলেটাকে সে কোলে তুলে নিল—স্কার্টের কিয়দংশ দিয়ে ঢেকে দিল তাকে। শিশুটা সেই স্বল্প উত্তাপে নিঃশব্দে পড়ে রইল। এর বেশি আর ওলেনা কি চাইতে পারে? তার জামা-কাপড় কিছুটা ফেরত পাওয়া—এটা কেমন রহস্যজনক লাগে তার কাছে, কেমন যেন অদ্ভুত মনে হয়। সে ঠিক বুঝতে পারে না। জার্মান সৈনিকটা কাপড়-জামাগুলো তার দিকে ছুঁড়ে

দিয়েছিল—সে দেখেছে, তবু যেন সে বিশ্বাস করতে পারছিল না। তার মনে হচ্ছিল—ওগুলো যেন ছাদের তল থেকেই পড়ল, যেন তুম্বারাচ্ছন্ন মাঠ থেকে বাতাসে উড়িয়ে এনে ফেলেছে।

দরজাটা কঁচাচ কঁচাচ করে শব্দ হয়ে বন্ধ হয়ে গেল। ওলেনা দেয়ালে মাথা দিয়ে বসল—একটা জরতপ্ত তন্দ্রায় যেন সে আচ্ছন্ন হয়ে এল। পিঠে সে শীতের কাঁপুনি অনুভব করে—আবার গরম মনে হয়। তন্দ্রাব মাঝখানে ওলেনা স্বপ্ন দেখে। মিকোলা যেন চলে যাচ্ছে পথ দিয়ে আর সামরিক কর্মচারীর সেই মেয়েমাছুষটা—বেঁটে কালো মেয়েটা দাঁড়িয়ে আছে উলটো দিকে। মিকোলা যেন কি বলল—সঙ্গে সঙ্গে ওলেনার বুকে একটা অসহ্য ববর ঈর্ষা যেন ছুরিকাঘাত করল। কেঁপে উঠল ওলেনা, সচকিত হয়ে জেগে উঠল—আর স্তম্ভিত দৃষ্টিতে চারিদিকে দেখল। না, মিকোলাও নেই—আর সামরিক কর্মচারীর সেই মেয়েমাছুষটাও নেই। সেই চালাটা, এক আঁটি খড় আর কোলের উপর ছেলেটা—সাদা কাপড়ের আড়ালে কচি টুকটুকে লাল মুখটি। হঠাৎ তার ভয় হয়—ঘুমের ঘোরে ছেলেটা যদি পড়ে যেত তার হাত থেকে। তখনই দেয়ালের দিকে আরও খানিকটা সরে গিয়ে বসে। তাবপর আবার সে ঢুলতে থাকে।

অসংখ্য স্মৃতি অশ্রাস্ত ধারায় তার মস্তিষ্কে তোলপাড় শুরু করে। বেলিফ চীৎকার করছে। কিন্তু কেমন করে তা সম্ভব! টাঙির নিষ্ঠুর আঘাতে মেরে ফেলা হয়েছে তাকে, তবু সে সেখানে দাঁড়িয়ে দাঁড়িয়ে চীৎকার কবছে আর লাল ফোজের দল চলে যাচ্ছে তাব পাশ দিয়ে। কিন্তু মিকোলা তাদের মধ্যে নেই। কুলি আছে—হাত নাড়ছে। তাব হাতে কাপড়ের একটা মস্ত বাগুনি। সে যাচ্ছে আর খুলে খুলে যাচ্ছে সেই কাপড় লীমাহীন পথে। আর সেই সংকীর্ণ খেতশুভ্র পথ দিয়ে ওলেনার নবজাত সন্তান আসছে।

“দেখ—এরই মধ্যে সে দৌড়ছে,” ফেডোসিয়া ক্রাবচুক সবিস্ময়ে বলল। ওলেনা নিজেও ভয়ানক বিস্মিত হয়, তার তন্দ্রা ভেঙে যায়।

গলার ভিতরটা শুকিয়ে যাচ্ছে তার। ভয়ানক তৃষ্ণা পাচ্ছে। জিভটা যেন অসাড় হয়ে গিয়েছে—আর শুকিয়ে কাঠ হয়ে গেছে, যেন ওর নিজের নয় ওটা।

ঠোঁট ফেটেছে, আঙুল বুলোতে গিয়ে আঙুলে রক্ত লেগে গেল। কানের কাছে ঝি ঝি'র শব্দ, হাড়গুলোও যেন ব্যথায় টন্ টন্ করছে। একটা অসীম ক্লান্তির মারখানে আচ্ছন্ন হয়ে আসছে ও। ছেলের দিকে একবার তাকাল—ছোট্ট কপালখানিতে হাত দিল। মনে হল বরফের মত ঠাণ্ডা হয়ে গেছে কপালটুকু—যদিও জানে জরের উত্তাপে থাক হয়ে যাচ্ছে। আবার তন্দ্রা নামে। এবার জলের স্বপ্ন দেখে—জল, জল, সীমাহীন অশ্রাস্ত জলধারার—হৃদমুখী এক প্রবাহিনীর। কিন্তু ওর সবগুলো বালতিই ফুটো—একটুও জল ধরে রাখা যায় না। হাঁটু গেড়ে ওলেনা বসে পড়ল। বরফের মধ্যে স্পষ্ট দেখা যায় একটা গর্ত; ধারগুলো সবুজ। তরঙ্গসঙ্কুল গভীর কালো জল জীবন্ত সচল মূর্তির মত গর্তের বাইরে উথলে উথলে উঠছে, আবার বরফের তলায় কোথায় অদৃশ্য হয়ে যাচ্ছে তার নিঃশব্দ স্রব্দ বাত্মাপথে। বরফের উপর পুরু স্তর পড়েছে তুষারের। কল থেকে যেমন ময়দার গুঁড়ো ঝুর ঝুর করে ঝরে পড়ে তেমনি এক জায়গায় তুষারকণা-গুলি জলের উপর বাবে পড়ছে। জলে পড়েই সেগুলির রং হয়ে যাচ্ছে সবুজ—ঘূর্ণ্যমান জলপ্রবাহে কুণ্ডলায়িত হয়ে তাল পাকিয়ে যাচ্ছে। শুকনো ঠোঁট দুখানি ভিজিয়ে নেবে বলে ওলেনা সেই ঘূর্ণ্যমান তুষারের একটা তাল ধরবার চেষ্টা করল, কিন্তু জলপ্রবাহে সেগুলো দেখতে দেখতে কোথায় অদৃশ্য হয়ে যায়। ওলেনা ধরতে পারে না।

তারপর হঠাৎ সেই গর্তটার পাশে ফাটল ধরে বরফে ভাঙন শুরু হয়। ওলেনার সমস্ত শরীর টলছে—পায়ের তলায় জলরাশির গভীরতা অল্পভব করে। সমস্ত শক্তি দিয়েও মাথাটা সে খাড়া রাখতে পারে না। কচি ছেলেটার শাস্ত স্বাভাবিক শ্বাস-প্রশ্বাস শুনতে পায়। ওর নিজের তখন জল খাওয়ার ইচ্ছে নেই। কিন্তু ছেলেটা যখন দুধ খেতে চাইবে তখন বুকে ওর দুধ থাকবে ত? সে যে কত যুগ হয়ে গেল, একটু জল পেয়েছিল! দু-এক টুকরো বরফ মুখে পুরে দিয়েছিল কোন রকমে জার্মানগুলোর দৃষ্টির সম্মুখে। উঃ—কি তৃষ্ণাই না পেয়ে ছিল ওর—তৃষ্ণা মেটাবার কি অদম্য চেষ্টাই না করেছিল! ঠোঁট, জিভ, আর মুখে কি যন্ত্রণা—গলাটা কে যেন টেনে চেপে ধরেছিল। ভয়ানক হিক্কায সমস্ত

শরীর যেন বেগে কঁপে কঁপে উঠছিল। ধীরে ধীরে আবার সে তন্দ্রায় আচ্ছন্ন হয়ে পড়ল। একটি শুভ্র বালুকভূমি জেগে উঠল তার সম্মুখে, গ্রীষ্মতপ্ত নদীতটের শুভ্র বালুকণাগুলি ধুলোর মত উড়ছে তার চার দিকে, যেন ময়দার গুঁড়ো উড়ছে ময়দা-কল থেকে। সেই শুভ্র কণিকাগুলির মেঘজালে সমস্ত পৃথিবী যেন আচ্ছন্ন হয়ে গেল। তার যেন নিঃশ্বাস বন্ধ হয়ে আসে। সমস্ত মুখ চোখ ভরতি হয়ে যায়। এরই মধ্যে দিয়ে তাকে ছুটে যেতে হবে—যেমন করেই হোক। যেতে হবেই তাকে—এবং যত তাড়াতাড়ি সম্ভব; একটি মুহূর্তও সে ব্যথা যেতে দেবে না। কিন্তু বালিতে তার পা বসে যায়, আর উপরে প্রচণ্ড রৌদ্রতাপ। কুটীর-গুলিতে আগুন লেগেছে—সমস্ত গ্রামটা জ্বলছে দাউ দাউ করে। অগ্নিশিখা থেকে ছেলেটাকে যেমন করেই হোক বাঁচাতে হবে। অগ্নিস্ফুলিঙ্গগুলো প্রচণ্ড বাতাসে চার দিকে উড়ছে। তার শালে আর জামাকাপড়ে ইতিমধ্যেই আগুন ধরে গিয়েছে। এই গরমে সে কোট আর শাল পরেছে কেন? নিজেকে জিজ্ঞেস করল সে; এখন আর সেগুলো খুলে ফেলার সময় নেই। ছুটেতে হবে তাকে—তার যত জোর আছে তত জোরেই ছুটবে সে—যাতে আগুনের শিখা স্পর্শ করতে না পারে তার শিশুকে। যাঃ, পুলটায় আগুন ধরে গিয়েছে—অগ্নিশিখা আকাশে দীর্ঘ বাহু মেলে দিয়েছে। হুড়মুড় করে সমস্তটা নীচে ভেঙে পড়ল। বড় দেরি করে ফেলেছে সে—যথাসময়ে ছুটে পালাতে পাবে নি। এখন সমস্তটা যেন তার উপর ভেঙে পড়ল। হতাশ ভাবে ছেলেটাকে খুঁজতে লাগল। ছেলেটা পড়ে গিয়েছে তার হাত থেকে আর পুলের দক্ষমান শুপীকৃত কাঠগুলো দাউ দাউ করে জ্বলছে তার উপর। সে দেখতে পাচ্ছে বনের ভিতর থেকে—প্রজ্জ্বলিত পুলটার চারদিকে জার্মানরা হাত নেড়ে নেড়ে কি বলছে আর চীৎকার করছে। তাদের চীৎকারে সে জেগে উঠল। একটা জার্মান সৈনিক পাশে দাঁড়িয়ে জুতোর ঠোঁট দিয়ে গুকে ডাকছে।

সঙ্গে সঙ্গে ও আশ্বস্ত হল। সৈনিকটা ইশারা করে উঠে দাঁড়াতে বলল। বহু কষ্টে সে উঠে দাঁড়াল—ছেলেটাকে চেপে ধরল বুকের কাছে। সৈনিকটা বন্দুকের কুঁদো দিয়ে ঠেলে তাকে দরজার দিকে নিয়ে গেল। শুভ্র তুয়ারাচ্ছন্ন

পৃথিবীর দিকে তাকিয়ে তার যেন ধাঁধা লাগল। মাতালের মত টলতে টলতে সে সৈনিকটার আগে আগে চলতে লাগল একান্ত বাধ্যতায়। বুঝতে পারল—জিজ্ঞাসাবাদ করবার জেহেই আবার তার ডাক পড়েছে।

ভেনের ঘণাভরে তার দিকে তাকাল। কি কুৎসিতই না ওলেনাকে দেখতে হয়েছে। মুখটা বিত্রী ভাবে হলদে হয়ে গেছে। ফাটা চোঁট থেকে ক্ষীণ রক্তের ধারা চিবুক পর্যন্ত এসে শুকিয়ে গেছে। চোখের নীচেই মস্ত একটা আঘাত লাগার দাগ—কালো লাল আর বেগুনে হয়ে রয়েছে। বিশীর্ণ গালের দুই পাশে বিশেষ জট-ধরা চুলের গোছা। ফোলা নয় দুটো পা রক্ত জমে কালো হতে শুরু করেছে।

টেবিলের ওপর আঙুলের টোকা দিয়ে ভেনের মাথা নেড়ে সৈনিকটাকে একটা চেয়ার ওলেনার দিকে এগিয়ে দিতে ইঙ্গিত করল। ওলেনা বিস্মিত হল, কিন্তু সঙ্গে সঙ্গেই কোন আদেশের অপেক্ষা না রেখে বসে পড়ল, তারপর স্থিরদৃষ্টিতে ভেনেরের ফ্যাকাশে চোখের দিকে চেয়ে রইল।

“ছেলে, না, মেয়ে?” হঠাৎ জিজ্ঞেস করল সে ছেলোটার দিকে চেয়ে।

“ছেলে,” দুর্বল কম্পিত কণ্ঠে ওলেনা জবাব দিল। ক্যাপ্টেন সৈনিকটাকে এক মগ জল আনতে আদেশ করল, সে জল নিয়ে হাজির করল। ওলেনার মনে হল, যেন আবার বিভ্রম হচ্ছে। মগটা চেপে ধরল ওলেনা—তারপর লোভীর মত তাড়াতাড়ি সেই ঠাণ্ডা জল ঢুক ঢুক করে গিলতে লাগল। তার যন্ত্রণাকাতর চোঁট, শুষ্ক জিহ্বা আর দৃষ্টি কণ্ঠ অহুভব করতে লাগল জলের স্পর্শ।

“বাস্,” ভেনের বলল। সঙ্গে সঙ্গেই সৈনিকটা তার হাত থেকে জলের মগটা ছিনিয়ে নিল।

ওলেনা দুরন্ত হতাশায় পাত্রটার দিকে চেয়ে রইল। তার নাগালের বাইরে টেবিলের এক পাশে মগটা সরিয়ে রাখা হয়েছে। মগটার ভিতরে জল তখনও কাঁপছে, একেবারে কাছে—ঠাণ্ডা আর সুন্দর জল। চোঁট দুটোতে যেন বেশি করে যন্ত্রণা হয়। তার শুষ্ক কণ্ঠ ঠাণ্ডা জলের স্পর্শে যেন আরও বেশি তৃষ্ণার হয়ে ওঠে—এমন তৃষ্ণা যেন আগে ছিল না।

“ছেলেই হয়েছে তা হলে! ...” টেনে টেনে বলল ক্যাপ্টেন। মতলবটা কি কি বুঝবার জগ্রে ওলেনা নিজেকে সম্পূর্ণ সচেতন করে রাখল।

এই ঘরটার মধ্যে একটা যেন আতঙ্ক মিশে আছে—একটা বিপত্তির ভয় দেখাচ্ছে তাকে—যার রূপ সে কল্পনাও করতে পারে না। এই জল খেতে দেওয়া, বসতে চেয়ার দেওয়া, তারপর সামাজিক জিজ্ঞাসাবাদ—এগুলো এমন একটা ভীতির সৃষ্টি করে, সে কৈপে ওঠে। সমস্ত দেহে সমস্ত পেশীতে সেই কম্পন ছড়িয়ে পড়ে। স্থির দৃষ্টিতে সে ক্যাপ্টেনের মুখের পানে চেয়ে থাকে।

“যাক—তোমার একটা ছেলেই হয়েছে তা হলে,” আবার বলল সে। “ছেলেটি ত দিবি মোটাসোটা! ...”

এর পর কি আসছে ওলেনা তারই জগ্রে অপেক্ষা করতে লাগল।

“সে যাই হোক, আশা করি এবারে তুমি বুদ্ধিমতীর মত কাজ করবে। এখন আর তোমার নিজের কথাই ত শুধু নয়। তোমার ছেলের মরণ-বাঁচন এবারে অপেক্ষা করছে তোমারই উপর। তাই নয় কি? হয় তাকে বাঁচাও, না হয় মারো।” আন্তে আন্তে বেশ স্পষ্ট করেই বলল কথাগুলো।

সঙ্গে সঙ্গেই ওলেনা ছেলেটিকে বুকে চেপে ধবল। ক্যাপ্টেন তীক্ষ্ণ দৃষ্টিতে পর্যবেক্ষণ করতে লাগল তার প্রত্যেকটি গতি, প্রত্যেকটি অভিব্যক্তি।

“কাল রাতে কে একজন তোমাকে ঝুটি দিতে চেষ্টা করেছিল। সে কে?” খুব হাল্কা কথার ছলে ক্যাপ্টেন শুধাল—যেন এ জিজ্ঞাসার কোন গুরুত্ব নেই।

“আমি জানি না ত!”

“তার মানে—তুমি জান না মানে?”

“আমি জানি না।” সে তার দিকে সোজা তাকিয়ে বলল। এমন ভাবে বলল যে তাতে অবিশ্বাস করবার কিছুই নেই। এমন নিশ্চয়ই হতে পারে যে, সত্যি সে যে কিছু নিশ্চয় করে জানে না তাতে আর বিচিত্র কি?

“তোমার প্রতিবেশীদের মধ্যে কার কার ছেলেপিলে আছে?”

“ছেলেপিলে!” বিস্মিত কণ্ঠে সে বলল, “ছেলেপিলে, সকলেরই আছে। থাকবে না কেন?”

ই্যা—সকলেরই ছেলেমেয়ে আছে, শুধু তারই ছিল না। এখন তারও আছে—একটি শিশু, একটি ছেলে, ছোট্ট একটি ছেলে। তার মায়ের জামায় সর্বাক মুড়ি দিয়ে দু' বাহর অন্তরালে সে জার্মান বমাণাটুনের ভিতর গভীর ঘুমে অচেতন। জার্মানরা কি রকম—তার কিছুই জানে না সে। এখনও সে তা জানে না।

“কে তোমাকে রুটি দিতে আসতে পারে বলে তোমার ধারণা হয়? দশ-এগার বছরের ছেলেকে কে পাঠাতে পারে বলে মনে হয়?”

মনে মনে ওলেনা প্রতিবেশীদের সকলকেই ভাবতে লাগল। এ যে শুধু একটা তথ্য সরবরাহ করার জন্তে—তাই নয়। সে ভাবছিল তার অসহায় নিষ্ঠুর প্রয়োজনের সময়ে কে এসেছিল তাকে সাহায্য করতে, জার্মান বন্দুকের মুখে জীবন বিপন্ন করে কে এসেছিল তাকে সাহায্য করতে, জার্মান বন্দুকের মুখে জীবন বিপন্ন করে কে এসেছিল তার জন্তে রুটি নিয়ে? তাদের সকলেরই ছেলেমেয়ে আছে, দশ-এগার বছরের কত ছেলেই ত আছে। তাদের মধ্যে কে হতে পারে?—সে ভেবে পায় না।

“আমি জানি না। গ্রামের মধ্যে কত ছেলে আছে। ছেলে প্রত্যেক ঘরেই আছে। ...”

অকুণ্ঠিত করল ভেনের—বুঝতে পারল, সত্যিই সে কিছু জানে না।

“আচ্ছা, যাক সে কথা। ... কুলি এখন কোথায় আছে—এটা নিশ্চয় বলতে পার।”

ভয়ে ঠাণ্ডা হয়ে গেল ওলেনা। আবার তা হলে সেই সবে পুনরাবৃত্তি। তার দু' বাহতে সে অনুভব করল তার ছেলের উত্তপ্ত দেহ—সাহস পায়, জোর পায়। জার্মানদের জিজ্ঞাসাবাদের প্রজ্জ্বলিত বেড়াঙ্গালে এখন সে একা নয়। এবারে ছেলে আছে তার সঙ্গে—সেই ছেলে, যার জন্ম হয়েছে একটা চালার ভিতর, ঠাণ্ডা মাটিতে, মৃত্যুযন্ত্রণার মধ্যে; সেই ছেলে—যার জন্তে সে দীর্ঘ বিশ বছর অপেক্ষা করে ছিল।

সেই ছেলে তার সঙ্গে আছে—নির্বিষে ঘুমোচ্ছে। ওলেনার বাহবেষ্টনের অন্তরালে তার বুকের দ্রুত অম্পষ্ট স্পন্দন ধুক ধুক করছে পাখির ছানার মত। তার

কচি গোলগাল লাল টুকটুকে মুখখানি, ক্ষীণ ক্রুরেখা, ছোট্ট নাকটুকু—সব চেয়ে হৃদয়ের
সে, জীবনে এত হৃদয়ের ও দেখেনি কখনও। একটা সীমাহীন প্রশান্তি, আর পরিপূর্ণ
বিশ্বাসের মাঝখানে আত্মহার। ওলেনা। ওর ধারণা হল—ছেলে আছে, আর কেউ
তার কোন ক্ষতি করতে পারে না।

“এখন কুর্লি কোথায় থাকতে পারে?” আবার জিজ্ঞেস করলে ভেনের শাস্ত
ভীতিপ্রদ কণ্ঠে।

ওলেনা মাথা নাড়ল।

“আমি জানি না!”

“তুমি জান না ... কিন্তু তুমি যখন গ্রামে ফিরে এলে, তখন তারা কোথায়
ছিল?”

“আমি জানি না। ... বনের ভিতর।”

“কোন বনের ভিতর?”

ওলেনা ভয়ে চমকে উঠল।

“বনের ভিতর ...”

জিজ্ঞাসাবাদে ওলেনার কাছ থেকে কিছুই বেরল না। গ্রামের চারিদিকে সর্বত্রই
প্রসারিত শুভ্র সমতল ভূমি। তার প্রান্তসীমা বনরেখায় বেষ্টিত—উত্তরে দক্ষিণে—
পূর্বে পশ্চিমে। জেলার এই দিকটাতেই শুধু বনজঙ্গল নেই। এবং সেই জগেই
ভেনের সৈন্যদল নির্বিবাদে ঘাঁটি গেড়ে বসে আছে এই গ্রামে। কিন্তু ওদের
অগাধ সৈন্যদলগুলি ক্রমাগত ঘটনাবিপর্ষয়ের মধ্যে বিপর্যস্ত। যার ফলে সদর দফতর
অন্তঃসন্ধি হয়ে আছে সামান্য একটু খবরের জগে, কুর্লি আর তার গ্যেরিলা
বাহিনীকে খুঁজে বের করবার জগে।

“এখানে ত অনেক জায়গাতেই বন-জঙ্গল তুমি গ্রামে ঢুকেছ কোন দিক
দিয়ে?”

“আমার মনে নেই। আমি জানি না। তখন চারদিকেই বরফ পড়ছিল।
তারা আমাকে রাস্তা পর্যন্ত এনেছিল—এই যা আমি জানি।”

“বেশ। সেটা কোন রাস্তা?”

“আমি মনে করতে পারছি নে।”

“এত তাড়াতাড়ি ভুলে গেলে ? গ্রামে ত মাত্র দিন চারেক হল এসেছ !”

ওলেনা বিস্মিত হল। গ্রামে সে এসেছে সত্যিই আজ ছ’ দিন। ভেনের তা হলে আগের দু’দিনের কিছুই জানে না ! মাত্র ছ’দিন সে এসেছে জঙ্গলের সেই গভীর ভিতর থেকে বেরিয়ে, তবু মনে হয় সে যেন এক যুগ।

ভেনের ধীরে ধীরে সিগারেট পাকিয়ে ওলেনার পাণ্ডুর বিক্ষত মুখের দিকে চোখ তুলে তাকাল।

“ত্যাগো, তুমি এখন মা ..”

আবার সেই কথা। কিন্তু এ কথা এখন সত্য, দু’বাহুর আবেষ্টনীতে ঘুমন্ত একরকমি টুকটুকে ছেলেটি, মায়ের জামায় আপাদমস্তক মুড়ি দেওয়া।

“তোমার এখন ছেলে আছে।”

ওর পাণ্ডুর মুখখানি উজ্জ্বল হয়ে উঠল ঈষৎ একটু হাসিতে—এ হাসি অন্তরের গভীর হাসি। ছেলে—হ্যাঁ, ওর ছেলে আছে।

“ছেলে তোমার বেঁচে থাকুক, ভাল থাকুক, বড় হোক—এ তুমি নিশ্চয় চাও ?”

চায় বই—কি সে—গভীর ভাবে চায়, ছেলে বেঁচে থাকুক, সুস্থ থাকুক, বড় হয়ে উঠুক। দাঁড়াতে শিখবে—হাঁটতে শিখবে। সারা ঘরময় ছুটোছুটি করবে, ঘরের বাইরে হামাগুড়ি দিয়ে বেরিয়ে যাবে। কচিকচি আঙুলগুলি দিয়ে টেবিলের উপর থেকে চামচ তুলে নেবে। পিছু পিছু ধাওয়া করবে যত বেরাল, কুকুর আর বাছুরের। সবজির বাগান থেকে গাজর তুলে নিয়ে আসবে। তারপর সে আরও বড় হয়ে উঠবে, ইস্কুলে যাবে। বগলে তার বই-খাতা আর মুখে গান্ধীর্ষ। তারপর আর সে ভাবতে পারে না—কি হবে। ভাবতে পারে না—তার দু’বাহুর আবেষ্টনীতে ঘুমন্ত একরকমি ছেলেটা একদিন বড় হয়ে উঠবে, বিয়ে-থা করবে—তারও আবার ছেলেপিলে হবে।

“ওকে বাঁচাবার যথেষ্ট স্বেচ্ছা আছে তোমার, নিজের বাঁচবে—ছেলেটাকেও বাঁচাতে পারবে। উপায় আমি করে দিচ্ছি। নির্বোধের মত সে স্বেচ্ছা হারিও না।”

ওলেনা কোন উত্তর দিল না। ঠিক বুঝতেও পারছিল না—জার্মানটা ওকে কোন্ দিকে ঠেলে নিয়ে যাচ্ছে। কেমন একটা অস্বস্তি বোধ করে। সারা দেহ কঁপে গুঠে। কি চায় জার্মানটা? এত আশ্বে আশ্বে গুচ্ছিয়ে গুচ্ছিয়ে সন্তুষ্ট করবার মত করে কথা বলে কেন? যেন সোকটা ওলেনার স্বখহুঃখ—সবই বুঝে ফেলে মানুষের মত দরদ দিয়ে তাই কথা বলে। কিন্তু কেন?

“যেমন করেই হোক, আমরা তাদের খুঁজে বার করবই। হু—এক দিন আগেই হোক আর পরেই হোক—তাতে কিছু যায় আসে না। মনে রেখো, আমাদের হাতে সবই আছে। লাল ফোজ একেবারে নিঃশেষ হয়ে গেছে, চুকে গেছে সব কিছু। বোকার মত একরোখামি করে আর লাভ কি? তোমাদের দলের লোকেরা আছে জঙ্গলে, কি হচ্ছে না-হচ্ছে কিছুই জানে না তারা। চার দিক থেকে তাদের ঘিরে ফেলা হয়েছে, কোন দিক দিয়েই আর পালাবার উপায় নেই, বাঁচবারও পথ নেই। আজ না হোক, কাল তারা হাতে এসে পড়বেই। তখন তারা কঠোর শাস্তি পাবে। যাই হোক, তাদের সঙ্গে পড়ে যে অপরাধ তুমি করেছে—তা ক্ষমা করব আমি। তারা তোমাকে গ্ররোচিত করেছে, ঠকিয়েছে। তখন তোমার ছেলে ছিল না। ... তুমিই যে পুলটা একদিন উড়িয়ে দিয়েছ—এ সমস্তই চাপা দিয়ে দেব আমরা। এই গ্রামেই তুমি তুমি শাস্তিতে থাকতে পারবে। ছেলেটাকে মানুষ করে তুলতে পারবে। ...”

ওলেনা এক দৃষ্টিতে তার দিকে চেয়ে উৎকর্ষ হয়ে শুনতে লাগল।

“মনে করো না—আমি একটা পশু বা শয়তান। এ আমার কর্তব্য, এ ছাড়া আর কি-ই বা আমি করতে পারি! ... সৈনিক হিসাবে আমার যা কর্তব্য ... আমি তা করে যাই। তা ছাড়া, আমার দেশের প্রতিও আমার একটা কর্তব্য আছে। ... তোমার জগ্রে আমার হুঃখ হয়। হুঃখ হয় তোমার শিশুটির জগ্রে। তোমার জগ্রে বলছি নে, অন্তত তোমার ছেলেটার দিকে চেয়েও তোমার বিবেচনা করা উচিত। তুমি তাকে জীবন দিয়েছে, স্মৃতিরাং সে জীবন থেকে তাকে বঞ্চিত করার অধিকার তোমারও নেই।”

“জীবন থেকে বঞ্চিত করা ?” ওলেনা যন্ত্রচালিতের মত আপন মনে আঙড়াল, যেন সে অণু কিছুর কথা তখন ভাবছিল।

ভের্নের অধীরভাবে সিগারেটটা টেবিলের উপর ঠুকতে লাগল।

“কি বলতে চাইছি, বেশ ভাল করেই তুমি জান। আমার কথার জবাব না দিয়ে তোমার ছেলের মৃত্যুদণ্ডই কামেম করছ। ব্যাপারটা তলিয়ে বুঝতে চেষ্টা কর, আমি অপেক্ষা করছি, ভেবে চিন্তে দেখো। কিছু বলবে, না, বলবে না— আমার মনে হয়, এ বিষয়ে তুমি অবুঝ হবে না। তা ছাড়া, কেউ তাদের রক্ষা করতে পারবে না। অথচ তুমি নিজেকে আর তোমার ছেলেকে বাঁচাতে পারবে।”

ভের্নের দেওয়াজ থেকে সিগারেটের তামাক ও কাগজ নিয়ে ধীরে ধীরে আর একটা সিগারেট পাকাতে লাগল। ‘ওলেনা তার আঙুলগুলোর দিকে চেয়ে রইল—মোট আঙুলে লাল লোম। সিগারেট পাকাতে গিয়ে তামাকের কনিকাগুলি পড়ছিল, উদ্দেশ্যহীনভাবে ওর দৃষ্টি সে দিকে আবদ্ধ হল। দিয়াশলাই জ্বলল, খানিকটা নীল ধোঁয়া বৃত্তাকারে শূন্যে উড়তে লাগল।

“তারপর ?”

ওলেনা তার কাঁধ ঝাঁকল।

“কথার জবাব দেবে না ?”

“আমি কিছুই জানি নে।”

টেবিলের উপর হুঁহাতের ভর দিয়ে ক্যাপ্টেন উঠে দাঁড়িয়ে ওলেনার দিকে ঝুঁকল। তার চোখে মুখে রাগের ভাব ফুটে উঠেছে।

“তা হলে তুমি কথার জবাব দেবে না, তাই কি ? আমি তোমার সঙ্গে মাহুঘের মত আচরণ করছি, আর তুমি ... বেশ, তাই হোক। একটু অপেক্ষা কর, দেখাচ্ছি ! ... হাম্স !”

দবজায় একটি সৈনিক এসে দাঁড়াল।

“তোমরা হুজনেই এসো।”

হুজুন সশস্ত্র সৈনিক এসে হাজির হল। ওলেনা তাদের চিনল, হুজুনেই চালাঘরের সামনে সস্ত্রীর কাজে নিযুক্ত ছিল, আর তার প্রসবের সময় নিলজ্জের মত তাকিয় তাকিয়ে দেখছিল।

“তুমি একে ধরো। বাচ্চাটাকে আমি নিই।”

কি হচ্ছে বুঝবার আগেই একটা সৈনিক ছোঁ মেরে মায়ের কোল থেকে বাচ্চাটাকে ছিনিয়ে নিল। সঙ্গে সঙ্গে ধনুকের ছিলাব মত ওলেনা তার দিকে উঠে দাঁডল; কিন্তু দু দিক থেকেই লৌহহস্ত তাকে ধরে ফেলল। ওলেনা তার ক্ষিপ্ত দৃষ্টি ছেলের দিকে নিবন্ধ রাখল। সৈনিকটা ছেলেটিকে এমনিভাবে হাতে তুলে ধরেছিল যে, ওর ভয় হল, হয় ত হাত থেকে বাচ্চাটা মাটিতে পড়ে যাবে।

“বাচ্চাটাকে টেবিলে শুইয়ে দাও!”

বাচ্চাটা টেবিলে শুয়ে, পা থেকে মাথা পর্যন্ত একটা পুরু স্ত্রী কাপড়ের শাট দিয়ে ঢাকা—যেন একটি ছোট্ট বুচকি, টুকটুকে লাল মুখখানি ফাঁক দিয়ে দেখা যায়। ভের্নের নিদ্রিত শিশুর দিকে বিরক্তির সঙ্গে তাকাল। হঠাৎ অতিক্রম চোখের পাতা দুটি খুলে গেল, দুটি নীল সজল আঁখি দেখা গেল। গলাটি কঁপে উঠল। ওলেনার বুকের ভিতরটা মোচড় দিয়ে উঠল। সন্তোজাত শিশুটি অসহ্য করণ ভাবে কাঁদতে শুরু করে দিল। এক একবার ছোট মুখখানি মেলছে, কপাল আরও রক্তিম হয়ে উঠছে, চোখের পাতলা পল্লব শাদা রেখার মত দেখাচ্ছে। ওলেনা ছেলেকে কোল নিতে চেষ্টা করল, কিন্তু সৈনিকের বজ্রমুষ্টির কবল থেকে সে নড়তে পারল না।

“আমাকে যদি তোমার ছেলে-রাখা-ঝি মনে করে থাক ত জবর তুল করেছ,” ভের্নের তার কাংস্তবিনিন্দিত কণ্ঠে বলল। “এখন শোন, আমার প্রাণের জবাব দেবে?”

ওলেনা তার দিকে চেয়েও দেখল না। তার দৃষ্টি তখন ছেলের দিকে নিবন্ধ। ছেলেটা তখন কুকুরছানার মত কাঁদছে। একবার যদি ওলেনা ছেলেটাকে বুকে তুলে নিতে পারত, নাচিয়ে, হুলিয়ে সঙ্গে সঙ্গে তাকে ঠাণ্ডা করত, সে ঘুমিয়ে পড়ত। ...

“শুনতে পাচ্ছ কি বলছি আমি? আমার প্রশ্নের জবাব দেবে? এই শেষ বার জিজ্ঞাসা করছি!”

ওলেনা জোর করে ছেলের দিক দৃষ্টি সরিয়ে এনে স্পষ্ট করে বলল : “না, আমার কিছু বলবার নেই। ...”

ক্যাপ্টেন ছেলেটার পা থেকে শার্টটা টান মেরে খুলে নিল। উলঙ্গ শিশুর পেটটা ফুলে উঠছে, হাত মুঠো করা, পা দুটি উপরে ছুঁড়ছে, টেবিলের উপর পড়ে কাদছে। কুকুরছানার মত ছেলেটাকে ঘাড়ে ধরে দু'আঙুলে শূণ্ণ তুলল। পা দুটি শূণ্ণে ঝুলছে। ওলেনা দেখতে পেল, ছেলের পায়ের ছোট্ট আঙুলগুলি, তাতে গোলাপী নখ—যেন ফুলের পাপড়ি।

“তা হলে?”

ভের্নের ধীরে ধীরে তার রিভলভারটি তুলে ধরল।

ওলেনা পাথর হয়ে গেল। তার হাত-পা যেন বরফের তালে পরিণত হল। ঘরটা আস্তে আস্তে বড় হতে লাগল, সঙ্গে সঙ্গে জার্মানটাও তার চোখের সামনেই একটা বিরাটাকায় রাক্ষসে পরিণত হল। টেবিলের ওপাশে যে লোকটা এখন দাঁড়িয়ে আছে, দু'মিনিট আগেও যার সঙ্গে কথা বলেছে, এ লোকটা যেন সে লোক নয়, ও যেন একটা বিরাটাকার দানব—যার মাথা গিয়ে আকাশে ঠেকেছে। আর ওর ছেলে সেই অসীম শূণ্ণতার মাঝে একাকী ঝুলছে, আকাশ ও পৃথিবীর মাঝে সেই ছোট উলঙ্গ শিশুটি। চামডায় টান লেগে তার দম বন্ধ হয়ে গেছে। কান্না থেমে গেছে, আর একটি শব্দও বেরুচ্ছে না তার গলা দিয়ে, শুধু পা দুটি শূণ্ণে বিক্ষিপ্ত হচ্ছে। আর কচি হাত দুখানি বাতাসে থাকা মেরে একবার মুঠো করছে, আবার খুলে ফেলছে।

“দেখব এবার তুমি কি—মড়া-থেকো বলশেভিক, না মা-ই!”

ওলেনা নিজেকে সন্ত্রস্ত করল। ক্যাপ্টেনকে আর বিরাট বলে মনে হল না ঘরটার সমস্ত স্বাভাবিকতাও যেন ফিরে এল।

“বল, উত্তর দাও।”

“আমি মা।” ওলেনা বলল। এই নামেই জঙ্গলে তারা ওকে সন্ধান করত। তাদের রোঁধে খাওয়ানো, তাদের জামা-কাপড় কেচে দেওয়ার জগ্রে এই স্বন্দর নামে তারা ডাকত ওকে। সে নামই সে বলল।

“তারা কোথায় আছে, তুমি বলবে তা হলে?”

ওলেনা তখন আর ছেলের দিকে তাকাচ্ছিল না। সে শুধু তাকিয়ে ছিল সোজা বর্ণহীন চোখের সীমান্তে ফিকে নীল চোখের দিকে।

“আমি কিছুই বলব না—কিছু না। কিছুই বলব না। ...”

রিভলভারের নলটা ওর ছেলের মুখের কাছাকাছি এগিয়ে এল। সে দিকে না তাকিয়েও ওলেনা যেন সব কিছু দেখতে পাচ্ছিল।

“এ তোমার একমাত্র ছেলে, তাই না?” ভের্নের জিজ্ঞাসা করল।

ওলেনা মাথা নেড়ে অস্বীকার করল।

“না! ...”

রিভলবার-ধরা হাতখানি শূন্যে কঠিন হয়ে গেল।

“কি, কি বললে? তোমার আরও ছেলেমেয়ে আছে? ছেলে—মেয়ে—গ্রামের মধ্যে—আছে?”

হঠাৎ একটি হাসিতে উদ্ভাসিত হয়ে উঠল ওর স্কীত বিক্ষত পাংশু ঠোঁট দুটি।

“হাঁ, শুধু ছেলে ... অনেকগুলি ছেলে—অনেক, অনেক—ওই বনের মধ্যে ... কুলি—তাদের সকলে ... সেই বনের ভিতর ...”

গুলির শব্দ হল। সেই কচি মুখখানির উপর এসে গুলি লাগল। বারুদ আর ধোঁয়ার গন্ধে ঘরটা ভরে গেল। স্তম্ভিত ওলেনাকে সৈনিক দুটো ধরে রইল।

ক্যাপ্টেন সেই কচি মৃত দেহটা নাড়তে লাগল।

“এই যে মা! ...”

ছোট্ট দুখানি পা, দৃঢ় মুষ্টিবদ্ধ কচি হাত দুখানি ঝুলছে। মুখখানা উড়ে গেছে, শুধু রক্তাক্ত একটা ক্ষতের চিহ্ন বর্তমান।

“তোমার জগ্রেই শেষকালে তোমার ছেলের এই হল,” ভের্নের বলল।

এখন কি করছে তারা সেখানে? তারা কি আগুনের চার পাশে ঘিরে বসেছে? অথবা, সেই বনের পথ দিয়ে জার্মান বাহিনীর দিকে গুড়ি মেরে এগিয়ে আসছে? জার্মানদের হেড কোয়ার্টারটা যেখানে সেই বাড়ীর চার পাশ তারা কি ঘিরে ফেলেছে? না, তারা আবার ফিরে যাচ্ছে বনের মধ্যে, বহন করে নিয়ে চলেছে তাদের আহত সঙ্গীদের। তার দিকে সৈনিক দুটো চেয়ে রইল—সংস্কারসঙ্গত ভয়ে বিষ্ময়ে। ক্যাপ্টেন লক্ষ্য করছিল মৃত শিশুর গা বেয়ে রক্তের ফোঁটা মেঝেতে ঝরে পড়ছে। বিতৃষ্ণায় সে আঁতকে উঠল।

“এটাকে নিয়ে যা এখন থেকে!”

সৈনিক দুটো ইতস্তত করতে লাগল।

“তোদের আবার কি হল?”

ক্যাপ্টেন গর্জন করে উঠল কর্কশ কণ্ঠে। সঙ্গে সঙ্গে সৈনিক দুটো মৃত দেহটো নিয়ে তাড়াতাড়ি সরে পড়ল।

“শেষবারের মত জিজ্ঞাসা করছি, উত্তর দেবে, কি, দেবে না?”

ওলেনা জবাব দিল না, সে গুনতেও পায় নি। তার দৃষ্টি তখন জানলা দিয়ে গিয়ে পড়েছে মাঠের উপর—সেখানে তখন বেশ রুষ্টি হচ্ছে।

“জবাব না দিলে তোমাকেও শেষ করে দেব, বুঝলে!”

ওলেনা ওর কথা গুনতে পেল না, জবাবও দিল না। সব কিছুই ত শেষ হয়ে গেছে। ওর ছেলে আর বেঁচে নেই, যে ছেলের জন্মে ও বিশ বছর ধরে তপস্বী করে এসেছিল, সে আর নেই। ওর অন্তরের চাঞ্চল্য শাস্ত হয়ে এসেছে, সেখানে আর কিছুই নেই, কেবল একটা মৃত শূণ্যতা, ভয় নেই, আতঙ্ক নেই, স্পন্দনও নেই হয় ত।

ওলেনা রিক্ত দৃষ্টিতে ক্যাপ্টেনের দিকে তাকাল। তার সে দৃষ্টি একেবারে উদাসীন। সে যেন একটা নির্জীব বস্তুর দিকে—একটা গাছের গুঁড়ি অথবা পাথরের দিকে তাকিয়ে আছে।

“একেও নিয়ে গিয়ে শেষ করে ফেল!” ক্যাপ্টেন হুকুম দিল। “এ বাড়ীর সামনাসামনি নয়, কাছাকাছি সর্বত্রই ত ওর মত মড়া-থেকে ছড়িয়ে আছে। নদীই সব চেয়ে উপযুক্ত জায়গা!”

সৈনিকেবা বন্দকের কুঁদো দিয়ে ওকে যে দিকে ধাক্কা দিল, ও একান্ত বশংবাদের মত সেই দিকেই এগিয়ে চলল। হাঁ, এই গ্রামেই ও জন্মগ্রহণ করেছে, এখানেই ও বেড়ে উঠেছে, এখানেই ওর বিয়ে হয়েছে এবং সন্তান-কামনায় দীর্ঘকাল প্রতীক্ষার পর সন্তান হল, কিন্তু কয়েক ঘণ্টা মাত্র মায়ের কোল আলো করে চলে গেল। ও নিজেই তার মৃত্যু ঘটবেছে, ও নিজের চোখেই দেখেছে বিভলভারের নলটা কেমন আস্তে আস্তে বাচ্চাটার কাছে এগিয়ে গেছে, রিভলবারটাব গতিপথ ওর মুখের কথায় পরিবর্তন করবার কোন চেষ্টাই ও করে নি। না, ও একটি কথাও বলে নি।

“না, বাছা আমি পারি নি,” চুপি চুপি ও বললে, যেন মৃতপুত্র ওর কথা শুনতে পাবে।

চারিদিকে একবার তাকাল। দেখল একটা সৈনিক ছোট্ট মৃত দেহটা অনিচ্ছাস্বত্বেও বয়ে নিয়ে যাচ্ছে আনাড়িব মত, তার মাথাটা ঝুলে পড়েছে। ওলেনা তার দু-বাহু প্রসারিত করল। সৈনিকটা মুহূর্তের জন্তে ইতস্তত করল, তারপর, মৃত শিশুর দেহ বহন করাটা অপ্রীতিকর মনে করে নিজের দায়িত্বে মায়ের হাতেই তার সন্তানের দেহটা তুলে দিল। ওলেনা মৃতদেহটা বুকে চেপে ধবল। তখনও দেহটায় তাপ আছে, হাত-পা তখনও শক্ত হয়ে যায় নি। যেখানে মুখখানি ছিল সেখানে একটা ক্ষত না থাকলে যে কেউ মনে করত যে ছেলেটা ঘুমোচ্ছে।

সামনে ও পিছনে সৈনিক দুজন, মাঝে ওলেনা হেঁটে চলেছে, কোথায় যাচ্ছে এ প্রশ্নটা একবারও তার মনে জাগে নি। হুকুমটা জার্মান ভাষায় দেওয়া হয়েছে, ও তার অর্থ বুঝতে পারে নি, তবে এটা বুঝেছে যে হয় ত এইখানেই তার জীবনের শেষ হবে। কিন্তু তবুও তার মনে কোন চাঞ্চল্য আসে নি। ছেলের মৃত্যুর সঙ্গেই তার সব কিছুরও শেষ হয়েছে।

বাতাসের সঙ্গে অতি সূক্ষ্ম বরফকণা শূন্যে উড়ছে। ঘরগুলোর তুষারচ্ছিন্ন জানলার দিকে ওলেনা একবার তাকাল। জনপ্রাণীকেও দেখা গেল না। ও একাকীই হেঁটে চলেছে ওর শেষ পথে, মৃত্যুর পথে। কোন দরজা থেকেই কেউ তাকে লক্ষ্য করছে না, কোথাও কাউকে দেখতে পাওয়া যাচ্ছে না। ঘরগুলো যেন মরে আছে। এখানে সেখানে জার্মানরা এটা ওটা করে বেড়াচ্ছে, তারা কেউ কয়েদীর দিকে ফিরেও তাকাচ্ছে না।

ওলেনাকে পিছন থেকে বন্দুকের কুঁদার গুঁতো মেরে রাস্তা থেকে পায়ে-হাঁটা-পথে ঠেলে নিয়ে গেল। ও একটু বিস্মিত হল বটে, কিন্তু ওরা যেদিকে নিয়ে যেতে চায় সেই দিকেই ও চলল। যে সকল লোক জার্মান প্রভুত্বকে অস্বীকার করতে চেয়েছে জার্মানরা তাদের গির্জার সামনেকার ময়দানে ফাঁসিতে লটকিয়ে দিয়েছে। ওর মনে হয়েছিল যে, ওকেও তারা সেখানেই নিয়ে যাচ্ছে। যে পথে তারা চলেছে সে পথে ঘরবাড়ী কিছু নেই, ওটা নালার দিকের পথ। এখানে হাওয়া-বাতাস বলতে গেলে একদম নেই, জায়গাটা ঢাকা।

ওলেনা জমে-যাওয়া পথ দিয়ে হেঁটে চলেছে, যেন মনে হচ্ছে ভাঙা কাচের উপর দিয়ে যাচ্ছে। এ চার দিনে তার পায়ের অবস্থা হয়ে দাঁড়িয়েছে অতি চরম, কেটে ফেটে ছুড়ে একাকার। এখানে সেখানে রক্ত শুকিয়ে জমাট বেঁধে গেছে। এই পথেই গ্রামের মেয়েরা জল নিয়ে যায়। পথের উপর বরফের আস্তরণ পড়েছে। তার ক্ষতবিক্ষত পা দুটো বরফে পিছলে যায়, বরফের ধারালো টুকরাগুলো বিক্ষত পায়ে কেটে ঢুকে পড়ে। ওলেনা হঠাৎ পড়ে যায়। তারপর প্রত্যেক পদক্ষেপেই সে আছাড় খেয়ে পড়ে। তল পেটের কাছে একটা অসহ্য যন্ত্রণা অনুভব করে। হাঁটুর উপরে গরম রক্তের ধারা ঝরে পড়ে।

নীচে নদীটা বয়ে যাচ্ছে। বরফের পুরু আস্তরণে নদীটা আর দেখা যায় না। শুধু কয়েকটা গর্ত দেখা যায় যেখান থেকে গ্রামের লোকেরা জল নেয়। এই গর্তগুলোই নদীর অস্তিত্ব প্রমাণ করে। ওলেনা দেখতে পেল, দূরে একটা অন্ধকার গর্ত, এখানে প্রত্যেক দিনের নতুন করে ভাঙার চিহ্ন বর্তমান। ও বুঝতে পারছিল না, কোথায় ওকে নিয়ে যাওয়া হচ্ছে। নালার ধারে অসংখ্য মৃতদেহ পড়ে আছে,

জার্মানরা এগুলিকে সংকার করবার অহুমতি গ্রামবাসীদের দেয় নি। সেখানে নিয়ে গিয়ে নিশ্চয়ই ওকে গুলি করে মেবে ফেলা হবে না। ওলেনা ত একটা সামান্য গোঁয়ে মেয়েমানুষ, তাকে কি গুলি করা হবে লাল কৌজদের পাশে—যারা যুদ্ধ করে মরেছে ?

“এই, কোথায় যাচ্ছ ?”

ওলেনা তাদের ভাষা বুঝতে পারল না। কিন্তু বন্দুকের কুঁদোর আর একটা গুঁতোয় সমস্ত প্রাঞ্জল হয়ে গেল, এবং নির্দেশমত সে আবাব হাঁটতে শুরু করল। সৈন্য দুটোর একটা আগে আগে, আর একটা পিছনে পিছনে—তাকে নিয়ে চলল বরফের সেই কালো গহ্বরটার দিকে।

“বাচ্চাটাকে আমায় দাও,” একটা সৈনিক চীৎকার করে বলল এবং ছেলেটার জন্তে হাত বাড়াল। ভীতাত ওলেনা সেই মৃতদেহটাকে বুকের উপর চেপে ধবল—যেন ওবা এখনও কোন অমঙ্গল নিয়ে আসতে পারে ওর দেহের উপরে। যেন এখনও কোন মহাবিপদ ডেকে আনতে পারে।

“দে, ওটা আমায় দে。” সঙ্গের সৈনিকটা দাঁত থিঁচিয়ে বলল এবং ওলেনার হাত থেকে কেড়ে নিল। কচি দেহটা বরফের উপর গেল পড়ে। ওলেনা হাঁটু গেড়ে বসল তার পাশে, তার ছেলের কচি হুঁটি হাত, পা হুঁটি তখন নীল হয়ে গেছে, দেহের সমস্ত গোলাপী লাবণ্য নিশ্চিহ্ন! ঘণ্টা খানেক আগের কচি রক্তিম মুখখানি কালো হয়ে যেন জমাট বেঁধে গেছে।

কচি দেহটা ওলেনার তুলে নেওয়ার পূর্বেই একটা সৈনিক তার উপর সজীনের খোঁচা মেরে শূন্যে ছুঁড়ে দিল! বরফের সেই গহ্বরটার কাছেই গিয়ে পড়ল দেহটা, আর একটা সৈনিক ছুটে গেল সেই দিকে। সজীনের আগাঘ তুলে ধরল উপরে এবং আবার ছুঁড়ে দিল। এবার লক্ষ্য স্থির হল—জল ছিটকে উঠল, কতকগুলো বুদুদ উঠল সেই গভীর কালো জলের উপর। দেহটা বরফের স্রোতে ভেসে গেল।

ওলেনা হাঁটু গেড়ে বসে রইল নিঃশব্দে। এখন সে তার স্বপ্নের কথা বুঝতে পারছে। চিনতে পারছে সেই জায়গাটা, বরফের উপরকার সেই অন্ধকার গহ্বর,

বরফের ধারগুলো সবুজ, আর অন্ধকার গহবরের ভিতর তরঙ্গিত জীবন্ত জলপ্রবাহ। নদীটার তীরে, বরফাবৃত নদীর উপর তুষারের পুরু আস্তরণ পড়েছে। গর্তটার কাছে যেখানে দেহটা গিয়ে পড়েছিল সেখানে রক্তের একটা চিহ্ন স্পষ্ট হয়ে আছে।

প্রাণহীন দৃষ্টিতে ওলেনা তাকিয়ে রইল সেই অন্ধকার জলশ্রোতের দিকে। ওই শ্রোত ভাসিয়ে নিয়ে গেছে সেই কচি দেহটা। তার ছেলে আর নেই। শুধু ওই একটু চিহ্ন, বরফের উপরে শুধু একটু রক্তিম আভাস, শুভ্র তুষারাচ্ছাদনের উপর একটু ইঙ্গিত ঝাঁক। আছে—সে বেঁচে ছিল। বরফের তলা দিয়ে শ্রোত তাকে ভাসিয়ে নিয়ে যাচ্ছে, কোন্ দূরে অজানা গন্তব্যস্থানে নিয়ে যাচ্ছে কে জানে! কখনও প্রবল বেগে নীচের দিকে ঠেলে নিয়ে যাচ্ছে, কখনও বা পাথরের উপর আছাড় দিয়ে ফেলছে, কখনও উপরে ভাসিয়ে তুলছে, বরফের আঘাতে দেহটাকে খেঁতো করে ফেলছে! না, না, ওলেনা জানে, সে খুব ভাল করেই জানে, তার চোখের সামনে স্পষ্ট হয়ে ভেসে উঠছে যে, তাদের নিতান্ত আপনার ওই প্রিয় নদী ছোট ছোট ঢেউয়ের দোলায় ছোট দেহটিকে সঘনো ভাসিয়ে নিয়ে চলেছে—ঠিক মায়ের মত স্নেহে বৃকের ভিতর ঢেকে নিয়ে চলেছে; স্নেহে ধুয়ে দিচ্ছে তার রক্তের দাগ, বন্দুকের গুলির জ্বালা আর জার্মান-স্পর্শের কালিমা। তাদেরই মাতৃভূমির নির্মল জল! হু হাত বাড়িয়ে ওই জল বৃকে তুলে নিয়েছে সেই ছোট দেহটি—যা পুরো একটি দিনও বাঁচবার সুযোগ পায় নি। ওদের আপনার, ওদের দেশের নদী!

সৈনিক দুটো পরস্পরের মধ্যে কি আলোচনা করছে, যেন কি একটা ফন্দি আঁটছে, আর সেই জলের গর্তটাকে ভাল করে নজর করছে, মাপ-জোখ করছে। ওলেনা একটুও নড়ল না। তার দৃষ্টি নিবন্ধ ছোট ছোট ঢেউগুলির দিকে—যেগুলি বার বার বরফের তলা থেকে উঠলে ওঠে আবার মিলিয়ে যায়। ... তার ছেলের মৃত দেহটি এখন কোথায় ভেসে গেছে, কেউ তাকে আর খুঁজে বার করতে পারবে না। বরফ জমেছে পুরু হয়ে, তার উপরে

তুষারের আচ্ছাদন। যত দূর দৃষ্টি যায়—শুধু তুষার আর তুষার। গভীর সেই তুষারের তলা দিয়ে বরফের তলা দিয়ে জার্মান দৃষ্টির অন্তরালে বয়ে চলেছে অদৃশ্য জলপ্রবাহ। “কোথায় বয়ে চলেছে?” ক্ষুদ্র মনে ওলেন। ভাবে, আর মনে পড়ে জলপ্রবাহ বয়ে চলেছে পূর্ব দিকে। তার প্রাণে আনন্দের বান ডেকে যায়। ছেলে তার ভেসে চলেছে তার নিজেদেরই জনগণের দিকে, ভেসে চলেছে জার্মান-শৃঙ্খলমুক্ত একটা দেশের দিকে। যেখানে গিয়ে সে পৌঁছবে নিশ্চয় সেখানেও এই রকম জলের গর্ত আছে— সেখানে লোকেরা দেখতে পাবে। কি হয়েছে না হয়েছে সবই বুঝতে পারবে। গুলিতে ছিন্নভিন্ন মুখখানির দিকে চাইবে তারা, আর বুঝতে পারবে সব। হয় ত তারা ওই ছোট্ট দেহটিকে যথাযোগ্য ভাবে কবর দেবে তাদের দেশের মাটিতে। কিন্তু যদি সে জলের উপরে ভেসে না ওঠে! তা হলে বসন্ত কাল যখন আসবে, যখন বরফ গলতে থাকবে, নদীর উচ্ছ্বসিত জলরাশি তীরপ্রান্তর প্লাবিত করে দেবে তখন হয় ত দেখতে পাবে তারা সেই ছোট্ট দেহটি। ...

সৈনিক দুটো পরস্পরের মধ্যে কি যেন বোঝাপড়া করে। কয়েক পা এগিয়ে যায়, আবার কি মাপ-জোখ করে, তারপর তাদের একজন জলের গর্তটার দিকে এগিয়ে যায় এবং বন্দুকের কুঁদো দিয়ে ঘা মেরে বরফের একটা বিরাট চাপ ভেঙে ফেলে। তুষারের মধ্যে একটা দীর্ঘ কালো ফাটলের দাগ পড়ে। বরফগুলো জলের উপর পড়ে আন্দোলিত হয়। এবং গর্তের সবুজ পাশগুলো একটু দূরে বাক্ বাক্ করতে থাকে।

রাস্তায় কার পদশব্দ শোনা যায়। সৈনিকেরা সে দিকে তাকিয়ে দেখল—ক্যাপ্টেন ভের্নের আসছে। ওলেনা মুখ ফিরিয়ে একবার দেখলে না পর্যন্ত। তখনও সে হাঁটু গেড়ে বসে আছে, যেন ওকে ভূতে পেয়েছে। চোখ দুটি জলের দিকে, ছোট ছোট চক্চকে ডেউগুলির দিকে নিবদ্ধ।

ক্যাপ্টেন বৃট দিয়ে ওকে গুঁতো মারতেই ও তার দিকে মুখ ফিরিয়ে তাকাল বটে, কিন্তু সে দৃষ্টিতে কোন মনোভাবেরই ছাপ পড়ে নি।

“এই যে, এখানে! তোমার বাড়াবাড়ি এখনিই চিরদিনের মত শেষ করে দিচ্ছি। এখনও বল, গ্যেরিলারা কোথায়?”

কদ্ধ ক্রোধে ভের্নের কাঁপতে লাগল। সৈনিকদের হাতে ওলেনাকে জিম্মা করে দেওয়ার পরক্ষণেই সদর দফতর থেকে ভের্নেরকে টেলিফোনে ডাকে। হুকুম হয়েছে যেমন করে হোক, যে মূল্যেই হোক, গ্যেরিলাদের পাক্তা সম্বন্ধে সামান্য খবরও সংগ্রহ করতে হবে। সদর দফতর জানতে পেরেছে যে, ভের্নের তার বাহিনী নিয়ে যে গ্রামে ঘাঁটি করেছে, গ্যেরিলারা বেশির ভাগই সেই গ্রামের বাসিন্দা। ভের্নেরকে খবর সংগ্রহ করতেই হবে—কেমন করে করবে তা সে-ই বুঝবে। এই পাপিষ্ঠা সদর দফতরের কাম্য সকল খবরই জানাতে পারে, তারাও খুশি হয়, কিন্তু ও ত কিছুই বলবে না, এমন নির্বাক হয়ে আছে—যেন ওকে ভূতে ভর করেছে। এই দারুণ বাতাস ও তুষারের মধ্যেও ভের্নেরকে তাই দিশেহারা হয়ে নদীর ধারে ছুটে আসতে হয়েছে। সে ত তার শেষ হুকুম দিয়েছিলই, কিন্তু সদর দফতরের হুকুম পেয়ে তাকে আবার সেই জিজ্ঞাসাবাদ শুরু করতে হবে, আবার সেই ক্ষতবিক্ষত বিবর্ণ কুৎসিত ফোলা মুখটা দেখতে হবে। নিরুপায় হয়ে ভের্নের এই একগুঁয়ে অসভ্য স্ত্রীলোকটার কাছে প্রশ্নের একটা জবাবের জন্যে আবেদন করতে, প্রার্থনা জানাতেও প্রস্তুত ছিল। কিন্তু সে জানে যে, কোন ফলই হবে না তাতে। সদর দফতরের লোকদের পক্ষে বলা সহজ যে, ‘আমরা নিশ্চিতভাবে দাবি করছি!’ অগুণা না করে খবর জানাবার দাবি করাও সহজ! তারা বলে দিয়েছে, ‘সকল রকম উপায় প্রয়োগ কর।’ ওর মনে হল যে, যত রকম উপায় থাকা সম্ভব সবই সে প্রয়োগ করে দেখেছে। অদৃষ্টক্রমে সব চেয়ে উত্তম উপায়ই তার হস্তগত হয়েছিল—সন্তোজাত শিশু! কিন্তু তাতেও কোন ফল হল না।...

“বাচ্চাটা কোথায়?” ভের্নের সৈনিকদের দিকে মুখ ফিরিয়ে জিজ্ঞাসা করল।

“গর্তের মধ্যে ফেলে দিয়েছি,” ছোট সৈনিকটা ভয়ে ভয়ে জবাব দিল।
কি আবার হল, ক্যাপ্টেন কেন এখানে আবার ছুটে এল, ছেলোটার কথাই-বা

আবার কেন শুধোচ্ছে, মাত্র মিনিট পনের আগেই না সে মৃতদেহটা নিয়ে আসতে হুকুম দিয়েছিল? সৈনিকটা ভয় পেয়ে গেল। এমনও ত হতে পারে, তারা হুকুমটা ঠিক বুঝতে পারে নি, হয় ত ভের্নের যা চেয়েছিল তা করা হয় নি।

ভের্নের হাত নেড়ে ইশারা করল।

“এই, শুনছ! গ্যেরিলারা কোথায়?”

ওলেনা উত্তর দিল না। যেমন এই একটু আগেও জলের দিকে তাকিয়ে ছিল একান্তভাবে, এখনও ঠিক তেমনি ভাবেই ক্যাপ্টেনের মুখের পানে এক-দৃষ্টিতে চেয়ে রইল। ও সবই দেখেছে; সব কিছুই—এতটুকু বাদ না দিয়ে। ভ্রম চুলগুলি ফিকে রঙের, সেগুলিকে এমনি ভাবে পাকিয়ে পাকিয়ে কপালের দিকে তুলে দেওয়া হয়েছে যে, দেখলেই হাসি পায়। সিগারেটের এককণা কাগজ একপাশের কশে জড়িয়ে আছে। গাল দুটি রক্তিম শিরায় ভরা। শাদা পশ্চাৎলো ক্রমাগত মিট মিট করছে। একটা কান তুবারে ফেটে ফুলে উঠেছে, কাজেই অপরটার চেয়ে এটা বেশ খানিকটা বড় দেখায়।

“কি দেখছ তুমি? তোমাকেই জিজ্ঞাসা করছি, গ্যেরিলারা এখন কোথায় আছে?”

ভের্নের বুঝতে পারল যে কথাটা ওর মনে ঢোকে নি, ও শুনতে পায় নি, সুতরাং বার বার প্রশ্ন করে কোন লাভ নেই। একটা উৎকট ক্রোধে ক্যাপ্টেনকে পেয়ে বসল। ছেলেটাকে আর হাতে পাবে না, অত তাড়াতাড়ি তাকে শেষ করে ফেলেছে বলে এখন দুঃখ হচ্ছে। ছেলেটার গায়ের চামড়া তুলে নেওয়া ওব উচিত ছিল, তারপর কান কেটে নেওয়া এবং চোখ দুটোকে উপড়ে ফেলা। হয় ত তখন ওলেনা বিচলিত হত এবং হয় ত সম্মত হত। কিন্তু কাজটা সে অত্যন্ত তাড়াতাড়ি করে ফেলেছে; আবার কাল সেই সদর দফতর থেকে তাগিদ আসবে। কি বোকা সে! কেন যে তাদের জানিয়েছিল—একটা গ্যেরিলা মেয়েমানুষকে সে গ্রেফতার করেছে। সদর দফতরের লোকেরা জানে না যে, এই স্ত্রীলোকটার কাছ থেকে কোন রকম, কথা বার করা কত শক্ত! আর শুভার্থী বন্ধুরা এই রিপোর্ট দেবে যে, ক্যাপ্টেন ভের্নের বন্দীদের

কাছ থেকে কি করে কথা আদায় করতে হয় তার কিছুই জানে না; অত্যন্ত কোমল, অত্যন্ত দয়াশীল তার ব্যবহার এই সব স্থানীয় বোম্বটে লোকগুলোর উপরে।...

সে তার নিজের ঠোঁট কামড়াতে লাগল এবং মনে মনে বিস্কন্ধ হয়ে হঠাৎ একটা সৈনিকের হাত থেকে এমনভাবে বন্দুকটা কেড়ে নিল যে, ভয়ে সে লাফ দিয়ে উঠল। ওলেনার দৃষ্টি আর ক্যাপ্টেনের দিকে ছিল না, তার দৃষ্টি ছিল সেই স্বচ্ছ জলরাশির দিকে, তার নিরবচ্ছিন্ন জীবন-প্রবাহের দিকে।

ভের্নের এক পা পিছিয়ে এল, তারপর তার সমস্ত শক্তি দিয়ে ওলেনার পিঠে বেয়নেট চালিয়ে দিল। ওলেনা তখন হাঁটু গেড়ে বসেছিল। ধাক্কা খেয়ে ওলেনা জলের গহ্বরটার সামনে মুখ খুবড়ে পড়ে গেল। তার পড়ার সঙ্গে সঙ্গে তুষারকণাগুলি জলে গিয়ে ছিটকে পড়ল: যেন কল থেকে কিছুটা ময়দার গুঁড়ো ছড়িয়ে পড়ল। ওলেনা দেখল যেটুকু, তার মুখটা কালো জলের অত্যন্ত কাছাকাছি। তুষার-কণাগুলো যখন জলের উপর গিয়ে পড়ল তখন একটা সবুজ আভা ধরা পড়ল তার চোখে, তারপর সেই তুষার-কণাগুলি বুত্তাকারে ঘুরতে ঘুরতে তালের মত হয়ে জলের উপর নাচতে লাগল।

ক্যাপ্টেন বেয়নেটটা খুলে নিয়ে আবার দ্বিতীয় বার খোঁচা মারল। এবারে ওলেনা কেঁপে উঠল এবং সেই তুষারাবৃত বরফের উপর ছটফট করতে লাগল, তার হাত-পা ছড়িয়ে পড়ল। চূর্ণ কুস্তলের কয়েকটি গোছা গিয়ে পড়ছে জলের উপর। জল-প্রবাহ চুলগুলি নিয়ে দোল দিতে লাগল—যেন জীবন্ত জীব কতকগুলি।

“ওকে জলে ঠেলে দাও,” ক্যাপ্টেন হুকুম দিল।

সৈনিক দুটো লাফ দিয়ে এগিয়ে এল এবং কুঁদো দিয়ে ঠেলেতে লাগল। কিন্তু গত’টা ছোট, ওলেনার মাথাটা ঢুকে গেছে জলের মধ্যে, কিন্তু হাত দুটো তার তখনও বাইরে—যেন এখনও সে আত্মরক্ষা করতে চায়।

“ব্যাপার কি তোমাদের? একটা মেয়েমানুষের সঙ্গে তোমরা পারছ না?” ক্যাপ্টেন সগর্জনে ফেটে পড়ল।

সৈনিক দুটো তাড়াতাড়ি মৃতদেহটা নিয়ে ব্যস্ত হয়ে পড়ল। তারা ওলেনার হাত দুটো ভেঙে ফেলল, তারপর বরফের তলায় জলের মধ্যে জোর করে তাকে ঢুকিয়ে দিল। প্রথমে ডুবল তার বুক পর্যন্ত, তারপর তার কোমর অবধি। সৈনিক দুটো তারপর অত্যন্ত তৎপর হয়ে ক্যাপ্টেনের স্বমুখে আরম্ভ করল পা দিয়ে আর কুঁদো দিয়ে ঠেলতে। ওলেনার গোটা শরীরটা যখন ঢুকে গেল তখন উপরে একবার জল উছলে উঠল। তখনও গতের বাইরে ফোলা পা দুটো বেরিয়ে আছে। মানুষের পা বলে চেনা যায় না। সৈনিক দুটো কুঁদো দিয়ে সেই ক্ষীত বিক্ষত পা দুটোর উপরে আঘাতের পর আঘাত করতে লাগল। শেষ পর্যন্ত আবার জল উছলে উঠল, আর সেই সঙ্গে উঠল কতকগুলি বুদ্ধ। ওলেনার দেহটা তখন অদৃশ্য হয়ে গেছে। বুদ্ধ আর তরঙ্গ বরফের তলা থেকে উছলে উঠে আবার তার স্বদূর যাত্রাপথে অদৃশ্য হয়ে গেল।

ভেনের বিড়বিড় করে গালাগালি দিতে দিতে বরফের পিচ্ছিল পথে টলতে টলতে ফিরে চলল। সৈনিক দুটোও রাইফেলে ভর দিয়ে নিঃশব্দে তার অনুসরণ করল।

গতের ভিত্তর অন্ধকার জলরাশি ছল ছল করে উঠছে; বরফের বাক্বাকে খারগুলোর কাছে সবুজ রঙের আভা। তুষারের উপর সৈনিকদের পায়ের চিহ্ন গভীর হয়ে পড়েছে। শুভ্র তুষারের উপর একপাশে শুধু একটু বক্টিম চিহ্ন তখনও দেখা যাচ্ছে—ওলেনাব ছেলের মৃত দেহটা ওইখানেই ছিটকে এসে পড়েছিল। শুভ্র আন্তরণের উপর বক্টিম দাগটুকু তখনও স্পষ্ট ও গভীর হয়ে আছে। মনে হচ্ছে যেন কোন দিনই ওটা মুছবে না। যত দিন না বসন্ত আসে, তত দিন ওই দাগটুকু ওখানে থাকবেই। তারপর বরফ গলেবে, তুষার গলে গলে সহস্র ধারায় প্রবাহিত হবে, বন্ধনমুক্ত নদী তার উচ্ছ্বসিত জলরাশি স্বদূর দিক্‌দিগন্ত প্রবাহিত করে অসীম সমুদ্রে গিয়ে মিশবে। তার স্বদেশের সেই প্রিয় সমুদ্র। ...

পুসিয়া স্নান করছে। ফেডোসিয়া ক্রাবচুক বিষয় নীরবতার সঙ্গে জল বয়ে আনছে, আর মগে করে গরম জল ঢেলে দিচ্ছে টবে। পুসিয়া সেই টবে বসে তার ক্লশ দেহে সাবান মাখছে। জার্মানটার সামনে ওর এতটুকু লজ্জা, এতটুকু শরম নেই। জার্মানটা পাশেই বসে একটার পর একটা সিগারেট টেনে যাচ্ছে। ও যেন রান্নাঘরে স্নান করতে পারে না! ওর মত একজন স্করচিসম্পন্ন মহিলার পক্ষে রান্নাঘর—অসম্ভব! ওর মত মেয়েদের তা সত্যি পছন্দ হওয়ার কথাও নয়। তা ছাড়া, জার্মানটাকে ওর বর অঙ্গের হাড়গুলো দেখাতে হবে, মেঝেয় যে জল ছলকে পড়বে তা আর একজনকে দিয়ে মুছিয়ে ফেলাতে হবে ত!

পুসিয়া গরম জল পেয়ে আহ্লাদে গদগদ। থেকে থেকে কুর্টের পানে চোরাচাউনি নিক্ষেপ করছে। সারাটা সন্ধ্যা কুর্ট ছিল নীরব এবং বিষয়।

“কুর্ট! ...”

চিন্তা থেকে সে জেগে উঠল।

“কি বলছ?”

“চুপ করে আছ যে! তোমার ভাব দেখে মনে হচ্ছে, আমি যে এখানে আছি। এটা তোমাব নজরেই পড়ে নি। ...”

“বড় শ্রান্ত আমি,” নীরসভাবে সে জবাব দিল।

“সারাটা দিন তোমাব পথ চেয়ে ছিলাম, তুমি একবারটিও আসো নি আজ।”

পুসিয়া স্পঞ্জটা নিংড়াল। আর দেখতে লাগল, সাবানের সফেন জলধারা তার বৃকের উপর দিয়ে নেমে আসছে।

“সারাটা দিন আজ কি দুর্ভোগই না ভুগতে হল,” কুর্ট বিড় বিড় করে বলে। এতক্ষণ সে সদর থেকে পাওয়া টেলিফোন খবরের কথাই ভাবছিল। সেই জ্বীলোকটার কাছ থেকে যে সে কোন খবরই বার করতে পারে নি—এ খবর কালকেই সদরে জানাতে হবে। মেজর ক্ষেপে যাবে। তার ধারণা ছিল,

জীলোকটার কাছ থেকে খবর আদায় করতে পারবে। সব সময়ই তার মনে হয়েছে, সব কিছুই সহজ, সরল। ... দুর্ভাগ্যের বিষয় এই যে, ভের্নের যখন পদোন্নতি আশা করছিল, ঠিক সেই সময় গোরিলাদের ব্যাপারটা তার সে উন্নতির মুখে একটা বিরাট বাধা হয়ে দাঁড়াল, হয় ত সব কিছু ভেঙে দেবে। গোরিলাদের জগ্রে নিজের মনে কোন দুর্ভাবনা না থাকলেও উপরওয়ালাদের দুর্ভাবনার অন্ত ছিল না। এক দিকে ওরা তাদের খুঁজে বেড়াক, আর এক দিকে তারা পালিয়ে বেড়াক। ... তারা অবশ্য এই সিদ্ধান্তে এসেছিল যে, এ ব্যাপারটার যত কিছু দায়িত্ব কুর্টের ঘাড়ে চাপিয়ে দেওয়াই মঙ্গল। সে নিজের বোকারির জগ্রে নিজেকে ধিক্কার দিতে লাগল। এই কন্সট্রাক্ট-ঘরপীর কাছ থেকে কতটা খবর আদায় করতে পারবে, তা আগে না জেনে কেন ওর গ্রেফতারের খবর সদরে জানাতে গিয়েছিল?

কুর্ট যেন কি ভাবছিল। পুসিয়ার মনে হল, কুর্ট যেন তারই দিকে এক দৃষ্টে চেয়ে আছে।

“কি হল তোমার?”

ভের্নের আশ্বে আশ্বে সিগারেটে একটা টান দিল।

“আখো,” সে বলতে শুরু করল, কিন্তু কতটা যেন ইতস্ততের ভাব।

পুসিয়া তার কামানো ভুরু কুঁচকে সাগ্রহে শোনবার অপেক্ষা করতে লাগল।

“তোমার সেই বোনটির সঙ্গে একবার কথা বলতে পার না—য্যা?”

পুসিয়া হঠাৎ এমনভাবে ঘুরে বসল যে, টবের সব জল ছলকে মেঝেয় পড়ে গেল। ঠিক সেই সময় ফেডোসিয়াও একটা বালতি হাতে সেখানে উপস্থিত হল।

“এখানে এমন দাঁড়িয়ে কেন?” ভের্নের হঠাৎ রাগে ফেটে পড়ল।

ফেডোসিয়া কাঁধ ঝাঁকানি দিয়ে বেরিয়ে গেল। ভের্নের উঠে গিয়ে দরজাটা বন্ধ করে দিল।

“আমার বোনের সঙ্গে কথা কইব?”

“ই্যা, কি বললাম ত শুনতেই পেলো!” কণ্ঠে তার উষ্ণ গাভীর্ষ।

“কিন্তু আমি কেন তার সঙ্গে কথা কইতে যাব ?” বড় বড় গোল চোখ দুটো মেলে চেয়ে রইল এবং কল্প বানরের মত নিজেব স্বাভাবিক অঙ্গভঙ্গীর সঙ্গে ওর মাথাটা কাঁধের দিকে নোয়াল।

“আমাকে তোমার সাহায্য করতেই হবে। হাঁ, আমায় সাহায্য করতে হবে। এতে কৌতুকের কিছু নেই। আছে বলতে চাও ? তোমাকে একবার সেই মাস্টারগীর সঙ্গে কথা বলতে হবে। আমি যা জানতে চাই সে তার অনেক কিছুই জানে। বুঝলে ?”

যন্ত্রচালিতের মত পুসিয়া স্পাঞ্জটাকে একবার জলে ডুবিয়ে তখুনি আবার তুলে নিংড়ে ফেলল।

“সে আমাকে কিছু বলবে না। ...”

“আখো, তোমাকে এমন ভাবে কথা পাড়তে হবে যাতে সে কিছু বলবেই। ... তাকে খুলেই বলো যে, তারা যা করছে, তার ফল শেষ পর্যন্ত খুবই খারাপ হবে ; এত দিন আমি কিছু বলি নি, কিন্তু আমার ধৈর্য হারিয়ে ফেললে কি হবে তা সহজেই বুঝতে পারছ। ...”

“কি করছে তারা ?”

“তুমি একটি আস্ত-গাধা।” সে বেগে উঠল।

পুসিয়া অভিমানে ঠোট ফোলালো, এবং সঙ্গে সঙ্গে পায়ে সাবান মাখতে লেগে গেল।

“তাকে খুলেই বলো যে, যদি আমাদের সঙ্গে একযোগে কাজ করে, তা হলে তার পক্ষে ভালই হবে। আমার বিশ্বাস, তাবা ফিরে আসবে এ রকম বোকার মত প্রত্যাশা নিয়ে নিশ্চয় সে বসে নেই, আছে কি ?”

পুসিয়া প্রশ্নের জবাব দিল না এবং সঙ্গে সঙ্গেই কুট লক্ষ্য করল যে পুসিয়া ব্যথিত হয়েছে।

“কি হল আবার তোমার ?”

“আমি গাধা, আমি কেমন করে তার কাছে সব কিছু খুলে বলতে পারি ?”

“অভিমান ? থাক—শোন, সত্যি আজ আমি বড় হয়রান হয়েছি। দিনটা যে কি বিস্তীভাবে কাটল—বলতে পারি নে। অভিমান করো না, অভিমান করাটা বোকামি। তার সঙ্গে তুমি একবার কথা বলো, কেমন, বলবে ত ?”

“সে আমার সঙ্গে কথা বলতে চাইবে না।”

“কেন ?”

পুসিয়া ক্যাপ্টেনের দিকে চেয়ে কাঁধ ছুঁতো একবার কাঁকাল।

“তুমি নিজে কি দেখতে পাওনা যে, এখানে কেউ আমার সঙ্গে কথা বলে না। আমি যেন একটা অস্পৃশ্য কুষ্ঠ-রোগী। .. দিনের পর দিন আমাকে একা ফেলে থাক, তোমার ত কোন অস্থবিধা নেই। ...”

“এখনও সেই একই কথা ... বাদ দাও ওসব, আমি এখন যা বলতে চাইছি আসলে তা গুরুতর ব্যাপার।”

অকুণ্ঠিত করায় কপালে যে বলিরেখা পড়ল তা দেখে পুসিয়া ভয় পেয়ে গেল।

“তা হলে, বেশ। কিন্তু তার সঙ্গে কি বিষয়ে কথা কইব ?”

কুঁট দরজাব দিকে তাকাল।

“আমরা খবর পেয়েছি, গ্যেরিলাদের সঙ্গে ওর যোগ আছে। গ্যেরিলারা কোথায় লুকিয়ে আছে, সে খবরটা ওর কাছ থেকে চাই, বুঝলে ?”

“আমাকে বলবে না।”

“আগে থেকে কেন স্থির করে বসছ যে, তোমাকে কিছু বলবে না ? বুদ্ধি খরচ করে চেষ্টা করলে নিশ্চয়ই সে বলবে।”

জলটা ঠাণ্ডা হয়ে আসছিল। পুসিয়া অত্যন্ত দক্ষতার সঙ্গে আশুতে আশুতে গা মুছে ফেলল। তারপর হাত বাড়িয়ে চেয়ার থেকে নৈশ পোশাকটি তুলে নিল। নরম সিল্কের স্পর্শে পুসিয়া খুশি হয়ে উঠল। এ পোশাকটির রং হালকা নীল এবং হাতে ফুল তোলা। ভের্নের ফ্রান্স থেকে এনেছিল, কিন্তু আসবার পথে স্ট্রীকে দিয়ে আসার স্বযোগ হয় নি বলে পুসিয়া সেটা এখন পরছে। সিল্কের জামায় ভাঁজগুলো ওর গায়ে এমন মোলায়েমভাবে গিয়ে লাগলো যে, ওর মনে হল সিল্কের সেই স্পর্শ

যেন ওকে আদর করছে। স্বান করতে গিয়ে ভারী পরিশ্রম হয়েছে, তাই পুসিয়া এখন ঘুমোতে চায়।

“জামা-কাপড় ছাড়ছ না কেন?” রাগতস্বরে ভের্নেরকে বলে উঠল।

“ঘুমোবার সময় আমার নেই। গ্যেরিলাদের খবর আমাকে যেমন করে হোক জানতেই হবে। ...”

পুসিয়া তার পাশে বসে নিজের গালটা নিয়ে ভের্নেরের জামার উপর চাপ দিতে লাগল।

“কুট। ...”

বিরক্তির সঙ্গে সে সরে বসল।

“সত্যি, তোমার সঙ্গে কোন গুরুতর বিষয়ের আলোচনা করা অসম্ভব।”

“রাত্রে লোকে কথা বলে কাটায না,” ঠোট ফুলিয়ে পুসিয়া বলল এবং কানের পাশ থেকে চুলেব গোছা পিঠে গুছিয়ে রাখল। কিন্তু যেই লক্ষ্য করল যে, ভের্নের রেগে যাচ্ছে, সঙ্গে সঙ্গেই ও বলে উঠল, “বেশ ত, যাব। কিন্তু তুমি কেমন করে জানলে যে ও তাদের কথা জানে?”

“আমি জানি সব, তোমাকে তা নিয়ে ভাবতে হবে না, বুঝলে? তুমি তাকে শুধু বলবে যে, আমি সব কিছু জানি। যদি সে বলতে রাজী না হয় ত তাকে আমি গ্রেফ্‌তার করব।”

“ও-ও-ওঃ!”

“কেন, তুমি কি মনে কর সে এখানে আমাদের বিরুদ্ধে কাজ করবে, আর তোমার বোন বলেই আমরা নীরবে তা মেনে নেব?”

পুসিয়া হঠাৎ মাথা তুলল।

“আমার পক্ষে সবই সমান। তাকে গ্রেফ্‌তার করতে চাও—কর। তাতে আমার কি? তার সঙ্গে কথাও আমি বলব, কিন্তু জেনে রাখো যে, সে আমাকে ঘরে ঢুকতেই দেবে না। দেখতে পাবে তখন।”

“সে যাই হোক, তুমি একবার চেষ্টা করে দেখ।”

“নিশ্চয় চেষ্টা করব,” স্নিগ্ধ কণ্ঠে ও বললে এই ভেবে যে, কালকের আগে ত আর কথা বলতে যেতে হবে না, স্ততরাং এখন তা নিয়ে কুর্টের সঙ্গে বাগড়া করে লাভ নেই।

“চল, শুতে চল।”

সে উঠে দাঁড়াল এবং পা বাড়াতেই পড়ল গিয়ে জলের টবটার উপরে।

“ওটা গেল কোথায়? আর তুমিও ত রান্নাঘরে গিয়ে গা ধুতে পার।”

“রান্নাঘরে! সেই তার ঘরে গিয়ে!” পুসিয়া স্বপায় শিউরে উঠল।

ভেনের হাত দিয়ে ইশারা করল। ফেডোসিয়া নিঃশব্দে এসে একটা হেঁচকা টান মেরে জলের টবটা আর বালতিটা নিয়ে বেরিয়ে গেল, এবং পরক্ষণেই এসে আবার ভেজা মেঝেটা মুছতে লাগল। পুসিয়া ইতিমধ্যে শয্যা গ্রহণ করেছে, সে পরম তৃপ্তির সঙ্গে ফেডোসিয়ার দিকে চেয়ে রইল। ওর কি এখন ভাসিয়ার কথা কুর্টকে বলা উচিত? না, বুড়ী মাগীটা আরও কিছুটা উদ্বেগ ভোগ করুক। পুসিয়া অপেক্ষা করবে, স্ত্রয়োগ একটা আসবেই। ...

ঘরের দরজা বন্ধ। ভেনের জামা-কাপড় ছাড়ল। বুট খুলে মেঝেয় ছুঁড়ে ফেলার শব্দ হল। আলো নিবে গেল। ফেডোসিয়া টবটার জল বালতিতে ভরে বাইরে ফেলে দেওয়ার জন্তে বেরিয়ে গেল। হঠাৎ একটা দমকা বাতাস মুখেচোখে লাগল এসে। সান্ধীটা একবার চারিদিকে তাকিয়ে দেখল এবং ওর হাতে বালতি দেখে কিছুই বলল না আর। ফেডোসিয়া আগে ঘরটার চারিদিকে ঘুরল, তারপর সোজা খামার-বাড়ীর পিছনের সারগাদার কাছে গিয়ে উপস্থিত হল। সে যখন বালতির জল ঢেলে ফেলেছিল তখন একটা তীক্ষ্ণ ফিস্ ফিস শব্দ শুনতে পেল হঠাৎ।

“মা, ও মা!”

চমকে উঠল ফেডোসিয়া, বালতিটা পড়ে গেল। তুষারোজ্জ্বল রাত্রি। খামার বাড়ীর পিছন থেকে সে দেখতে পেল ওই বায়ুতড়িত শুভ্র তুষারকণার পটভূমিকায় একটি কালো ছায়ামূর্তি, আর স্থপরিচিত টুপি। ভয়ে দম যেন তার বন্ধ হয়ে এল।

“কে ওখানে?” চাপা গলায় সে শুধালো। যদিও সে আগে থেকেই সবটা বুঝতে পেরেছে। হাঁটু গেড়ে বসে সে ফোঁপাতে লাগল, হাত দুটো বাড়িয়ে তার জামার খসখসে কাপড়টায় আর চামড়ার কোমর-বন্ধটার উপরে হাত বুলাতে লাগল। তার পায়ের রং-এর টুপিতে লাল তারকার চিহ্ন স্পষ্ট দেখা যাচ্ছে। হঠাৎ একটা কান্নার বেগ আসে তার। লাল পল্টনটি একটু বেন ভয় খেয়ে গেল।

“হল কি তোমার, ব্যাপার কি?”

“তুমি—তুমি—তুমি!” চাপা গলায় ফেডোসিয়া বলল, তার ঠোঁট কাঁপতে লাগল। একটা মোহাচ্ছন্ন অবস্থায় সে বেন স্বপ্ন দেখছে; আনন্দে তার বুক তোলপাড় করে উঠছে।

“তুমি ... তুমি ...”

লাল পল্টনটি স্তম্ভে ঝুঁকে পড়ে তার কাঁধ ধরে একটু নাড়া দিল। স্বচ্ছ তুষারের স্নান আলোয় দেখল, তার অশ্রুসিক্ত মুখখানা আনন্দে উদ্ভাসিত হয়ে উঠেছে।

“কি হয়েছে তোমার?”

“কিছুই না, কিছু হয় নি। ...” ফেডোসিয়া প্রাণপণে তার ভাবাবেগকে চাপা দিয়ে বলল কোনরকমে। হঠাৎ তার মনে পড়ে গেল সান্দ্রীর কথা। লাল পল্টনটির জামার হাত সে চেপে ধরল।

“আমার ঘরে জার্মানরা আছে। গ্রামের ভিতরেও আছে!”

“আমি জানি। তোমার সঙ্গে একটু কথা বলতে চাই মা। তুমি কি এই গাঁয়েই থাক?”

“নিশ্চয়ই। আমি ত এই গ্রামেরই। ...”

“আমি জানতে চাই কখন এবং কেমন করে ...”

“শোন বাবা, আমার ঘরের সামনেই একটা সান্দ্রী দাঁড়িয়ে আছে। বেশি স্নান বাইরে থাকলে সে হয় ত আমাকে খুঁজতে শুরু করবে। তুমি এখানে একটু দাঁড়াও, আমি একবার ঘর থেকে ঘুরে আসি। আর এক দিক দিয়ে

এখানে ফিরে আসব। তুমি এখান থেকে একটু সরে খামারের চালার পিছনে গিয়ে দাঁড়াও! খড় আছে সেখানে, আর আজ ত বিশেষ হাওয়াও নেই।”

লাল পল্টনটি তাকে সন্ধানী দৃষ্টি দিয়ে দেখতে লাগল, হঠাৎ তার কেমন যেন সন্দেহ হল। ফেডোসিয়া ব্যাপারটা বুঝতে পারল।

“কি হল বাবা? তুমি ভেবো না, আমি গাঁয়েরই, আমি যৌথখামারের লোক। ওই নালায় আমার ছেলেটি পড়ে আছে, সেও ছিল লাল পল্টন। ... একমাস পড়ে আছে সেখানে। শূয়োরের বাচ্চারা তাকে কবর দিতে দেয় নি, ল্যাংটো করে ফেলে রেখেছে। ...”

তার কণ্ঠস্ববেই লাল পল্টন বুঝতে পারল সব এবং লজ্জিত হল।

“তুমি ত নিজেই জান মা, কত রকমেরই লোক আছে। ...”

“তুমি যাও ওখানে, আমি এক্ষুনি ফিরে আসছি।”

কম্পিত হাতে বালতিটা তুলে নিয়ে সে ঘরে ফিরে এল। সাস্ত্রীটার পাশ দিয়ে যেতে যেতে হঠাৎ তার হাসি পেল। ওই রকমই থাকো—এগোও আর পেছোও। কিন্তু আমাদের লোকেরা গ্রামের ভিতরে এসে পড়েছে। খামার-বাড়ীর পিছনে দাঁড়িয়ে আছে একজন অথচ তুমি কিছুই জান না তার। এখানে পাহারা দিচ্ছ তোমাদের কর্তার একটা বিলাসিনী স্ত্রীলোককে, তোমাদের কর্তার বিজ্ঞানকে—ভাল করে পাহারা দাও। তোমার দিন ঘনিয়ে এসেছে। ...

ফেডোসিয়া দালানের বাইরের দরজাটা খুব ভাল করে বন্ধ করে দিল এবং রান্নাঘরের বেঞ্চখানা সরিয়ে খেন শোয়ার আয়োজন করল। শোয়ার-ঘর থেকে জার্মানিটার নাক ডাকার শব্দ শুনতে পাওয়া যাচ্ছে। ফেডোসিয়া নিঃশব্দে দালানে ঢুকে পড়ল। উপরে ঘুলঘুলিব ধারে একখানা আলগা ছোট তক্তা ছিল। তক্তাখানি সরিয়ে ফেলল এবং হামাগুড়ি দিয়ে সেই ফাঁকের মধ্যে দিয়ে সাবধানে চালের উপর এসে পড়ল। এভাবে হামাগুড়ি দিয়ে নামতে কাপড়-জামার দরুন কিছু অস্ববিধা হচ্ছিল বটে; কিন্তু একথা ভেবে ওর মনে

কৌতুক বোধ হল যে, ওর বয়সের একজন বৃদ্ধা ওঠা-নামা করছে মেনি বেরালের মত। কথাটা মনে হতেই আপন মনে ও একবার হাসল।

বাতাসে খড়ো ঘরের চালে একটা খস্ খস্ শব্দ হচ্ছিল, তাই সান্নীটা ওপাশ থেকে কিছুই শুনতে পেল না। মাতীতে নামতেই ওর বকের ভিতর টিপ্ টিপ্ করতে লাগল এবং কান পেতে কিছুক্ষণ দাঁড়িয়ে রইল। না লোকটার মনে এ সন্দেহ কখনই হবে না যে, ঘরের ওপাশে ঘটছে কিছু। ঘরের পেছনে একটা খোলা দেয়াল ছাড়া আর কিছুই নেই এবং ঘরের স্রুথের দরজায় সান্নীটা আগু-পিছু করে পায়চারি করে বেড়াচ্ছে। ফেডোসিয়ার পক্ষে এখান থেকে ঘরে আসা সহজ, হঠাৎ খানন্দের সঙ্গে মনে হল তার।

বেরাল যেমন হামাগুড়ি দেয় তেমনিভাবে ও খামারবাড়ীতে পৌঁছল, কিন্তু সেখানে যেতেই ওর সর্বাঙ্গ হিমশীতল হয়ে গেল—কই, সেখানে ত কেউ নেই! চালাটা খালি পড়ে আছে। এ সবই কি তা হলে স্বপ্ন, অতি-প্রত্যাশা বা হুঃখ ভোগের উন্মাদ মবীচিকা? না, তা হতেই পারে না, কিছুতেই না। ...

“তুমি কোথায়?” সতর্কতার সঙ্গে চাপা গলায় ও জিজ্ঞাসা করল।

খড়ের গাদার মধ্যে নড়াচড়ার দরুন একটা খসখসানি শোনা গেল, সঙ্গে সঙ্গেই ফেডোসিয়ার মুখখানা উজ্জ্বল হয়ে উঠল। ওখানেই তা হলে আছে। এবার আর সে এক নয়। তারা তিন জন—তিন! আরও দুজনকে দেখতে পেয়েই খশির সঙ্গে ও ভাবল। চালার দরজার সামনে তারা নিঃশব্দে বসে বসেই এগিয়ে এল, এবং ফেডোসিয়া গিয়ে তাদের পাশে বসে পড়ল।

“কি আগ্রহ নিয়েই না আমরা তোমাদের প্রতীক্ষা করছি। দিন-রাত্রি কেবলই তোমাদের আসার পথ চেয়ে থাকতাম!” চুপি চুপি স্রু করে ও বলল এবং সঙ্গে সঙ্গে একজনের জামার হাতায় আঙুলে আঙুলে চাপড় দিতে লাগল। আর আমার কি সৌভাগ্য যে, এ দেখবার জন্তে আমি বেঁচে আছি, বেঁচে আছি দেখবার জন্তে। ...”

“ঠিক আছে ষা, ঠিক আছে সব; কিন্তু তোমার সঙ্গে যে আমাদের অনেক কথা আছে। ...”

“বেশ ত, বল শুনি। ... কিন্তু—কিন্তু তোমাদের ত নিশ্চয়ই খিদে পেয়েছে?”
হঠাৎ ও বলে উঠল।

লাল পন্টনেরা হাসল।

“না দরকার নেই, আমরা এখানে খেতে আসি নি।”

“বেশ, তা হলে কি জিজ্ঞাসা করতে চাও কর।”

“এই গাঁয়েই তোমার ঘর?”

“নিশ্চয়ই, আর কোথায় হবে?” ফেডোসিয়া বিস্মিত কণ্ঠে বলল, “এই খানেই আমার ঘর, এই খানেই আমি জন্মেছি, এই খানেই এত কাল দিন কাটিয়েছি।”

“কয়েকটা জিনিস আমরা জানতে চাই! ... জার্মানরা থাকে কোথায়? ওদের কি কি আছে এখানে?”

ফেডোসিয়া যেন কৃতার্থ হয়ে হাততালি দিল।

“আমাদের পন্টনেরা কি গ্রামে আসছে?”

“তারা ঠিকই আসছে। ... আগে আমরা অবস্থাটা সব জানতে চাই।”

“তা বেশ।” ... হাঁটুর উপর হাত দুটো রেখে ফেডোসিয়া বলতে লাগল,
“আমাদের গ্রামটা বেশ বড়, ঘর আছে তিন শ। এই খানে দুটো রাস্তা দু দিক থেকে এসে মিশেছে, চোমাখার কাছে একটা ময়দান আছে। এক সময় ওরই পাশে একটা গির্জা ছিল। এখন তার ধ্বংসাবশেষ পড়ে আছে।”

“একটু দাঁড়াও।”

একখানা মানচিত্র বার করে তার উপর তারা ঝুঁকে পড়ল। তাদের একটা জামা আড়াল করে দেখতে লাগল টর্চের আলোয়।

“পেয়েছি, এই যে, চোমাখা। মাঝখানে ময়দানটা। ...”

“গির্জার ধারের ময়দানে তারা কামান বসিয়েছে।”

“সেখানে কি অনেক কামান আছে?”

ফেডোসিয়া কয়েক মুহূর্ত ধরে ভাবতে লাগল।

“একটু থাম। ... এক, দুই ... তিন ... চার। ... হ্যাঁ, ঠিক চারটে।
গির্জার ডান দিকেই একটা মস্ত বড় বাড়ী, এক সময় ওখানে ছিল গ্রাম

সোভিয়েটের দফতর, এখন হয়েছে সেখানে ওদের দফতর। ওই খানেই গারদখানা, আমাদের পাঁচজনকে সেখানে এখন জামিনদার-হিসেবে বন্দী করে রেখেছে।”

“আর আর সব জার্মানরা?”

“ওই ময়দানের পাশে প্রত্যেক ঘরে তাদের দেখতে পাবে। গ্রামের এই প্রান্তে যেখানে আমার ঘর, সেখানে ওদের বেশি লোকজন নেই, তবে কিছু কিছু আছে। লিগুন গাছগুলির তলায় ওদের অনেক কামান আছে। কিন্তু সেগুলি অল্প রকম। ছোট ছোট। ...”

“বিমানধ্বংসী কামান?”

“হতে পারে, কে জানে। ... সোজা তারা উপরের দিকে লক্ষ্য করে, সরা সরা ছোট নালীগুলো। ...”

“বুঝেছি। ওখানে কোন সঁজোয়া গাড়ী আছে দেখেছ?”

“নিশ্চয়ই, সঁজোয়া গাড়ী আছে বই কি। সেগুলো সব আছে গ্রামের আর এক প্রান্তে। এখান থেকে ঠিক সোজা গিয়ে বাঁ দিকে বৈকলেই। এখানকার প্রত্যেকটি ঘরের দেয়ালে ওরা গর্ত করেছে, আর সেই প্রত্যেকটি গর্তের পিছনে আছে সঁজোয়া গাড়ী।”

লাল পন্টনেরা বুকে পড়ল মানচিত্রের উপর। তারপর কতকগুলি চিকে আর বুকের দাগ দিতে লাগল।

“ওরা ঘর থেকে সকলকে তাড়িয়ে দিয়ে নিজেরা আছে। খাম, হিসেব করি কতগুলো আছে। এক ... দুই, তিন ... ই্যা পাঁচটা ঘর। তারপর এখান থেকে ময়দানের দিকে যাওয়ার পথে একটা ঘর। ...”

“সেখানে অনেক জার্মান আছে না কি?”

“ঠিক বলা যায় না। ... তারা অনবরত আসছে আর যাচ্ছে, শুধু তাদের ক্যাপ্টেন কোথাও যাওয়া-আসা বরে না। সে-ই থাকে। ... ওরা বলে, ওদের প্রায় দু-শ লোক এখানে আছে। ...”

“সাত্ত্বী কি অনেক আছে না কি?”

“না, ওরা আছে এখানে-সেখানে। যেমন আমার ঘরের সামনেই একজন দাঁড়িয়ে আছে। ওগুলো কিছুই নয়—রাত্রে ত ওরা প্রায় মরেই থাকে, বলতে গেলে একপাও দূরে যেতে চায় না, আর তা ছাড়া, সব সময় ওরা জোড়েই থাকে। দিনের বেলায় ওরা খুব সাহসী, কিন্তু রাত্ৰিতে—ভয়ানক ভয় পায়, যদিও হুকুম-জারি করা আছে যে, সন্ধ্যার পর আমরা কেউ ঘরের বার হতে পারব না। কাউকে দেখতে পেলে তারা কোন প্রশ্ন জিজ্ঞাসা না করেই সোজা গুলি চালায়। ...”

“রাস্তাটার মধ্যে কোথাও পুল আছে?”

“পুল? না, এ একটা সাধারণ রাস্তা মাত্র। ..”

“জঙ্গল আছে?”

“না, জঙ্গলও ধারে কাছে নেই। এখানে সেখানে ছ-একটা গাছ ছিল। তারও বেশির ভাগই এই শূয়োরের বাচ্চারা জ্বালানির জন্তে কেটে সাফ করেছে। ওরা গরমটা ভালবাসে। ময়দানটার ওদিকে এখনও গোটা কয়েক লিগুন গাছ আছে রাস্তাটার উপরে। কিন্তু জঙ্গল কোথাও নেই, ক্রোশের পর ক্রোশ কেবলই খোলা মাঠ। নালার ধারে বোপঝাড় আছে বটে কোথাও কোথাও, আর কিছু নেই। আমাদের জ্বালানি কাঠের বড় অভাব, আমরা ঘুঁটে পোড়াই।”

অস্বস্তির সঙ্গে ফেডোসিয়া একবার তাকাল চারদিকে।

“ব্যাপার কি?”

“আমি একবার চার দিক দেখে আসি, কোথায় কি হচ্ছে না হচ্ছে দেখবার জন্তে যদি সাজীটা এসে পড়ে!” ফেডোসিয়া নীরবে এগিয়ে গিয়ে এক জায়গায় দাঁড়িয়ে শুনতে চেষ্টা করল। বাতাস ভয়ানক ভাবে গোড়াচ্ছে, নালার মধ্যে গিয়ে প্রবল বাপটা মারছে, খড়ো ঘরের চালা মচ্ মচ্ করে উঠছে। বাতাসটা একটু কমে যেতেই ফেডোসিয়া তার ঘরের সামনে সাজীটার ভারী পায়ের ওজন করা পদক্ষেপ শুনতে পেল। আরও শুনতে পেল তার পায়ের চাপে বরফ মস্ মস্ করে গুঁড়ো হয়ে যাচ্ছে। ফেডোসিয়া আবার চালায় ফিরে এল।

“সব ঠিক আছে, লোকটা এখনও আগু-পিছু হেঁটে বেড়াচ্ছে।” ।

লাল পন্টনেরা মানচিত্রখানাকে ভাঁজ করে ফেলল।

“আচ্ছা, আমরা তা হলে আসি এখন। ধনুবাদ, মা।”

“ধনুবাদের আবার কি হল? আমার ভাসিয়াও ছিল লাল পন্টনে। এখানেই তারা তাকে খুন করেছে, ঠিক গ্রামের প্রান্তে। ...”

টর্চের আলো তখন নিবে গেছে।

“কবে নাগাদ তোমাদের এখানে পাব?”

“সে কথা এখনই বলতে পারি নে। ... সেনাপতির আদেশের উপর তা নির্ভর করে। আর তা ছাড়া, সোজা এখানে আসার কোন অসুবিধা আছে কি-না তাও ত দেখতে হবে। ...”

“কেন, সোজা আসতে পারবে না কেন? তাড়াতাড়ি আসতে চেষ্টা করো, আর ত অপেক্ষা করা যায় না বাবা। একটা গোটা মাংস আমরা তোমাদের আসার অপেক্ষায় আছি ... তোমাদের আসার পথ চেয়ে চেয়ে আমরা অন্ধ হয়ে যাচ্ছি। ...”

“আসারটা ত সহজ নয়, মা।”

“জানি সহজ নয়, কিন্তু আমাদের পক্ষেও ত অসহ্য হয়ে পড়েছে। ... তোমরা প্রাণপণে চেষ্টা কর, বাছারা যতটা পার ততটাই কর। ...”

সহসা ওর মনে কি ভাবের উদয় হল।

‘একটু অপেক্ষা কর! আর একটা কথা। ...’

“কি ব্যাপার?”

“তাদের দলপতি, বলতে গেলে সেনাপতিই সে, আমার ঘরে আছে। ... কাছাকাছি কেউ নেই, কেবল মাত্র সান্নীটা ঘরের সামনে আছে। লোকটা গাছের গুঁড়ির মত ঘুমোচ্ছে, সঙ্গে তার উপপত্নী। সান্নীটাকে তোমরা সহজেই মেরে ফেলতে পারবে। ইঁ্যা, চালের উপর দিয়ে তোমাদের আমি নিঃশব্দে ভিতরে নিয়ে যেতে পারি। তোমরা অনায়াসেই তাকে ফাঁদে-পড়া ইঁদুরের মত ধরতে পার।”

লাল পল্টনদের মধ্যে সব চেয়ে যে ছোট, একথায় তার চোখ দুটো আনন্দে ঝকঝক করে উঠল।

“কি ভাবছ বাছারা?”

“একটু সবুর কর, ভেবে দেখি। ...”

“এর মধ্যে আবার ভাবাবির কি আছে? ঘাড় ধরে শূয়োরটাকে টেনে বার করে আনবে। এ ত অত্যন্ত সোজা কাজ!”

“ও, তাই কি? এ সব কাজ গোড়ায় সহজই হয়। তাকে শেষ করলে, কিন্তু তারপর? প্রাতে একটা হৈ চৈ পড়ে যাবে, সদর দফতরকে তারা খবর দেবে, সেখান থেকে প্রচুর সৈন্য এসে পড়বে, তখন? ...”

। “তবু তাতে কিছুটা লাভ আছে নিশ্চয়। ...”

“আমাদের চেষ্টার পথ তাতে স্বন্দর ভাবে বন্ধ হবে—এ ছাড়া ত কোন লাভ দেখছি নে। এখানে তারা পরম আরামে নিঃশব্দে নিরাপদে প্রভু বীণ্ডর স্নেহচ্ছায়ায় দিন কাটাচ্ছে। তুমি নিজেই দেখতে পাচ্ছ, ক্যাপ্টেনের বাসস্থানের সামনে একটি সাত্তী পাহারা দিচ্ছে। আজ তাদের চমকে দিলে সব কিছু নষ্ট হয়ে যাবে।”

“কিন্তু আমার যে ওই শূয়োরের ঘাড় ধরে ঘরের বার করে দিতে সাধ যায়।”

“একটু সবুর কর মা। সময় আসবেই। এখনকার মত বাড়ী ফিরে যাই!”

“কিন্তু কোথায় তোমাদের বাড়ী?” আগ্রহভরে ফেডোসিয়া জিজ্ঞাসা করল।

“এ আমাদের কথা বলার একটা ধরন, বুঝলে মা? আমাদের বাড়ী অনেক দূরে। কিন্তু লড়াইয়ের সময় যেখানে আমাদের সৈন্যদল থাকে সে-ই আমাদের বাড়ী। এখানে আসবার সময় আমরা বরফে ডুবছিলাম। ..”

“পথ আমি দেখিয়ে দিচ্ছি। এখান থেকে সোজা নীচে ওই নালার দিকে নেমে গিয়ে নদীর ধার দিয়ে চলে যাও। দেখতে পাবে, আমাদের ছেলেরা সেখানে মরে পড়ে আছে, কবর দিতে পারি নি, কাজেই সাবধানে যেয়ো।” নদীই

তোমাদের সমতল ভূমিতে নিয়ে গিয়ে পৌঁছে দেবে, সেখানে তোমরা দেখতে পাবে ওখাৰি ও জেলেজুঁসি। সেখানেও কিন্তু জার্মান আছে।”

“তা আমরা জানি, কিন্তু এখান থেকে যেন ছুটতে না হয়।”

“ভেবো না তোমরা। এখানে যে একজন মাত্র সান্ধী আছে, সে আমার ঘরের সামনে আছে, এ ছাড়া আর কেউ নেই। চুপ করে চলে যাও। তবে একটা কথা মনে রেখো, যখনই বাতাস থামবে, তোমরাও সঙ্গে সঙ্গে চলা বন্ধ করো, নইলে তোমাদের পায়ের চাপে যে মড় মড় করে বরফ গুঁড়ো হবে, সান্ধীটা সে শব্দ শুনতে পাবে।”

তিন মূৰ্তি ফেডোসিয়ার পিছন পিছন হামা দিয়ে চলল। ফেডোসিয়া যেখানে থামে, ওরাও থামে।

“এই নালা, সোজা নীচে নেমে যাও, কিন্তু খবরদার, রাস্তা কিন্তু বড় পিছল।”

“চললাম মা। সব কিছুই জন্তাই তোমাকে ধন্যবাদ জানাই।”

“তোমাদের কল্যাণ হোক, বাছারা। কিন্তু একটু তাড়াতাড়ি ফিরে এসো, ফিরে এসো কিন্তু। ...”

“প্রাণপণ চেষ্টা করবো—নিশ্চিত থেকে। কিন্তু তুমি এখনই ঘরে ফিরে যাও খুব শীত পড়েছে।”

“আমার তো কিছু হবে না, আমার সঙ্গে গেছে।”

ফেডোসিয়া নালাৰ ধারে দাঁড়িয়ে নীচে তাকিয়ে রইল। তারা খুব দ্রুত নেমে চলেছে, এবং ক্রমেই বরফের পটভূমিকায় তাদের শুভ্র পোশাক-পরা ছায়া মূৰ্তি-গুলিকে চিনে বার করা কঠিন থেকে কঠিনতর হতে লাগল। শেষটায় তারা তিমিরে ডুবে গেল, রাত্রির আঁধারে অন্তর্ধান করল, ধরা থেকে তুষারঝঞ্ঝার আতঁনাদ উঠে তাদের যেন গিলে ফেলল। এমনি নিঃশেষে তারা মিলিয়ে গেল যে, তারা যেন সেখানে কখনও আসে নি। ফেডোসিয়াও বাড়ীর পথ ধরল। ধীর মন্তর গতিতে ও হেঁটে চলল, যেন চলতে আর পারছে না। ওর মনে হল, মুহূর্ত কয়েকের জন্তে ও যেন কারাগার থেকে মুক্তি লাভ করেছে, যেন এক মিনিটের জন্তে ও স্বাধীন হাওয়া আকর্ষণ পান করে এবার

চলেছে স্বৈচ্ছায় পরাধীনতার শিকল বহিতে। দূরে ওর বাড়ীটার দিকে তাকাতেই ওর মনে একটা দারুণ বিতৃষ্ণা জাগল। ওখানেই ত জার্মানটা তার রক্ষিতাকে নিয়ে ঘুমোচ্ছে, সেখানে গিয়ে ওকে বিরক্তিকর নাক ডাকার শব্দ শুনতে হবে।

হাঁ, ক্যাপ্টেন তখনও নাক ডাকাচ্ছে, তার নাক দিয়ে যেন কে শিশ দিচ্ছে, আর ওই মাগীটা ঘুমোতে ঘুমোতে বিড় বিড় করে কি বলছে। ফেডোসিয়া ভয়ংকর ভাবে হাসল—প্রতিহিংসার আনন্দ : শীঘ্রই তোমাব পালা শেষ হচ্ছে। লাল পন্টনের দল আসছে, তারা এসে সোজা শয়নঘরে ঢুকে তোমাকে পালকের শয্যা থেকে বার করবে টেনে।

আচ্ছা, তারা যখন গুডি মেরে এসে উপস্থিত হয়—ও শুনতে পেয়েছিল, না, ওরা যখন বাড়ী এসে পৌঁছয় ঠিক তখনই ও জেগে উঠেছিল? না, তারা না আসা পর্যন্ত ও ঘুমোবে না, ও সম্পূর্ণ নিশ্চিত যে, ও ঘুমিয়ে পড়বে না, যত দিন না ওদের গ্রাম স্বাধীন হয়, তত দিন ওর চোখে ঘুম আসবে না।

সাত্তর পায়ের চাপে বরফ মস মস করে গুঁড়ো হচ্ছে এবং ভেনেরের নাকে রীতিমত ঐকতান চলেছে। সব কিছুই যেমন ছিল আজও তেমনই আছে। কিন্তু তবু যেন সম্পূর্ণ বদলে গেছে। ভাসিয়ার মৃত্যুর পর এক মাস কেটে গেছে, কিন্তু অমন আনন্দ ফেডোসিয়া একটি দিনের জন্মও পায় নি। আনন্দে তার বুক ভরে গেছে, সারা মন উদ্ভাসিত হয়ে উঠেছে। চোখের সামনে আশার আলো দেখে জীবনের উৎসাহ যেন আবার ফিরে আসে। ফেডোসিয়া হু হাত দিয়ে নিজের মুখটা চেপে ধরে, পাছে এই আনন্দের আতিশয্যে চীৎকার করে ওঠে। এটা শুধু ও একাই জানে, গ্রামের আর কেউ জানে না। একমাত্র ফেডোসিয়াই জানে যে, তাদের আর বেশি দিন অপেক্ষা করতে হবে না। এত দিন সকলকে এতটা ধৈর্য আর বিশ্বাস নিয়ে অপেক্ষা করতে হয়েছে; কত দিন ওই ভাবে অপেক্ষা করতে হবে, কেউ তা জানে না। কিন্তু ও আজ জেনেছে যে আর বেশি দিন অপেক্ষা করতে হবে না। এখানে সে গুণে গুণে বলে দিতে পারে আর কত দিন অপেক্ষা করতে হবে। আজ, কাল, পরশু? ওই তিনটি ছেলের দলে ফিরে যেতে ক-দিন

সময় লাগবে ? এক দিন, দু দিন, বড়জোর, তিন দিন ? ও জানে, ও বেশ বুঝতে পারছে যে, তিন দিনের বেশি সময় কিছুতেই লাগতে পারে না। কমাগাণ্টুরের গারদে যে পাঁচ জন জামিনদার আটক আছে তাদের অমন নিদ্রায় মৃত্যু কখনই ঘটতে পারে না।

ভেনের ওদের তিন দিন সময় দিয়েছে। কথাটা ভাবতেই হঠাৎ ফেডোসিয়ার মনে হল, এখন ওই তিন দিনের মেয়াদে জামিনদারদের কিছু আসে যায় না ; বরং জার্মানদের অতল গহ্বরে তলিয়ে যাওয়ার মেয়াদই মাত্র আর তিন দিন আছে। লাল পণ্টনের নির্মম মুখের দিকে চেয়ে এবার জার্মানরা দেখবে মৃত্যুর ছায়া।

গ্রামে তিন শ ঘর লোকের বাস। যে কয়েকটি বাড়ী থেকে জার্মানরা অধিবাসীদের তাড়িয়ে দিয়েছে, মাত্র সেই কয়টি বাড়ী ছাড়া প্রত্যেকটি বাড়ীর লোক নিপীড়িত হয়েছে, চোখের জলের সঙ্গে ধৈর্য ধরেছে আর নিজেকে সান্ত্বনা দিয়েছে এই একটি মাত্র আশার পথ চেয়ে যে, লাল পণ্টন নিশ্চয়ই আসবে। এ কথা মনে হতে যেন তারা জাহ্নমের বুকে বল পেয়েছে। গ্রামের মধ্যে আজ ফেডোসিয়াই একমাত্র জানে যে, তা'বা আসবে নয়—আসছে। এ বিষয়ে ওর আর বিন্দুমাত্রও সন্দেহ নেই যে, এখন তারা পথে। ও জানে, এখানে যে-জার্মান দলটি আছে তাদের শিয়রে মৃত্যু এসে দাঁড়িয়েছে, কোন আবদনই সেখানে চলবে না। ওলেনা দেখবার জগ্রে আজ বেঁচে নেই, কিন্তু যে পাঁচ জন জামিনদার কমাগাণ্টুরে আছে তারা যে দেখবে সে বিষয়ে কোন সন্দেহ নেই।

সেদিন রাত্রিতে মোডল গভীর রাত্রি পর্যন্ত কমাগাণ্টুর-এর দক্ষত্রে বসে ছিল। যৌথখামারের কাগজ-পত্রের সাহায্যে সে হিসাব করে দেখাছিল—চাষীদের প্রত্যেককে কতটা করে খাওয়াশুষ্ক দিতে হবে। আর তা ঠিক করতে সে একেবারে গলদঘর্ম হচ্ছে। বিন্দু বিন্দু ঘামে সারা কপালটা ভরে গেছে। বার বারই হিসেবে ভুল থেকে যাচ্ছে। তেলের প্রদীপ থেকে ধোঁয়া উঠছে। ঘুম-জড়িত চোখে সৈনিকেরা পাহারা দিচ্ছে। গাণলিক হিসাব ঠিক করে,

আবার যোগ করে, গুণ করে, প্রতিবারই ভুল হয়। ফলে সার্জেন্ট খেঁকিয়ে ওঠে।

গাপলিক মনোযোগ দিতে চেষ্টা করে, কিন্তু কোনই ফল হয় না। এ ধারণা থেকে সে কোন মতেই নিষ্কৃতি পাচ্ছিল না যে, এ সবেই হয় ত কোন প্রয়োজন হবে না। এর যে কোন প্রয়োজন হবে না, এর চেয়ে খাটি কথা আজকে আর কিছু হতে নেই। কাগজে কলমে হিসাব ঠিক করা সহজ, হিসাব করাও সহজ; জার্মান সরকারকে কার কতটা খাতশস্ত্র দিতে হবে তার যথাযথ হিসাব দেওয়াও সহজ। কিন্তু তাতেই ত আর হল না। ক্যাপ্টেন বা সদর দফতর শুধু কাগজেই সন্তুষ্ট থাকতে পারে না, তারা খাতশস্ত্র দাখিল করতে বলছে। তারা যেমন কাগজ চায় তেমনি খাতশস্ত্রও চায়, অথচ এরা যে জার্মানদের খাতশস্ত্র দেবে—এ বিষয়ে গাপলিকের মনে যথেষ্ট সন্দেহই আছে। যখন সব কিছু বলা এবং করা হয়ে যাবে, তখন তাকে—গাপলিককেই, সব কিছুর জন্তে দায়ী করা হবে। ক্যাপ্টেন তাকে চূড়ান্ত ভাবে শাসিয়েছে এবং মোড়লও জানে যে, জার্মানটা যে-কোন মুহুর্তে সেই শাসনিকে কাজে লাগাতে পারে।

গাপলিকের পরামর্শে জামিনদারদের আটক করেও এখন পর্যন্ত বাস্তবিক কোন ফল পাওয়া যায় নি। ওই ত ওখানে তারা আটক আছে, কিন্তু এখনও ত কেউ এসে খুঁদে ছেলেটার কোন খবরই দিয়ে গেল না। হয় ত ওকেই দায়ী করা হবে। অপরাধীকে খুঁজে বার করতেই হবে ক্যাপ্টেনকে; শুধু তাই নয়, নিজের যোগ্যতা প্রমাণ কববার জন্তে অপরাধীকে সদর দফতরে হাজির করতে হবে। এবং সেই অপরাধী গাপলিকও ত হতে পারে।

“কি মাথামুণ্ডু লিখছ?” সার্জেন্ট গর্জন করে ওঠে। “অঙ্কগুলি, দেখছি, গুলিয়ে ফেলেছ। আবার গোড়া থেকে শুরু করতে হবে। ভাবছ কি অত, বলতে পার?”

গাপলিক তোষামোদের হাসি হাসল। কি ভাবছে? যা ভাবছে তা সার্জেন্টকে বলতে পারে না। মাথা গুঁজে লিখে চলেছে, একমনে, এবার যেন আরও বেশি পরিশ্রম হচ্ছে।

অবশেষে হিসাব শেষ হল। বাইরে সূচীভেদ্য অঙ্ককার। বাতাস মর্মান্তিক গর্জন করছে। মোড়ল আস্তে আস্তে তার ভেড়ার লোমের জামাটার বোতাম আঁটল।

“বাড়ী যেতে পথে আমাকে যদি কেউ দেখতে পায়,” আপন মনেই সে বিড় বিড় করে বলল। তার বাড়ীর সামনে একটা সাজী মোতায়েন আছে বটে, কিন্তু সাজীর রাইফেলের আশ্রয়ে পৌঁছতে হলেও তাকে এই ঘোর অঙ্ককার ঝড়ঝঞ্ঝার মধ্যে দিয়ে অনেকটা দূর যেতে হবে। সার্জেন্ট তার কাঁধ ছুটো ঝাঁকাল।

“তোমার কি হয়েছে? একা বাড়ী যেতে পারবে না? ক্যাপ্টেনের হুকুম না পেলে তোমাকে পৌঁছে দেওয়ার জগ্গে আমি সৈন্ত দিতে পারি নে।”

“কিন্তু আপনি—আপনি কি যেতে পারবেন না,” ভয়ে ভয়ে গাপলিক ইঙ্গিত করল।

সার্জেন্ট টেবিলের উপর একটা ঘুঘি মারল।

“তুমি কি ভেবেছ? সদর থেকে যে-কোন মুহূর্তে ফোন আসতে পারে, আর তুমি কি না আমাকে আমার কাজ থেকে সরিয়ে নিয়ে যেতে চাও তোমাকে পৌঁছে দেওয়ার জগ্গে, আমি কি তোমার চাকর? অত ভয় পাচ্ছ কেন, বলতে পার? রাত্রি বেলা কেউ ত এখানে বাইরে বেরুতে সাহস পায় না।”

গাপলিক কোন জবাব দিল না, সঙ্গে সঙ্গে ঘরের বার হয়ে গেল। দেহলীতে সে একটু থামল। আলো থেকে বেরিয়ে দুর্ভেদ্য অঙ্ককারের মধ্যে এসে পড়ল—অঙ্ককারও আবার সূচীভেদ্য। তাই চোখটাকে অঙ্ককার সইয়ে নেওয়ার জগ্গে মোড়ল মিনিটখানেক সেখানে দাঁড়িয়ে রইল, নইলে রাস্তা ঠিক করতে, রাস্তার উপর গাছের অবস্থান ও ছাদের ছায়া-আকৃতি চিনতে পারবে না। জামার কলারটা উপর দিকে উলটে দিয়ে সে বাড়ীর পথে এগিয়ে চলল। তিস্ততাব সঙ্গে ওর মনে হল, হাঁ, তারা ওর সঙ্গে পশুর মত ব্যবহার করে। ওকে ধমকাতে, মেজাজ দেখাতে, গালাগালি দিতে ওদের সকলকারই অধিকার আছে। ক্যাপ্টেন, সার্জেন্ট, যে-কোন সৈনিক—সকলেই নিজেকে মনে করে ওর উপরআলা, ওকে

দিন-রাত্তির খেটে মরতে হবে, আর সর্বক্ষণই জীবনের আশঙ্কা নিয়ে চলতে হবে। একবার ভয়ে ভয়ে চারিদিক তাকিয়ে দেখল।

সাক্ষ্য-আইন জারি হয়েছে, কিন্তু এই হতভাগা গ্রামে যে-কোন দুর্ঘটনা যখন-তখনই ঘটতে পারে। স্বয়ং সার্জেন্ট বাইরে বেরুতে ভয় পায়। এ আর টেলিফোনের ব্যাপার নয়, তাই সে একেবারে হুসে মেরে গেল। তবুও কিন্তু সে গাপলিককে এই ঘোর অন্ধকারের মধ্যে বাইরে বের করে দিল—যেখানে প্রতিপদে বিপদ ওং পেতে রয়েছে।

গাপলিক সহজ ভাবে চলতে চেষ্টা করল, নীরবে আত্মগোপন করে গ্রামের মধ্যে দিয়ে হেঁটে চলল, কিন্তু পায়ের চাপে বরফ মস মস করে গুঁড়ো হতে লাগল। তাব উপর আবার মিনিট কয়েক বাতাসটা একদম পড়ে গেল, ফলে সারা গ্রামেব লোকই তার পায়ের শব্দ শুনতে পেল। হঠাৎ তার মনে হল, সে যেন রাস্তার একটা বাঁকে কাউকে দাঁড়িয়ে থাকতে দেখল। মোড়ল একেবারে দাঁড়িয়ে পড়ল, ভয়ে তাব বুদ্ধিশুদ্ধি লোপ পেয়ে গেল। ছায়াটা নড়ে না। কি হবে এই আশঙ্কায় গাপলিক ঠায় দাঁড়িয়ে অপেক্ষা করতে লাগল!

হঠাৎ তার মনে হল, সে ত অনায়াসেই ফিরে গিয়ে দফতরেই রাতটা কাটিয়ে দিতে পারে। অন্তত ভোর পর্যন্ত সেখানে বসে বসেও ত কাটিয়ে দিতে পারে। কিন্তু ফিরে যেতেও তাব ভয় হল—ওখানে যে রয়েছে সে অনায়াসেই পিছুন দিক থেকে ওর উপর ঝাঁপিয়ে পড়তে পারে। ...

যা হবার হবে—এই সংকল্প নিয়ে সে এগিয়েই চলল। বাঁকের কাছে যেতেই দেখতে পেল একটা ঘোপ! অথচ দিনের বেলা এ পথ দিয়ে কত বার চলাফেরা করেছে, ঘোপটাকে দেখেছে, তবু সেটার অস্তিত্ব ভুলে গেল!

কিন্তু সেই মুহূর্তেই গাপলিক পা-হড়কে পড়ে গেল এবং সঙ্গে সঙ্গেই সে বুঝতে পারল যে সাংঘাতিক একটা কিছু ঘটতে চলেছে। সে হাঁপাতে লাগল। একটা কিছু দিয়ে তার চোখ দুটো বেঁধে দেওয়া হল, সারা মাথাটায় একটা পটি, ফলে মুখটাও ঢাকা পড়ে গেছে। সে চীৎকার কবে উঠতে, চাইছিল, কিন্তু বিরাশি সিন্ধা ওজনের একটা আঘাত পেয়ে সে মাটিতে পড়ে গেল। তারপরই সে

অনুভব করল যে, তাকে খেন চ্যাংদোলা করে নেওয়া হল এবং তাদের চলার সঙ্গে ওর দেহটা তুলতে লাগল। পায়ের চাপে বরফ গুঁড়ো হয় এবং দীর্ঘনিঃশ্বাসের শব্দ কানে আসে। তারপর একটা দরজা কড়্ কড়্ করে ওঠে, ওকে মেঝের উপর ধুপ করে ফেলল। ওর দেহে কার হাতেব ছোঁয়া পেল, সঙ্গে সঙ্গেই ওকে বেঁধে ফেলা হল। শেষটায় ওব মাথায় মুখে যে কাপড় চাপা ছিল সেটা সরিয়ে নেওয়া হল। গাঙ্গলিক মিট মিট কবে তাকাল। ঘরের ভিতর একটা ছোট কেরোসিনের ডিবা টিম টিম করে জ্বলছে, তার অপ্রচুব আলোয় ঘরের ভিতবকার লোকগুলিকে দেখা গেল। আলেকজান্দ্র ও ফ্রসিয়া গ্রোখাচের কানো রঙের মুখ চিনতে পারল। গাঙ্গলিক কাঁপতে লাগল, মাথায় টাকটাও তুলতে লাগল— ওর কাঁপুনি আর থামেই না।

“আলেকজান্দ্র, বসে পড়,” ছোটখাটো একটা বুড়ী হুকুম করল। তার সর্বাঙ্গে বলিরেখা। গাঙ্গলিক তাকে এর পূর্বে আর কখনও দেখেনি। “তোমাকে সব কিছুই লিখে নিতে হবে, আইনেও তাই বলে।”

তারা সকলে টেবিলের সামনে বসল। দেয়ালে হেলান দিয়ে গাঙ্গলিক ভয়ে ভয়ে সব কিছু দেখতে লাগল। কেরোসিনের ডিবাব অল্প আলোয় তাদের ছায়া পড়ল। ডিবাটা থেকে ধোঁয়া বাব হচ্ছে।

“ঠিক হয়ে দাঁড়াও, দেখছ না তোমার বিচারেব আয়োজন হয়েছে,” একটি খর্বকায় হুগুপুগু স্ত্রীলোক পরমোৎসাহে সশব্দে নিজের নাক ঝাড়তে ঝাড়তে বলল।

দারুণ কষ্টে ও উঠে দাঁড়াল।

“এখানে দাঁড়া, উল্লুক ! অত অস্থির কেন ? মাগুণের মত দাঁড়া !”

“ওর কাছে তুমি অনেকটা প্রত্যাশা করছ দেখছি, তেপিলিখা,” ফ্রসিয়া মন্তব্য করল।

তেপিলিখা কথার মানে বুঝতে পারল না।

“ওকে ভাল করে দাঁড়াতে হবে। আদালত—আদালত। রাস্তায়ই ওকে শেষ করা চলত, কিন্তু ওর অপরাধের যথাযোগ্য বিচার হয়, আমরা তাই চাই। কাজেই, ওকেও ভদ্র ভাবে চলতে হবে।”

ভয়ে গাপলিকের গায়ের রক্ত জল হয়ে গেল। এই ঘরটার অস্তিত্ব এর কাছে ছিল অজানা, আজ সেইখানে ও দাঁড়িয়ে। ঘরটা জার্মান কমাণ্ডান্টুরের গায়েই, এই গ্রামটা মাসখানেক আগে জার্মানরা অধিকার করেছে। টেবিলের সামনে সে দাঁড়িয়ে আছে, হাত দুটো তার বাঁধা। টেবিলের সামনে কয়েকজন স্ত্রীলোক ও খোড়া আস্তাবলবক্ষক বসেছে। তারা ঘোষণা করলে যে, এটা আদালত আর তারা জার্মান সামরিক কতৃপক্ষের নিযুক্ত মোডল গাপলিকের বিচার করে যথাযথ দণ্ড দিতে সমবেত হয়েছে। এটা রাত্রির দুঃস্বপ্ন নয়, নির্মম বাস্তব।

“ওহে শুনছ, তোমার নাম?” তেপিলিখা জিজ্ঞাসা কবল।

গাপলিক জবাব দিতে চাইল। কিন্তু কথাগুলি তার গলায় আটকে গেল। সে অস্পষ্ট একটা শব্দ করল মাত্র।

“বিড় বিড় করছ কেন? ছেলোমাছুষীর ভান করে কোন লাভ নেই। ওর দিকে সোজা তাকাও। বোকাব মত কাজ করো না, যা জিজ্ঞাসা করবো—জবাব দাও! তোমার মতো একটা পাজীকে নিয়ে আমরা বেশি সময় নষ্ট করতে পারি নে। আলেকজান্দ্র, তুমি সব লিখে নাও। হাঁ, তারপর, তোমার নাম কি বল।”

“কিন্তু আমার নাম ত তোমরা জান,” গাপলিক শুক কণ্ঠে বিড় বিড় করে বলল।

“আমরা জানি, কি জানি নে, সে তোমার দেখবার কথা নয়, তুমি আসলে একটা হিংস্র সাপ। আদালত ... আদালত এবং যখন তোমাকে প্রশ্ন করা হবে, তখন তোমাকে তার উত্তর দিতে হবে! কি নাম তোমার?”

“পিটর গাপলিক।”

“ভাব,—পিটর! আমার বাবার নামও ছিল পিটর। ... খাটি লোকের নামেব কিছুটা বিশেষত্বও ত তোমার মধ্যে থাকতে হয়! ...”

“ঠাকুমা, একটু সবুজ কর। লিখে নিতে দাও। ...”

“লেখো, লেখো, ঠিক ঠিক মত সব লিখে নাও। ... তারপর কি? ও হাঁ, মনে পড়েছে। তোমার বয়স কত?”

“আটচল্লিশ বছর।”

“আটচল্লিশ।... আটচল্লিশ বছর ধরে বহুমতী কেমন করে এ রকম একটা নোংরা জীবকে বুকে ধরে রেখেছেন, বুঝতে পারি নে! লিখে নাও, লিখে নাও আলেকজান্দ্র।”

“অনেকক্ষণ লিখে রেখেছি। তুমি প্রশ্ন করে যাও।”

“হঁ।... তারপর কি? হঁ।... তুমিই মোড়ল, তাই না?”

“হঁ, মোড়ল,” অপ্রসন্ন কণ্ঠে সে সায় দিল।

“মোড়ল। ও আরও কিছু হতে চেয়েছিল।... এর আগে তুমি কোথায় ছিলে?”

গাপলিক চুপ করে রইল, তার দৃষ্টি মাটিতে নিবদ্ধ।

“জবাব দিচ্ছ না কেন? লজ্জা, তাই না কি? মনে হয়, তুমি মোড়লের চেয়েও খারাপ কিছু। তাই কি?”

এবারেও সে কোন জবাব দিল না, কাঠের পুতুলের মত চোখ পাকিয়ে নিজের বুটের আগার দিকে চেয়ে রইল।

“ওহে, শুনছ! একটি ঘুষি মেরে এক পাটি দাঁত তুলে দিলেই জলদি জলদি জবাব বেরবে! তারপর বল।”

“এক মিনিট সবুঁর কর, ঠাকুমা, আমি জিজ্ঞাসা করছি,” আলেকজান্দ্র বলল।

ঠাকুমা আপত্তি করতে চাইলেন, কিন্তু ভেবে দেখলেন ওকেই জিজ্ঞাসা করতে দেওয়া ভাল। তাই হাত নেড়ে সম্মতি দিলেন।

“কর প্রশ্ন। দেখি তুমি কেমন বাহাদুর।”

মোড়লকে ঘনিষ্ঠভাবে পর্যবেক্ষণ করে আস্তাবলরক্ষক নীচু গলায় ধীর ভাবে জিজ্ঞাসা করল:

“তুমি কয়েদ ছিলে, তাই না?”

মোড়ল তার নত দৃষ্টি তুলে তাকাতে পারল না।

“অনেক দিন কারাগারে ছিলে?”

“অনেক দিন।...”

“কত দিন ?”

নীরব ।

“কারণাগারে ছিলে কেন ?”

আবার নীরব ।

“এর আগে তুমি ছিলে—চাষী, কামিন, না ভূস্বামী ?”

তেপিলিখা একটা কি প্রশ্ন করতে যাচ্ছিল, এমন সময় মোড়ল অপ্রত্যাশিত ভাবে জবাব দিল :

“চাষী । ...”

“তাই নাকি, কুলাক ?”

“তা হলে বোঝা যাচ্ছে উনি একজন কুলাক !” বিজয়োল্লাসে তেপিলিখা চোঁচিয়ে উঠল । “ইনি তা হলে চাষীর রক্ত আবও পান কবতে চেয়েছিলেন !”

“ঠাক্‌মা, একটু থাম । —”

“কেন থামব আমি ? এটা কি একটা আদালত, না, কি ? তোমার যতটা কথা বলবাব অধিকাব, আমাবও ততটা অধিকার আছে । হয় ত বেশিই আছে । যখন ও কোন প্রশ্নেরই ভাল জবাব দিচ্ছে না, তখন একজন বাব বার একই কথা জিজ্ঞাসা করে লাভ কি ? আমার জিজ্ঞাসার কিছুটা ফল ফলেছে ।”

“ঠিক বলছ, ঠিক ! ... একটু সবু কর; আমি ওকে অল্প একটা কথা শুধোতে চাই ।”

“বেশ, চালাও, প্রশ্ন কর ।”

“তা হলে, তুমি একজন কুলাক ? ... কিন্তু কারণাগার থেকে পালালে কখন ?”

“লড়াই শুরু হতেই ।”

“তাই বল । আচ্ছা, তারপব বুঝি বাড়ী গেলে, কেমন ?”

“হু ।”

“বাড়ী কোথায় তোমার ?”

“রস্তুভের কাছে ।”

“তাই নাকি, রক্তভের কাছে। ... কিন্তু জার্মানদের সঙ্গে কোথায় দেখা হল?”

“সেখানে, রক্তভের কাছেই।”

“সেখানেই তারা তোমাকে যোগাড় করেছে?”

“হ্যাঁ।”

“একটু দাঁড়াও, আলেকজান্দ্র, তুমিই ওকে জিজ্ঞাসা কর, ও কেন গারদবাস করেছে।”

“সঙ্গে সঙ্গে একটা অনমনীয় অবাধ্যতা গাপলিকের চোখে মুখে ফুটে উঠল।

“কারাগারে কেন ছিলে, এর জবাব কি তুমি আমাদের দেবে না?”

নীরব।

“তা হলে কুলাকদের শায়েস্তা করার পূর্বেই কারাগারে ছিলে?”

“হ্যাঁ।”

“তাই বল। .. তুমি তা হলে পেংল্যুরার দলের লোক? আলেকজান্দ্র হঠাৎ এই প্রশ্নে গাপলিক বিস্মিত হল।

“হ্যাঁ, আমি সেই দলের। ...”

তেপিলিখা হাত দুটো শূণ্ণে ছুঁড়লে।

“ভাব একবার!”

“সব কিছুই স্পষ্ট হয়ে গেল,” আলেকজান্দ্র আবার বলতে শুরু করল : “কুলাক, ডাকাত পেংল্যুরা ঠগের লোক। গোড়া থেকেই তুমি নোভিয়েট শক্তির বিরুদ্ধাচরণ করে আসছ, তাই না?”

“হ্যাঁ, গোড়া থেকেই,” গাপলিক আস্তে সমর্থন করল।

“অবশেষে জার্মানদের অধীনে চাকরিতে যোগ দিয়েছ?”

টেবিলের পিছন থেকে তেপিলিখা লাফ দিয়ে উঠে দাঁড়াল।

“তা হলে ওর জগ্রেই লেভাত্যুকের ফাঁসি হয়েছে, ওর জগ্রেই কমাণ্ডাণ্ট-এর দফতরে পাঁচজন মৃত্যুর প্রতীক্ষায় বন্দী! জার্মানদের হাতে যোগ দিয়ে আমাদের গুরুগুলোকে গোয়াল থেকে টেনে নেওয়ার ব্যবস্থাও করেছে ও-ই, আমার সর্বশেষ

গরুটিকে নিয়ে গেছে। ছেলেরা হৃদয়ের অভাবে মারা যাক, ওর তাতে কি! ও-ই তা হলে কালসায়ুকদের, মিগরদের, কাচুরদের গৃহপালিত জন্তুগুলি সব নিঃশেষে নিয়ে গেছে।”

“ওধু তাদেরই নয়, লিসি ও শ্লিয়াক্ষেঙ্কোরও,” ক্রিসিয়া যোগ দিলে।

“জার্মানদের সঙ্গে মিলে ও গ্রামটাকে লুটপাট করছে!”

“আর আলোচনার দরকার কি? সব কিছুই ত স্থপরিষ্কার।”

“চূপ কর তোমরা! তোমরা মেয়েমানুষ!” তের্পিলিখা বলল। অথচ সে-ই সকলের চেয়ে বেশি গোলমাল করছিল। “যদি এটাকে আদালত বলতে চাও, তা হলে আদালত মনে করেই চলতে হবে; প্রত্যেককেই তার বক্তব্য বলতে দিতে হবে!”

“তা ছাড়া, এখানে আর বলবার কি আছে? কে কি রকম লোক, কোন্ বিষয় কি রকম—আমরা সবই জানি; রোজই তা দেখতে পাই। ওর জন্তেই প্রতি দিনই কেউ না কেউ নিহত হয়, প্রতি দিনই যেমন চোখের জ্বল, তেমনি রক্তপাত হচ্ছে। ...”

“বেশ, তা হলে তোমাদের এখন বক্তব্য কি?” তের্পিলিখা গম্ভীরভাবে জিজ্ঞাসা করল।

“ভুইফোড়কে একদম শেষ করে দাও!”

“শেষ করে দেবে!”

“সাথীগণ, শোন, এই ভুইফোড়কে শেষ করে দেওয়ার প্রস্তাব হয়েছে। কে কে এর পক্ষে?”

সব কয়খানা হাতই শূণ্যে উঠল।

“বিরুদ্ধে কেউ আছে? তোমাদের মধ্যে এমন কেউ আছে যে ভোট দিতে রাজী নও?”

“না, কেউ নেই।”

“বেশ, ভাল, ভাল। আলেকজান্দ্র, বেশ ভাল করে লিখে পড়ে শুনিয়ে দাও।”

আন্তাবলরক্ষক খানিকক্ষণ ধরে কি লিখল। তারা নীরবে সকলে প্রতীক্ষা করতে লাগল। অবশেষে সে উঠে দাঁড়াল।

“আলেকজান্দ্র অভসি, গোপ্লিনা তেপ্লিলিখা, ফ্রসিয়া গ্রোখাচ—এদের নিয়ে গঠিত আদালত ...”

“ইউফ্রোসিনা,” সে সংশোধন করে বলল। ঝুঁকে পড়ে আলেকজান্দ্র তা টুকে নিল।

“ইউফ্রোসিনা গ্রোখাচ, নাতালিয়া ল্যোমেশ, পেলাগিয়া পুজির—এরা জার্মানদের নিযুক্ত মোড়ল, যে এক সময়ে ছিল কুলাক এবং খুনে, সেই পিটার গাপলিকের মামলায় সওয়াল-জবাব করে তার বিরুদ্ধে মৃত্যুদণ্ডের আদেশ দিচ্ছেন।”

গাপলিক মড়ার মত বিবর্ণ হয়ে আদালতের চারদিকে অসহায়ভাবে চাইতে লাগল।

“তা হলে সব কিছুই ঠিকমত হয়েছে?” তেপ্লিলিখা ঘোষণা করল।

“তবুও একটু সবুর কর,” ফ্রসিয়া বাধা দিয়ে বলল। “আমরা ওকে দণ্ড দিয়েছি, ঠিকই হয়েছে। কিন্তু কথা হচ্ছে এই যে, কেমন করে ওকে শেষ করব?”

কি করা উচিত স্থির করতে না পেরে তারা পরস্পরের দিকে তাকাতে লাগল।

“সত্যিই ত, কেমন করে দণ্ড দেব?”

“ফাঁসি দেওয়াই ভাল,” পেলাগিয়া পুজির বলল।

“কিন্তু কোথায় ফাঁসি দেব, এই ঘরে?”

“তোমরা নির্বোধের মত কথা বলছ। কুড়ুল দিয়ে এক ঘা বসিয়ে দাও ঠিক হয়ে যাবে।”

“আমরা ওকে গুলি করতে পারি নে, বন্দুক নেই আমাদের। ...”

“গুলি? বল কি! গুলির শব্দ পেয়ে জার্মানরা ছুটে এসে আমাদের সবাইকে ধরে ফেলবে না?”

গাপলিক থর্ থর্ করে কাঁপতে লাগল। তারা তারই সন্ধে তারই সামনে আলোচনা করছে—কেমন করে তাকে হত্যা করা হবে। তাবা এমন ভাবে আলোচনা করছে যেন ও ওখানে উপস্থিত নেই, যেন ও একটা গাছেব গুঁড়ি মাত্র। আতঙ্ক যেন ওকে পেয়ে বসল, মাথাটা ওর ঘুরে গেল, ও বসে পড়ল।

“দেখো, তোমরা সকলেই ভালমানুষ, আমাকে দয়া কর! তোমাদের প্রতি অগ্নায় আমি করেছি, কিন্তু আর কখনও করব না!”

হাঁটু গেড়ে বসে সে এগিয়ে গিয়ে মেয়েদের পায়ে মাথা ঠুকতে লাগল। ফুটন্ত জল পায়ে পড়লে যেমন আঁতকে উঠে পিছিয়ে যায়, মেয়েরাও তেমনি পিছিয়ে গেল।

“সবে যা হারামজাদা!”

“দেখো, আমি দিব্যি করে বলছি, তোমাদের ছেলেমেয়েদের নাম করে বলছি!”

“আমাদের ছেলেপিলের নাম করে! শূয়োরের বাচ্চা, তোর জন্তেই না আমাদের ছেলেপিলেরা আজ মরতে বসেছে।”

“তারা আমাকে দিয়ে করিয়েছে, তারা জোর করে আমাকে দিয়ে এ-সব করিয়েছে,” হতাশভাবে গাপলিক কাঁদতে লাগল।

“চোঁচানো বন্ধ কর, নইলে আস্ত লাঠি ভাঙব তোর পিঠে। ... শোন কথার ছিঁরি, তারা আমাকে দিয়ে এ-সব করিয়েছে, উনি যেন কচি খোকা! ... কিন্তু তুই-ই না তাদের সঙ্গে মিলবার জন্তে বস্ত্রভেব পথে ধাওয়া কবেছিলি, কেমন কি না?”

“দয়া কর, ক্ষমাঘোষা কর,” গাপলিক প্যান প্যান করতে করতে মেঝেয় বৃকে-হাঁটতে লাগল।

একটা দারুণ বিতৃষ্ণায় তারা ওব দিকে তাকাল।

“তোর দিকে তাকালে পর্যন্ত আমার গা-টা ঘিন ঘিন করে ওঠে! তুই মানুষের মত বাঁচতে চাস নি, স্বতরাং মানুষের মত মৃত্যুও তুই পাবি নে!” ক্রুদ্ধ পেলাগিয়া বলে উঠল।

“শোন তোমরা, ওর মতলব ভাল নয়। এমনি করে চেঁচিয়ে ও সময় নিচ্ছে, আর সেই সঙ্গে জাম'নিরা ওর চীৎকার শুনে যাতে এসে পড়ে—ওর সেই মতলব। কাজেই নির্বোধের মত ওকে আর সে স্বযোগ দিও না।”

আলেকজান্দ্র তখন উঠে গিয়ে একটা দড়ি গাপলিকের গলায় জড়িয়ে দিল।

“এ একটা মহৎ কাজ,” এই বলে সে নিজের হাতে থু থু ফেললে। ফ্রসিয়া চীৎকার করে উঠল!

“চুপ!”

গাপলিকের আঙ্গুলের নখগুলো মাটির মেঝেতে বসে গেল। পা দুটো ঠক ঠক করে কঁপে উঠল। সঙ্গে সঙ্গেই হাত-পা ছড়িয়ে দিল। মোড়লের প্রাণ বেরিয়ে গেল।

“আমাকে একটু সাহায্য কর। ... ফ্রসিয়া, এগিয়ে এসো।”

আলেকজান্দ্র দু হাত দিয়ে দেহটা তুলে ধরল, ফ্রসিয়া ধরল পা দুটো। তেপিলিখা আঙিনার দিকে একবার সতর্ক দৃষ্টি নিক্ষেপ করল।

চারিদিক নীরব নিস্তব্ধ, কেবল বাইরে তখনও বড় গোঙাচ্ছে।

“তাড়াতাড়ি এসো, এটাকে কুয়োর ভিতর ফেলে দিতে হবে।”

আঙিনায় একটা অব্যবহার্য পুরানো কুয়া ছিল। অনেক দিন থেকেই সেটা শুকিয়ে আছে। এখন বরফ জমে অর্ধেকটা ভরে গেছে। সেই কুয়োর মধ্যে তার দেহটা ফেলে দিল এবং আলেকজান্দ্র ফেণ্ডা দিয়ে বরফ তুলে গাপলিকের দেহটা ঢেকে দিল।

“বসন্তকাল পর্যন্ত ওখানে বেশ থাকবে। তারপর আমরা ওকে ওখান থেকে তুলব। ভোর-হতে না হতেই বরফে ওকে ঢেকে দেবে, তখন আর ওর কোন চিহ্নই থাকবে না।”

“এখন আমরা বাড়ী যাব কেমন করে?”

“কোন দরকার নেই, বাইরে বেরিয়ে বিপদ ডেকে আনার কোন অর্থ হয় না। একবার সকলের দৃষ্টি এড়াতে পেরেছি বলে দ্বিতীয় বারও যে পারব এমন কথা বলা

যায় না,” আলেকজান্দ্র বলল। “আমার এখানে প্রচুর জায়গা আছে, ভোর পর্যন্ত ঘুমিয়ে তারপর নীরবে যে-যার বাড়ী ফিরে যাবে।”

তারা মেঝেয় ও বেঞ্চির উপর শুয়ে পড়ল, কিন্তু কেউ ঘুমোতে পারল না।

“আলেকজান্দ্র, এই আদালতের কাগজপত্রগুলি যত্ন করে লুকিয়ে রেখো। আমাদের লোকজন যখন ফিরে আসবে তখন তাদের হাতে তুলে দিতে হবে।”

“ভয় নেই, এমন জায়গায় রেখে দেবো যে কেউ খুঁজে পাবে না।”

“দেখো আলেকজান্দ্র, শেষ পর্যন্ত যেন কোন গোলমাল না হয়,” তেপিলিখা সাবধান করতে চাইল।

গোলমাল হবে না-ই বা কেন?” ঘুমজড়িত স্বরে আলেকজান্দ্র বিড় বিড় করে বলল।

৭

দরজাটা সশব্দে বন্ধ হয়ে গেল। ফেডোসিয়া চমকে উঠল, ওর হাত থেকে বালতিটা পড়ে গেল। রান্নাঘরের মাটির মেঝেতে অনেকটা জল গড়িয়ে পড়ল।

“কি হয়েছে তোমার, নদীর পুতুল?” রাগত স্বরে ভেনের হেঁকে উঠল। তার পালিশ করা বুট জোড়াটায় নোংরা জল লাগবার আগেই সে লাফ দিয়ে সরে দাঁড়াল।

ফেডোসিয়া কোন জবাব দিল না। একটা তীক্ষ্ণ বেদনা যেন ওর অন্তরটাকে বিদ্ধ করল। জল তখনই মুছে ফেলল, কিন্তু ওর দুটো হাতই তখন কাঁপছে, এবং যেখানটায় জল পড়েছিল সে জায়গাটা ছেড়ে বার বার ও শুকনো জায়গাতেই হাতা বুলোতে লাগল। ও আজ কিছুই করতে পারছে না। সামান্য একটা শব্দে, একটা খসখসানিতে আঁতকে উঠছে ও, যেন কেউ মারছে ওকে। ও যেন কিসের প্রত্যাশায় ছটফট করছে। তারা আসছে, যে-কোন মুহূর্তেই তাঁরা এখানে এসে উপস্থিত হতে পারে।

সাবা গায়ে একমাত্র ও-ই খবরটা জানে—এই সত্যটা ওর মনের উপর গুরুভার বোঝার মত চেপে বসে রয়েছে। অবশ্য কেউ জানে না—এটা ভালই, কিন্তু একা একা প্রতীক্ষা করা কত কঠিন! ওর যেন দম আটকে আসে, নিশ্বাস-প্রশ্বাসেও কষ্ট। তারা যে-কোন মুহূর্তে এসে এখানে উপস্থিত হতে পারে, যে-কোন মুহূর্তে তারা আসতে পারে ...

“তুমি নিজেও একটু ভেবে দেখো, কি ভাবে কথাটা পাড়বে,” ভেনের মুখ ঘুরিয়ে পুসিয়াকে লক্ষ্য করে বলল। পুসিয়া তখনও বিছানায় শুয়ে। ভেনের বেরিয়ে গেল, দরজাটা আবার সশব্দে বন্ধ করে দিয়ে। ফেডোসিয়া আবার চমকে উঠল!

মাথার পিছনে হাত দুটো গুটিয়ে নিয়ে পুসিয়া সেইখানেই শুয়ে শুয়ে ঠোঁঠ কামড়াতে লাগল। ভেনেরের কথার স্মরণটা ওর ভাল লাগল না। ও যেন তার দাসী, হুকুম তামিল করবার জগ্গেই যেন আছে। স্বয়ং সে গ্যেরিলাদের কোন খবরই সংগ্রহ করতে পারে নি, অথচ তার সৈন্য আছে টেলিফোন আছে, সব কিছুই হাতের কাছে—তবু সে চায় পুসিয়াকে দিয়ে কাজ করাতে। কিন্তু ওর সঙ্গে গ্রামের একটা লোকও কথা বলতে চায় না, সেই ওকেই কি-না তাদের খুঁজে বার করতে হবে! পুসিয়া রাগে গরগর করতে লাগল। ওর বড় বাড বেড়েছে। ও কি ভেবে রেখেছে যে, রেশমী পোশাক আর ছেঁড়া মোজা দিয়েছে বলেই ওর প্রতি তার চোখ রাঙাবার আর গালাগালি করার অধিকার বতেছে!

পুসিয়া বেশ ভাল করেই জানে যে, বোনের সঙ্গে কথা বলে কোন ফল হবে না, কোন আশাও নেই। লড়াইয়ের আগে থেকেই তাদের মধ্যে কথাবার্তার আদান-প্রদান পর্যন্ত নেই। পুসিয়া যে ছোট্ট মফঃস্বল শহরে বাস করত, অলগা মাঝে মাঝে সে শহরে এসেছে সভা-সমিতিতে যোগ দিতে ও ট্রেনিং স্কুলে পড়া-শুনার জন্তে, কিন্তু একবারও সে কষ্ট করে পুসিয়ার সঙ্গে দেখা করে নি। কাজেই তার আচরণ থেকে এই মনে হয় যে, পুসিয়ার সঙ্গে দেখা করার কোন প্রয়োজন সে মনে করে নি। স্বভাবত তাই মনে হয়। তার মতে পুসিয়া কোন কাজ করে না—এই তার অপরাধ। পুসিয়া নিজের হাতে জামা-কাপড়

ধুয়ে হাত খারাপ করে না, মেঝে পরিষ্কার করে না, বা ট্রাক্টর চালাতে জানে না ! অলগা সকলকেই তার মত হতে বলে । সে ভুলে যায় যে, তার গায়ে ষাঁড়ের মত শক্তি আছে, আর তার বোনের দেহ অত্যন্ত ক্ষীণ, দুর্বল । নিজেকে কেমন দেখাচ্ছে, অলগার মনে এ প্রশ্ন কখনও জাগে না, যেমন-তেমন করে মাখার চুলগুলি একজায়গায় জড়ো করে রাখতে পারলেই হল । শীত কালে তার হাত দুটো অতিরিক্ত ঠাণ্ডায় যায় ফেটে আর গ্রীষ্ম কালে সে হয়ে দাঁড়ায় হাঘরেদের মত কালো । পুসিয়া হাত বাড়িয়ে দেয়ালে ঝুলানো আরশিখানা নিয়ে আপন মনেই নিজের মুখখানা ভাল করে দেখতে লাগল, তার স্মৃতিশক্তি সুরু ভ্রু দুটি, তার কালো কৌকড়ানো চুলের বেণী, গোলগাল দুটি চোখ ও তার কালো পশ্ম, সুরু ঠোঁট দুটির ফাঁকে স্মৃতি তে-কোণা দস্তপংক্তি চক্‌চক্‌ করছে ।

না, অলগা যে সকল কাজে অভ্যস্ত, পুসিয়া সে সব কাজের যোগ্য নয় । সেরি-য়োশা একজন সাময়িক কর্মচারী, সে প্রচুর উপার্জন করে, ওদের ছোট্ট শহরে যা পাওয়া যায়, ওদের আয় তার চেয়ে বেশি । অলগা এসব কখনও বুঝতে চায় না । সে সব সময়েই মনে করত যে, সেরিযোশার অবস্থা ভাল নয় ! কেন মনে করে ? কারণ, সেরিযোশার স্ত্রীটি এমন যে, হেঁড়া-জামা-কাপড় ও যথেষ্ট পরিপাটি করে ব্যবহার করে । সে হাতে-পায়ের যত্ন নেয় এবং যে-কোন মাস্টারনীর চেয়ে তাকে স্নন্দর দেখায় । মাস্টারনীদের সব সময়ই যেন তাড়াছড়া, কিছু একটা করবার জন্তে ছটফট করে । ওদের যে কোন ছেলেপিলে হয় নি সে কি পুসিয়া ছেলেপিলে চায় নি বলেই হয় নি ? তবে, হাঁ, সত্যি ও ছেলেপিলে চায় না । দেশে ছেলেপিলে অগণন, ওর না হলেও কিছু এসে যায় না । সেরিযোশা ওকেই বিবাহ করেছে, ছেলেপিলেকে নয় এবং বিয়ের সময় ছেলেপিলের দাবিও কখনও জানায় নি । এ সব তুচ্ছ ব্যাপার নিয়ে অলগা তার বোনের সঙ্গে অনাঙ্গীয়ে মতই ব্যবহার করে এসেছে । এখন তা হলে সে পুসিয়ার প্রতি কিরূপ আচরণ করবে ? আর সে-ই বা তার কাছে কতটা আশা করতে পারে ? সেরিযোশা যে-দিন থেকে লড়াই করতে চলে গেছে সে-দিন থেকে তার কোন খবরই পুসিয়া পায় নি—স্বর্গীয় পাঁচ মাস

কেটে গেছে। হয় সে লড়াইয়ে নিহত হয়েছে, নয় ত বন্দী হয়েছে। নইলে এত দিনেও একটা চিঠি বা খবর এল না কেন? লড়াই কত দিন চলবে—কে জানে? সে কি করবে, কত দিন অপেক্ষা করবে—এক বছর, দু-বছর অথবা কে জানে কত বছর। কিন্তু এত দিন থাকে কি? না, সে বুদ্ধি করে একটা পথ অবিকার করে ফেলেছে। কুর্ট জাতে জার্মান, কিন্তু তাতে কি? জার্মানরা এখন মালিক, এখন জার্মানরা এদেশে শাসন করছে এবং তারাই শাসন করতে থাকবে। বলশেভিকদের দিন শেষ হয়ে গেছে, তা স্পষ্টই বোঝা যাচ্ছে। সব দিক দিয়ে সব কিছুই ভাল, একমাত্র মুশ্কিল হয়েছে কুর্টকে নিয়ে। তার মেজাজটা দিন দিনই সপ্তমে চড়ে যাচ্ছে। কয় দিন থেকে তার বদমেজাজী বেড়ে গেছে। সে পুসিয়াকে অমন রুচ ভাষায় কথা বলতে পারল! এখন আবার অলগার সঙ্গে দেখা করে খোঁজ-খবর আদায়ের দাবি জানিয়েছে। পুসিয়া বেশ ভাল করেই জানে যে, বোনের সঙ্গে দেখা করার সাহস তার নেই। কিন্তু তা হলে কুর্টের হাত থেকে পরিত্রাণ পাবে কেমন করে? অলগা যে পুসিয়ার বোন, এই কথাটাই বা তাকে কে জানিয়েছে? পুসিয়া ধীরে স্বস্থে কাপড়জামা পরল। তার মেজাজটা ভাল নেই। কুর্ট গর কাছে যা চায়, এটা হচ্ছে তার শেষ অবলম্বন। অথচ কুর্টের টিকটিকি আছে, আছে গোপন সংবাদ-দাতা, আছে সমগ্র জার্মান বাহিনীর অন্তঃশত্রু।

পুসিয়া হেলাফেলাভাবে বিছানার ঢাকাটা সরিয়ে ফেলল, চেয়ারের উপর থেকে জামাটা পেরেকে বুলিয়ে রাখতে গিয়ে পকেটে কাগজের খসখসানি শুনতে পেল। পুসিয়া একবার দরজার দিকে সতর্ক দৃষ্টিতে তাকিয়ে পকেট থেকে তাড়াতাড়ি কাগজ বার করল। একখানা নীলরঙের খাম, ঠিকানা লেখা জার্মান ভাষায়। জার্মান ভাষা না জানলেও পুসিয়া চিঠিখানা খুলে ফেলল। নীল খামখানাই তার মনে সন্দেহ জাগিয়ে তুলেছে।

পুরো চারপৃষ্ঠাব্যাপী নীল কাগজে লেখা চিঠিখানা, ছোট ছোট অক্ষরগুলি, পরিষ্কার স্বক্বে হাতের লেখা। প্রথম পৃষ্ঠার গোড়াতে একটি ফুল, চ্যাপ্টা

হয়ে এঁটে গেছে। পুসিয়া কাগজখানি তার নাকের ডগায় ধরল। একটি স্বল্প স্বগন্ধ শেল, গন্ধট। ওর কাছে অচেনা। চিঠিখানি কোন জ্বীলোকের লেখা, তাতে কোন সন্দেহ নেই। পুসিয়া নিজের ঠোঁট এমনি ভাবে কামড়াল যে, রক্ত বেরিয়ে এল। একটা জ্বীলোক সেখান থেকে, সেই জার্মানী থেকে কুর্টকে চিঠি লিখেছে। চিঠির কাগজখানি চমৎকার, অক্ষরগুলি ছোট ছোট, পরিষ্কার। চিঠিটা হয় ত ওর মায়ের লেখা, কিন্তু ফুল ?

চিঠিখানি পড়বার জগ্গে, এই অজানিতা কুর্টকে চিঠিতে কি লিখেছে তা জানবার জগ্গে পুসিয়া তার সব কিছু দিতে প্রস্তুত। তাবিখটার দিকে এক দৃষ্টিতে তাকিয়ে রইল। চিঠির তাবিখ দেখে মনে হল, চিঠিখানি নিশ্চয়ই সত্ত্ব সত্ত্ব এসেছে, হয় ত কালকের ডাকেই এসেছে। কুর্ট আজ আর একটা জামা পরেছে, তাই চিঠিখানা নিয়ে যেতে ভুলে গেছে। আজ পর্যন্ত পুসিয়া কুর্টের কাছে কোন চিঠি বা ফটো কখনও দেখতে পায় নি।

কেউ নেই ? পুসিয়া আতিপাতি করে ভাবতে লাগল। কুর্ট তার পকেট-বুকখানা কখনও কাছছাড়া কবে না, এমন কি, পুসিয়াকে তা স্পর্শ করতেও দেয় না। ওই পকেট-বুকে কি আছে ? তারপর তার ডাকের চিঠি-পত্র সব কিছুই আপিসে দেওয়া হয়, বাড়ীতে নয়। চিঠিপত্র, ফটো যাই তার থাকুক না কেন, সব কিছুই ওই দেরাজটার মধ্যে রাখে। দেরাজটা ও সব সময়ই সতর্ক দৃষ্টিতে রাখে। কুর্ট সম্বন্ধে বলতে গেলে কিছুই ও জানে না। কুর্ট নিজেব সম্বন্ধে যতটুকু বলে, ও ততটুকুই জানে মাত্র। গোড়াই যখন ও কুর্টের সঙ্গে এসে বাস কবতে বাজী হয়, তখন কুর্ট ওকে এই প্রতিশ্রুতি দিয়েছিল যে, ড্রেসডেন গিয়ে ওদের বিবাহ হবে। এখানে প্রকৃত পক্ষে এমন স্থান নেই যেখানে শুভ কাজ স্বেচ্ছায় হতে পারে। পুসিয়া বেশ ভাল করেই বুঝেছে যে, তাকে প্রতীক্ষা করতেই হবে। কিন্তু সে সব তত গুরুতর নয়।

এব আগে পর্যন্ত ওর মনে যথেষ্ট বিশ্বাস ছিল যে, কুর্ট সত্যি ওকে ভালবাসে। কিন্তু যেই মুহূর্তে কুর্ট ওকে অলগাব সঙ্গে আলাপ করবার জগ্গে হুকুমজারি করল তখন থেকেই ওর মনে নানা সন্দেহের উদয় হল। আজকাল ত আর কুর্ট

ড্রেসডেন সম্পর্কে কোন কথাই বড় একটা বলে না। শুধু তাই না, যখনই পুসিয়া সে সম্বন্ধে কোন আলোচনা তুলতে চায় তখনই কুর্ট কেন অত চাপা দেবার চেষ্টা করে? সে কেন সব সময়ই অত অবসরহীন, সব সময়ই কেন অত খিটখিটে, তিরিক্ষে? ওর ত এতটুকুও পরিবর্তন হয় নি। জার্মান-অধিকৃত একটা শহরে কুর্ট যখন পুসিয়ারই ফ্ল্যাটের একখানা ঘরে বাস করছিল তখন ওদের পরিচয় হয়, সেই দিন যেমন ছিল, আজও পুসিয়া ঠিক তেমনই আছে। কুর্টেরই পরিবর্তন হয়েছে, সে ছিল অগ্ন রকম। আর সব কিছুর উপর এই চিঠি। ...

পুসিয়ার মনে হল, চিঠিখানা হাতে নিয়ে এভাবে বসে থাকায় কোন ফায়দা নেই। কোন মতেই চিঠিখানা ও পড়তে পারবে না, তা ছাড়া কুর্ট যদি এখনই এসে পড়ে তা হলে একটা হৈচৈ বাধিয়ে বসবে! তার কাগজপত্র পুসিয়া দেখে, নাড়াচাড়া করে, কুর্ট তা পছন্দ করে না।

খামের মধ্যে চিঠিটা পূরে যথাস্থানে রেখে জামাটা আবার খুলিয়ে রাখল। পুসিয়া স্থির করল যে, এবার থেকে কুর্টের দিকে একটু নজর রাখতে হবে। একদিন না একদিন ও জানতে পারবেই যে, কে ওকে চিঠি লেখে এবং ওর প্রতি কুর্টের এই কর্কশ ব্যবহারের কারণ কি, তার অতি-পরিশ্রমের অবসাদ ও স্নায়বিক দৌর্বল্য, না, আর কিছু?

রান্নাঘর থেকে ফেডোসিয়ার বাসন-কোসন নাড়াচাড়ার শব্দ শোনা যাচ্ছে, তাতে পুসিয়ার মেজাজ আরও গরম হয়ে উঠল।

“বাসন-কোসন নাড়াচাড়া করতে আরও একটু সাবধান হতে পার না!” পুসিয়া একটা চীৎকারে ফেটে পড়ল।

খোলা দরজা দিয়ে ফেডোসিয়া একবার তাকাল। পুসিয়া তার মুখে চোখে একটা নতুনস্ব দেখতে পেল। এই চাষী স্ত্রীলোকটির চোখে মুখে সর্বদাই যে স্বপ্না ও বিদ্রোহের ছাপ দেখে এসেছে, এ দৃষ্টি সে দৃষ্টি নয়। তার চোখ ছোটো যেন আনন্দে উদ্ভাসিত, যেন একটা তৃপ্তিতে উজ্জ্বল। এ রকমটা কখনও দেখা যায় নি। পুসিয়া রাগে ফেটে পড়তে চাইছে। ওর এত খুশির কারণ কি?

নিশ্চয়ই ও দরজার পাশে দাঁড়িয়ে দাঁড়িয়ে কুর্টের কথাগুলি সব শুনেছে। এই জীলোকটাও শেষ পর্যন্ত এসব লক্ষ্য করছে!

ওর মনে পড়ল যে, ও-ও ত এই জীলোকটার উপর প্রতিশোধ নিতে পারে। এখনও সে কুর্টকে বলেনি যে, নালার মধ্যে যে-সব মূহদেহ পড়ে আছে, তাদের মধ্যে ফেডোসিয়ার ছেলেও আছে। দুটো দিন সে ফেডোসিয়াকে জঙ্গ করবার জগ্গে ইচ্ছা করেই চূপ করে ছিল, তারপর সে সোজা কথাটা ভুলে গেছে আর তখনই কুর্ট পুসিয়াকে নানা প্রকারে বিরক্ত করছিল, এবং অলগার সঙ্গে কথা বলবার জগ্গে ওকে বাজী করিয়েছে। কিন্তু এখন তার সব কথা মনে পড়েছে।

“সবুর কর, বাড়ী আসা মাত্র ওঁকে সব কিছু বলে দেব। নিশ্চয়ই বলব,” পুসিয়া ফেডোসিয়াকে শাসাল।

ফেডোসিয়া স্বগাভরে একটু হাসল মাত্র এবং নিজের নিতম্বে হাত দুখানি রেখে ইচ্ছা করেই আপাদমস্তক পুসিয়াকে একবার দেখে নিল।

“ভারী ত পরোয়া করি! বলো না তোমার ‘ওঁকে’!” ফেডোসিয়া সাহসের সঙ্গে মুখের উপর জবাব দিল, এবং ‘ওঁকে’ শব্দটা উচ্চারণে এমন ভাবে জোর দিল যে সেটা শোনাল ঠিক ব্যঙ্গের মত। “বলো তাকে। তাতে যদি তোমাব কোন উপকার হয় ত আমি নিজে তাকে বলব। যাও, এখনই গিয়ে তাকে বল সব, একবার কেন, একশ বার বল! এখনই জামা-কাপড় পরে তার কাছে ছুটে চলে যাও। যাও—যাও—আর দেরি করো না!”

বিস্ময়ে চোখ দুটো বিস্ফারিত করে পুসিয়া তার দিকে চেয়ে রইল।

“তোমাব কি হয়েছে বল ত?”

“আমার আবার কি হবে? এতে অবাক হবারই বা কি আছে? তুমি নিজে তাকে বলতে চাইছ, তাই আমি শুধু বলছি—যাও, গিয়ে তাকে সব বল! এর জগ্গেই ত তুমি বেঁচে আছ, গুপ্তচরের কাজ না করলে জার্মানদের কাছে শিরোপা পাবে কেমর্ন করে! বেশ, তবে তাই যাও, দৌড়ে গিয়ে তুমি যা জান—সব তাকে বল!”

“হাঁ, বলবই ত, তুমি নিশ্চিন্ত থেকো। তাকে আমি বলব সব।”

“আমিও ত তোমাকে তাই বলছি। যাও, বলগে। কিন্তু যতই আমাকে শাসাও না কেন, আমাকে আর ভয় দেখাতে পারবে না।”

“তারা তাকে তোমার কাছ থেকে কেড়ে নেবে।”

“নিক। তাকে ত আমার কাছ থেকে একমাস আগেই নিয়ে গেছে। আর নতুন করে নিতে পারবে না।”

“তা হলে রোজ কেন তুমি সেখানে যাও?”

“যাই, মানে—যাই। আমার খুশি। তারা যদি সেখান থেকে ভাসিয়াকে নিয়ে যায়, আর যাব না। কেমন, হল ত।”

“কুর্ট তোমাকে গ্রেফতার করবে। তুমি বেশ ভাল করেই জান যে, তোমার ওখানে ঘুর-ঘুর করা নিষেধ।”

“না, বড় যে ভয় দেখাচ্ছ আমাকে! গ্রেফতারকে আমি আর এতটুকু পরোয়া করি নে। দেখছ না, ভয়ে আমি কেমন কাঁপছি! ...”

ফেডোসিয়া ঘরের মধ্যে এল। তার মুখে এখন আর হাসি নেই, কালো চোখ দুটো জল জল করছে।

“তোমারই ভয় পাওয়া উচিত, বুঝেছ! ভয়ে তোমাকে থরথর করে কাঁপতে হবে!”

পুসিয়া, একটা আসনে বসে পড়ল।

“তুমি কি বলছ? আমার ভয় পাওয়ার কি আছে?”

“সব কিছুই আছে! দেশের লোককে ভয় করতে হবে: তারা তোমাকে ক্ষমা করবে না! জলকে ভয় করতে হবে: জলে ডুবে মরবার তোমার আগ্রহ হবে, কিন্তু সেই জলই তোমাকে সঙ্গে সঙ্গে উপরে ঠেলে দেবে! ডাঙাকে ভয় করতে হবে: কেন না, তুমি আত্মগোপন করতে চাইবে, এবং নিজেকে আড়াল করবার কিছু পাবে না। আমার ভাসিয়া নালায় পড়ে থেকেও তোমার চেয়েও ভাল আছে। ফাঁসি কঠে ঝুললেও লেভাহ্যক তোমার চেয়ে ভাল আছে। জার্মানদের সড়ীনের ডগায় বরফের মধ্যে যখন গুলেনা সম্পূর্ণ উলঙ্গ অবস্থায় হেঁটে বেড়িয়েছে, তখন সেও তোমার চেয়ে ভাল ছিল।

তোমার যে অবস্থা আসছে, তাতে তারা সকলেই তোমার চেয়ে ভাল ! এমন দিন আসবে যেদিন তুমি প্রত্যেকের অবস্থাকে ঈর্ষা করবে ! তোমার চেখে সে দিন জলের বদলে থাকবে রক্ত, কারণ তোমার অবস্থা তাদের মত নয় ! ফাঁসির দড়ি গলায় দিয়ে তোমাকে কেন মারা হচ্ছে না বলে তোমার আফসোসের সীমা থাকবে না । তোমার মনে হবে, তোমাকে কেন সড়ীনের খোঁচা মারছে না, তোমাকে কেন গুলি করছে না ।”

রাগে স্নগায় ফেডোসিয়ার দম আটকে আসছিল, নিজেদের লোকেরা আসছে এই সত্যটা মনে হতেই একটা পৈশাচিক আনন্দ ওকে পেয়ে বসল । তারা ক্রমেই এগিয়ে আসছে, এমন কি, এই মুহূর্তে এই কথাগুলি বলার সঙ্গে সঙ্গেই গ্রামগ্রামে গুলির আওয়াজ শুনতে পাওয়া বিচিত্র নয় ।

“বেরিয়ে যা এখান থেকে,” পুসিয়া হাঁপাতে লাগল । “এফুনি চলে যা এখান থেকে !”

আর একবার ফেডোসিয়া অবজ্ঞার হাসি হেসে উঠল ।

“যাচ্ছি আমি । তোমার চন্দ্রবদন দেখে আমি খুব খুশি হব, এমনটা মনে করো না । আমার ঘরে বসে আমাকেই কেমন করে তাড়িয়ে দিচ্ছ—এ কথাটা মনে রেখো !”

যেতে যেতে এমন জোরে দরজাটা ভেজিয়ে দিয়ে গেল যে, দেওয়াল থেকে চুনবালি খসে পড়ল ।

“যা না, তোর লোকটার কাছে গিয়ে নালিশ জানা যে, আমি তোকে ধমকেছি !” আপন মনেই ফেডোসিয়া চুল্লিটা উসকে দিতে দিতে বিড় বিড় করে বলতে লাগল । “তোমার কথা আর সে বেশি দিন ভাবতে পারবে না ! তাকে আরও অল্প সব কথা ভাবতে হবে । চাই কি, আজ থেকেই শুরু হবে !”

কুট কিন্তু পুসিয়ার কথা আদৌ ভাবছিল না । ঠোঁটে ঠোঁট চেপে, ভুরু কঁচকে রাগে গব্ গব্ করতে করতে সে আপিসে গিয়ে ঢুকল । তার এই মূর্তি দেখে সৈনিকেরা আগের চেয়ে আড়ষ্ট হয়ে উঠে দাঁড়াল, সার্কেট বসে ছিল, হঠাৎ লাফ দিয়ে উঠে দাঁড়াল ।

“হেড কোয়ার্টার থেকে ফোন এসেছিল ?”

“ই। ক্যাপ্টেন, এসেছিল।”

“আমায় জানাও নি কেন ?”

“সে রকম হুকুম ছিল না, ক্যাপ্টেন।”

“হুকুম ছিল না—তার মানে ?”

“বলল যে, আপনাকে জানাবার দরকার নেই।”

“তবে তারা ফোন করেছিল কেন ?”

“আমাকে জিজ্ঞাসা করল যে বন্দীর কাছ থেকে কোন খবর পাওয়া গেছে কি না।”

“তুমি তার কি জবাব দিলে ?”

“আমি জানিয়েছি যে, স্ত্রীলোকটি কোন খবরই দেয় নি।”

“তারপর কি হল ?” ক্যাপ্টেনের কণ্ঠে ক্রোধের স্বর।

সার্জেন্ট বিবর্ণ হয়ে গেল।

“তারপর ... আমি আরও ... জানিয়েছি ... ”

“বেশ, আর কি জানিয়েছ ?”

“জানিয়েছি ... যে, বন্দীকে হত্যা করা হয়েছে। ...”

“এ খবর দিতে তোমাকে কে অধিকার দিয়েছে ? খবরটা দিতে তোমায় কে বলেছে ? হুকুম তোমাকে কে দিয়েছে ? আমি দিয়েছি ?”

সামনের দিকে ঝুঁকে পড়ে ভের্নের এক-পা এক-পা করে লোকটার দিকে এগিয়ে গেল। লোকটা ঠায় একভাবে দাঁড়িয়ে রইল, এক-পা পিছোবার তার সাহস হল না।

“আমি কি তোমাকে খবর দিতে বলেছিলাম ?”

“না, আপনি হুকুম দেন নি, হের ক্যাপ্টেন।”

একটা ব্রিট ঘুষি গিয়ে সার্জেন্টের গালের উপর পড়ল : গায়ের সমস্ত শক্তি দিয়েই ভের্নের ঘুষিটা মারল !

সার্জেন্টটা একবার কঁপে উঠল, কিন্তু ঠিক একই ভাবে সামরিক কায়দায় দাঁড়িয়ে নোজা ক্যাপ্টেনের দিকে চেয়ে রইল।

“কে তোমাকে হুকুম দিয়েছে, কে তোমাকে খবর দিতে বলেছে?” ভেনের ভাঙা গলায় গর্জন করে উঠল এবং সঙ্গে সঙ্গে আর একটি ঘৃষি বসাবার জন্তে হাত তুলল।

এবারে সার্জেন্টের গাল রক্ত জমে লাল হয়ে উঠল। গালে ভেনেরের আঙুলের দাগগুলি প্রথমে সাদা, পরে দেখতে দেখতে রক্তিম হয়ে উঠল।

“মোড়ল কোথায়? এখানে আজ এসেছিল?”

সার্জেন্ট তখনও অপলক দৃষ্টিতে ক্যাপ্টেনের দিকে সোজা তাকিয়েছিল।

“এখনও আসে নি।”

“কতটা খাত্তশস্ত দিয়ে গেছে?”

“মোর্টেই দেয়নি। এ পর্যন্ত কেউ আসেওনি।”

ভেনের গাল দিয়ে উঠল।

“সে ছেলের ব্যাপার?”

“কেউ কোন খবর দেয়নি, হেব ক্যাপ্টেন।”

রাগের মাথায় ক্যাপ্টেন নিজের চেয়ারাখানা পিছনে ঠেলে দিল এবং টেবিলের ব্লাটিং প্যাডটাও মেঝেতে ছুঁড়ে ফেলল। সার্জেন্ট সঙ্গে সঙ্গেই নীচু হয়ে ব্লাটিং প্যাডটা তুলে নিয়ে যথাস্থানে রেখে দিল।

“মোড়লকে ডেকে পাঠাও! জলদি!”

“যো হুকুম, হেব ক্যাপ্টেন!”

সার্জেন্ট জুতাব খটু খটু শব্দ করে ঘর থেকে বেরিয়ে গেল। ভেনের তার দেওয়াজটা খুলে তার ভিতরকাব কাগজপত্র সব টেনে বার করে টেবিলের উপর রাখল। রাগ তখন সপ্তমে চড়েছে। সেই পাপিষ্ঠা একটা কথাও বলল না এবং মনে হয় এক বছর ধরে ক্রমাগত প্রশ্ন করতে থাকলেও সে কিছু বলত না। কিছু না বলেও সে শত শত বার মরতে প্রস্তুত ছিল। সদর দফতর অবশ্য এই সিদ্ধান্তে আসবে যে, কাজটায় তার হঠকারিতা হয়ে গেছে, না-ভেবেচিন্তেই কাজটা করে বসার ফলে এই হল যে, গ্যোরিলাদের ধরবার যে একটি মাত্র সূত্র ছিল তাও গেল। সদর দফতরের এলাকায় যে সব গ্রাম আছে গ্যোরিলারী বাতসের মত

ধরা-হোয়ার বাইরে থেকে সে সব গ্রামে হানা দিচ্ছে। সদর দফতর এই কথাই ভাববে যে, তার মত একজন মুখ সার্জেন্ট ওই জীলোকটার মৃত্যু-সংবাদ জ্ঞাপন করা ছাড়া অন্য কোন সহজ উপায়ই উদ্ভাবন করতে পারে নি। তবে একথাও ঠিক যে, ওকে টেলিফোনে কোন কথা জিজ্ঞাসা না করে তার অধীনস্থ কর্মচারীদের কাছে এ সব কথা বলেছে। অবশ্য ওর বিরুদ্ধে নানা রকম ষড়যন্ত্র সেখানে চলছে এবং তারা ওকে ফাঁদে ফেলবার বিশেষ চেষ্টাতেই আছে। সব চেয়ে বড় কথা, আজ পর্যন্ত কোন খাতিশস্য সে পেল না। প্রায় চব্বিশ ঘণ্টা কেটে গেল কিন্তু খাতিশস্য কোথায় লুকানো আছে সে কথা কেউ বললও না, দেখিয়েও দিল না। সে বেকুব মোড়লটা বলেছিল, ওরা ভয় পাবে! ভয় পাবে, না, আরও কিছু! হেড কোয়ার্টারের সবাই মোড়ল মোড়ল করে খুব চীৎকার করছিল। কিন্তু সে মোড়ল কি কবল? তার দ্বারা কোন কাজই হল না, গ্রামবাসীদের উপর তার বিন্দুমাত্রও প্রভাব নেই।

দরজার বাইরে সার্জেন্টের জুতোর খট্ খট্ শব্দ শোনা গেল।

“কি খবর?”

“হের ক্যাপ্টেন, অল্পমতি করেন ত বলি যে, মোড়ল এখানে নেই।”

“সে কি! এখানে নেই! কিন্তু আমি তোমাকে বলেছিলাম তাকে ডাকবার জগ্নো লোক পাঠাতে?”

“আমি নিজেই গিয়েছিলাম, কিন্তু বাডীতে নেই।”

ভের্নের কাঁধ ঝাঁকাল।

“কোথায় গেছে সে?”

“কেউ বলতে পারল না।”

ভের্নের চটে উঠলো।

“তোমার কি মাথা ধারাপ হয়েছে? তুমি কি আশা কর যে, আমি নিজে গিয়ে তাকে খুঁজে এনে তোমায় দেব?”

“অধীনের কথা শুনুন, আমরা সর্বত্র তাকে খুঁজে দেখেছি। কাল অনেক রাত পর্যন্ত এখানে ছিল। আমরা দু’জনে হিসাব মিলিয়ে দেখছিলাম যে,

আশাহরুপ খাত্তশস্ত্র গ্রাম থেকে পাওয়া যেতে পারে কি-না। সে হুপুর রাজ্যে বাড়ী গেল, কিন্তু সেখানে গিয়ে সে পৌঁছয় নি। তারপর থেকে তাকে আর কেউ দেখেও নি।”

“তোমরা সব জায়গায় সন্ধান নিয়ে দেখেছ?”

“হ্যাঁ, হজুর।”

“সে কি তা হলে পালিয়ে গেল?”

“আজ্ঞে হ্যাঁ। বোধ হয় পালিয়েই গেছে।”

“যা বলেছ! কিন্তু এখন কি করা যায়?”

ক্যাপ্টেন বিষন্নভাবে টেলিফোনের দিকে চেয়ে রইল।

“আমি ত জানি না হজুর।”

“বেকুব কোথাকার!” ক্যাপ্টেন গর্জন করে উঠল।

“আমরা তাকে কিসের জন্তে চেয়েছিলাম—সেই মোড়লকে? কি সাহায্য সে আমাদের করেছে? কি কাজই বা করেছে সে? কোন ব্যবস্থাই করতে পারে নি।”

“আজ্ঞে, আপনি যা বলছেন, তা ঠিক।”

“আর হ্যাঁ, সত্যিই তাই।... এখানে বসো, হেড কোয়ার্টারে একটা রিপোর্ট পাঠাও। লেখো যে মোড়ল পালিয়েছে। তারা আর একজনকে পাঠাক। এবারে বোধ হয় আরও বেশি কোন বুদ্ধিমানকে পাঠাবে।”

সার্জেন্ট পাশের ঘরে গিয়ে মোড়লের পলায়ন সম্পর্কে রিপোর্ট লিখতে আরম্ভ করল। তারপর আরও একটা রিপোর্ট লিখল যে, ক্যাপ্টেন ওলেনা কন্টিগুককে হত্যা করার সংবাদ হেড কোয়ার্টার থেকে গোপন রাখতে চায়।

“সশ্!”

দীর্ঘকালের অভ্যাস বশে সার্জেন্ট সঙ্গে সঙ্গে লাফ দিয়ে উঠে দাঁড়াল এবং অসমাপ্ত রিপোর্টটা নিজের দেয়ালে বন্ধ করে রাখল।

“কাল রাতে গ্রাম পাহারার ভার কাদের উপর ছিল? তাদের সকলকে জিজ্ঞাসা করেছে?”

“হাঁ, সকলকেই জিজ্ঞাসা করেছি, হের ক্যাপ্টেন, এবং তারা কেউ কিছু জানে না।”

“কি চমৎকার ব্যাপার। স্বীকার করতেই হবে! তার মানে, তুমি পায়ে হেঁটেই গ্রাম প্রদক্ষিণ কর এবং গ্রাম ছেড়ে চলেও যদি যাও, আমাদের সাক্ষীরা বলবে, ‘তারা কিছুই জানে না।’ এভাবে যদি সব কিছু চলতে থাকে তা হলে এক শুভদিনে দেখতে পাব, ঘুমের মধ্যে আমরা সব কচুকাটা হয়ে আছি, অবশ্য সাক্ষীরাও বাদ যাবে না। তারা জানে না, কি রকম? সে ত আর উড়ে যায় নি, পায়ে হেঁটেই গিয়েছে! তারা কি করছিল, ঘুমোচ্ছিল?”

“দারুণ তুমারে তারা ঘুমোতে পারে না। তার উপর প্রচণ্ড তুমারবল্ল্যায় এখানকার পথঘাট সম্বন্ধে যার অভিজ্ঞতা আছে তার পক্ষে পালানো সহজ। সারা গ্রামেই আমাদের সাক্ষী মোতায়ন করা উচিত।”

“আমাদের কি করা উচিত, না-উচিত, সে সম্বন্ধে পরামর্শ তোমার কাছে চাই নি। যাদের মোতায়ন করবে, তারা কোথায়, কোথায় পাবে অত সৈনিক? তোমাদের লোকজন যথেষ্ট আছে? আর তুমি—তুমি নিজেই বা কি করছ? তুমি কি জান না যে মোড়লকে বিশেষ নজরে রাখা দরকার?”

সার্জেন্টের মনে পড়ল যে, তাকে বাড়ী পর্যন্ত পৌঁছে দেওয়ার জন্তে মোড়ল একজন লোক চেয়েছিল। সেই রাতে একা একা যেতে তার ভয় করেছিল। কাজেই মনে হয়, সে এত ভয় পেয়েছিল যে, একাকী পালিয়ে যাওয়াও তার পক্ষে সম্ভব নয়। কিন্তু পাছে ক্যাপ্টেন আরও রেগে যায় তাই সার্জেন্ট তাকে কিছুই জানাল না। সার্জেন্ট নিজেকে অপরাধী মনে করল—সে নিজে যদি গাপলিককে বাড়ী পৌঁছে দিয়ে আসত।

“সব আহাম্মক কোথাকার! এদের দিয়ে লড়াই জেতবার আশা!” ক্যাপ্টেন গজ গজ করতে লাগল।

সার্জেন্ট আদেশের প্রতীক্ষায় দরজার পাশে দাঁড়িয়ে রইল।

“তুমি এখানে দাঁড়িয়ে কেন? লেখাটা শেষ করে ফেল। এমন কিছু লেখো, যা পড়ে ওরা একটু খুশি হয়। আর আমি বলব কি চমৎকার সহকারীই না তারা আমার জন্তে খুঁজে পেতে এনেছিল!”

সঙ্গে সঙ্গে সার্জেন্ট চলে গেল এবং তাড়াতাড়ি তার অসমাপ্ত রিপোর্ট শেষ করতে লেগে গেল। ক্যাপ্টেন ভের্নের রাগের মাথায় যা-যা করেছে বা বলেছে সে সবই রিপোর্টে লিখল। সময় সময় হাত তুলে গালে বুলোচ্ছিল। ক্যাপ্টেনের চপেটাঘাতের জ্বলনি তখনও মিলিয়ে যায় নি।

ভের্নেরও কাগজপত্র নিয়ে বসল, কিন্তু অবিলম্বেই বুঝতে পারল, কাজ করবার মত মনের অবস্থা তার নেই, তাই সার্জেন্টকে ডেকে পাঠাল।

“টেলিফোনের পাশে অপেক্ষা কর, আমি একটু বেড়িয়ে আসি।”

“কিন্তু আপনি বাইরে বেরুতে চান, বাইরে এখন বেজায় তুষার। ...”

“তোমায় বলতে হবে না, আমি জানি। তুষারের মধ্যেই ত আমি এলাম।”
ঘোঁৎ ঘোঁৎ করতে করতে ভের্নের জামার কলার উন্টিয়ে দিয়ে বেরিয়ে গেল।

বাতাসটা পড়ে আসছে, কিন্তু তুষার যেন আরও সাংঘাতিক ভাবে বেড়ে উঠেছে। পায়ের চাপে বরফ মস্ মস্ করে। আকাশে সূর্য ওঠেনি বটে, কিন্তু বরফের চক্চকে আভা চোখ ধাঁধিয়ে দেয়। ভের্নের দরজায় খানিকক্ষণ দাঁড়িয়ে ঘূর্ণাভরা দৃষ্টি মেলে রাগের সঙ্গে গ্রামের পানে একদৃষ্টিতে চেয়ে রইল। গ্রামখানি নিরুন্ম হ’য়ে আছে; দেখলে মনে হয়, বরফের আচ্ছাদনে পালকশয্যায় শান্তিতে ঘুমিয়ে আছে। চালাগুলির মাথায় সাদা পুরু আস্তরণ জমে আছে। বাতাসে চালের খডগুলো জয়গায় জয়গায় উড়ে গিয়ে এখানে সেখানে খালি পড়ে আছে। কোথাও জীবনের এতটুকু লক্ষণও দেখা যাচ্ছে না।

এদিকে সেদিকে জার্মান সৈন্তেরা দৌড়ঝাঁপ করছে, কিন্তু তা ছাড়া, আর কোন সাড়া শব্দটিও নেই—যেন যত্নের মত নীরব। কুকুরের ডাক পর্যন্ত শোনা যায় না। সৈন্তেরা প্রথম দিন গ্রামে এসেই কুকুরগুলোকে গুলি করে মেরেছে।

কুকুরগুলোও মাহুষের চেয়ে কম বর্বর নয় ! বিদেশী লোক দেখে তাড়া করেছে ; সৈন্যদের বাড়ীতে ঢুকতে দিতে চায় নি ।

গ্রামখানি একেবারে নিরুন্ন হলও ভের্নের একটা সাংঘাতিক কোন বিপদের আশঙ্কা করছিল । শত্রু সামনাসামনি আক্রমণ করলে সে আত্মরক্ষার স্বযোগ পায়, তাই যুদ্ধক্ষেত্রেই বেশি ভাল । কিন্তু একটা অধিকৃত গ্রামে আইন ও শৃঙ্খলা স্থাপন করাটা তাদের মতে—বসে বিশ্রাম করা । আইন ও শৃঙ্খলা ! একমাস হল তারা বলশেভিকদের গ্রাম থেকে তাড়িয়েছে, কিন্তু এখনও পর্যন্ত কিছু করে উঠতে পারে নি । পার্থিব সকল রকমের চেষ্টা, যে-কোন গুরুতর কৌশল—সবই ব্যর্থ হয়েছে । অবিচলিতভাবে ওরা সব কিছু নীরবে সহ্য করেছে, তবু বশতা স্বীকার করে নি । এই সব নিরেট লোকগুলি কি উদ্দেশ্য সাধন করতে চায় ? ও কথা ওদের বেশ ভাল ক’রে বুঝিয়ে দেবো যে, শেষ পর্যন্ত আত্মসমর্পণ করা ছাড়া আর কোন উপায় নেই । প্রত্যেকটি মানুষকে যদি নিশ্চিহ্ন করে ফেলতে হয়, তবুও এর অগুণা হবে না । জার্মানদের যা মূল উদ্দেশ্য তা সফল হবেই । কিন্তু এটা তারা বুঝতে চায় না । তা থেকে এই মনে হয় যে, ওদের স্থির বিশ্বাস, শেষ পর্যন্ত বলশেভিকরাই জয়ী হবে ।

দূরে কোথায় একটা এঞ্জিনের শব্দ শোনা গেল । জামার কলারটা নামিয়ে দিয়ে ভের্নের শব্দটা ভাল করে শোনবার চেষ্টা করল । বোঁ বোঁ শব্দ নিস্তব্ধ বাতাস ভেদ করে মশার গুঞ্জনের মত ভেসে আসছে । কিন্তু শব্দটা যেন ক্রমেই জোর ধরে নিকটবর্তী হয়ে আসছে । বরফের ছটা থেকে চোখ দুটো আড়াল করে ক্যাপ্টেন উদ্‌গ্রীব দৃষ্টিতে আকাশের দিকে চাইল ।

“ওই—ওই যে, ক্যাপ্টেন ! সাজ্জীটা সাহসের সঙ্গে বিমানখানির দিকে তার দৃষ্টি আকর্ষণ করল ।

ভের্নের সে দিকে চেয়ে দেখল । প্রথমে মনে হচ্ছিল যেন ছোট্ট একটি ডাঁশ-মাছি, তার পর দেখতে দেখতে আকারটা বড় হতে লাগল ।

“আমাদের ?” ক্যাপ্টেন বিহবলভাবে জিজ্ঞাসা করল ।

সাজীটা কান পেতে শুনছিল।

“আমার তা মনে হয় না ক্যাপ্টেন, এ যেন অগ্নি এঞ্জিন।”

ভের্নের উদ্বিগ্ন হয়ে উঠল।

পুরো এক মাসের ভিতর একখানি শত্রু-বিমানও এ অঞ্চলে দেখা যায় নি। ওরা নিশ্চয় আবার জোর ধরে ওঠে নি?

বাড়ীর ভিতর থেকে জন কয়েক সৈন্য বেরিয়ে এল।

“বলশেভিক!” তাদের মধ্যে একজন বলে উঠল।

রাস্তাটা আর এখন নির্জন নয়। গ্রামবাসীরা যেন মাটা ফুঁড়ে উঠে এল। জীলোকেরা সব বাড়ীর বাইরে এসে দাঁড়িয়েছে, ছেলেরা দল বেঁধে গড়াতে গড়াতে এসে উপস্থিত হল। সকলেই হাত দিয়ে সূর্যালোক আড়াল করে আকাশের দিকে তাকাতে লাগল।

“আমাদের! আমাদের!” শাশা চৈচিয়ে উঠল।

মাল্যুচিখা ঘাড় ধরে তাকে বলল: “আমাদের, তোকে কে বলল?”

কিন্তু তখন আর কান্নরই এতটুকু সন্দেহের অবকাশ রইল না। বিমানখানি যতটা সম্ভব নীচে দিয়েই উড়ছে। বরফের উপর প্রতিফলিত চোখ বলসানো আলোর ছটায় প্রত্যেকেই বিমানের পাখায় ‘লাল তারকা’-চিহ্ন নিভুলভাবে দেখতে পেল।

মাল্যুচিখা হাঁটু গেড়ে বসে পড়ল, তার দেখাদেখি আর আর জীলোকেরাও তেমনি করেই বসল। ছেলেরা সব কিছু ভুলে গিয়ে রাস্তার মাঝখানে এসে হাত ছুঁড়ে মাথা ঝাঁকাতে লাগল।

“আমাদের! আমাদের!” আনন্দের সঙ্গে তারা চৈচাতে লাগল। একাগ্র গম্ভীরমুখো জীলোকদের চোখ থেকেও অশ্রু ঝরতে লাগল। একখানি বিমান, তাদেরই বিমান গ্রামের উপর দিয়ে উড়ছে, ডানায় তার ‘লাল তারকা’-চিহ্ন—ওদের জ্ঞাত আশার বাণী বয়ে এনেছে, ও যে স্বাধীনতার প্রতীক। শারা মাসে আর তারা সোভিয়েট বিমান দেখতে পায়নি। এটি প্রথম বিমান—মৃত্যুর বৃত্তবৎস গোডানি, জার্মান-মার্ক এঞ্জিনের সবিরাম স্বল্পস্থায়ী গোডানি ছড়িয়ে দিচ্ছে না চারদিকে,

পাখায় যার কালো কুটিল সাপের স্বস্তিকা আঁকা নেই, তেমন বিমান এই প্রথম এলো এদিকে।

ক্যাপ্টেন ছেলের টেচামেটি শুনতে পেল। রাস্তার দিকে সোজা তাকিয়ে যে দৃশ্য দেখল, যতদিন সে গ্রামে এসেছে তার মধ্যে এ দৃশ্য তার নজরে পড়েনি। সর্বত্রই নরনারী। জ্বীলোকেরা নিজ নিজ বাড়ীর সামনে হাঁটু গেড়ে বসেছে; ছেলেরা এক ঝাঁক চড়াই পাখীর মত রাস্তা জুড়ে লাফালাফি শুরু করে দিয়েছে। বর্ষায়ানের দল উড়ন্ত পাখীটির দিকে হাত নাড়তে লাগল। এ সব দেখে ভের্নের রাগে থর থর করে কাঁপতে লাগল।

“হটিয়ে দাও, হটিয়ে দাও ওদের!” সৈন্যদের লক্ষ্য করে সে চীৎকার করে উঠল। সৈন্যেরা তার আদেশ বুঝতে পারল না। ভের্নের নিজের রিভলবার বার করে ছেলেরদের লক্ষ্য করে গুলি ছুঁড়ল, পর পর দুটো গুলির আওয়াজ হল বটে, কিন্তু লক্ষ্য ব্যর্থ হল। রাগে লজ্জায় তার হাত কাঁপতে লাগল। এক ঝাঁক চড়াই পাখীর মধ্যে একটা ঢিল ছুঁড়লে তারা যেমন যে যেদিকে পারে পলায়ন করে, ছেলেরাও তেমনি সরে পড়ল, জ্বীলোকেরাও তাদের অহুসরণ করল। মুহূর্তের মধ্যে সকলেই অস্ত্রধান করল, যেন সকলকে হাওয়ায় উড়িয়ে নিয়ে গেল। প্রত্যেকটি বাড়ীর দরজা সঙ্গে সঙ্গে বন্ধ হয়ে গেল এবং ভের্নের দেখতে পেল, সারা গ্রাম আবার জনশূন্য হয়ে গেছে,—যেন মৃত। কাউকে কোথাও দেখতে পাওয়া যাচ্ছে না।

“এই গাড়লের দল, শুনতে পাওনি কি বললাম? ভের্নের নির্বাক সৈনিকদের তাড়া দিয়ে উঠল। তার রাগ এই কাবণে আরও বেড়ে গেল যে, অত সামনে থেকে গুলি ছুঁড়েও সে লক্ষ্যভেদ করতে পারেনি—সেটা তারাও দেখতে পেয়েছে। “ওখানে চুপচাপ দাঁড়িয়ে দাঁড়িয়ে শত্রুর বিক্ষোভ প্রদর্শন লক্ষ্য করলে ত! তোমাদের বিমান-বিধ্বংসী কামানগুলো কি সব বে-কল হয়ে গেছে, তারা সব গেল কোথায়?”

ঠিক সেই মুহূর্তে একটি বিমান-বিধ্বংসী কামান থেকে গুলি ছোঁড়ার শব্দ পাওয়া গেল। কামানটার অদূরেই বোমাটা ফেটে কতকগুলো কালো ধোঁয়ায়

চারদিক আচ্ছন্ন করে ফেলল। দ্বিতীয় বোমাটাও আর একটু দূরে গিয়ে ফাটল। বিমানখানি আরও উঁচুতে উঠে অদৃশ্য হয়ে গেল।

“এতক্ষণে ঘুম ভাঙল? কি করছিলে সব? কামানের কান মলছিলে? ... আরাম করে ঘুমোচ্ছিলে, তাই না?” একটা সার্জেন্ট তার দিকে ছুটে আসছিল, তাকে লক্ষ্য করেই ভের্নের গর্জে উঠল।

“হের ক্যাপ্টেন, যদি অভয় দেন ত বলি, আমরা ভেবেছিলাম ওটা আমাদেরই বিমান। কিন্তু পরে ...”

“গ্রামের সব ছেলেমেয়ে চিনতে পারল, কেবল তোমরাই পারলে না। তোমরাই শুধু ভাবলে—! মজা মন্দ নয়! সবুর কর দেখাচ্ছি! ...”

“এটা প্রথম বিমান, হের ক্যাপ্টেন।...” সার্জেন্ট ক্রাট সমর্থন করতে চেষ্টা করল।

“চুপ। আমি ত তোমাকে জিজ্ঞাসা করিনি! প্রথম বিমান! আমাদের কামানগুলো যেখানে আছে সেখানে যদি একটা বোমা পড়ত তা হলে প্রথম বিমান বেরিয়ে যেত! বুঝলে, যত সব অপদার্থ!”

ক্যাপ্টেন পিছন ফিরে গিয়ে আপিসে প্রবেশ করল। রাগে তার আপাদমস্তক থবু থবু করে কাঁপছে। কি অলুক্ষণে দিন, আর কি অভিশপ্ত লোকগুলো!

“কি, মোড়লকে পাওয়া গেল?”

ভীত সন্ত্রস্ত সার্জেন্ট লাফ দিয়ে চেয়ার ছেড়ে উঠে দাঁড়াল।

“হের ক্যাপ্টেন, সন্ধান চালাবার হুকুম ত পাই নি। ...”

ভের্নের রাগের সঙ্গে হো হো করে হেসে উঠে বসে পড়ল। একেবারে গাড়ল, কেউ কিছু ভাবলে না পর্যন্ত, আশ্চর্য! ...আর সব কিছুর দায়িত্ব একমাত্র ওর— ভের্নের ঘাড়ের চাপবে। সদর দফতরে তার হিঁতৈবীরা এ স্বযোগ হেলায় হারাবে না নিশ্চয়ই।

হঠাৎ তার মনে হল যে, গোলমাল যদি শুরু হয়ই, তা হলে পুসিয়াকে নিয়েও এর উপর আর একটা বিপদ আসা বিচিত্র নয়। এখানকার বাসিন্দাদের প্রতি ভের্নের অতিরিক্ত উদারতার সে হবে একটা প্রমাণ।

“তার সংশ্রব আমাকে ছাড়তেই হবে,” অনিচ্ছাসম্বোধে সে ভাবল।

তার কিছু করবার ইচ্ছা ছিল না। আসলে সে একজন সামরিক কর্মচারী, কিন্তু কার্যত তার উপর মিউনিসিপ্যালিটির দায়িত্ব চাপিয়ে দেওয়া হয়েছে, একটা অপদার্থ গ্রামে শান্তি ও শৃঙ্খলা স্থাপনের ভার গছানো হয়েছে। এখানে সে কি করতে পেরেছে? ছোট-বড়-টুকরো নানা রকমের ফাইল ইত্যাদির চাপে সে মাথাও তুলতে পারেনি। মোড়ল ও সার্জেন্ট সর্বক্ষণই কেবল এজমালি খামারের খাতাপত্র নিয়ে পড়ে থাকত, কিন্তু তাতেও কোন ফল পাওয়া যায়নি। সৈন্তবাহিনী চায় মাংস, চায় খাতশস্ত্র, চর্বি। কিন্তু পাজি বলশেভিকেরা গরুবাছুর সবই এমন জায়গায় সরিয়ে নিয়ে গেছে যে, শরতের আগে আর ফিরবে না। যে কয়টি গরু এখনও অবশিষ্ট আছে তা ওর দলের পক্ষেই যথেষ্ট নয়। খাতশস্ত্র তারা নিয়ে গেছে, নয় ত এমন জায়গায় লুকিয়ে রেখেছে যে কোন মতেই তা পাওয়া যাবে না।

“জামিনদারদের খবর কি?”

“ফাটকে আছে হের ক্যাপ্টেন।”

“তাদের কিছু খেতে দিয়েছ কি?”

“ন-না। ... কিছুই না, হের ক্যাপ্টেন।”

“জল?”

“না, জলও না,” সৈনিক আরও অস্পষ্টভাবে আমতা আমতা করে বলল।

“ভাল! চমৎকার! এক কণা ঝটি বা এক ফোঁটা জলও নয়! তারাও আমাদের কিছু খেতে দিতে চায় না, আমরাও তাদের দেবো না। ... তারা যদি দরজা বন্ধ রাখতে চায় ত রাখুক, তাতে খুব বেশি ক্ষতি হবে না ...”

ভের্নের স্থির হয়ে বসতে পারছিল না। আবার সে বেরিয়ে পড়ল। প্রথমটা বাড়ী যাবে ঠিক করল, কিন্তু সেখানে পুসিয়া আছে মনে হতেই কেমন একটা বিতৃষ্ণা এসে গেল। যেখানে কামানগুলি রাখা আছে সেদিকে তখন চলে এল। সে নিজে গোলন্দাজের কাজে তেমন দক্ষ নয় বলেই গোলন্দাজ সঙ্ঘে তার একটু

দুর্বলতা ছিল। মনটাকে অল্প দিকে নিয়োগ করবার জ্ঞান সে চাঁদমারির ব্যবস্থা করল।...

কয়েক মিনিট পরেই ময়দানে তার চোঁচামিচি শোনা গেল—লোকজনের উপর হুকুম ও গালাগালি সমান বর্ষিত হচ্ছে।

“ওই রে, ক্ষেপে গেছে,” কমাণ্ডান্টের ভিতর একজন সৈন্য মন্তব্য কবল।

“ক্ষেপবার যথেষ্ট কারণও আছে। ... এক কণা খাওয়াশস্যের গন্ধও মিলল না, তার উপর আবার মোড়লের পলায়ন। ...”

“ধড়িবাজের ডিম। ...”

সার্জেন্ট সন্দেহের সঙ্গে বক্তার দিকে তাকাল।

“সে কি, তোমার কি কোন কারণে মোড়লকে ঈর্ষা হয়?”

“তাকে ঈর্ষা করার কি আছে হের সার্জেন্ট?” সৈনিকটা জবাবে বলল। সার্জেন্টের পানে নিরীহ দৃষ্টিতে চেয়ে রইল। “পালালেও সে বেশি দূর যেতে পারেনি। আমাদের লোকেরা তাকে ধরে ফেলবেই।”

“অবশ্য যদি পিছু পিছু গিয়ে থাকে,” আর একজন টিপ্পনি কাটল।

“আর যদি সে সামনের দিকে গিয়ে থাকে তা হলে বলশেভিকেরা জ্যাস্ত অবস্থায় গায়ের ছাল খুলে নেবে। না, নিশ্চয়ই তাকে ঈর্ষা করবার কিছু নেই।”

“হয় ত, ইঁদুরের দল রাস্তায় কোথাও তাকে লোপাট করে ফেলেছে।”

সার্জেন্ট আতঙ্কে শিউরে উঠল।

“কি আবল-তাবল বকছ? মুঝিকরা তাকে খুন করবে কেমন করে?” অনেক রাত পর্যন্ত সে এখানেই ছিল, তারপর আর বাড়ী পৌঁছয়নি।”

“পথে, অর্থাৎ ...”

“রাত্রে এখানে ত কেউ বাইরে বেরোয় না। স্পষ্ট হুকুম জারি আছে!” কথাটা হঠাৎ সার্জেন্টের মুখ ফসকে বেরিয়ে গেল।

সৈনিকটা জিজ্ঞাসু দৃষ্টিতে সে দিকে তাকাল কিন্তু কোন জবাব দিল না। অবশ্য একথাও সার্জেন্ট কখনও ভোলে নি যে, আদেশ সত্ত্বেও, সৈনিকদের গ্রাম

চৌকি দেওয়া সম্বন্ধে কে একটা ছোকরা চালাঘরের সামনে এসেছিল এবং আশ্চর্যের বিষয় এই যে, তার মৃতদেহটা কেমন করে কোথায় অন্তর্হিত হল, কেউ বলতে পারে না। অথচ এ সত্যটা সকলেরই জানা আছে যে, মৃতদেহ কখনও এক জায়গা থেকে আর এক জায়গায় চলাফেরা করে না।

“সে যাক্ গে, তোমরা তোমাদের কাজ করে যাও, বাজ্রে বকায় দরকার নেই।” সার্জেন্ট গজ গজ করতে লাগল।

সৈনিকেরা চূপ করে গেল। ক্যাপ্টেনের মতই সার্জেন্টও প্রয়োজন মনে করলে তাদের উপর হাত চালাতে কস্বর করবে না। সেই দিনই সকালে ক্যাপ্টেনের হাত-চালানোর পরিচয় সে নিজে পেয়েছে, তার গালে এখনও হাতের পাঁচটা আঙুলের দাগ জ্বল জ্বল করছে! সুতরাং তার অধীনস্থ লোকদের উপর মারমুখী হওয়ার অধিকার তারও আছে।

“নয়মান কোথায়?”

“তারা মাংসের খোঁজে বেরিয়েছে।”

সার্জেন্ট ক্র কৌচকাল।

“মাংসের খোঁজে ... গরুগুলো সব কোথায়, তারা কি জানে না?”

“এখানে একটাও গরু আছে কি-না সন্দেহ। হের ক্যাপ্টেন পরশু সদর দশটা গরু পাঠিয়েছেন। তারা গেছে মুরগি-টুরগি পায় কি-না তারই সন্ধানে।”

সার্জেন্ট কাঁধ দুটো ঝিকিয়ে কাগজপত্রের মধ্যে ডুবে গেল। সদর দফতর থেকে ফোন আসার আশাও সে করছিল। ক্যাপ্টেন বেশ মুশকিলেই একটু পড়েছে, এই সুযোগে ওর মনে একটা অনিষ্ট করার প্রবৃত্তি জেগে উঠেছে। সার্জেন্টের গালে চড় মারা সহজ, কিন্তু সদর দফতর যে খাণ্ডশস্ত্র দাবি করছে তা যোগাড় করা বেশ কঠিন ব্যাপার। গ্যোরিলারা কোথায় আছে তার সন্ধান পাওয়া আদৌ সহজ নয়। সার্জেন্ট বেশ করেই জানে যে, ক্যাপ্টেন বেশ একটু অস্থবিধায়ই পড়ে গেছে। তবে এটাও সে বেশ ভাল করেই জানে যে, আর কেউ এসে এখানে ওর চেয়ে ভাল কিছু করতে পারবে না। তবে এক্ষেত্রে ভেনেরের বিষ দাঁত ভাঙবে মনে হতেই সার্জেন্ট অত্যন্ত খুশি হল। ভেনের

নিজেকে বেশ একটা কেঁটবিট্টু মনে করে, কাজকর্মও তেমন মনোযোগ দেয় না ; একমাত্র মনোযোগ তার ওই স্ট্রিকিটার দিকে ! হুতরাং এখন থেকে সব কিছুই জগ্নেই তাকে মূল্য দিতে হবে ।

তারা যেদিন একটা ছোট শহরে প্রবেশ করে তখন একটা বাড়ীর কোন ফ্ল্যাট থেকে কে জার্মান সৈন্যদের লক্ষ্য করে গুলি ছোঁড়ে, ফলে জার্মান সৈন্যরা জোর করেই বাড়ীটায় ঢুকে পড়ে । সেই দিন থেকেই ক্যাপ্টেনের প্রতি সার্জেন্ট একটা নীরব বিদ্বেষ পোষণ করে আসছে । তারা যখন ফ্ল্যাটে প্রবেশ করে তখন সেখানে কেউ ছিল না । সার্জেন্ট ঘরে একটা ফার কোর্ট কুড়িয়ে পায় । জামাটা সে পরের দিনই পাঠিয়ে দেবে স্থির করেছিল—মিংসি অনেক দিন থেকেই একটা ফার কোর্ট চেয়েছিল । কিন্তু ক্যাপ্টেন সেই ফার কোর্টটা তার ওই বানরীটার জগ্নে নিয়ে নিল । এটা ত একটা পাড়া-গাঁ ; এখানে ফার কোর্ট পাবে কোথায় ? এখানে দুর্গন্ধযুক্ত ভেড়ার চামড়ার জ্যাকেট ছাড়া আর কিছুই মেলে না । মিংসি সামান্য পুরানো পশমী জামায় কায়ক্লেশে শীত কাটায়, আর ক্যাপ্টেনের রক্ষিতা ওই মাগীটা সর্বান্তে সেই ফার কোর্টটা জড়িয়ে দিব্য আরামে আছে । একথা যখন মনে হয়, সার্জেন্টের আপাদমস্তক রাগে টগবগ করতে থাকে । এক এক সময় তার মনে হত, ক্যাপ্টেনের আচরণ সম্পর্কে সদরে সব কিছু রিপোর্ট করা দরকার । সেখানেও তারা ক্যাপ্টেনকে পছন্দ করে না । কারণ সব সময়েই সে দস্ত ভরে থাকে এবং সকলের চেয়ে সে যে বড় এইটাই তার আচরণে প্রকাশ পায় । সে কিসে বড় ? সার্জেন্ট সশ্ কখনও ভুলতে পারে না যে, ফুরারও একদিন ছিলেন তারই মত সার্জেন্ট । ফুরারের গৌরবের ছটা সার্জেন্ট সশ্-এর উপর প্রতিফলিত হয় । সার্জেন্ট কখনও একথা ভুলতে পারে না যে, ক্যাপ্টেন তার কাছ থেকে জোর করে ফার কোর্টটা নিয়েছে এবং গালেও চড় মেরেছে, তাও আবার এই প্রথম নয় ।

ক্যাপ্টেনের চাঁৎকার গীর্জার ওখান থেকেও শোনা যাচ্ছে, সশ্ সে শব্দ শুনতে পেয়ে বিদ্বেষের হাসি হাসল । “যত পার চেষ্টাও ওখানে, দেখি কি করতে পার !”

সৈনিকেরা গ্রাম তোলপাড় করে ফেলছে। দল বেঁধে তারা বাড়ী বাড়ী ঘুরছে। কেউ তাদের কাপুরুষ বললে তারা ক্ষেপে যায়, কিন্তু এখানে, এই অভিশপ্ত গাঁয়ে তারা দিনের বেলায়ও দল না বেঁধে যেতে সাহস পায় না।

কড়া নাড়ার শব্দে গ্রোথাচিখা এসে দরজা খুলে দিয়ে সৈনিকদের দিকে অপ্রসন্ন দৃষ্টিতে সাহসের সঙ্গে তাকাল। তার মেয়েরা কোণায় লুকিয়ে রইল।

“কি চাও তোমরা?”

“মুরগি, মুরগি চাই।”

“মুরগি একটাও নেই, সব ত তোমরাই গিলে খেয়েছ।”

তারা ওর কথাগুলির মানে বুঝতে না পারলেও বক্তব্য বিষয় বুঝতে পারল; কিন্তু বিশ্বাস করল না। আতিপাতি করে বাড়ীর সর্বত্র খুঁজে বেড়াল, মুরগির খোঁয়াড়, গোয়ালঘর—কিছুই বাদ দিল না। কিন্তু শেষ পর্যন্ত কিছু পেল না, বরং গামলার মধ্যে যে খর-কুটো ছিল সেগুলি চারিদিকে ছড়িয়ে দিল, সেখানে পাছে মুরগি লুকিয়ে থাকে। সৈন্তেরা বিফলমনোরথ হয়ে যখন ছুটে ফিরে আসছিল গ্রোথাচিখা তাদের দিকে তাকিয়ে একবার কাঁধ দুটো ঝাঁকাল।

“এখানে কিছু নেই,” সৈন্তদের অগ্র একজন বলে উঠল, সে খড়কুটো তন্ন তন্ন করে খুঁজেছে।

এক বাড়ী থেকে আর এক বাড়ী, এ ঘর থেকে আর এক ঘর এমন করে তারা ঘরে ঘরে ছুটে বেড়াতে লাগল।

“মুরগি, মুরগি দাও।”

বাহ্যচিখার অবশিষ্ট একমাত্র মুরগিটিকে সে সৈন্তদের দৃষ্টির আড়ালে চুল্লীর তলায় লুকিয়ে রেখেছিল, হতভাগার দিন ঘনিয়ে এসেছিল; তাই ছাড়া পেয়ে কুঁ কুঁ করতে করতে বেরিয়ে এল। জার্মানরা বিজয়োল্লাসে মুরগিটা নিয়ে চলে যাচ্ছিল, কিন্তু মুরগিটা কেমন করে তাদের হাত থেকে ছাড়া পেয়ে ভয়ে জানলায় গিয়ে উড়ে পড়ে জানলার সার্শীতে ডানার ঝাপ্টা মারতে লাগল।

“এদিকে আয়, এদিক পানে আয়।”

মুরগিটা একটা আতঁ চাঁৎকারে প্রথমে দালানে, পরে উঠানে গিয়ে পড়ল, সৈন্সরাও পিছু পিছু ধাওয়া করল। পাখীটার ডানার ঝাপটায় একরাশ চূর্ণ বরফও সেই সঙ্গে চারিদিকে ছড়িয়ে পড়ল। একটা সৈনিক রিভলভার বার করে গুলি ছুঁড়ল। পাখীটা গুলি খেয়ে তালগোল পাকিয়ে রক্তাক্ত কলেবরে বরফের উপর পড়ে গেল। সৈনিকটা তখন মুরগির একটা ঠ্যাং ধরে বিজয়ীর আনন্দে তাকে দোলাতে লাগল।

তারা প্রত্যেক ঘরে গিয়েই ক্রমাগত দাবি করছে : ‘মুরগি, মুরগি দাও।’ ফলে কিছুটা লাভ তাদের হল বই-কি।

তাদের আসতে দেখেই লোকেরা যা-কিছু লুকোবার সবই তাড়াতাড়ি লুকোতে চেষ্টা করল। মুরগিগুলোকে চুল্লীর তলায়, বিছানায়, চিলে-কোঠায় লুকিয়ে রাখল। জার্মানরা ক্ষুধার্ত কুকুরের মত চারিদিকে শুঁকে শুঁকে খুঁজতে লাগল। বলা বাহুল্য, এত হল্লা করেও খুব বেশি কিছু তারা সংগ্রহ করতে পারল না। যে কয়টি গরু তখনও ছিল তা নেওয়ার হুকুম না থাকলেও তারা একটি গরু নেবে ঠিক করল। লোকুতিখা কঁাদতে কঁাদতে হাত কচলাতে লাগল। কিন্তু সৈন্সেরা তাকে এমন জোরে ধাক্কা দিল যে, সে পড়তে পড়তে কোন রকমে খাড়া রইল।

“রঙ্গি, রঙ্গি।”

গরুটা অশ্রুসজ্জল শাস্ত চোখ দুটি মেলে তাকিয়ে রইল। গলার দড়ি ধরে তারা গাইটাকে টেনে নিয়ে চলল, কিন্তু সে কিছুতেই যাবে না। চক্চকে বরফ তার দৃষ্টিকে ধাঁধিয়ে দিচ্ছে। উঁচু চৌকাট দিয়ে আগাতে সে নারাজ হয়ে সামনের পা দুটো গুটিয়ে বসে পড়ল। একটা সৈনিক লেজ ধরে টেনে তাকে নড়াতে চেষ্টা করল। কিন্তু গরুটা আতঁ চাঁৎকারে প্রতিবাদ জানাতে লাগল।

“ওর পেটে বাছুর আছে, পেটে বাছুর আছে।” লোকুতিখা চেঁচিয়ে উঠল। “হায় ভগবান। কি করছ তোমরা। গরুটা যে গাভিন।”

“চেঁচিও না মা,” জার্মানগুলোর দিকে জুকুটি করে দশ বছরের শিশুপুত্র সাভকা বিহ্বলভাবে বলে উঠল।

“বাছারা, তোদের আমি কি খেতে দেব, কি খেয়ে বাঁচবি তোরা! এক ওই রসি ছাড়া আর কিছুই সম্বল নেই, তাও আবার ওরা নিয়ে যাচ্ছে। ওঃ, বাছারা আমার না খেয়েই মরবে!”

“অমন করে চোঁচিও না মা,” আরও গম্ভীর হয়ে সাভকা বলল।

শেষ পর্যন্ত গরুটা চৌকাঠ পার হয়ে গেল। ওরা তাকে ধাক্কা দিয়ে টানতে টানতে নিয়ে চলল এবং সর্বান্তে অসংখ্য ঘুঘি মারতে লাগল। লোকুতিখা পাশে পাশে ছুটে চলল আর একবার তার পেটে হাত বুলিয়ে দেবে বলে।

“রসি, রসি!”

গরুটি সম্বল করণ দৃষ্টিতে গৃহস্বামিনীর দিকে চেয়ে হামলে উঠল।

“সোনামনি আমার! গরুটাও বুঝতে পারে ওরা কি অত্যাচার করছে। রসি!”

লোকুতিখা ছুটে চলে। আঁচলে ওর পা জড়িয়ে আসে, মুখখানা কান্নার বেগে লাল হয়ে উঠেছে। ও ভুলে গেল যে, ওর চারিদিকে জার্মানরা দাঁড়িয়ে আছে। হঠাৎ একটা জার্মান জোরে ধাক্কা দিতেই লোকুতিখা বরফের উপর ছম্ভি খেয়ে পড়ে গেল। সাভকা দৃঢ়পদে তার দিকে এগিয়ে গেল।

“আমি তোমাকে বলেছিলাম মা, ওতে কোন লাভ হবে না। ওঠ, অমন করে বরফের উপর পড়ে থেকো না।

বরফে মূখ ওঁজ্রে লোকুতিখা ফুঁপিয়ে ফুঁপিয়ে কাঁদতে লাগল। কান্নার বেগে সমস্ত শরীর কঁপে কঁপে উঠছিল। সাভকা তার কচি হাত দুটি দিয়ে মাকে টেনে তুলবার চেষ্টা করতে লাগল।

“কি করব, কি করব আমরা এখন?”

“আঃ, চূপ করে থাক।” সাভকা রেগে উঠল। “সব লোকের গরুই ওরা নিয়ে গেছে, কিন্তু কেউ তোমার মত অমন হাউমাউ করেনি।”

“কিন্তু আমার যে পাঁচটিকে খাওয়াতে হয়।” লোকুতিখা বোঝাবার চেষ্টা করল।

“কারো কারো বাড়ীতে আট-দশ জনও আছে।”

“তোকে আর আমাকে নীতি-উপদেশ দিতে হবে না, বুঝলি? আমি মা, আমার সঙ্গে কি এভাবে তোর কথা বলা উচিত?”

“তুমি আগে বাড়ীর মধ্যে চল ত। নিয়ুর্কা কেমন কাঁদছে দেখতে পাচ্ছ না?”

“কাঁদছে, সত্যি?” সঙ্গে সঙ্গে সে ছুটে বাড়ীর মধ্যে চলে এল। তার আঁচলটা বরফে জমে ছিল, দৌড়তে গিয়ে তা বন্ বন্ করে উঠল। সাভকা শ্রান্ত মস্তুর পদে মায়ের পিছন পিছন চলে এল।

সৈনিকেরা গরুটিকে নিয়ে রওনা হল এবং কামাণ্ডাটুরের ওপাশে অদৃশ্য হয়ে গেল। সেখানে তারা একটা চালায় ছোটখাটো একটা কসাইখানা তৈরি করে তুলেছে। কয়েক মিনিট পরেই দেখা গেল গরুটার ছাল ছাড়িয়ে কড়ির সঙ্গে ঝুলিয়ে রাখা হয়েছে, আর তার থেকে ধোঁয়া বেরুচ্ছে।

এদিকে গীর্জার ময়দানে ক্রমাগত চীৎকার করে করে ভের্নের নিজেই সেই শব্দে উত্সাহ হয়ে দফতরে ফিরে এল।

“হের ক্যাপ্টেন, আজ একটি গরু পাওয়া গেছে,” সার্জেন্ট বলল।

ক্যাপ্টেন হাত নাড়ল। এই খাদ্যসংগ্রহের ব্যাপারে তার বিরক্তি ধরে গেছে। আজ একটি গরু, কাল একটি, কিন্তু কয়দিন বাদে কি পাবে? সদর দফতর স্পষ্টই জানিয়ে দিয়েছে যে, যে গ্রামে সৈন্তেরা থাকবে, সে গ্রাম থেকেই তারা তাদের খাদ্যবস্তু যোগাড় করে নেবে। একমাসও হয় নি, আর এরই মধ্যে গ্রামের সব কিছু সংগ্রহ করা হয়ে গেছে। ইঁস, মুরগি, শূয়ার—যার যা ছিল সবই তারা নিয়ে গিয়ে খেয়ে শেষ করেছে। এখন দু-চারটা শীর্ণ রুগ্ন গাই হয় ত আছে। সবই যখন নিঃশেষ হবে, তখন তারা কি করবে?

“খাদ্যশস্য কিছু দিয়েছে?”

“মদ আর চকোলেট পাঠিয়েছে, হের ক্যাপ্টেন।”

“মদ আর চকোলেট ছাড়া আর সব?”

“না আর কিছুই না, হের ক্যাপ্টেন। পরশুও তারা বলে পাঠিয়েছে যে আবশ্যক খাদ্যবস্তু আমাদের গ্রাম থেকেই সংগ্রহ করে নিতে হবে। মদ আর চকোলেট কি আপনার বাসায় পাঠিয়ে দেবে?”

“হাঁ, পাঠিয়ে দাও, কিন্তু লক্ষ্য রেখো যে, পথে সে সব যেন কেউ চক্ষুদান না করে।”

“না, তার জো নেই, গালামোহর করা সব।”

ভের্নের জামার বোতাম খুলে ফেলল, আস্তে আস্তে একটি সিগারেট পাকিয়ে নিয়ে চিন্তায় ডুবে গেল।

“ভাল কথা, সশ্!...”

“আদেশ করুন, হের ক্যাপ্টেন।”

“শোন, আমাদের খাওয়ার ব্যাপারে কোন নিয়ম-শৃঙ্খলা নেই। আজ থেকেই এ সম্বন্ধে তোমাকে জবাবদিহি হতে হবে। যা-কিছু করতে হবে, তুমিই করবে।”

“যে আজ্ঞা, হুজুর,” সার্জেন্ট জবাবে বলল। রাগে তার মুখখানা লাল হয়ে উঠেছে। ভের্নের তখন দরজার কাছে।

“হের ক্যাপ্টেন!”

“কি বলছ?”

“আপনি যদি হুকুম দেন তো পার্শ্ববর্তী গ্রাম থেকেও আমরা খাদ্যবস্তু সংগ্রহ করতে পারি।”

ভের্নের কাঁধ ঝাঁকাল।

“গাধার মত কথা বলো না। তোমার ভাল করেই জানা উচিত যে, সেই সব গ্রাম থেকে অত্যাঁচ দল সংগ্রহ করছে।”

“এ গ্রামে আর কিছু নেই, হের ক্যাপ্টেন।”

“কিছুই নেই—এ কথাটা বলা সব চেয়ে সহজ। তোমাদের কাজ হচ্ছে কিছু সংগ্রহ করা, এবং আমাকে এনে দেওয়া। চারদিক ভাল করে খুঁজে পেতে দেখ। ভাল করে দেখলে কিছু না কিছু পাবেই।”

দরজাটা টেনে দিয়ে সে বেরিয়ে গেল।

বাড়ী থেকে বেরিয়ে এসে চারদিকে তাকাতে লাগল—কোন দিকে সে যাবে। ভাল করেই সে জানে যে, তার দৃতীয়লী ব্যর্থ হবে, কিন্তু কুর্ট জুলুম করতে লাগল। যতই জুলুমের মাত্রা বাড়তে লাগল, ততই সে অশিষ্ট ও শক্ত হতে লাগল।

“যাই কেন না বল, আসলে ও তোমার আসল বোনই। সেই বোনের কাছে কেমন করে কথাটা পাড়বে, তা তুমিই ভাল জান। আমার মনে হয়, তুমি তার সঙ্গে কথা বলতেই চাও না। যদি তা-ই হয়, বেশ এমন সময় আসবে, তখন আর আমি তোমাকে কিছু বলতে আসব না...”

পুসিয়া ভয় পেয়ে গেল। সে সম্পূর্ণরূপে কুর্টের আশ্রিত। সে যদি ওকে এই গ্রামেই ফেলে চলে যায়? এখানে তো প্রত্যেকেই ওকে শত্রু বলে গণ্য করে। কোর্টের আশ্রিনে হাত দুটো গুঁজে নিয়ে সে ধীর মন্থর পদে রাস্তা দিয়ে হেঁটে চলল। কুর্টকে ও একথা বলতে পারে না যে, বোনের মনোভাব সে ইতিমধ্যেই জানতে পেরেছে, অর্থাৎ—পুসিয়া যেদিন এই গাঁয়ে প্রথম আসে, সেদিন তাদের যে বচসা হয়েছিল তাকে যদি অলগার মনের ভাব বোঝবার সুযোগ বলা চলে। অলগা ওকে দেখে রাগে হুঃখে লজ্জায় ক্ষেপে গিয়ে ওর গায়ে থুতু দিয়েছিল, আর নালায় পড়ে থাকা ভাসিয়া সম্বন্ধে দু-একটা কথা বলতে গিয়ে রাগে পুসিয়ার কণ্ঠ রুদ্ধ হয়ে গেছিল। অলগা ওকে অপমান করতে চায়, ওকে দশের কাছে হেয় প্রতিপন্ন করতে চায়, কেন না, ও যে স্ত্রীলোকের বাড়ীতে বাস করছে তার ছেলে যুদ্ধে নিহত হয়েছে। পুসিয়ার সঙ্গে তার কি সম্বন্ধ? কিন্তু অলগা মনে করেছে যে সত্য সত্যই তার সঙ্গে সম্পর্ক আছে। সে পুসিয়াকে গালিগালাজ করে চলে যায়। এই হল ব্যাপারটা। এখন সে কেমন করে সেই অলগার সঙ্গে গিয়ে কথাবাতা বলবে?

রাস্তার দুধারে যে গাছগুলি আছে তার ডালপালা রূপালী বরফে বন্ধ বন্ধ করছে। স্থলোকে তুষার বন্ধমক করছে, তার ছটায় চোখ দুটো বলসে

যাচ্ছে। পুসিয়া একটা দীর্ঘনিশ্বাস ফেলল, সঙ্গে সঙ্গেই তার সেরিয়োশার কথা মনে পড়ে গেল। না, সেরিয়োশা কখনও ওকে ধমকায় নি, কখনও রাগাগাগি করে নি। সে শুধু একটি দীর্ঘনিশ্বাস ফেলে চুপ করে যেত। কিন্তু সে যাই হোক, ও কেন এখন তার কথা ভাবছে? কুর্ট'ই এখন ওর স্বামী।

ক্রোধের একটা ঢেউ এসে পুসিয়াকে ভাসিয়ে নিয়ে গেল। কুর্টের এত বড় আশ্পর্ষা? কিন্তু ও জানে যে সত্যসত্যিই সে দুঃসাহস তার আছে এবং ওর তাতে কিছুই করবার নেই। সেরিয়োশার প্রতি ওর যে মনোভাব ছিল, কুর্টের প্রতিও তাই। কাজেই এই ভুল বোঝার জন্তে ও অপরাধী নয়। এর মূলে যে সত্যটা আছে সে হচ্ছে এই যে, সেরিয়োশার সঙ্গে, প্রকৃতির দিক থেকে কুর্টের কোনই আদল নেই।

অলগা যে বাড়ীতে বাস করে, ইতিমধ্যে পুসিয়া তার কাছাকাছি এসে পড়েছে। আর মাত্র কয়েক পা গেলেই হয়। পুসিয়া এখন কি করবে? কড়া নেড়ে ভিতরে ঢুকবে? না, সে অসম্ভব। কয়েক মুহূর্ত সেখানে দাঁড়াল, কি করবে স্থির করতে পারছে না। গরম বুট পরে থাকা সঙ্গেও কুয়াশা তার পায়ের আঙুলগুলি ঘেন মূচড়ে দিচ্ছে। পুসিয়া ফিরে চলল। কুর্টের মন যা চায়, তাই সে করুক, টেচামিচি গালাগালি করুক—অলগার সামনে গিয়ে আবার কতকগুলি গালাগালি শোনার কোনই অর্থ হয় না। এর থেকে যদি কোন সুফল পাওয়ার সম্ভাবনা থাকত, তা হলে অবশ্য কোন কথা ছিল না; কিন্তু পুসিয়া নিঃসন্দেহে জানে যে, তাদের এ আলাপ-আলোচনায় কোন ফলই হবে না। ও আরও কয় পা এগিয়ে গেল, কিন্তু সঙ্গে সঙ্গেই ইতস্তত করতে লাগল। ওর এখন কি করা উচিত? ওরা যেমন ওলেনাকে খুন করেছে তেমনি যদি অলগাকেও মেরে ফেলত তা হলে আর এই হান্ধামা পোয়াতে হত না।

বোন যে বাড়ীতে থাকে পুসিয়া একবার সেই বাড়ীর দিকে তাকাল এবং ভিতরে ভিতরে সে একটা অস্বস্তি বোধ করতে লাগল। কে একজন দরজা দিয়ে বেরিয়ে আসছিল। পুসিয়া বরফের উপর ঠায় দাঁড়িয়ে রইল, ঘেন হাতে-নাতে ধরা পড়ে গেছে। একবার আড়চোখে বাড়ীটার দিকে চাইল। না,

অলগা নয়, তবে যে স্ত্রীলোকটির সঙ্গে অলগা বাস করে, সে-ই। স্ত্রীলোকটি দরজায় দাঁড়িয়ে চোখের উপর হাত মেলে সূর্যের আলো আড়াল করে মনোযোগের সঙ্গে কি দেখতে লাগল। তারপর দরজাটা একটু ঠেলে খুলে দিল। তারপর, চোঁচিয়ে যেন কি বলল। দেখতে দেখতে তার চারপাশে কতকগুলি মেয়ে-পুরুষ এসে জড় হল, সকলেই হাত দিয়ে সূর্যালোক ও বরফের জলুস আড়াল করে সেই দিকেই তাকাতে লাগল।

লোকজনদের রাস্তায় জড় হতে দেখে ফেডোসিয়া ক্রাবচুকও বাইরে বেরিয়ে এল। সেও ঠিক তেমনি ভাবেই সেই দিকে তাকাতে লাগল। মুহূর্তের জন্তে তার হৃৎপিণ্ডের কাজ যেন বন্ধ হয়ে গেল, তারপর আবার বুকটা এক ভীষণ উন্মাদনায় হুব্ হুব্ করে উঠল। রাস্তায় দূরে কতকগুলো লোক মার্চ করে আসছে গ্রামের দিকে। সারি দিয়ে এগিয়ে আসছে তারা, আর সূর্যালোকে এখানে ওখানে রকমকম করে উঠছে তাদের সঙীন।

কে একজন শুধাল, “ওরা কি জার্মান?”

“তুমি কি ভাব, এখানে তাদের লোক কিছুমাত্র কম আছে? আমরা এখন এদেরই বেশি করে চাই। ...”

“আমার মনে হয়, ওরা, এখানে প্রচুর খাবার পাবে এই ভরসায়ই আসছে। ...”

“কিন্তু ওরা জার্মান নয়!” বাহ্যুচিখা সহসা এমন ভাবে চোঁচিয়ে উঠল যেন বেহালার উঁচু পর্দার স্বর। “দেখ, দেখ, চেয়ে দেখ, ওরা জার্মান নয়!”

“মাথা খারাপ হয়েছে তোমার? জার্মান ছাড়া আর কি হবে?”

“ওরা আমাদের লোক! হে ভগবান! আমাদের লোকেরা আসছে! ...”

“ভাল করে চোঁখ মেলে দেখ মেয়ে, আমাদের লোক কেমন করে হয়? এ রকম দিনের বেলায় পথ দিয়ে মার্চ করে কি করে আসতে পারে তারা!”

“মা মা, ওই দেখ ওদের টুপিতে তারা আছে—তারা!”

গ্রিশা বাহ্যুক তার বাঁশীর মত কচিকোমল কণ্ঠে চীৎকার করে উঠল।

“কি বলছিস্? দেখতে পাচ্ছিস, তুই, সত্যি দেখতে পাচ্ছিস ওদের?”

বলমল তুবার ওদের দৃষ্টিকে বাধা দেয়। সমস্ত শক্তি দিয়ে দেখবার আগ্রাণ চেষ্টা করে ওরা—গ্রামের দিকে কারা এগিয়ে আসছে।

“আমাদের লোকেরা, না, জার্মানরা?”

“ওরা আমাদের লোক হবে কি করে? গ্রিশা, দেখ্ তো ... দেখ না জার্মানরা যে যার জায়গায় চূপ করে দাঁড়িয়ে আছে, গুলি ছুঁড়ে না তো ...”

“যা হোক, গ্রিশাই ঠিক বলেছে।” আলেকজান্দ্র সহসা বলে উঠল, “টুপিগুলো আমাদেরই মত। ...”

“আমাদের?”

“এতে অত খুশি হওয়ার কিছু নেই। দেখ, ভাল করে দেখ, এখন ওদের দেখতে পাবে।”

নীরবতা নেমে এল। ওদের এখন বেশ স্পষ্ট করেই দেখতে পাওয়া যাচ্ছে। এক দল লাল পন্টন রাস্তা দিয়ে মার্চ করে এগিয়ে আসছে। তারা আসলে মার্চ করে আসছে না, বরং বরফের উপর দিয়ে তাদের পাগুলোকে টেনে টেনে আসছে। তাদের দুদিকে সশস্ত্র জার্মান রক্ষীর দল।

“তাবা বন্দী লাল পন্টনদের নিয়ে আসছে,” নৈরাস্ত্রের সঙ্গে ফিস্ ফিস্ করে কে বললে।

“তারা আমাদের লোকদেরই নিয়ে আসছে। ...”

রাস্তায় দলে দলে লোক এসে জমা হচ্ছে। ভয়বিহ্বল দৃষ্টিতে ওরা তাদের দিকে তাকিয়ে রইল—ক্রমেই নিকটবর্তী হচ্ছে। তারা দেখতে পেল, লোকগুলো যেন চলতে আর পারছে না। প্রাণপণ চেষ্টায় কায়ক্লেশে তারা হেঁটে আসছে। সঙ্গের সৈনিকগুলো ক্রমাগত মুখ ভেঙে গালাগালি দিয়ে তাদের যেন খেদিয়ে নিয়ে আসছে।

“হা ঈশ্বর, ওদের মধ্যে আহতও আছে। ..”

“তারা ওদের পায়ের বৃটও খুলে নিয়েছে, খালিপায়েই চলছে।”

“দেখ, সোনিয়া, সকলেই রক্তাক্ত কলেবর।”

বাড়ীগুলোর সামনে যে জনতা ভিড় করেছে তার দিকে লক্ষ্য করে একটা জার্মান বর্বরের মত গালাগালি দিতে দিতে চলেছে, কিন্তু জনতা তার দিকে এতটুকু নজর দিচ্ছে না। তারা অদূরগত মিছিলের দিকেই একান্তভাবে চেয়ে আছে।

“হা ভগবান ! ...”

তারা গ্রামে এসে পড়েছে। এখন বন্দীদের মুখ চোখ সবই স্পষ্ট দেখা যাচ্ছে। তাদের নির্ধাতিত রক্তশূণ্য মুখগুলো ঠাণ্ডায় নীল হয়ে গেছে। দ্বিতীয় সারির একজন লাল পল্টন আর হাঁটতে পারছিল না এবং এমন ভাবে টলছিল যে, তাকে দেখলেই মনে হয় যেন সে মাতাল।

“এই, শুনছিস !” একজন জার্মান রক্ষী চৌকিয়ে উঠল এবং অগ্ন সকলে যে ভাবে মার্চ করে চলেছে আহত লোকটিও নিজেকে সামলে নিয়ে তেমনি ভাবে চলতে চেষ্টা করল। সে যখন অস্বাভাবিক ভাবে টলে পড়ে যাচ্ছিল তখন তার একজন সাথী লুকিয়ে তাকে ধরে রাখছিল। কিন্তু হঠাৎ সেই সাথীটির হাতের উপর এসে একটা রাইফেলের কুঁদোর বাড়ি পড়ল, সঙ্গে সঙ্গে হাতখানি ভাঙা ডালের মত ঝুলে পড়ল।

“হায় ভগবান ! ...”

খালি পা—রক্ত-বিক্ষত, বরফের উপরে রক্তের দাগ এঁকে এঁকে তারা কষ্টে সৃষ্টে হেঁটে চলেছে। পড়ে যাচ্ছে, আবার দুই হাতে ভর দিয়ে উঠে দাঁড়াচ্ছে, আর সঙ্গে সঙ্গে বর্ষণ হচ্ছে তাদের উপরে কুঁদোর গুলো।

আর সকলের মতই পুসিয়াও দাঁড়িয়ে দাঁড়িয়ে দেখতে লাগল। তাদের শীর্ণ শুষ্ক মুখ, জ্বরের উত্তাপে চোখ জ্বলে যাচ্ছে, ব্যাণ্ডেজ বাঁধা, ময়লা ছেঁড়া শ্রাকড়ায় রক্ত জমে আছে, বরফে জমে যাওয়া কালশিরে পড়া পাগুলো তাদের। পুসিয়ার ঠোঁটে অভিব্যক্তিহীন নির্বোধের হাসি উদ্ভাসিত হয়ে মিলিয়ে গেল।

“দাঁত খিচোনি বন্ধ কর,” পুসিয়ার কানের কাছে কে যেন ফিস্ ফিস্ করে বলল। ভয়ে সে পিছন ফিরে তাকাল : অলগা। চাপা ঠোঁট, বন্ধমুটি, কুঞ্চিত জ— বন্দীদের দিকে চেয়ে আছে।

পুসিয়া তার বাপসা দৃষ্টির স্রমুখে সহসা দেখতে পেল তার বোনের বিশীর্ণ পাণ্ডুর মুখ। জামার কলারের উপর বাক বাক করছে তার কানের ছল ছটো, তার রঞ্জিত ঠোঁটে উজ্জ্বল হাসির ইঙ্গিত।

“দেঁতো হাসি বন্ধ কর।”

পুসিয়া পিছিয়ে গেল, ক্রোধকম্পিত অলগার বড় বড় ক্রুদ্ধ ছুটি চোখের দিকে, তার ঠোঁটের দিকে তাকিয়ে রইল।

“না, আমি ত ওদের অবজ্ঞা করছি।” সঙ্কুচিত কণ্ঠে সে বলল।

“হাঁ, তুমি করছিলে,” অলগা বলল। সে যেন তার সমস্ত শক্তি দিয়ে প্রচণ্ড আঘাত করল পুসিয়ার সেই হাসির উপরে, তার পাণ্ডুর মুখের উপরে, একটা জার্মান সেনানায়কের রক্ষিতার মুখে! পুসিয়া কুকুরছানার মত একটা কর্কশ শব্দ করে পিছিয়ে গেল। তারপর সহসা সে কৈদে উঠল, মুখে হাত ঢাকা দিয়ে ঘরের দিকে চলল। লম্বা ফারকোটে বারে বারে বেধে যায় তার পা। হোঁচট খেয়ে পড়তে পড়তে পুসিয়া ছুটে পালাল।

বন্দী লাল পল্টনের দল তখনও মার্চ করে চলেছে। তারা ভিড়ের কাছাকাছি এগিয়ে এল, তাদের জরতপ্ত চোখগুলি দুপাশের বাড়ীগুলোর স্রমুখে-দাঁড়িয়ে-থাকা মেয়েদের দিকে নিবন্ধ।

“কুটি! ...” তাদের মধ্যে থেকে কে একজন বলে উঠল, তার মাথার উপর উত্তত হয়ে উঠল বন্দকের কুঁদো, কিন্তু তারই মত আবার কে একজন বলে উঠল :

“কুটি! ... সপ্তাহখানেক আমরা কিছই খাইনি। ...”

“হে ভগবান, হে দয়াময়! ...” বাহ্যুচিখা অক্ষুট কণ্ঠে বলে উঠল।

তারপর সকলেই ছুটল যে যার ঘরের দিকে, ছুটল ভাঁড়ারের দিকে—উর্ধ্বাঙ্গে খাত্তকণা যা পড়েছিল বাইরে, তা-ই কম্পিত হুই হাতে মুঠো করে ধরল।

“হে দয়াময় ভগবান! তাড়াতাড়ি, তাড়াতাড়ি! ...”

বাহ্যুচিখাই আগে ছুটে বেরিয়ে এল বাইরে। রক্ষীদের তুচ্ছ করে সে ঢুকে পড়ল তাদের সারির মধ্যে। হাতে তার এক টুকরা কালো কুটি, ছেলেদের জগ্রে লুকিয়ে রাখা কুটির শেবাংশ।

মার মার করে জার্মানরা চীৎকার করে উঠল, কিন্তু সে কিছুই গ্রাহ্য করল না। একটা সৈনিককে ধাক্কা দিয়ে আহত লাল পন্টনের একজনের হাতে রুটির টুকরোটা গুঁজে দিতে চেষ্টা করল।

“মার, ওকে!” একটা জার্মান আবার চীৎকার করে উঠল এবং রাইফেলটা ঘুরিয়ে নিয়ে মারল তার পেটে একটা গুঁতো।

একটি শব্দও বের হল না বাহ্যুচিখার মুখ থেকে। বরফের উপরে সে পড়ে গেল। জার্মান সৈনিক জুতোর ঠোঁড়ের রুটির টুকরোটাকে ছুঁড়ে দিল দূরে। রুটিখানা গিয়ে পড়ল একটা খাদের মধ্যে। একজন শীর্ণকায় লাল পন্টন ছুটে গেল সেটার দিকে। গুলির শব্দ হল, পাথের পাশে লুটিয়ে পড়ল বন্দীটি।

মুচ্ছিত বাহ্যুচিখার দিকে মেয়েরা কেউই তাকাল না, তারা ছুঁতল বন্দীদের পিছনে পিছনে। চেষ্টা করতে লাগল আগুনে সেকা রুটি বা রাই-কেকের একটা টুকরো তাদের হাতে তুলে দিতে। জার্মান সৈন্তেরা ছুটে এল তাদের দিকে।

“চল্ জনদি!” সার্জেন্ট গর্জে উঠল। সৈন্তরা মেয়েদের উপর ঝাঁপিয়ে পড়ল, বন্দুকের কুঁদো দিয়ে তাদের মারতে লাগল, দুই হাতে মাথা বাঁচিয়ে মেয়েরা হাঁটু গেড়ে বসে পড়ল, আর বন্দীদের পায়ের তলায় রুটিগুলি ছুঁড়ে দিতে চেষ্টা করতে লাগল। বন্দীদের একজন বুকে পড়ে একটা কুড়িয়ে নেওয়ার চেষ্টা করল। আবার গুলির শব্দ। লোকটা পড়ে গেল সাথীর পায়ের তলায়।

“পুরবাসিগণ, এরকম করে কোন লাভই হবে না, বরং এতে নিজেদের জীবন বিপন্ন করা; এর কোনই অর্থ হয় না।” একজন আহত লাল পন্টন চেষ্টা করে বলে উঠল, তার চীৎকারের শব্দ রাস্তার শেষ প্রান্ত পর্যন্ত শোনা গেল। সৈনিকটি তরুণ, কিন্তু সে আর চলতে পারছিল না। “ঘরে চলে যাও মায়েরা। ওরা আমাদের এক কণাও নিতে দেবে না। অকারণ তোমরা মরবে কেন?”

মেয়েরাও দেখল যে এক্ষেত্রে তাদের কিছুই করবার নেই। হৃদয় তো মরে রাস্তায় পড়ে আছে। অনেক কষ্টে বাহ্যুচিখা উঠে দাঁড়াল, আর সকলে যে ঘর হাতে

রুটি নিয়ে দাঁড়িয়ে রইল। তারা দেখল লাল পন্টনেরা হতাশার সঙ্গে খাবারের দিকে হা করে তাকিয়ে আছে।

“শাশা!” মাল্যুচিখা তার ছেলেকে ডাকল। “এখানে আমরা কিছুই করতে পারিনে। ছেলেদের নিয়ে গিয়ে রাস্তার বাঁকে পথের উপর রুটিগুলো ফেলে আসতে পারিস? জার্মানরা দেখতে পাবে না হয়তো, কিন্তু আমাদের ছেলেরা নিশ্চয়ই কিছুটাও এর কুড়িয়ে নিতে পারবে।”

ছেলেরা যেন পাতলা হাওয়ায় উড়ে গেল। মেয়েরা আবার যার যার দরজায় গিয়ে দাঁড়াল। সেখানে দাঁড়িয়ে দাঁড়িয়ে কাঁদতে লাগল, রুমাল চিবোতে চিবোতে হাত নেড়ে দুঃখ প্রকাশ করতে লাগল।

“এখন কেমন আছ?” বাহ্যুচিখাকে এক গ্লাস জল দিতে দিতে ফ্রসিয়া গ্রোখাচ জিজ্ঞাসা কবল। এবং এক টুকরো বরফ কপালের বগে ঘষে দিল।

বাহ্যুচিখা উঠে বসল এবং দুহাতে চোখ ঢেকে ফোঁপাতে লাগল।

“ব্যথা কি খুব বেশি বোধ হচ্ছে?”

“না, না। ... আমাকে তোমরা কি মনে কর, ফ্রসিয়া?”

“কৈঁদো না, সেরে যাবে। খানিকক্ষণ চুপচাপ শুয়ে থাক, তা হলে স্বস্থ বোধ করবে।”

“বোকার মত কথা বলো না, ফ্রসিয়া, আমি তার জন্তে কাঁদছি তোমায় কে বলল? একটু অস্থস্থ বোধ করেছিলাম বটে, কিন্তু সে একটু বাদেই সেরে যাবে। ... শোন ফ্রসিয়া, আমি ভাবছিলাম যদি পিটারেরও ঐ অবস্থা হয়ে থাকে। ... শুনছ, বরং সে যেন প্রথম যুদ্ধেই মারা যায়, একটা বোমার ঘায়ে যদি সে উড়ে যায়, ট্যাঙ্ক-এর সাহায্যে যদি তাকে পিষে ফেলা হয়, তাও বরং ভাল। ...”

আবেগের সঙ্গে জড়িত কণ্ঠে সে মেয়েটাকে সোজা ফিস্ ফিস্ করে বলল। ফ্রসিয়া তার হাতে একটু চাপ দিল।

“ধৈর্য ধর, ধৈর্য ধর। ...”

“আর, যদি তাও না ঘটে, তা হলে সে যেন নিজের হাতে নিজের মাথাটা গুলি দিয়ে উড়িয়ে দেয়, শুধু এরকমটা নয়—এরকমটা যেন তার ভাগ্যে না ঘটে!”

“নিশ্চয়। ... কিন্তু তুমি বরং উঠে পড়। আমি তোমাকে ধরে তুলছি, এখানে থাকলে তুমি শীতে জমে যাবে।”

বাহ্য্যচিখা কষ্টে কষ্টে উঠে ফ্রসিয়ার কাঁধে ভর দিয়ে দাঁড়াল এবং চেষ্টা করে বাড়ীর দিকে এগিয়ে চলল। বড় বড় চোখ দুটো পাকিয়ে গ্রিশা ভীত দৃষ্টিতে মায়ের দিকে চাইল। বিছানার কাছে আসতেই সে শুয়ে পড়ে আর্তনাদ করে উঠল। তার সর্বাঙ্গ কনকন করছে এবং বমি-বমি করছে। কিন্তু সে কথা সে একদম ভাবছিল না।

“আয় বাবা গ্রিশা, কাছে আয়!”

ছেলেটি বিছানার কাছে এগিয়ে গেল।

“গ্রিশা, কি বলছিলাম শুনেছিস?”

“শুনছি বটে, কিন্তু তুমি তো এখনও কিছুই বল নি।”

“শোন বাবা, যদি কখনও মৃত্যু ও জার্মান-অধীনতা—এ দুয়ের মধ্যে একটা। তোকে বেছে নিতে হয় (ঈশ্বর না করুন), তা হলে তুই মৃত্যুকেই বেছে নিস।”

“তোমার মাথা কি একদম খারাপ হয়ে গেছে!” বিস্মিত ফ্রসিয়া বলে উঠল।

“দুধের ছেলে, মাত্র পাঁচ বছর ওর বয়স!...”

ছেলেটা ভয় পেয়ে কেঁদে উঠল।

“ছেলেটাকে ভয় দেখাচ্ছ কেন? এ সম্বন্ধে ওর এখনও কোন ধারণাই হয় নি এবং ও যখন বড় হবে, তখন এখানে একজন জার্মানও থাকবে না!”

বাহ্য্যচিখা খানিকক্ষণ কি ভাবল।

“হয় ত তোমার কথাই ঠিক। বর্ণ-সঙ্করের শেষ ডিমটিও যদি এ লড়াইয়ে নিঃশেষে ধ্বংস না হয়, তা হলে পৃথিবীতে সুবিচার বলে কিছু রইল না!”

বাহ্য্যচিখা পেটটা চেপে ধরে কাঁপে উঠল।

“শুনছিস ফ্রসিয়া? মনে হচ্ছে, সত্যি হয়তো অল্পস্ব হয়ে পড়ব। ...”

“তাই যদি হয়, তাও ভাল। দাঁড়াও, একটু ঠাণ্ডা জল এনে দিচ্ছি।”

ফ্রসিয়া একটা বালতি করে খানিকটা জল এনে একফালি ছেঁড়া নেকড়া ভিজিয়ে নিল। ফ্রসিয়ার কাজের দিকে বাহ্য্যচিখা চেয়ে রইল, যন্ত্রণাটা সম্ভবত

এখন একটু কম। হঠাৎ তার দৃষ্টি গিয়ে পড়ল গ্রিশার অশ্রুসজ্জল মুখের পানে।

“এখনও তুই ভয় পাচ্ছিস? কি বোকা ছেলে! ... আমার মনে হয় ছেলেটাও বাপের মতই হবে। ...”

“কি করছ তুমি? কচি ছেলে, তাকে তুমি ভয় দেখাচ্ছ, তাই ত ও কাঁদছে। এতে আর অত্যাচার কি? তুমি তোমার স্বামীর কাছ থেকে কি চাও?”

“আমি চাইনে কিছুই। ... একটা কথা মনে করে আমি স্বস্তি পাচ্ছি নে যে, যদি কিছু হয় তা হলে আত্মহত্যা করবার মত স্ববুদ্ধি তার আছে কি না।”

“জালিও না, যা দরকার তিনি তাই করবেন।”

“কিন্তু দেখছ তো, আমি বড় ভয় পেয়ে গেছি। .. সে ওই রকমেরই লোক; নিজে কখনও কোন বিষয় ভেবে চিন্তে দেখে না, সব সময়েই পরামর্শ চায়; সব কিছুই কি এবং কেন—অন্তের কাছ থেকে জেনে নিতে চায়। ... এখন তাকে কে সুপরামর্শ দেবে? সত্যি, সে বড় অসহায়।”

“তিনি এখন সৈয়দদলে আছেন, কাজেই কি করতে হবে না হবে, সব কিছুর জগ্গেই উপরওয়ালাদের কাছ থেকে নির্দেশ আসে। ভয়ের কি আছে?” ফ্রিসিয়া বলল এবং হাকডার পটি পেটের উপর চেপে ধরল, সেখানে একটা প্রকাণ্ড জায়গা জুড়ে কালশিরা পড়ে গেছে।

“হাঁ, হুকুম, সত্যি তাই,” বাহ্যচিখা বলল।

“আয়, গ্রিশা, তোর মুখটা ধুয়ে দিই, কি বিজী দেখাচ্ছে! ছি, কাঁদে না। দেখছ, মায়ের অস্থখ করেছে, শুয়ে আছে; একটা জার্মান তাকে বন্দুকের কুঁদে দিয়ে মেরেছে, তবু তো সে কাঁদছে না।”

ছেলেটি তার বড় চড় চোখ দুটো মায়ের দিকে নিবদ্ধ করে নাক খুঁটতে লাগল।

“নাক থেকে আঙুল সরিয়ে নে বাবা,” বাহ্যচিখা পুত্রকে ভৎসনা করল। “তোরা বাবা একজন লাল পন্টনের লোক, আর তুই কি-না ওখানে দাঁড়িয়ে

দাঁড়িয়ে নাক খুঁটিস।” সে আবার আতঁনাদ করে উঠল। “ওঃ, ফ্রসিয়া, এক ছিল্কা, এক কণা রুটিও তারা পেল না। ... তারা সকলেই মরবে, বেচারী, তারা নিশ্চয় মরবে। ... ভেবে দেখ, ওরা আমাদের গ্রামের মধ্যে দিয়ে গেল। অথচ কেউ তাদের এতটুকু সাহায্য করতে পারলাম না, এক কণা রুটি বা এক গ্লাস জল খেতে দিতে পারলাম না। তারা যেন নিজের বাড়ীতে এসেছে মরবার জগেই। ... ওদের তারা কোথায় টেনে নিয়ে গেল?”

“শুনেছি রুদিতে একটা শিবির আছে, সেখানেই হয়তো ওদের নিয়ে যাচ্ছে।”

“ওরা রুদি পর্যন্ত হেঁটে যাবে কেমন করে? দাঁড়াতে পর্যন্ত পারছে না। কম মাইল দূর হবে বলতে পারিস? না, ওরা সেখান পর্যন্ত পৌঁছতে পারবে না, তা ছাড়া, ওই দু'জনকে খুন করে যেমন করে পথে ফেলে রেখেছে তেমনি করে সকলকেই তারা খুন করে ফেলবে। ...”

“ছেলেরা গেছে গ্রামপ্রান্তে বাকের কাছে, সেখানে রাস্তার উপর ওদের জগে কিছু রুটি রেখে আসবে, ওরা সে পথ দিয়েই ত যাবে, যদি কিছুটাও তারা কুড়িয়ে নিতে পারে। জার্মানরা হয়তো লক্ষ্যও করবে না। ...”

“ছেলেরা যদি ঠিক মত রুটিগুলো রাখতে পারে। ... রাস্তার ঠিক মাঝখানে — আমাদের ছেলেরা আগে আগে চলেছে, আর রক্ষীরা পিছন পিছন। ...”

“ছেলেরা ঠিকমতই কাজটা করতে পারবে, তাদের উপরই ছেড়ে দেওয়া ভাল,” ফ্রসিয়া মিষ্টি করে বলল। “আমাদের ছেলেরা সোনার চাঁদ। তুমি তো জানই।”

বাহ্যচিখা নীরবে তার মাথা নাড়ল। কিন্তু হঠাৎ তার ঘুম পেল। একটা অপ্রীতিকর অবসাদ তাকে পেয়ে বসল। তার সঙ্গে এল সাংঘাতিক বমির ভাব। কিন্তু এই জরতপ্ত কোটরগতচক্ষু বন্দী লাল পল্টনের লোকটির কথা মনে হতেই ওর চিত্ত মথিত হয়ে উঠল। তার সেই রুটির টুকরো কুড়িয়ে নেওয়ার চেষ্টার মধ্যে যে ক্ষিপ্ততা ও বৃত্তক্ষার করণ চিত্র প্রতিফলিত হল এবং শেষ পর্যন্ত তার সেই ব্যর্থতা—সব কথা মনে হয়ে তাকে অত্যধিক পীড়া দিতে লাগল।

“ওঃ । —”

“কি, যন্ত্রণা বেড়েছে ?” চিন্তিত হয়ে ক্রসিয়া জিজ্ঞাসা করল।

“না, না । ... একটু যদি ঘুমোতে পারতাম । .. ”

“বেশ তো, ঘুমোও না । তোমার পক্ষে এখন ঘুমই একমাত্র ওষুধ, একটু ঘুমোতে পারলেই সেরে যাবে,” মেয়েটি বলল।

বাহ্য্যচিহ্না চোখ বুজল, কিন্তু তখনও তার চোখের সামনে ভেসে উঠল সেই ধূসর মলিন মৃত্যুপথযাত্রী তরুণের মুখখানি, তাঁর টুপির ফাঁক দিয়ে এক গোছা চুল এসে কপালে পড়েছে। সেই কালো রুটির টুকরাটির দিকে কি উন্মাদ দৃষ্টি দিয়েই না সে হাঁ করে তাকিয়ে ছিল ! তার মনে হল যে, তাদের সেই তুষারচ্ছন্ন পথ দিয়ে চলা এবং চলতে চলতে বরফের উপর পড়ে যাওয়া, এবং বিশেষ করে, সেই ক্ষুধার্ত তরুণ লাল পন্টনকে রুটির টুকরো দিতে না পারা—এর কোনটাই সে জীবনে কখনও ভুলতে পারবে না।

ছেলেরা তখন ঘন বরফের ভিতর দিয়ে গ্রামের পিছন দিকে বাকের কাছে পৌছতে প্রাণপণ চেষ্টা করছে। বাড়ী বা খামারের কাছে যেতে বরফ তত গভীর নয়, কিন্তু খোলা জমিতে জায়গায় জায়গায় বরফ অপ্রত্যাশিত ভাবে গভীর। বরফে অসকা চেচোরের কাঁধ পর্যন্ত ডুবে গেল।

“শাশকা ! শাশকা !”

“চুপ, চেষ্টা না। তোর গলা শুনে জার্মানরা ছুটে আসবে। তুই ছেলেমানুষ, বাড়ী ফিরে যা।”

“আমি উঠতে পারছি নে ! ...”

“কোন রকমে উঠে পড় ! সময় নেই, তোরা সব তাড়াতাড়ি কর !”

এখানটায় জমি অত্যন্ত অসমান, কোথাও উঁচু, কোথাও নীচু, কোথাও ঢিবি, কোথাও বা গর্ত। কিন্তু সর্বত্রই অসমান বরফের আচ্ছন্ন। গর্তগুলো ফাঁদের মত। দেখতে মনে হয় সমান, কিন্তু পা পড়লেই ছেলেরা ডুবে যাচ্ছে। বরফের উপরের আচ্ছন্নতা শক্ত জমাট বেঁধে গিয়েছে, তার উপর দিয়ে খানিকটা বেশ হাঁটে যাওয়া চলে, কিন্তু হঠাৎ সশব্দে বরফের আচ্ছন্ন ভেঙ্গে যায় আর ছেলেরা

নরম বরফের মধ্যে তলিয়ে যায়। তারা হাতের সাহায্য পায় না, কারণ কুটি, গোল আলু, রাই-কেকে হাত তাদের জোড়া। ভাঙা কাচের মতই বরফও ধারালো এবং কাচের মতই বরফও হাত-পা কাটে! ছেলেরা একজনের পর আর একজন শ্রান্ত হয়ে পড়ল, একমাত্র সাশা আর সাভ্কা লোকুংই একগুঁয়ের মত এগিয়ে চলল। রাস্তাটা যেখানে বৃত্তাকারে বেঁকেছে সেই বাঁকটাই ছেলেদের গন্তব্য স্থল সেখানে পৌঁছতে হলে গোটা গ্রামটা ঘুরে নীচের স্ববিস্তীর্ণ মাঠ পার হতে হবে।

“আরও তাড়াতাড়ি চল, আরও তাড়াতাড়ি!” হাঁপাতে হাঁপাতে সাশা বলে। তার দম আটকে আসছে। সর্বাঙ্গে ঘাম বরছে। ঘাম বয়ে চোখের মধ্যে পড়ছে। এক পাশের পাঁজরায় তার একটা ব্যথা ছিল, সেটাও বেড়ে গেল; ভারী কষ্ট হতে লাগল। চলতে গিয়ে পা ছুঁটোও পিছলে যাচ্ছে। বার বার পা পিছলে হুমড়ি খেয়ে পড়ে গেছে, কষ্টে কষ্টে সঙ্গে সঙ্গেই উঠে দাঁড়িয়েছে। ধারালো বরফে তার হাত কেটে ক্ষতবিক্ষত হয়েছে। ক্ষত থেকে রক্ত বারে বরফ লালচে হয়ে যাচ্ছে। সে যখন বাড়ী থেকে বেরিয়ে আসে তখন তার বইয়ের থলেটি নিয়ে এসেছিল। জার্মান আক্রমণের আগে সে স্থলে যেত এই থলেতে বই নিয়ে। থলেটা এখন বেশ কাজে লেগেছে। তার মধ্যেই কুটি ইত্যাদি ভরে ঝুলিয়ে নেওয়ায় চলবার পক্ষে তার বেশ সুবিধাই হয়েছে। থলেতে কুটি বেশ ভালই ছিল এবং হাত দুখানিও তার যথেষ্ট কাজে আসছিল; সাভ্কা সাশার পিছন পিছন আসছে, চলতে চলতে তার জিভটা বেরিয়ে পড়েছে। একজন আগে আগে চলায় সাভ্কার পক্ষে তার অনুসরণ করা সহজ হল। নইলে সে সাশার চেয়ে বয়সেও ছোট, এমনিও দুর্বল; তার পক্ষে পথ চলা কঠিনই হত।

বরফাস্তীর্ণ মাঠ যেন আর শেষ হতেই চায় না। অথচ গ্রীষ্মকালে এই ময়দানেই গরু-ঘোড়া চরিয়েছে, তখন এটা এত বড় মনে হয় নি। পা-তুলতুলে ঘাসের উপর দিয়ে যে-কেউ অনায়াসেই একপ্রান্ত থেকে আর এক প্রান্তে দৌড়ে যেতে কষ্ট বোধ করে নি! গোচারণ ভূমিটা ছেলেদের বেশ ভাল করেই মনে

আছে, যখন থেকে তারা হাঁটতে শিখেছে তখন থেকেই এখানে তারা খেলাধুলো করে আসছে। কিন্তু এখন যেন সেই ময়দানটাই তাদের কাছে অজানা অচেনা মনে হচ্ছে। সীমানার চিহ্নগুলিও আর দেখা যায় না। যে গর্তগুলোতে তারা অত লাফালাফি করেছে, সে গর্তগুলোও আর নেই, ঢিবিগুলোর উপর খালি পায়ে শত শত বার ওঠা-নামা করেছে, সেগুলোও নেই। সমতল জমির উপর দিয়ে যাওয়ার চেষ্টা তারা করল, কিন্তু তাদের সে চেষ্টা বারবার ব্যর্থতায় পরিণত হল। সর্বত্রই বরফ, কিন্তু বরফের তলায় কোথায় কি লুকিয়ে আছে, বাইরে থেকে তো তা বোঝা যায় না। ছেলেরা তবু এগিয়ে চলেছে, হুমড়ি খেয়ে পড়ে গেছে, গর্তের ভিতর কাঁধ পর্যন্ত ডুবে গেছে, আবার চেষ্টা করে উঠে এনেছে। হাত-পা কেটে ক্ষত বিক্ষত হয়েছে। তবু যেন তাদের যন্ত্রণাদায়ক অভিযানের শেষ নেই।

“জল্দি!” শাসা হাঁপাতে হাঁপাতে বলল এবং সঙ্গে সঙ্গে একগাল বরফ খুঁথু করে ফেলে দিল!

ঝুলিটা কাঁধে ঝুলছে, ভিজে সেটা ক্রমশ ভারী হচ্ছে। পা ভিজে গেছে, পা-জামাও সপ্‌সপে হয়েছে। এবং যতটুকু সময় শক্ত বরফের উপর দিয়ে অনায়াসে হাঁটতে পারছে সেটুকু সময়ও ভিজে জামাকাপড় তার গায়ে শুকোতে লাগল এবং ফলে শীতে তুষারে হাড়ের ভিতর পর্যন্ত কাঁপুনি ধরে গেল। তার স্তম্ভে লাল-কালো কতকগুলি ছোট ছোট আংটি দেখতে পেল। মনে হল দেহের সমস্ত রক্ত বুঝি মাথায এসে চড়েছে, হয়ত এখুনি রগ ফেটে গিয়ে রক্ত ঝরে জায়গাটা লালচে হয়ে যাবে।

“জল্দি, জল্দি!” ও কর্কশ কণ্ঠে চীৎকার করে উঠল। এবং তাতে ফল হল এই যে, সাভ্‌কা যেন চাবুক খেয়ে চান্দা হয়ে উঠল। অথচ শাসার মনেই ছিল না যে, সে একা নয়, তার সঙ্গে কেউ আছে। সে নিজেকেই তৎপর হওয়ার জন্তে কথাটা বলে উঠেছে, কারণ সে বুঝতে পারছিল যে, যে-কোন মুহূর্তে সে পড়ে গিয়ে আর হয়তো উঠতেই পারবে না।

সাভ্‌কা অনেক পিছনে পড়ে আছে। কিন্তু শাসা জানে যে, অদৃষ্টে যা-ই ঘটুক না কেন, তাকে রাস্তাটার সেই বাকি পৌঁছে গিয়ে ঝুলির ভিতরকার

খাদ্যবস্তুগুলি রাখতেই হবে। বন্দীদের খাদ্য পাওয়ার এই হচ্ছে শেষ স্বযোগ। সে যদি বিফলমনোরথ হয় তা হলে বন্দীদের শেভানেভ্কার আশানের মধ্যে দিয়ে তাড়িয়ে রুদি পর্যন্ত নিয়ে যাবে, সেখানে বন্দিনিবাস আছে। লোকদের মুখে সে শুনেছে যে, রুদির বন্দিনিবাসে যে সকল লাল পণ্টন কাঁটা-তারের বেড়ার মধ্যে আবদ্ধ আছে তারা এক কণা খাদ্য বা এক ফেঁটা পানীয়ও পায় না এবং ফলে শত শত লোক মারা যাচ্ছে। একমাত্র সাশাই এখন বন্দী লাল পণ্টন আর রুদি বন্দিনিবাসের মধ্যে এসে দাঁড়িয়েছে। তার মনে হল, তার আনা রাই-কেক, রুটি দিয়ে সে প্রত্যেকটি বন্দীকে অনাহার থেকে বাঁচাতে পারবে।

আর একটি মাত্র টিলা পার হতে পারলেই সে যথাস্থানে গিয়ে পৌঁছতে পারবে। জলদি, জলদি, সাশা আপন মনে নিজেকে তৎপর হওয়ার জগ্গে বলতে লাগল। সে বুঝতে পারছিল যে, ক্রমেই সে কাবু হয়ে পড়ছে, তার পা দুটো আর তাকে টেনে নিয়ে যেতে পারছে না। পাঁজরায় যে একটা ব্যথা ছিল সেটাও সঙ্গীন হয়ে দেখা দিল। কান ভেঁ। ভেঁ। করছে এবং তার মনে হল যে তার মুখে যেন রক্তের একটা বিশ্রী পানসে স্বাদ। জলদি! জলদি! সাশা বরফের উপর মুখ থুবড়ে পড়ে গেল। জলে ডুবে যাওয়ার সময় মাহুষ যেমন হাত-পা ছুঁড়তে থাকে, তেমনি অস্থিরভাবে সে উঠবার চেষ্টা করতে লাগল। হাতে পায়ে ভব দিয়ে শেষ টিলাটির উপরে গিয়ে সে উঠল। এর পরই রাস্তাটা থাকবার কথা।

হাঁ, আছে, ঠিক এর গায়েই বাস্তাটা। এই রাস্তা ধরেই জার্মানরা লাল পণ্টনদের নিয়ে চলেছে। সাশার মনে হচ্ছিল, সমস্তটাই যেন এক বাঁহৎস স্বপ্ন। ও যেন ঠিক বিশ্বাস করতে পারছিল না যে এটা বাস্তব। কিন্তু এটা স্বপ্ন নয়। হুই হাতের কনুইয়ের উপর ভর দিয়ে সাশা টিলাটার উপরই শুয়ে পড়ল। ওরা তার পাশ দিয়ে চলে গেল। যারা আহত তারা মাতালের মত টলমল করছে। জার্মানগুলো থেকে থেকে চীৎকার করে উঠছে। টিলার উপর উঠতে গিয়ে কেউ কেউ পড়ে গেল, কিন্তু

রাইফেলের গুলো, লাথি আর গালাগালির চোটে তারা আবার উঠে দাঁড়াল। সাশা লক্ষ্য করল যে, তারা একেবারে ওর গা ঘেঁষে মার্চ করে চলেছে। ওর বড্ড দেরি হয়ে গেছে। আর দু মিনিট কি তিন মিনিট আগে এলেই ঠিক হত! লাল পন্টনদের সামনে পড়ে আছে এই বিস্তীর্ণ জনশূন্য পথ, সেখানে শুধু বরফ আর বরফ। রাই-কেকগুলো ওর ঝুলির মধ্যেই থেকে গেল। সেগুলো জলে ভিজে ভারী হয়ে উঠেছে। বন্দীরা যে পথ দিয়ে চলেছে সেখান থেকে মাত্র দশ-বার কদম তফাতে ওর মোটা কাপড়ের ঝুলিটার ভিতর কেকগুলো পড়ে রইল, মাত্র দু-তিন মিনিট দেরি হওয়ার জন্তে ওরা কেউ পোলে না। ও যদি আর একটু জোরে ছুটে আসত, যদি আর একটু পা চালিয়ে টিলার উপর উঠত, তা হলে হয় ত ওরা পেত। ওর উচিত ছিল, কিন্তু ও যে তা পারে নি। সাশা মিশকার কথা ভাবতে লাগল। ইঁা, মিশকা হলে ঠিক সময়ে এসে পৌছত। সে খুব দৌড়তে পারত। এখন জার্মানরা লাল পন্টনদের রুদিতে নিয়ে যাবে, সেখানে তারা কাঁটা তারের বেড়ার মধ্যে বাস করবে। ঠাণ্ডায়— অনাহারে তারা মরবে, কেবল ওরই জন্তে। ...

শেষ দলটি ওর পাশ দিয়ে চলে যাচ্ছে। তারা এখন সেখান থেকে এগিয়ে চলে গেল। দূরে, দূরে, ক্রমে অদৃশ্য হয়ে গেল। ইতিমধ্যেই তারা রাস্তার গুলুতায়, অসীম বরফাস্তীর্ণ মাঠের মধ্যে অদৃশ্য হয়ে গেছে। সাশা মাথা খুবড়ে বরফের উপড় পড়ে গেল এবং কাঁদতে শুরু করে দিল। চোখের জল ফোঁটা ফোঁটা করে বরফের উপর পড়ছে, নাকও বরছে, ফলে তার মুখখানি ভিজে গেল। পা দুখানি ভিজে, সপ্পসে হয়ে গেছে, একটা ঠাণ্ডা কনুনে শীতে যেন জমাট ধরে গেছে এবং পাঞ্জরার ব্যাখাটাও এমন অসহ্য রকম বেড়ে গেছে যে, মনে হচ্ছে যেন ছোঁরার আঘাত করছে কেউ। কিন্তু সে উঠে দাঁড়াতে পারল না, চাইলও না। তারা চলে গেছে, অনেক দূরে চলে গেছে, ও দু-তিন মিনিট আগে আসতে পারলে ওদের খাবার দিতে পারত।

কি সাংঘাতিক ঠাণ্ডা, কি ভয়ঙ্কর শীত ! সাশা কঁাদছে, যারা এই শীতের মধ্যে রাস্তা দিয়ে মার্চ করে চলেছে, তাদের জন্তে কঁাদছে ; মিশাকে দালানে কবর দিয়েছে, তার জন্তে কঁাদছে ; বাবার জন্যে কঁাদছে, যিনি গোরিলা দলে যোগ দিয়েছেন, আর সবার উপর ও কঁাদছে ওর ব্যর্থতার জন্তে—ও কিছুই করতে পারল না। ...

ও ক্রমেই শীতে জমে যাচ্ছে ; কিন্তু কিছুই গ্রাহ্য করল না। ... ঠাকুঁদা য়েভদোকিম-এর মুখে গল্পটা শোনা। অনেক, অনেক দিন আগে একদল হোয়াইট গার্ড জঙ্গলের মধ্যে চলতে চলতে অত্যধিক শীতে জমাট বেঁধে মারা যায়, তাদের কেউ বেঁচে ছিল না। একদল রেড গার্ড এসে তাদের লক্ষ্য করে বলে উঠল : “হাত তোল !” কিন্তু যারা বসে ছিল তেমনই বসে রইল, এতটুকু নড়ল না। একমাত্র য়েভদোকিমই বুঝতে পারল ব্যাপারটা কি। সে তাদের কাছে এগিয়ে গেল। তারা সেখানে বসে আছে, যেন জীবিত, কিন্তু আসলে তাদের সকলেই শীতে জমাট বেঁধে গিয়েছে। ... এখানে কেউ কখন আসবেও না। ওকে খুঁজতে কে এখানে আসবে ? ও এখানেই পড়ে থাকবে, অনন্ত কাল ধরে পড়ে থাকবে। ...

“সান্কা, শীগগির ওঠ, শীগগির ওঠ !”

সে থর থর করে কঁপে উঠল এবং মুখখানা বরফের মধ্যে আরও গুঁজে ফেলল।

“কি হয়েছে, বাবা ? ওঠ, দেখছিস কত শীত। ... কঁাদে না বাবা, কঁাদবার কি আছে ?”

মা পাশে বসে পড়ল এবং আদর করে আশ্বে আশ্বে কাঁধে চাপড় মারতে লাগল।

“দেখছিস, কেমন ভিজ়ে সপসপে হয়ে গেছিস ! উঠে চল, বাড়ী যাই। আমারও খুব শীত লেগেছে, আমার আঁচলও এখানে আসতে গিয়ে ভিজ়ে গেছে। যাওয়া অবশ্য কষ্টকর। ... চল, উঠে পড়্ এখন। ...”

মা জোর করে তার মাথাটি টেনে তুলল। সাশা মায়ের দিকে সজল ফোলা চোখ দুটি মেলে তাকাল।

“এতে করবার আমাদের কিছুই নেই, বাবা। ঠিকমত কাজ হয়নি,” সে বিরস কণ্ঠে বলল।

“আমাদের দেরি হয়ে গেছে,” শাশা চুপি চুপি বলল, তার কণ্ঠস্বর ফোঁপানোর জগ্জে ভেঙে ভেঙে যাচ্ছিল।

“তাতে কি হয়েছে, বাবা, কাজটা ঠিক মত হয় নি। এরকম বাড়-ঝাড়ার মধ্যে আমিই পথ চিনে তোর কাছে আসতে কত কষ্ট পেয়েছি। আয়, এখন আগে বাড়ী যাই। ...” মা ছেলের হাত ধরে টানল। শাশা আস্তে আস্তে অনিচ্ছাসঙ্গেও উঠে বসল।

“কাজটা এবারে ঠিক মত পারলে না বটে, কিন্তু ভবিষ্যতে যেন অদৃষ্ট সুপ্রসন্ন হয়, এই প্রার্থনাই কর। ...”

“ভবিষ্যতে যখন তারা আমাদের সৈন্যদের এখান দিয়ে নিয়ে যাবে, তখন আর আমরা দেরি করব না, এতদূরে ছুটে আসতে হবে না। আমরা ঘরের মধ্যেই থাকব এবং তাদের যা দেওয়ার তা রাস্তায় ছড়িয়ে রাখব। আজ আমরা দল বেঁধে এসেছি, হৈ চৈ করেছি, তাই কোন সফল পেলাম না। ... কিন্তু কে জানত ?”

চোখ দুটি মাটিতে নিবন্ধ করে শাশা ধীরে ধীরে মায়ের পাশে পাশে হেঁটে চলল।

“সভাক্ষা আধ-মরার মত পিছন পিছন দৌড়ে আসছিল। আমি তাকে জিজ্ঞাসা করলাম, তুই কোথায়! সে জবাবে বলল, তুই বরফের উপড় পড়ে আছিস। ... হাতের কাজ ফেলে দৌড়ে চলে এসেছি। ... কিন্তু তুই কাদিস নি, যা অসম্ভব, তুই তা সম্ভব করতে পারিস নে। ... এখানে কত গভীর গর্ত আছে। ... এরকম শীত শীগগির পড়ে নি। ...”

মায়ের পক্ষে চলাটা ভারী কষ্টকর, কিন্তু তবু সে চলতে চলতে সারাক্ষণ কথা বলছিল এবং ছেলেকেও চলতে সাহায্য করতে লাগল।

“তুই আমার পিছন পিছন থাকিস, ঠিক পিছনে, তাতে চলতে সুবিধা হবে। ...”

শাশা ও সাভকা যে পথ ধরে এসেছিল ওরাও সেই পথ ধরেই চলল। খানিকটা এসে সাভকা ফিরে গেছে, মা গোটা পথটাই অতিক্রম করে এসেছে, কিন্তু তবুও শাশার মনে হতে লাগল যে এ পথ যেন সে পথ নয়, এ পথ সে চেনে না। মা বলেছে যেতে কষ্ট হবে এবং যদিও পথটা এখন স্মৃতিহীন, তবু শাশা যেন দেহটাকে বয়ে নিয়ে যেতে পারছিল না। বুট ভিজ্ঞে এত ভারী হয়ে গেছে যে মনে হচ্ছিল—এক একটারই ওজন যেন এক মণ করে। হাত দুখানি, মাথাটাও লোহার মত ভারি হয়ে গেছে। হাত পা ও পিঠের প্রত্যেকখানি হাড় ও অস্থিভব করতে পারছে এবং প্রত্যেকখানিই অসহ যন্ত্রণায় টন টন করছে, যেন চিবোচ্ছে।

তারা যখন রাস্তার উপর এসে পৌঁছল তখন আর ও চলতে পারছে না। টলমল করছে; মাটিতে প্রায় পড়ে যাচ্ছিল, মা সঙ্গে সঙ্গে এসে ওকে ধরে ফেলল।

“কি হয়েছে, বাবা, অমন করছিস কেন?”

“ন-ন, কিছু না,” জড়িত স্বরে শাশা বলল। কিন্তু তখন ওর চোখের সামনে গোটা পৃথিবীটা যেন নাচতে শুরু করে দিয়েছে। মাথাটা বন্বন্ব করে ঘুরছে।

মা বুকে পড়ে ওকে কোলে তুলে নিল।

“কি করছ, মা!”—শাশা আপত্তি জানাতে চাইল। কিন্তু মাথার নিচে মায়ের হাতের স্পর্শ অস্থিভব করবার সঙ্গে সঙ্গেই ও ঘুমিয়ে পড়ল। মাল্যুতিখা নিদ্রিত মুখের দিকে তাকিয়ে একটু হাসল।

“ব্যাপার কি, কি হয়েছে?” তেপিলিখা এক আঁচি জ্বালানি কাঠ নিয়ে রাস্তা দিয়ে আসছিল। ওদের দেখতে পেয়ে সে চৌঁচিয়ে উঠল। তার চোখের কোলে তখনও জলের দাগ, কর্ণস্বরে উবেগ।

“না ... ছেলেটা ভারী শ্রান্ত হয়ে পড়েছে। ওই উঁচুনীচু রাস্তা দিয়ে ছুটে এসেছে; কত খানা-খন্দ পেরিয়ে আসতে হয়েছে। ...”

“ঠিক সময় গিয়ে পৌঁছতে পেরেছিল?”

“না, কেমন করে পারবে? ... ও পথ দিয়ে চলা যোয়ান লোকের পক্ষেই কষ্টকর। ...”

মাল্যুচিথা হাঁপাচ্ছিল, কাজেই আরও আন্তে আন্তে চলতে লাগল।

“তোমার বেশ ভারবোধ হচ্ছে নিশ্চয়ই। ...”

“হাঁ, ভারী বই-কি। ... নিয়ে পা দিয়েছে,”—মাল্যুচিথা ঘুমন্ত ছেলেকে বুকের মধ্যে আরও চেপে ধরল। “যেন বিছানায় শুয়ে ঘুমিয়ে পড়েছে। গোপিনা, আমাকে একটু সাহায্য কর না বোন, নইলে দরজাটা খুলতে পারব না। ...”

তের্পলিথা দরজাটা খুলে দিল। খানিকটা গরম বাতাস ঘরের ভিতর থেকে বাইরে বেরিয়ে এল।

“মা,মা!” জিনা কঁদে উঠল। “সামার কি হয়েছে মা?”

“কিছু না, ঘুমিয়ে পড়েছে। চৈচিয়ে ওর ঘুম ভাঙাস্ নি।”

“ঘুমোচ্ছে?” ছেলেরা বিশ্বয়ের সঙ্গে প্রতিধ্বনি করে উঠল। তারা সকলে মাল্যুচিথাকে ঘিরে দাঁড়িয়ে ঘুমন্ত সশাকে দেখতে লাগল! মা তার পা থেকে আন্তে আন্তে বুট খুলে নিল, ভিজে পা-জামাটা খুলল, তারপর একখানা শুকনো হুতী কাপড় দিয়ে সর্বাঙ্গ মুছে দিল।

“তোমার আঁচলটা একদম ভিজে গেছে,” সোনিয়া বলল। “কোথায় গেছেল তুমি?”

“ও কিছু না, এখনই শুকিয়ে যাবে। ওর বুট জোড়াটা উনোনের ধারে রেখে আয় তো।”

জিনা জোরে নিশ্বাস ফেলে বুট জোড়া নিয়ে গেল।

“ঝুলির মধ্যে কি আছে?”

“রাই-কেক। তোরা নিয়ে থা।”

“ভিজে সপ্পে হয়ে আছে যে। ...”

“তাতে কি? বেশ খেতে পারবি।”

“আমি একটা নিই?” ঝুলির ভিতর থেকে রাই-কেকগুলি ঢালতেই সে-গুলোর দিকে তাকিয়ে জিনা বলে উঠল।

“নিশ্চয়, নিশ্চয়। আজ তো রাতে ওই খেয়েই থাকতে হবে। সোনিয়া, ভাগ করে দে তো মা, সকলকে। শাশার জগ্গেও কিছু রাখ। ঘুম থেকে জেগে উঠে ওর খিদে পাবে।”

জিমা সেই ভেজা রাই-কেকের খানিকটা মায়ের জন্যে নিয়ে গিয়ে বলল : “মা, এটুকু তোমার জন্যে। ...”

“আমার চাইনে, বাছা, আমার খিদে নেই। ...”

ছেলেরা তৃপ্তির সঙ্গে খেতে লাগল, এককণা পড়ে গেলে সঙ্গে সঙ্গে তা কুড়িয়ে নিচ্ছে। মালুচিখা সাগ্রহে তা দেখতে লাগল। যাদের মৃত্যুর পথে তাড়িয়ে নিয়ে যাচ্ছে, এ খাণ্ড তাদের কাছ পর্যন্ত পৌঁছয় নি। ওর গলার মধ্যে কি যেন একটা আটকে আছে। ছেলেরা সকলেই খেতে ব্যস্ত, খেতে খেতে এক-আধ কণা পড়ে যাচ্ছে, তাদের খুঁদে হাত দিয়ে তারা কণাটুকু পর্যন্ত কুড়িয়ে নিয়ে যাচ্ছে। ... শাশা বড় দেরিতে গিয়ে পৌঁছেছিল, বড় দেরি করে ফেলে-ছিল। ...

শাশার নিখাস-প্রখাস নিয়মিত ভাবেই পড়ছিল। ওর গালের স্বাভাবিক গোলাপী আভা ফিরে এসেছে। তবু ওর মনে পড়ল, মিশা নেই। কথাটা মনে হতেই ওর অন্তরটা যেন ছিন্নভিন্ন হতে লাগল।

হঠাৎ ওর মনে হল, মিশার মৃত্যুর পর আরও অনেক খারাপ, আরও অনেক সাংঘাতিক দুর্ঘটনা ঘটে গেল। ওর চোখের সামনে আবার সেই বন্দীদের দৃশ্য ভেসে উঠল। রাইফেলের কুঁদোর গুঁতো খেতে খেতে তারা এগিয়ে চলেছে। সেই ভীষণ বিবর্ণ বিশীর্ণ মুখ, তাদের সেই কোটরগত অরতপ্ত চোখ! ক্ষতবিক্ষত পা থেকে ফোঁটা ফোঁটা রক্ত ঝরছে। বরফের উপর, ক্রটির জন্য তাদের সেই বিশীর্ণ নখরের মত আঙুলগুলি প্রসারিত, এত কাছে, অথচ . এত দূরে, এবং সবার উপর রাস্তার উপরকার সেই নিহত লোক দুটি! ... সেই সঙ্গে ভেসে উঠল মিশার চিত্র। সে টেবিলের উপর শুয়ে আছে, বুকে গুলির ক্ষত। আগের চিত্রখানির কাছে এ চিত্রখানি যেন স্নান হয়ে গেল।

ম্যালুচিখা দুহাতে চোখ ঢাকল। ছেলে বিছানায় শুয়ে ঘুমোচ্ছে। ওর নিজের ও চেচোরিখার ছেলে-মেয়েরা রাই-কেক খাচ্ছে, কণাটুকু পড়ে গেলেও তা কুড়িয়ে নিচ্ছে। ভবিষ্যতে অদৃষ্টে কি জমা আছে কে বলবে? প্রতিদিনই নতুন নতুন দুঃখ বেদনা দেখা দিচ্ছে। প্লাতোন এখন কোথায়? ও কি আর একবারও তাকে দেখতে পাবে না? মিশা দালানে মাটির নীচে শুয়ে আছে। প্লাতোনের কোন খবরই ও পায় নি—হয়ত তাকে কুকুরের মত বিষ খাইয়ে মেরেছে, মৃত দেহটা বরফের তলায় চাপা পড়ে গেছে। ... ওলেনা, ফাঁসী-কাঠ-ঝোলানো লেভল্যুক, আরও অনেকে। ... একমাস হয়েছে—এও কি সম্ভব, মাত্র একমাস হয়েছে! এই যে ছোট্ট একটি মাস কেটে গেল, তাবলে মনে হয় যেন সে একটা সুদীর্ঘ জীবনকাল। যেন অনেক—অনেক বছর কেটে গেছে, দুঃখ বিভীষিকা এই অল্প সময়ের মধ্যেই তাদের চরম অবস্থায় পৌঁছে দিয়েছে। “মাত্র এক মাস!” ও আপন মনে বিশ্বাসের সঙ্গে বলে উঠল। আগে আগে শস্য বুনবার দিন আসত, ঘাস কাটার দিন যেতো, ফসল তোলবার দিন আসত—জমি থেকে খুঁড়ে খুঁড়ে আলু তোলা হত, নিঃশব্দে দুঃখবেদনাহীন কত স্বন্দর মাস একটির পর একটি আনন্দের সঙ্গে কেটে গেছে! মাস যেত, বছর আসত, কিন্তু এতটুকুও জানতে পারে নি। আর এখন?—এখন একটি মাস, শুধুমাত্র একটি মাসকেই মনে হয় যেন পুরো একটা জীবনকাল। জগদল পাষণের মত বৃকের উপর স্থিতির মাঝখানে চেপে বসে; ক্ষতবিক্ষত শত চিহ্ন রেখে যায়—যা জীবনে কোন দিন মুছে যায় না।

হঠাৎ শাশা চমকে জেগে উঠল। নিজেকে বাড়ীতে দেখে ও বিস্মিত হল। কেমন করে ও বাড়ী এল? মা যে ওকে কোলে করে নিয়ে এসেছে, কেমন করে ও ঘুমিয়ে পড়ল, এর কিছুই ও জানে না। মুহূর্তের জন্তে ওর বিস্মিত চোখ দুটি কড়িকাঠের দিকে নিবদ্ধ হল। হাঁ, এ ভৌঁ তাদের ঘরেরই কড়িকাঠ। জিনা উল্লনের পাশে রয়েছে, সেখানে বসে সে তার সর্ক গলায় ঘ্যান্ ঘ্যান করছে, তার চোখ দুটি সজল। একবার ঘরের সবটা একনজরে দেখে নিল। দেখল, মা তখন চুপটি ক’রে বেঞ্চের উপর উবু হয়ে বসে আছে—স্তব্ধ দৃষ্টি সামনের দিকে

প্রসারিত। গরমটা ভাল করে উপভোগ করবার মতলবে পা দুখানা কব্বলের তলায় ছড়িয়ে দিল। তখনও কিন্তু তার হাত ও পায়ের আঙুলের ডগাগুলোতে একটা শ্বটীভেগ যন্ত্রণা অহুভব করছে, কিন্তু তার সর্বাঙ্গ একটা তৃপ্তিকর অবসাদে ভরে উঠেছে। গরম কব্বল আরাম করে উপভোগ করা ভারী চমৎকার, অবশ্য তার সঙ্গে মাথায় দেওয়ার জন্তে যদি একটি বালিশ পাওয়া যায়, তা হলে তো কথাই নেই।

“কি ভাবছ মা?”

মা চমকে উঠে তাড়াতাড়ি মুখ ফিরিয়ে ওর দিকে তাকাল।

“সে কি, এরই মধ্যে তোর ঘুম ভেঙে গেল?”

“হ্যাঁ, আর ঘুমোবো না।”

“তবু আরও কিছুক্ষণ শুয়ে থাক, শরীরটা একটু গরম হোক। ... বরফে এমন জমার্ট ধরে গেছলি ...”

এতক্ষণ যেন মা ওর কথা শুনতেই পায় নি, শাশার গায়ে কব্বলখানি ভাল করে ঢেকে দিয়ে বলে উঠল :

“আমি সেই দিনের কথা ভাবছিলাম, বাবা, যেদিন আমাদের লোকেরা ফিরে আসবে ...”

শাশা বিস্ফারিত দৃষ্টিতে মায়ের দিকে চাইল। “এখানে আসবে? আমাদের এই গ্রামে?”

“হ্যাঁ, এইখানে আমাদের কাছে।”

“তারা কি রুদিতোও যাবে?”—ফিস্ ফিস্ করে শাশা বলল, যেন কোন গোপন কথা মায়ের কাছে প্রকাশ করছে।

“রুদিতো? নিশ্চয়ই যাবে। প্রত্যেক জায়গায় তারা যাবে—দুর্নীপারের এ-পারে ও-পারে যে সব গ্রাম ও শহর আছে, তার প্রত্যেকটিতে তারা যাবে। সীমান্ত পর্বন্ত প্রত্যেকটি জায়গায়—যেখানে যেখানে আমাদের লোকেরা জার্মানদের উৎপীড়নে প্রাণ হারাচ্ছে, তার প্রত্যেকটি জায়গায় তারা যাবে।”

“বাবা কি তখন বাড়ী আসবে?”

“হাঁ, সে আসবে। গ্যেরিলারা সকলেই বনের ভিতর থেকে বাড়ীতে ফিরে আসবে।”

“সবই কি আবার যেমন ছিল তেমনি হবে?”

“হাঁ, সবই আবার আগের মত হবে।” মা আপন মনেই বার বার বলতে লাগল, “হাঁ বাবা, আগের চেয়েও ভাল হবে।”

মাল্যুচিথা হঠাৎ নির্বাক হয়ে সেখানে বসে ভাবতে লাগল। এও কি সম্ভব যে, আবার সবই আগেকারের মত হবে? আমাদের কুটারের চার পাশে কি তেমনই করে সূর্যমুখী ফুটে উঠবে? লিদা শহর থেকে যে ভূঁই চাপার বীজ এনেছিল তার সেই বড় বড় লাল ফুলগুলি কি আবার বাগানে ফুটেবে? ছেলেরা কি আবার তেমনি কলরব করতে করতে ইস্কুল যাবে? গ্রীষ্মকাল এলে জিনা কি গুয়ারগাটেনে যাবে, সেখানে সব খুদে খুদে ছেলে-মেয়েরা আবার তেমনই আনন্দে নাচগান করবে? ঘরে ঘরে তৈরি হবে আবার প্রচুর রুটি, হাঁড়ি ভরা দুধ! সন্ধ্যা হলে গুঁরা যাবেন ক্লাবে ...

গ্রামের উপর শত অত্যাচার করা সত্ত্বেও আবার সব কিছুই হয় তো ফিরে আসবে। কিন্তু মিশুৎকা আর স্কুলে যাবে না, মিতিয়া লেভন্যুক আর মাঠে কাজ করতে করতে গান গাইবে না, ওলেনা আর তার ড্রাক্টর চালাবে না, গ্রামের কিশোরীদের চোখ আর ভাসিয়া ক্রাবচুকের উপর পড়বে না, তবুও কাজে কর্মে জীবন চলবে তেমনি স্বচ্ছন্দ গতিতে। প্রত্যেকটি কেটে যাওয়া বছরের সঙ্গে গেমের ক্ষেতে গাছগুলো ক্রমশ উঁচু হয়ে উঠবে, নতুন ফলস্তু গাছগুলি ক্রমশ হয়ে পড়বে ফলভারে, যৌথখামারের গরুগুলো দুধের বালতি একের পর এক ক্রমে ভরে তুলবে এবং সবার ছোট ছোট ছেলেগুলো একদিন শহরে যাবে পড়াশুনা করতে। শুধু একটা জিনিস তাদের প্রয়োজন—ঐর্ষ্য, তিতিক্ষা। আত্মসমর্পণ নয়—না, এ পৃথিবীর কোন কিছুর পরিবর্তেই নয়।

সারা কুটার ভরে উঠেছে রক্তিম আলোতে। সূর্য অস্তায়মান, দিগন্ত রঞ্জিত করেছে তার সমস্ত রং উজাড় করে। জানলায় তুষার জমে অদ্ভুত কতকগুলি পাতার মত দেখতে হয়েছে। সেগুলি ফুটন্ত গোলাপের মত স্বর্ণাভায় রঞ্জিত।

দেখতে দেখতে আকাশ অন্ধকার হয়ে এল। ছায়াগুলো হয়ে এল আরও ঘন। দিগন্তসীমায় অন্তমানে সূর্যের রং মিলাতে না মিলাতে চাঁদ উঠল। বরফের মত ঠাণ্ডা, রূপালী চাঁদ—গুরু হয় তার দুরন্ত যাত্রা। অন্তমানে সূর্যের আভা পথ ছেড়ে দিল চাঁদের আলোকে। আকাশে-ওঠা বাঁকা রামধনু বলমল করে উঠল, বিকিমিকি করতে লাগল, স্তব্ধ আর নিশ্চল। কিন্তু সেদিন সন্ধ্যাবেলায় সকলের মনের উপর একটা দুর্ভেদ্য বিমর্ষতা নেমে এল, অত্যন্ত গভীর এবং ভয়ানক একটা বিমর্ষতা—যা তারা আগে কখনও বুঝতে পারেনি। রাস্তায় তখনও পদধ্বনি থামে নি, বন্দীরা তখনও গ্রাম অতিক্রম করে চলেছে, জরতপ্ত ক্ষুধিত পাণ্ডুর শীর্ণ মুখগুলি ভূতের মত। ক্ষতবিক্ষত পা বরফের উপর চিহ্ন রেখে যাচ্ছে। তাদের কর্কশ আতঁ চাঁৎকার ঘরে ঘরে প্রতিধ্বনি তোলে, ঘুমকে দেয় দূরান্তরে পাঠিয়ে : “কটি!” কোটিরগত চক্ষু জ্বলছে উদ্ভাদনায়, তাকাচ্ছে লোকের দিকে। জার্মান-বন্দুকের কুঁদোর গুঁতো এসে পড়ে তাদের বুকে, বন্দীদের তাড়িয়ে নিয়ে যাওয়ার হুঙ্কার যেন চাবুকের মত লাগে তাদের গায়ে।

কৃষক-শিশুর চক্ষে বহে ধারা

তিক্ত আঁখিজল,

তুর্কী হাতে বন্দী—ক্রীতদাস আজ

পরেছে শৃঙ্খল।

সে কবে? সে কি? তুর্কী-বন্দী, তুর্কীদের পাল-তোলা জাহাজ চলেছে স্বদূর সমুদ্র-যাত্রায়, তুর্কীদের বাঁকা তলোয়ার তাদের মাথার উপর। না, এ সেই নেবিন থেকে কীয়েভ পর্যন্ত মৃত্যুর বেড়া জাল নয়—যাতে প্যান পটকি কিসানদের শূলে বিদ্ধ করেছিল। এ বহু দূর দিনের যুদ্ধের উপর তাতার-আক্রমণও নয়। আজ তার চেয়ে অনেক বেশি রক্তপাত, আর অনেক বেশি আগুন জ্বলে উঠেছে যুদ্ধের মাটিতে, গাথায গীতবদ্ধ সেই বহু দূর দিনের দুঃখের চেয়ে এ দুঃখ অনেক নির্মম—যার স্মৃতি জনগণের মন থেকে কোন দিনই নিশ্চিহ্ন হবে না।

আজ দ্বীপারের দুই পাড়ে স্মৃতিশীর্ণ যুদ্ধের জুড়ে যা ঘটে চলেছে তার কথা কোন গাথায লিপিবদ্ধ হবে? সে কোন গানে স্মৃতির প্রকাশ পাবে

দেশ আচ্ছন্ন করা সেই অঙ্ককার ছুঁদিনের কাহিনী—যা ছড়িয়ে পড়েছে মহামারীর মত, জল প্রাবনের মত, ক্ষিপ্ত ঝড়ের মত? এই রক্তের শ্রোত-ধারা, ফাঁসিকাঠের দড়ির করুণ বিলাপ, শিশুর আত-ক্রন্দন, হাজার হাজার মৃত্যু, গ্রামগুলির উপরে কালো ধূম্রশিখার উত্তাল ঢেউ, এই অসংখ্য কবর, রুদ্রি এবং অগ্নিগত অনেক জায়গার তারে-ঘেরা বন্দিনিবাসের মধ্যে অগণিত ছেলেমেয়ের মৃত্যু—কোন গানে রূপায়িত হয়ে উঠবে? আর কে গাইতে পারে সেই গান, যে গান মাহুঘের রক্তকে ভয়ে জমাট করে দেয়?

“না।” মেয়েরা ভাবে এবং যে সব বন্দী রাস্তা দিয়ে মার্চ করে এগিয়ে চলেছে তাদের দৃশ্য মন থেকে দূর করতে চেষ্টা করে, “না, এ রকম গান কখনও হবে না। আবার আমরা কোমর বেঁধে ঘর-বাড়ী তৈরি করতে লেগে যাব। আবার শস্তক্ষেত্রে এমন বীজ বুনব যাতে দিগন্তবিস্তৃত মাঠ শব্দ শব্দ করতে থাকবে। আর গমের ক্ষেতে সমুদ্রের ঢেউ খেল যাবে। রক্তরঞ্জিত ধরিত্রীকে সোনার গমে ঢেকে দেব, সূর্য-মুখী ফুল আবার দিক আলো করে ফুটবে, সর্বত্র বাগানে বাগানে সাদাফুলের মিষ্ট হাসি ফুটে উঠবে, নীল মসীনা, লম্বা শণের বন—কৃষ্ণ সাগরের বুকে যে সব নদী গিয়ে মিশেছে তাদের দুই পারে জার্মানদের অত্যাচারের কোন চিহ্নই আর থাকবে না।”

গ্রামখানি ডুবে গেল একটা পীড়িত বিষণ্ণ ঘুমের মাঝে। কিন্তু তাও কোন শান্তি এনে দিল না তাদের দুই চোখে, তাদের বুকে; কোন শান্তি নেই। মালুচিখা ছেলেদের দিকে চেয়ে রইল। শাশা ঘুমের মাঝে ছটফট করছিল, আর অস্পষ্ট শব্দ করে কাঁদছিল।

“অমন করছিস কেন বাবা?”

ভয় পেয়ে শাশা জেগে উঠল। “কি হয়েছে?”

“উঠে বস, বোধ হয় তুই খারাপ স্বপ্ন দেখছিলি।”

শাশা শূন্য দৃষ্টিতে মায়ের দিকে তাকিয়ে রইল, তারপর পাশ ফিরে শুয়ে আবার ঘুমিয়ে পড়ল। ওর বুকের উপর গুরুভার পাথরের

মত চেপে বসল আবার সেই দুঃস্বপ্ন। সে স্বপ্ন যেন ওকে কিছুতেই রেহাই দেয় না।

বান্ধুচিথা বিছানায় শুয়ে যন্ত্রণায় ছটফট করছে। তার সারা দেহ কন্ কন্ করে উঠছে। পাকস্থলীটা ব্যথায় মোচড় দিয়ে ওঠে। অবশ্য তার জন্তেই যে তার ঘুম হচ্ছিল না, তা নয়, রক্তাক্ত কব্বলের ভিতর থেকে শত্রুযুক্ত বেদনাত মুখখানি যেন তার দিকে চেয়ে আছে। সে দৃষ্টির কি জ্বালা!

জামিনদারদের মধ্যে এক গ্রোখাচ ছাড়া আর কেউ ঘুমোয়নি! মালাশা হতাশভাবে আপন মনে চিন্তার জাল বুনে চলেছিল, আরও একটি দিন কেটে গেল, অথচ কোন কিছুই পরিবর্তন হল না! শুকনো ঠোঁটগুলো লিপাসায় ফেটে উঠেছে, সে তো ও চোখের সামনেই সেদিন দেখেছে। ই্যা, ই্যা, সত্যিই তাই ঘটেছিল। গ্রামের ভিতর তাই ঘটছিল—দিনের বেলায় রাস্তার ভিতর থেকে গুলির আওয়াজ শোনা গেল, জার্মানরা কখনও ফাঁকা আওয়াজ করে না। গ্রামে যারা বেঁচে ছিল তারা সেই গুলির আঘাতেই প্রাণ দিয়েছে। কিন্তু সে, সে এখনও বেঁচে আছে। বেঁচে আছে সে, আর দেওয়ালের শক্ত খামগুলোর পিছনে বসে জার্মান জগটাকে বাড়িয়ে তুলছে।

য়েভদোকিম একটা দীর্ঘনিশ্বাসের সঙ্গে দেওয়ালের গায়ে হেলান দিয়ে যেমন বসেছিল তেমনি অবস্থায়ই নড়ে চড়ে বসল।

“সে কি, ঘুম হচ্ছে না?” চেচোরিথা জিজ্ঞাসা করল।

“না। ... ঘুম পায়নি। ... তোমরাও যে এখানে ভাল করে ঘুমোতে পারবে, তা তো মনে হয় না। দেখছি তো, তুমিও ঘুমোতে পারছ না। ...”

“আমি ভাবছি—কেবলই ভাবছি, কে কাকে গুলি করল? কাছেই কোথাও গুলি হোঁড়া হয়েছে। ...”

“কাছে, না, দূরে—বলা শক্ত। এই দেয়ালে ধাক্কা খেয়ে শব্দটা বদলে যেতে পারে। গীর্জার চাইতে কাছে কোথাও হবে বলে আমার মনে হয় না।”

“কে বলতে পারে? ...”

“আমরা যখন এখান থেকে বেরুব, তখনই সব জানতে পারব,” মোলায়েম গলায় অল্‌গা পালাধুক বলল।

“নিশ্চয়, নিশ্চয়,” চেচোরিখা সমর্থন করল।

আসলে তারা সে বন্দিনিবাস থেকে মুক্তি পাবে, এবং গীর্জার ময়দানে নিয়ে গিয়ে যে তাদের জার্মানরা গুলি করে মারবে না, বরং তাদের ছেড়েই দেবে, গ্রামে গিয়ে তারা আবার আপন লোকজনদের সঙ্গে কথাবাতাঁ বলতে পারবে—যেমন স্বাধীন লোকের সঙ্গে বলে—এইটা স্থানিশ্চিতভাবে কারুর কাছ থেকে শুনবার জগ্রে অল্‌গা ব্যগ্র হয়ে উঠেছে। সে দীর্ঘনিশ্বাস ফেলল।

“আমাদের যখন ঘুম আসছেই না, তখন দাতু, তুমি যদি একটা গল্প বল তো সময়টা খুব তাড়াতাড়ি কেটে যাবে।”

“কি গল্প বলব?” সে গম্ভীর ভাবে জবাব দিল। “তা ছাড়া, গল্প বলবার মত আগ্রহ আমার এখন নেই। ...”

“তা হলে একটা গান কর না,” অল্‌গা বলল।

“কি বললে? গান?—এখানে?”

“না কেন? আস্তে আস্তে গাও, তারা শুনতে পাবে না।”

অন্ধকারের মধ্যেই য়েভদোকিম মাথা নাড়ল।

“বেশ, গাইছি। পুরানো গান, আমার ঠাকুর্দা গাইতেন। তিনিও আবার শিখেছিলেন তাঁর ঠাকুর্দার কাছ থেকে। গানটা অনেক—অনেক পুরানো, হয়ত যুদ্ধের মতই পুরানো।”

বৃদ্ধ ভাঙা গলায় গাইতে শুরু করল :

এই দুনিয়ায় নাইরে, বিচার—নাই,

বিশ্ব জুড়ে অনাচারের খেলা,

বাঁচতে যদি চাও সেখানে,

এগিয়ে চলো সাহস ভরা বুকে—

করবে লড়াই—ভাঙবে তারি ভেলা ॥

“কিন্তু এ গান আমি গাইতে পারব না ! ভাটেরা তানপুরার সাহায্যে এ গান গাইতেন ।”

“নাই বা পেলে এখানে তানপুরা, তবু গাও । ... তাতে বেশি করুণ হবে না । ...”

ভগবানের আশীর্বাদ আজ

তাদের মাথায় পড়ুক বারে

জীবন দিয়ে অগ্রপথিক যাবা

হায়ের দণ্ড উচ্চ করি ধরে ।

“হে ভগবান, হায়ের জগ্রে যারা লড়াই করছে, তাদের তুমি আশীর্বাদ করো,”
চেচোরিখা চুপি চুপি বলল ।

কম্পিত কণ্ঠে বৃদ্ধ অতীতের এই গান গাইল—পদদলিত জনগণের এই গান হৃদিনের বিষণ্ণতায় অশ্রুসজল রাত্রির অন্ধকারে দাসত্বের আর অত্যাচারের দিনগুলিতে এর রচনা । এক বিশ্বৃত সংগীত নিঃশব্দ হয়ে গেছে, হারিয়ে গেছে, ফুরিয়ে গেছে সেই দিনগুলিতে যখন স্বাধীন যুক্ত্রনের মাটিতে ফুটে উঠত স্বর্ঘমুখী ফুলগুলি, আর নতুন জীবন রচনা করত নতুন গান ।

কিন্তু এখন এই বৃদ্ধ গৃহের অন্ধকারে, এই গ্রামে যেখানে ফাঁসিকাঠে ঝোল বছরের একটি ছেলের দেহ ঝুলছে, খানার ভিতরে মৃত দেহ আছে পড়ে, যেখানে বরফের তলা দিয়ে একটি জ্বীলোকের মৃত দেহ বয়ে নিয়ে গেছে জলশ্রোত, যেখানকার প্রত্যেকটি ঘরে মৃত্যু বুন চলেছে তার জাল, সেইখানে ওই পুরানো গান ধ্বনিত হয়ে ওঠে আবার সেই পুরানো স্বরে, সেই শত শত বছর আগেকার দুঃখ দহনের স্বরে ।

ভগবানের আশীর্বাদ আজ

তাদের মাথায় পড়ুক বারে

জীবন দিয়ে অগ্রপথিক যাবা

হায়ের দণ্ড উচ্চ করি ধরে ।

য়েভদোকিমের কণ্ঠ ধীরে ধীরে মিলিয়ে যায়, বিমূর্তে শুরু করে, তাদের ক্লাস্ত মাথাগুলি ক্রমশ নীচু হয়ে ঢুলতে থাকে ।

৯

ফেডোসিয়া ক্রাবচুক ঘুম থেকে উঠে পড়ল, যেন কেউ তাকে নাড়া দিয়েছে । বিছানায় উঠে বসল ! বুকটা ছুঁ ছুঁ করছে, যেন এখনি ফেটে পড়বে । গভীর মনোযোগের সঙ্গে হাঁ করে সে শুনতে লাগল ।

কিসে তাকে জাগিয়ে তুলল ? কখন সে ঘুমিয়ে পড়েছিল ? তার ধারণা ছিল, কোন দিনই সে ঘুমোতে পারবে না, তারপর হঠাৎ কখন ঘুমিয়ে পড়েছে । গভীর নিদ্রা থেকে কিসে যেন তাকে জাগিয়ে তুলেছে । সেটা কি ?

কেউ দরজার কড়া নাড়ে নি—সর্বত্র একটা গভীর নিস্তব্ধতা বিরাজ করছে । এমন কি, জার্মানটার নাক ডাকানিতেও রাত্রির নিস্তব্ধতা নষ্ট হয় নি । ভেনের অনেক রাত পর্যন্ত আপিসে ছিল, প্রায়ই সে এ রকম দেবী অরে । এবং তখনও সে আসেনি । যাই হোক, কোন একটা কিছু তাকে জাগিয়েছে, হঠাৎ ঘুম ভাঙিয়ে দিয়েছে তার, সেইজগেই বুক এত ছুঁ ছুঁ করছে ।

আর সে শুল না, কান খাড়া করে বসে রইল । ঘরের ভিতরে আর বাইরে বিরাজ করছে অবিচ্ছিন্ন নিঃশব্দতা, সন্ধ্যার দিকে বাতাস পড়ে গেছে, বহুদিন পরে আবার এসেছে পরিচ্ছন্ন রাত্রি । রামধনুর জ্যোতির্মণ্ডলের মধ্যে চাঁদ শুরু করেছে তার আকাশযাত্রা । মেঝের উপরে এসে পড়েছে পরিষ্কার ভাবে জানালার ছায়া । জানালার তুষারধবল পটভূমিকায় গভীর কালো গাছের ছায়াগুলো দেখা যাচ্ছে ।

হঠাৎ জানালার বাইরে একটা শব্দ হল । একটা ক্ষুদ্র গোড়ানি সেই সঙ্গে, একটা কর্কশ শব্দ হঠাৎ যেন শোনা গেল । তারপর গলার মধ্যে শব্দটা চেপে বন্ধ করা হল ! ফেডোসিয়া বিছানা থেকে লাফ দিয়ে উঠে পড়ল এবং খালি পায়ে বেরিয়ে এল । তার আঙুলগুলো কাঁপছে, চারিদিকে দরজা খুঁজতে লাগল । তারপব

দেখতে পেল, দরজা খোলা। নিশ্চয়ই ভের্নের এখনও ফিরে আসে নি। সে কখনও দরজা বন্ধ করতে ভোলে না।

দরজার হুড়কোটো সে খুলে ফেলল। কালো কালো ছায়াগুলো চারদিকে নড়ে বেড়াচ্ছে।

“কে?”

ফেডোসিয়া জিজ্ঞাসা করল না। কারণ, সে জানত ওখানে কারা দাঁড়িয়ে। ঘুম থেকে চমকে উঠেই সে জানতে পেরেছে। দুই হাতে সে স্পন্দিত বুক চেপে ধরল।

“আমি, এই বাড়ীরই লোক,” চাপা গলায় সে উত্তর দিল : “চুপ, সে এখানে নেই! ...”

তারা অভক্ষণে দালানে ঢুকে পড়েছে। ফেডোসিয়া ছোট সৈনিকটিকে চিনতে পারল।

“সে এখনও ফেরে নি, নিশ্চয় সে এখনও আপিসেই আছে!”

“বেশ, তা হলে আমরা আর ঘরের ভিতর ঢুকব না। চলো, আমরা জার্মান কমাণ্ডান্টুবেই যাই!”

“থাম থাম!” ফেডোসিয়া বলে উঠল। “সে মেয়েটি কিন্তু এখানে আছে!”

“সে কে?” কমাণ্ডার তাড়াতাড়ি জিজ্ঞাসা করল।

“জার্মানটার রক্ষিতা।”

“ও, মেয়েমানুষের সম্বন্ধে আমাদের এখন মাথা ঘামাবার সময় নেই। কালকে ভেবে চিন্তে দেখা যাবে জার্মান মেয়েটাকে নিয়ে কি করা যাবে।”

“কিন্তু সে তো জার্মান নয়, সে আমাদেরই একজন।” ফেডোসিয়া বিকৃত কণ্ঠে জবাব দিল।

“তাই না কি? বেশ, তা হলে তো সে আলাদা ব্যাপার! সে কোথায়?”

“ঘরে ঘুমোচ্ছে।”

কমাণ্ডারের মুখখানি বিকৃত হয়ে গেল।

“বেশ, চল, একবার তাকে দেখি! ... একটু আলো দেখাতে পার?”

“সান্ধীটা যে দেখতে পাবে।”

“সান্ধী-টান্ধী এখন আর কেউ নেই, মা।”

“বেশ, তা হলে আলো জ্বালছি।”

কম্পিত হাতে সে দেশলাই খুঁজতে লাগল।

তারা এসেছে! শেষ পর্যন্ত এসেছে, এতদিন পরে!

ছোট সৈনিকটি তার হাতে একটি দেশলাইর বাস্তু গুঁজে দিল।

ফেডোসিয়া আলো জ্বালালো এবং বাতিটা উসকে দিল।

“আমাদের পাঁচজন জামিনদার হিসাবে কমাগাণ্টুরে বন্দী রয়েছে। ...”

“কিছু ভাবতে হবে না, মা। সেখানে এখন আমাদের লোক আছে, তারা জামিনদারদের মুক্তি দেবে। আমরা চাইছিলাম বেশি গোলমাল না করে ওদের কমাগাণ্টকে গ্রেফতার করতে পারব, তার কোন উপায় নাই। আচ্ছা, আসি মা।”

“উপায় কি, সে আজ আসে নি। আমার মনে হচ্ছে, আজ ওদের খুব কাজের চাপ পড়েছে।”

পাছে কোন শব্দ হয়, এই জগ্রে সে খুব সতর্কতার সঙ্গে দরজা খুলল। লাল পন্টনেরা ভারী বুটের শব্দ না করে আস্তে আস্তে পা ফেলে তাকে অন্তরঙ্গ করে ঘরের মধ্যে ঢুকল। ফেডোসিয়া আলোটা উঁচু করে ধরল যাতে বিছানায় আলো পড়ে।

পুসিয়া জেগে উঠল। কুর্ট ফিরে এসেছে ভেবে ঘুমজড়িত কণ্ঠে কি যেন বলল, কিন্তু কোন উত্তর পেল না। তখন সে মুখের চুলগুলো পিছনে সরিয়ে নিয়ে ঘুরে দেখল।

কমাগার তাড়াতাড়ি ফেডোসিয়ার হাত থেকে আলোটা কেড়ে নিয়ে বিছানার দিকে এগিয়ে গেল।

“এ কে?” কমাগার বিকৃত কণ্ঠে জিজ্ঞাসা করল।

“জার্মান কমাগারের রক্ষিতা, আমাদেরই একজন, শহর থেকে এসেছে,” ফেডোসিয়া বুঝিয়ে বলল।

যে লোকটি আলো ধরে দাঁড়িয়ে আছে তার দিকে আতঙ্কিত দৃষ্টি নিবন্ধ করে পুসিয়া তাকিয়ে রইল। তার নীল রঙের রাত্রিবাসখানি একটি কাঁধ থেকে খসে পড়েছে। এক পাশের বুকের খানিকটা উন্মোচিত হয়ে গেছে। পা দুটো গুটিয়ে নিজেরই অজ্ঞাতে আস্তে আস্তে বিছানার এক কোণে সরে যাচ্ছে, যেন সে নিজেকে ঢাকতে চায়, আড়াল করতে চায়, দেয়ালের ফাটলে গিয়ে যেন লুকোতে চায়। কমাণ্ডার কাঁপতে লাগল। পুসিয়ার রক্তিম আঙুলের নখগুলি দীপালোকে ঝক্ ঝক্ করছে এবং তার ছুঁচোলো দাঁতগুলো সাদা কাগজের মত দুই ঠোঁটের-ফাঁকে মুহূর্তের জগ্রে ঝকমক করে উঠল।

“সে-রি-য়ো-শা ! ...”

এই চাপা কণ্ঠের ডাক পাতার মর্মরের চেয়েও মুহূ। তবুও সেরিয়োশা শুনতে পেল। যেন পুসিয়ার ঠোঁটে পড়ল তার নিজের নাম। সেও কাঁপতে লাগল। পুসিয়া যেন নিজেকে আড়াল করবার জগ্রে তার ক্ষীণ-দুর্বল দুটি হাত তুলে ধরল। হাতের নখগুলো যেন রক্তে রঞ্জিত ! চোখে তার বিভীষিকা। এক কোণে সরে যাওয়ায় বিছানাটাকে মস্ত বড় মনে হচ্ছিল, ও যেন একটা পুতুলের মত, ওর নখ বক্ষ উঁকি মারছে নীল রেশমী পোশাকের আড়াল থেকে, ছোট দুটি পা ঢাকা পড়েছে রাত্রিবাসের মধ্যে।

বাইরে কোথায় যেন গুলির শব্দ হল।

“ও বোধ হয় কমাণ্ডান্টুরের কাছাকাছি,” ফেভোসিয়া বলল।

সেই সময় আর একদিক থেকে গুলির আওয়াজ শোনা গেল। পরক্ষণেই আর একদিক থেকে, তারপর চারদিক থেকেই গুলির আওয়াজ আসতে লাগল।

সেগাই তার রিভলভার উঁচু করে তুলে ধরল। তার অতি পরিচিত দুটি কালো চোখের দিকে নিনিমিষে চেয়ে রইল। রিভলভার গর্জে উঠল। পুসিয়া একবার হাত-পা নেড়ে নিশ্চল হয়ে গেল। ওর ঠোঁটের ফাঁকে ছুঁচোলো দাঁতগুলো চকমক করে উঠল। ওর গোল গোল চোখ দুটো পাকিয়ে রইল, সঙ্গে সঙ্গেই অনড় হয়ে গেল।

“কমাণ্ডারের দিকে চলো !” সার্গেই আদেশ করল, এবং চৌকাঠের উপর হৌচট খেয়ে ও রান্নাঘরের বালতির উপড় হুমড়ি খেয়ে পড়তে পড়তে তারা রাস্তায় এসে পড়ল। রাস্তাটা জ্যাংস্বার আলোয় রূপার মত ঝকঝক করছে।

গ্রামের মধ্যে ভয়ানক লড়াই চলছে। তারা ঘর থেকে যে প্রথম গুলির শব্দটি পেয়েছে তা ছুঁড়েছে প্রাইভেট জাভিয়াস। শত্রুর কামানগুলোকে আয়ত্ত করবার জন্যে যে দলটি নিযুক্ত ছিল এই জাভিয়াস সেই দলের।

সার্গেই ও তার অল্পচরেরা যখন জার্মান কমাণ্ডারকে নিম্নিত অবস্থায় আয়ত্ত করবার জন্যে ফেডোসিয়ার কুটারে হামাগুড়ি দিয়ে উঠছিল, তখন আর একটি দল কামানগুলি দখল করবার জন্যে বরফের উপর দিয়ে তেমনি হামাগুড়ি দিয়ে টিলার দিকে উঠছিল। তারা সকলেই চলেছে সাদা পোশাকে অদৃশ্যভাবে যেখানে ছায়া পেয়েছে সেখানেই আত্মগোপন করেছে, যত রকম আত্মগোপনের স্বযোগ মেলা সম্ভব, সবই তারা অহুসরণ করে শেষ পর্যন্ত কামান-শ্রেণীর কাছে গিয়ে পৌঁছল। তাদের আগে আগে চোখ পাকিয়ে চলেছে সার্জেন্ট সেহ্যুর্ক। এমনি করে তারা শত্রুর কামান-শ্রেণীর কাছে অন্যের অলক্ষ্যে গিয়ে পৌঁছল। বরফ ও আকাশের পটভূমিকায় কামানের কালো কালো চোঙাগুলি উদ্ভবমুখ হয়ে আছে! ওদের মাথার উপর দিয়ে নীরবে ভয়াবহ কামানগুলি মুখ বাড়িয়ে আছে। তিনটি সৈনিক সে কামানগুলির পাশে বসে ফিস্ ফিস্ করে কথা বলছে। একজন সাদ্রী ব্যাটারী লাইনের উপর পায়চারি করছে— একবার এগিয়ে যায়, একবার পিছিয়ে আসে, পায়ের তলায় বরফের মড় মড় শব্দ ওঠে।

সেহ্যুর্ক শ্বাস-প্রশ্বাস বন্ধ করে অপেক্ষা করতে লাগল। ঠিক খানাটার কাছে সাদ্রীটা ফিরল, সার্জেন্ট তার সরু পিঠটা দেখতে পেল, সডীনটা মাথার উপরে ঝক ঝক করছে। নিঃশব্দে নালার ভিতর থেকে বেরিয়ে এসে জার্মানটাকে আঘাত হানল। তারপর উভয়েই বরফের উপর গড়াগড়ি যেতে লাগল। প্রতিদ্বন্দ্বী কোনরকম শব্দ করবার পূর্বেই সেহ্যুর্ক তার গলা টিপে ধরল। কিন্তু গোলন্দাজ তিনজন লক্ষ্য করল তাদের সাথীর আকস্মিক অন্তর্ধান।

“এই, হাম্স !” তাদের একজন ভয়ে ভয়ে ডাকল। ঠিক সেই মুহূর্তে লাল পন্টনের একজন অসতর্কতার সঙ্গে একটা শুকনো ডালের উপর দিয়ে হেঁটে গেল। ডালটার উপর পা পড়তে মড় মড় করে উঠল। আদেশের অপেক্ষা না করেই গোলন্দাজরা তাদের বন্দুক সেই দিকে তাক করল এবং তখনই জাভিয়াস বলে একজন লাল পন্টন মাথা ঠিক রাখতে না পেরে নিকটবর্তী একজনকে লক্ষ্য করে গুলি ছুঁড়ল। জার্মানটা মুখ খুবড়ে পড়ে গেল। তারপর ঘটনাগুলো এত তাড়াতাড়ি ঘটে গেল যে, লাল পন্টনেরাও হতবাক হয়ে গেল—তারা কোথায় আছে জানবার আগেই দেখা গেল, কামানগুলির কাছে একজন জার্মানও নেই অথচ কামানগুলি তাদেরই জিম্মায় ছিল। সঙ্গে সঙ্গে রাস্তার দিক থেকে—যে দিক জার্মান সদর দফতর অবস্থিত, সেই দিক থেকে পূর্ব ব্যবস্থামত তোপ দাগা শুরু হয়ে গেছে।

“জোরে চালাও !” সেহৃদ্যক আদেশ করল, কিন্তু তার মুখের কথা শেষ হতে না হতেই কতকগুলো কালো কালো ছায়া তাদের সামনে দেখা গেল।

জার্মানরা সঙ্গে সঙ্গেই বুঝতে পারল যে, আক্রমণকারীরা সংখ্যায় অল্প এবং খোলাখুলি ভাবেই তারা সগর্বে ছুটাছুটি করছে। জার্মানদের গুলির ঘায়ে সেহৃদ্যক হাঁটু গেড়ে বসে পড়ল। হঠাৎ তার ডান পায়ে বেদনা অনুভব করল।

“কি হল ?”

“কিছুই না। তোমরা আর দাঁড়িয়ে থেকো না, গুলি চালাও !”

কে একজন দৌড়তে গিয়ে পড়ে গেল, কিন্তু তাতে আর সকলের চলা বন্ধ হল না। তাদের সকলেই টমি বন্দুকে সজ্জিত এবং অবিরাম গুলির শব্দ চলতে লাগল।

“মাটিতে শুয়ে পড়ে গুলি চালাও।”

লাল পন্টনেরা কামান-শ্রেণীর আড়ালে দাঁড়িয়ে বরফের মধ্যে জার্মানদের কালো কালো মূর্তিগুলি স্পষ্ট লক্ষ্য করে মনের আনন্দে গুলি ছুঁড়তে লাগল। সেহৃদ্যক এমনভাবে লক্ষ্য করে গুলি ছুঁড়ছিল যাতে একটি টোটুও বাজে খরচ না হয়। হঠাৎ তার মনে হল যে, মুখখানা যেন অত্যন্ত ঠাণ্ডা হয়ে যাচ্ছে।

তার টমি বন্দুকের কুঁদোতে এই ঠাণ্ডা লাগছে। কপাল, নাক, জমে গেছে। গাল দুটি যেন অসাড়।

সেহ্যাক আবার যখন বন্দুকে টোটা পুরছিল তখন একবার নীচের দিকে তাকাল, দেখতে পেল বরফের উপর একটি বড়গোছের কালো গর্ত রয়েছে।

“গুলি! গুলিবৃষ্টি!”

যে গর্তের সামনে সে হাঁটু গেড়ে বসেছিল সেটা কি? তার হাঁটুর কাছে পাজামাটা ভিজে গেছে। অথচ এ রকম কুয়াশায় সেটা অদ্ভুত মনে হচ্ছে, যেন কেউ জল ঢেলে সেটা ভিজিয়ে দিয়েছে।

জার্মানরা ময়দানের ও পাশে, রাস্তার দিকের খানায় শুয়ে অবিচলিত ভাবে অমিরাম গুলি ছুঁড়ছে। সেহ্যাক একটা বরফের স্তুপের উপর মাথা রেখে শুয়ে ছিল, কি হচ্ছে দেখবার জগ্গে মাথাটা তুলল। খানা থেকে বন্দুকগুলির দিকে এবং বন্দুকগুলির দিক থেকে খানার দিকে গুলি ছোঁড়াছুঁড়ি কতক্ষণ যে চলবে কে জানে। সারা গায়েই গুলির শব্দ শোনা যাচ্ছে। কোথায় যে কি হচ্ছে কিছুই সে জানতে পারছে না। তার দলটি মাত্র পাঁচ জন নিয়ে, এই পাঁচ জনকে ওখানে নিয়ে গেলে কোন না কোন কাজে আসতে পারে।

“দেখ বন্ধুরা, এক জায়গায় এমনি ভাবে গুলি ছোঁড়াছুঁড়ি করে সময় নষ্ট করে কোন লাভ নেই। স্বদেশের জগ্গে ও স্তালিনের জগ্গে ঝাঁপিয়ে পড়।”

তারা যুগপৎ একসঙ্গে লাফ দিয়ে উঠে দাঁড়াল। বুকে পড়ে সমুখে সতীন উচিয়ে ছুটল তারা শকায়মান মেশিনগান ও অটোমেটিক রাইফেল নিয়ে। কয়েকটা দিক দিয়ে তারা দ্রুতগতিতে খানার কাছে গিয়ে পৌঁছল, লাফিয়ে পড়ল স্তম্ভিত জার্মানদের উপর। জার্মানরা তখনও বুঝতে পারে নি ব্যাপারটা কি! তাদের সমস্ত কিছু নিয়ে জার্মানদের উপর তারা ঝাঁপিয়ে পড়ল। রাস্তার ধারে খানাটা নিস্তব্ধ, জার্মানদের মৃতদেহগুলো বরফের উপর কালো কালো স্তুপের মত পড়ে আছে— অসহায় হতভাগার মত।

“এবার কোন দিকে?” রুদ্ধ নিশ্বাসে জাভিয়াস জিজ্ঞাসা করল।

“কমরেড সেহ্যাক, তুমি কোথায়?”

“কি হল?” সেহ্যাকের অন্তরঙ্গ বন্ধু টেকো আলেকসাই জিজ্ঞাসা করল।

“আমাদের সঙ্গে সে এসেছিল তো, না আসে নি?”

“পাগল নাকি? নিশ্চয়ই এসেছে!”

“তবে সে কোথায়?”

“এই যে এখানে, শুয়ে আছে!” দলের সব চেয়ে কনিষ্ঠ সৈনিকটি টেঁচিয়ে উঠল। আলেকসাই ছুটে গেল সেই দিকে।

সেহ্যাক পড়ে আছে খানা আর কামানগুলোর মাঝামাঝি জায়গায়, হাত দুটো ছড়িয়ে পড়েছে দুদিকে, এক হাতে শক্ত মৃষ্টিতে তখনও তার বন্দুক ধরা।

“কি হয়েছে?” রুদ্ধ কণ্ঠে জিজ্ঞাসা করল ভানিয়া।

আলেকসাই বরফের উপর তাকাল।

সেহ্যাক যেখানে পড়ে আছে সেখানে রক্তের একটা জমাট চাপ আর সেখান থেকে কামানগুলোর কাছ পর্যন্ত একটি রক্তের ধারা চন্দ্রালোকে স্পষ্ট দেখা যায়।

“কোথায় লাগল?”

আলেকসাই নিঃশব্দে দেখিয়ে দিল। পায়ের হাঁটু পর্যন্ত উড়ে গেছে, তার চারপাশের বরফের উপর জমাট কালো রক্ত।

“গুলি লেগে পা-টা উড়ে গেছে, যেন ছুরি দিয়ে দু'টুকরো করে কাটা হয়েছে!”

“বোঝ তবে—এই পা নিয়েই সে ছুটেছিল!”

“এখন ভাববার সময় নেই। কমাণ্ডান্টুরের দিকে চল। মনে হচ্ছে, সেখানে দিব্যি জমেছে।”

তারা দ্রুত আলেকসাইর অনুসরণ করল। তুষার ঘিরে এসেছে চারদিকে, যেন নিখাস বন্ধ হয়ে আসে।

প্রথম গুলিটা যখন ছোঁড়া হয় তখন ক্যাপ্টেন ভেনের কমাণ্ডে তার নিজের বিছানায় ঘুমোচ্ছিল। সদর থেকে ফোন পাবে—এই আশা ছিল, তাই বাসায় যেতে পারে নি। জামা-কাপড় পরে লং-কোট গায়ে চাপিয়েই সে ঘুমোচ্ছিল। সার্জেন্টও পাশের দেয়ালে হেলান দিয়ে গভীর নিদ্রায় মগ্ন, সৈনিকেরাও আর এক ঘরে শুয়ে ঘুমোচ্ছে। টেলিফোনের আশায় ক্যাপ্টেন অনেকক্ষণ প্রতীক্ষা করে বসেছিল, কিন্তু ফোন এল না। পাশের ঘরের নিখাস-প্রস্থাসের সাঁই সাঁই শব্দে ওর রাগ ধরে গেল। সার্জেন্টের নাক ডাকার শব্দও কম বিরক্তিকর নয়। তা ছাড়া, যে বিছানায় ও ঘুমোচ্ছিল তাও দস্তুর মত কঠিন, মোটেই আরামদায়ক নয়। কিন্তু শেষ পর্যন্ত ও ঘুমিয়ে পড়েছিল। জেগে উঠল গুলির শব্দে।

“কে হয় তো আবার রাত্রির বেলা বাড়ীর বার হয়েছে,” রাগতভাবে ভেনের কথাটা আপন মনেই ভাবল। জার্মানদের হুকুম অমান্য করার আরও একটি নতুন প্রমাণ পেয়ে ও ক্ষেপে উঠল।

কিন্তু প্রায় সঙ্গে সঙ্গেই দ্বিতীয় শব্দটিও শোনা গেল, তার পর তৃতীয়। ক্যাপ্টেন আর বিছানায় থাকতে পারল না, লাফ দিয়ে বিছানা ছাড়ল।

“সশ্, ওঠো শীগ্গির!”

সার্জেন্ট ততক্ষণে উঠে দাঁড়িয়েছে। মুহূর্তের মধ্যেই তার নিজালু ভাবটা কেটে গেল। জানলার নীচেই কতকগুলি ভারী পদক্ষেপের শব্দ পাওয়া গেল, একদল জার্মান ঘরে ঢুকল।

“বলশেভিকরা গ্রামে ঢুকে পড়েছে।”

“সব দরজা-জানালা বন্ধ করে দাও! বাতি নিবিয়ে দাও!” ভেনের হুকুম করল এবং সঙ্গে সঙ্গেই তার আদেশ প্রতিপালিত হল।

যে ঘরে টেলিফোন আছে সে ঘরখানিই সব চেয়ে বড় এবং আত্মরক্ষা করার পক্ষে সুবিধাজনক। ভেনের অবশ্য এটা আশা করে নি যে, তাকে এখানে এমনি ভাবে আত্মরক্ষা করতে হবে, তবে অবশ্য তা ঘটবার সম্ভাবনাকে মনে রেখে সকল রকম ব্যবস্থাই সে করে রেখেছে। পুরু কার্টের তক্তার উপর

লোহার পাত মোড়া দরজা, তার উপর অর্গলের ব্যবস্থাও পাকাপাকি। ঘরের দেয়াল মোটা কাঠের গুঁড়ি দিয়ে তৈরি, জানালার কপাটগুলোও বেশ মজবুত। বাড়ী পুরানো, এবং দেখলেই মনে হয় গুদাম-ঘরের উদ্দেশ্যে নির্মিত হয়েছিল। পাশের যে ঘরে সৈনিকেরা ঘুমিয়ে আছে, আর যে ঘরে জামিনদারদের আটক রাখা হয়েছে,— এ ছুটি ঘর নতুন তৈরি। ইতিপূর্বে এটা ছিল গ্রাম্য সোভিয়েটের দফতর, গ্রামের ক্লাব ও লাইব্রেরী। সে সময় দেয়াল এত পুরু ও জানলা দরজাও অত মজবুত ছিল না, সামান্য তালা চাবিতেই কাজ চলে যেত।

কিন্তু এখন এই ঘরটা বলতে গেলে একটি দুর্গবিশেষ।

“ঘুলঘুলিগুলো খুলে দাও!”

তৎক্ষণাৎ তারা দেয়ালের পাশের কড়িকাঠটা সরিয়ে ফেলল, তখন ঘুলঘুলি-গুলো খুলে গেল। এই ছিদ্র-পথে ঘর থেকে বাইরে গুলি ছোঁড়া হয়। এই ছিদ্র-পথের পাশেই বালি-ভরতি থলে সাজান আছে। মেঝেতে ট্রেক কাটা রয়েছে। সৈনিকেরা সটান সেই ট্রেকে শুয়ে পড়ল। ঘরে এতক্ষণ বেশ গরম ছিল, কিন্তু যেই জিদ্র-পথ খুলে দেওয়া হয়েছে অমনি বাইরে থেকে সেই ফাঁক দিয়ে ঠাণ্ডা বাতাসের প্রবাহ বইতে লাগল। সৈনিকদের রাইফেল গর্জে উঠল।

“সদরে খবর দাও শীগগির, জলদি কর! ভাল কথা, ওরা কি গোরিলা দলের?” ভের্নের একজন সাক্ষীকে জিজ্ঞাসা করল। সে তখন হাঁপাতে হাঁপাতে মেশিন-গানে একটা বেল্ট পরাচ্ছিল।

“না, দস্তুর মত সৈনিক!”

“অনেক?”

“আমি ঠিক জানিনে। তারা চারদিক থেকেই গুলি ছুঁড়ছে—মনে হয় যেন চারদিক থেকেই তারা এসে গ্রাম আক্রমণ করেছে।”

ভের্নের গাল দিয়ে উঠল।

“সদরে ফোন কর।”

“হের ক্যাপ্টেন, টেলিফোন অকেজো হয়ে গেছে, জবাব পাচ্ছি নে।”

ভের্নের টেবিলের উপর একদিকে কাং হয়ে টেলিফোনের রিসিভারটা কানে দিয়ে চোঁচাতে লাগল, কিন্তু যখন কোনই জবাব পেল না তখন নির্বাক বাস্তবের উপর মারল ঘুষি। কিন্তু টেলিফোনটা মরে গেছে!

“হতভাগারা লাইন কেটে দিয়েছে!”

“রাগের মাথায় ঘুষি মেরে অকেজো বাস্তবটাকে ছুঁড়ে দিল, সশব্দে সেটা মেঝের উপর পড়ল। সঙ্গে সঙ্গে একটা লাথি মেরে ঘরের আর এক কোণে নিয়ে ফেলল।

“আমরাই যা পারি, করি! তৈরি হয়ে নাও।”

বাস্তবায় গুলি ছোঁড়ার শব্দ শোনা যাচ্ছে, গুলি এসে পুরু দেওয়ালের গায়ে সশব্দে বিদ্ধ হচ্ছে। কাছাকাছি যে ঘর আছে তার বন্ধ দরজায় রাইফেলের কুঁদোর সাহায্যে সশব্দে আঘাত করছে, কিন্তু ওই পর্যন্তই, দরজা খোলা সম্ভব হল না।

“ভাল করে বন্ধ করে দাও,” ক্যাপ্টেন বিড়বিড় করে বলল। দরজার দৃঢ়তায় তার আস্থা ছিল।

যে দলটি কমাণ্ডারের আক্রমণ করেছে তার দলপতির নাম লেফটেনেন্ট শালভ। তার দলের লোকেরাই প্রথম দরজাটা ভেঙ্গে ফেলল এবং যখন ঘরের মধ্যে ঢুকে পড়ল তখন যারা কামানগুলি অধিকার করতে গিয়েছিল তারা এসে পড়ল।

“সেদ্যাক কোথায়?”

“সে মারা গেছে। কামানগুলো কেড়ে নেওয়া হয়েছে।”

প্রথম ঘরে তারা দেখতে পেল সৈন্যদের শোয়ার খাট কতকগুলি, চারিদিক জিনিসপত্র তচন্চ্ হয়ে পড়ে আছে, কিন্তু একটিও জীবিত মৃত্তির দেখা নেই।

“মনে হচ্ছে, ইন্দুরগুলো জেগে উঠে ওই ঘরে ছুটে গেছে।”

“ওখান থেকে ধোঁয়া দিয়ে বের করব আমরা।”

“সবাই বাইরে এসো। বাইরে থেকে সবাই আক্রমণ করব!”

বাড়ীটার চারদিকে তারা ছড়িয়ে পড়ল, অবিলম্বেই তারা বুঝতে পারল, ঘরটা দুর্গবিশেষ, মোটা মোটা গাছের গুঁড়িগুলো বন্দুকের গুলির পক্ষে দুর্বল ! গুলির ছর্রা গিয়ে আঘাত হানল বটে, কিন্তু দেওয়ালটা দাঁড়িয়ে রইল—একটুও চিড় খেলো না। মেশিন গানের স্ত্রীর গজর্ন, নীল আর লাল অগ্নিস্ফুলিঙ্গ ঠিকরে বেরুচ্ছে দেওয়ালের ছিদ্রপথ দিয়ে। ঘরটা যেন মৃত্যুকে উপেক্ষা করছে।

“এরা হরদম গুলি ছুঁড়েছে,” শালভ চাপা কণ্ঠে বলল।

“বোধ হচ্ছে, ওরা যেন আত্মরক্ষার জন্য প্রস্তুত।”

সারা গ্রামে গুলির শব্দ হচ্ছিল। বিভিন্ন দল বিভিন্ন জায়গায় জার্মানদের ঘিরে ফেলেছে। তার মধ্যে দুর্গরূপে সুরক্ষিত ওই ঘরটার গজর্ন আর সকলকে ছাড়িয়ে গেছে।

“বন্ধুগণ, ওটাকে হাওয়ায় উড়িয়ে দিতে হবে। ভোরের আগেই ওদের শেষ করতে হবে। আর বেশিক্ষণ আমরা এখানে হাক্কামা পোহাতে পারি নে। সকালের দিকে ওদের কোন দল এসে পড়তে পারে, তা হলেই সব ভুল হয়ে যাবে। ...”

মাটির উপরে উঁচু জায়গার আড়ালে, খানার ভিতরে গিয়ে তারা শুয়ে পড়ল যাতে দেওয়ালের ওপাশে ছিদ্র-পথ দিয়ে উঁকি-মারা জার্মান অটোমেটিক বন্দুকগুলোকে সুরক্ষিত তাক করতে পারে। কিন্তু এক মুহূর্তের জন্তেও জার্মানদের গুলিবর্ষণ থামল না।

লেভন্যুকের ঘরে যে সকল জার্মান ছিল তারা অতর্কিতে আক্রান্ত হয়েছিল। লাল পল্টনেরা ঘরের মধ্যে হঠাৎ ঢুকে পড়ে তাদের ঘুমন্ত অবস্থায় ধরে ফেলল। জার্মান সৈনিকেরা আতঙ্কে লাফ দিয়ে উঠল বিছানা থেকে এবং বিছানার ধারে রাখা বন্দুকগুলি ধরল ক্ষিপ্ততার সঙ্গে, আর উলটে পড়ল ঘরের অবিহীন জিনিসপত্রের উপর।

“মেঝেতে শুয়ে পড়” ভীতাত লেভন্যুচিখাকে মিঞ্চেকো, চৈচিয়ে বলল।

তাই শুনে সে শুয়ে পড়ল, আর কোলের কচি ছেলটাকে খাটের তলায় ঠেলে দিল। ধরের গোলমাল না থামার আগে সে বুঝতেই পারছিল না, কি ঘটে যাচ্ছে। লাল পল্টনেরা ছুটে বেরিয়ে গেল, মিলিয়ে গেল স্বপ্নের মত, আর মেঝেতে পড়ে রইল জাঙিয়া-পরা জার্মান সৈনিকদের মৃতদেহগুলি।

“ভাস্ক্যাকা, আয় তো বাবা, আমাকে একটু সাহায্য কর। এই নোংরাগুলোকে ঘর থেকে বাইরে ফেলে দিই।” ছেলেকে ডেকে বলল! তখনও কাঁপছে সে; তারা দুজনে মৃতদেহগুলোকে টানতে লাগল। জোরে জোরে নিঃশ্বাস ফেলে জার্মান-গুলোর পা ধরে টানতে লাগল। ভাস্ক্যার মাত্র বার বছর বয়স আর সে নিজে আসন্নপ্রসব।

“আস্তে আস্তে। অত তাড়া কিসের?” মা ছেলেকে ধমক দিয়ে উঠল।

কিন্তু ভাস্ক্যার তাড়া করার কারণ আছে। লাল পল্টনের দল চলে গেল, একবারও সেই উপলক্ষে বাইরে বেরিয়ে দেখতে শেল না, তারপর, এখন আবার মা তাকে এই বাজে কাজে আটকে রাখতে চায়। গ্রামে গুলি ছোঁড়াছুঁড়ি চলেছে, চাঁচামিচি শোনা যাচ্ছে। আর ওকে কি-না বাইরে বেরিয়ে কি হচ্ছে না হচ্ছে নিজের চোখে না দেখে মৃত জার্মানদের পা ধরে টেনে নিয়ে বাইরে ফেলতে হচ্ছে। চাই কি, তারা হয় তো ওর হাতে একটা বন্দুকও তুলে দিত! কে জানে হয় তো তারা দিত।

যে নিশ্চরতার মধ্যে গ্রামখানি আক্লান্ত হয়েছে এখন আর তা নেই। এখন আর কেউ লুকিয়ে উঁকি মেরে বেড়ার ওপাশে দাঁড়িয়ে দেখবার চেষ্টা করছে না, পাছে তাদের ছায়া পড়তে দেখে তাদের গুলি করে।

“ভুলে যেয়ো না, একটি লোকও যেন পালাতে না পারে, জ্যাস্ত একটি লোককেও পালাতে দেওয়া হবে না!” গ্রামে ঢুকবার সময় তারা যখন ভিন্ন ভিন্ন দলে বিভক্ত হয়, সে সময় লেফটেনেন্ট তাদের বলে দিয়েছে।

এবং তারা এটা বুঝেছে যে, এরই উপর সাফল্য নির্ভর করছে।

জার্মানরা এক এক জায়গায় এক এক রকম নীতি মেনে চলে। কোথাও তারা ঘরে থেকেই আত্মরক্ষার চেষ্টা করছে, আবার কোথাও বা যে যে-রকম

অবস্থায় থাকে সেই অবস্থায়ই ভয়াতঁ হয়ে আঙ্গিনায় বেরিয়ে আসে, কিন্তু তাদের রাইফেল ও টোটা নিয়ে আসতে ভুল করে না। অর্ধ উলঙ্গ অবস্থায় কুয়াশার মধ্য দিয়ে তারা আত্মরক্ষার জন্তে ছোট্ট বা আড়াল থেকে অবিরাম গুলি ছুঁড়তে থাকে।

“রাস্তা থেকে সরে যাও, আমাদের চলাফেরায় বাধা দিও না!” মেয়েদের লক্ষ্য করে সের্গাই চৌঁচিয়ে উঠল। মেয়েরা দলে দলে ঘর থেকে বেরিয়ে এল, মনে হল যেন তারা সব মাটি ফুঁড়ে বেরুল।

“দেখ বাছারা, আমার বাড়ীতে ছ’টা জার্মান থাকে, ছ’টা। শীগগির এসো!” পেলচারিখা একজন লাল পল্টনের জামার হাতা ধরে টানতে লাগল।

“তোমার ঘর কোথায়?”

“তোমরা আমার সঙ্গে এসো, আমি দেখিয়ে নিয়ে যাচ্ছি। খুব কাছে, এক মিনিটও লাগবে না,” সে অনুনয় করতে লাগল, ও যেন বাড়ী ভাড়া দেবে, তাই যেন বাড়ীর প্রশংসা করছে।

এক দল লাল পল্টন তার অনুনয় করল। কিন্তু বাড়ীতে পৌঁছতে না পৌঁছতেই দেখতে পেল যে, ব্যাপারটা আদৌ সহজ নয়। জার্মানরা ঘর থেকেই ভীষণভাবে গুলি ছুঁড়ছে, যেন তারা ক্ষেপে গেছে। এ বাড়ীতে মেশিনগান চালাবার জন্তে দেয়ালে ফুটো করা হয়েছে। মৃত্যু যেন বিরাজ করছে এই ঘরে।

লাল পল্টনদের পাশে পেলচারিখা মাটিতে শুয়ে পড়ল। ইঠাৎ তার পাশের সৈনিকটি বুকে হাত চেপে একটা আতঁ চীৎকারে মাটিতে পড়ে গেল।

“এতে কোন ফল হবে না, বাছারা।” সে চৌঁচিয়ে উঠল। “তারা এতে একের পর এক তোমাদের খুন করবে, অথচ তারা বেশ নির্ভয়েই ঘরের মধ্যে বসে আছে। আমি বলি কি, ঘরটায় আগুন ধরিয়ে দাও।”

“এ তোমার বাড়ী?”

“আর কার হতে পারে মনে কর? দাও—দাও, ঘরটায় আগুন ধরিয়ে দাও।”

“ঘরের মধ্যে আর কেউ নেই তো?”

পেলচারিখা সবলে হাত মুঠো করল।

“আমার শিশুপুত্র। ... বড়রা কোন মতে বাইরে এসেছে, কিন্তু সে ... দোলনায় রয়েছে।”

“তা হলে কেমন করে আমরা ঘরে আগুন দিই? তোমার কি মাথা খারাপ হয়ে গেছে?”

সে লাল পন্টনের লোকটির হাত চেপে ধরল।

“শোন, বাবা, আমি কি করতে যাচ্ছি তা আমার অজানা নেই। ... আমার শিশুপুত্রের জন্তে তোমরা কেন একে একে জীবন হারাবে? ... আমি মা, আমিই বলছি—ঘরে আগুন লাগিয়ে দাও!”

“তুমি পাগল, আস্ত পাগল!”

“ঘরে আগুন দাও! আমার মনে কোন দ্বিধা নেই, তোমরা কেন সঙ্কোচ করছ; চাই কি, আমরা হয় তো তাকে বাঁচাতেও পারব। ... বুঝতে পারছ!”

আর একজন লাল পন্টনের লোক তাড়াতাড়ি ক্রমাল দিয়ে হাত বেঁধে ফেলল, ক্রমালের বাঁধন ছাপিয়ে রক্ত চুইয়ে পড়ছে।

পন্টনের লোকেরা পেলচারিখার কথা-মত ঘরে আগুন দিতে সম্মত হল না। ও কিন্তু একজনের জামা ধরে ঝুলতে ঝুলতে তাকে অন্তরায় বিনয় করতে লাগল।

“তুমি বরং এখান থেকে চলে যাও, দেখছ না ওরা কেমন দিগ্বিদিকজ্ঞান হারিয়ে গুলি ছুঁড়ছে। ওরা তোমাকে খুন করবে।”

“আমার মত একটা বুড়ীকে কে গুলি করে মারবে? ...”

দেয়ালের ফুটো দিয়ে যে গুলি ছোঁড়া হচ্ছিল তা বন্ধ হয়ে গেল।

“দেখছ, আমাদের সোজা গুলি চালাতে হবে। তা হলে সব কিছু ঠিক হবে!”

“শোন বাছারা, চালের উপর দিয়ে ভিতরে ঢোকান একটা ব্যবস্থা আছে, ওপাশ দিয়ে সোজা উপরে যাওয়া যায়। কেমন, রাজী আছ?”

“এখনই বা কি মন্দটা আছি ! যতক্ষণ এখানে দাঁড়িয়ে কথা-কাটাকাটি করছি, ততক্ষণ কেবল ঘর-পোড়ানোর কথাই বলছি । কেমন করে আমরা ওখানে পৌঁছব ? বেশ, আমাদের পথ দেখিয়ে নিয়ে চল !”

তাদের কয়েকজন সেখানে দাঁড়িয়ে দ্বিগুণ উৎসাহে গুলি ছুঁড়তে লাগল । আর একদল পেল্‌চারিখাকে অস্ত্রসরণ করল ।

মিনিট কয়েক মধ্যেই তারা ঘরে গিয়ে ঢুকল ।

“গুলি ছুঁড় না !” পেল্‌চারিখা ঘরের দরজা খুলে দিতে দিতে চৈচিয়ে উঠল । “গুলি করো না !”

লাল পল্টনের লোকেরা গিয়ে ঢুকল । জার্মানরা সকলেই ঘরের ভিতরে । একজন তার মেশিন গানের পাশে মুখ নীচু করে আছে, আর সকলে বেয়নেটের খোঁচা খেয়ে মরে আছে ।

“সেরিয়েশা, দেখ, দেখ, লোকটার কপালে কেমন চৌকো একটা আঘাত লেগেছে ! ...”

জার্মানটাকে সঙ্গে সঙ্গেই মেরে ফেলা হল ।

এদিকে পেল্‌চারিখা তখন দোলনার সামনে হাঁটু গেড়ে বসে গেছে ।

“তারা ওকে খুন করেছে,” পেল্‌চারিখা নিস্তেজ, মৃত্যুমান কণ্ঠে বলল, “তারা ওকে মেরে ফেলেছে !”

সৈনিকেরা চারদিক তাকাতে লাগল । মা তার শিশু পুত্রকে কোলে তুলে নিল, শিশুর মাথার খুলিটা চূর্ণ-বিচূর্ণ হয়ে গেছে । দোলনাটা রক্তে ভেসে যাচ্ছে ।

“ও হয় তো কাঁদছিল, তাই তারা ওর মাথায় আঘাত করে গুঁড়ো করে ফেলেছে । ...”

পেল্‌চারিখা মৃত শিশুকে কোলে নিয়ে দাঁড়িয়ে দাঁড়িয়ে তাকে দোলা দিতে লাগল ।

“দেখ । ... তবু তোমরা ঘরে আগুন ধরিয়ে দিতে রাজী হওনি । ... মৃত শিশুর জন্তে তোমাদের মায়া হয়েছিল । ... এর জন্তে তোমরা দু জনে আহত হলে । ...”

“চুপ কর মা, চুপ কর। ...”

“না, বাবা, আমি কাঁদছি না। আমাকে একটা বন্দুক দিতে পার না, একটা বন্দুক ? ...”

ক্রমে গুলির শব্দ বিরল হয়ে আসতে লাগল। তখনও কমাণ্ডারের ওখানে লড়াই চলছে। আকাশটা ক্রমেই পরিষ্কার হয়ে আসছে। তাঁদের শোভা ও রামধনুর স্তম্ভগুলি দেখতে দেখতে মিলিয়ে এসেছে। বায়ুমণ্ডল স্বচ্ছ হয়ে অসীম নীল আকাশে মিশে গেছে। সারা পৃথিবীকে দেখে যেন মনে হয়, তুষারাক্ষর একটি স্বচ্ছ কাচের গোলক। মাথার উপর ওই নীল আকাশ আর পায়ের নীচে এই রজতস্তম্ভ পৃথিবী, মাঝখান দিয়ে অবিরাম গুলি বর্ষণের অগ্নিশূলিক ভেসে চলেছে।

“বাছারা, এ পথ দিয়ে আমরা কোনখানে পৌঁছতে পারব না। ... এই জানলায় বরং আমাদের দুটো হাত-বোমা মারা উচিত, জানলার শাশিগুলো বোধ হয় খুব শক্ত নয়।”

“কিন্তু জানালার কাছে কেমন করে গিয়ে পৌঁছব? তারা দ্বিষদিকজ্ঞানশূন্য হয়ে গুলি চালাচ্ছে। ...”

দেয়ালের ঘুলঘুলির ভিতর দিয়ে ক্রমাগত গুলির শ্রোত বয়ে আসছে। আর সে অসংখ্য গুলির আঘাতে শত শত জায়গার বরফের স্তর চূর্ণ-বিচূর্ণ হয়ে ছড়িয়ে পড়ছে।

“পূর্ব দিক ফরসা হয়ে এসেছে।” শালভ অস্বস্তির সঙ্গে আকাশের দিকে চেয়ে বলল।

দূর দিগন্তে গোলাপী আভা ফুটে উঠেছে। ওরা যতক্ষণ আশা করেছিল, যুদ্ধ তার চেয়ে বেশি ক্ষণ ধরে চলতে লাগল। অপ্রত্যাশিতভাবে ভোরবেলায় জার্মানদের কোন একদল এসে রাস্তায় উপস্থিত হতে পারে। হয়তো এদের সাহায্য করবার জগ্গেই পাঠাতে পারে। রাত্রির অন্ধকারে যে লড়াই শুরু হয়েছে, তা হয়তো কেউ লক্ষ্য নাও করতে পারে। তার উপর, জার্মানরা দিনের বেলায় রাত্রির অজানা ভয়টাকে হারিয়ে ফেলে, তখন তারা যে-কোন জায়গায়

চলাফেরা করতে অনেকটা স্বাধীন ; এবং তখন আক্রমণকারীদের সংখ্যালঘুতা তারা ধরে ফেলবে। গ্রামে যে জার্মান বাহিনী আছে তার সম্পর্কে খোঁজ-খবর নিতে গেলেই দেখা যাবে যে, টেলিফোন-সংযোগ বিচ্ছিন্ন হয়ে গেছে, তখন অবস্থাটা দাঁড়াবে—আগুনে ঘি ঢালা।

“ও হে ছোকরার দল, এখন আমরা কি করতে পারি ?”

“যতক্ষণ না একটি অস্ত্র হাত-বোমা ছুঁড়ব, ততক্ষণ তাড়াছড়ো করেও বিশেষ কিছু করতে পারব বলে মনে হয় না।”

“বেশ, তা হলে,” সের্গাই হঠাৎ বলে উঠল, “চেষ্টা করতে দোষ কি ?”

“এখানে কেমন করে চেষ্টা করব ?”

“ভয় নেই, আমি একবার চেষ্টা করে দেখি। ...”

সের্গাই গোটা বাড়ীটা দূর থেকে একবার ঘুরে দেখল, তারপর হামাগুড়ি দিয়ে ঘরের পিছনে গেল—এখানে একটিও ঘুলঘুলি নেই। লাল পল্টনেরা এই মনে করে গুলি ছোঁড়া বন্ধ করল যে, পাছে তারা ওকে লক্ষ্য করেই গুলি ছোঁড়ে।

“ও মনে মনে কি ভাবছে ?” শালভ উদ্বিগ্ন হল। কিন্তু সের্গাই তখনও আস্তে আস্তে হামাগুড়ি দিয়ে এগিয়ে যাচ্ছে।

উষার আলো-আঁধারে কালো ঘুলঘুলির মধ্য দিয়ে একটা রাইফেলের চোঙা দেখতে পেল, রাইফেলটা শিয়ার খুঁজে বেড়চ্ছে। আর অনবরত গুলি ছুঁড়ছে, এবং সঙ্গে সঙ্গে মৃত্যুর বীজ বোনা চলেছে সমানে।

হঠাৎ দেখা গেল, সের্গাই উঠে দাঁড়াল। কি হচ্ছে না হচ্ছে বুঝবার আগেই দেখা গেল সের্গাই সেই মৃত্যুর ছিদ্র-পথের সামনে দাঁড়িয়ে আছে এবং একটা ভীষণ দোল দিয়ে ছিদ্র-পথের মুখে একটি হাত-বোমা ছুঁড়ে মারল। একটা বজ্র নিনাদে সব কিছুই ঝন্ ঝন্ করে উঠল এবং সঙ্গে সঙ্গে ধোঁয়ার বেড়া জ্বালে ঢাকা পড়ে গেল। অগ্নির লেলিহান জিহ্বা সবেগে ধেয়ে এল। ছিদ্র-পথের মুখে যে লোকটি ছিল, মনে হল সে যেন শূণ্যে ঝুলছে এবং নীচে পড়তে তার অনেক সময় লাগল, লম্বা দেহটা আগুনের পট-ভূমিকায় স্বস্পষ্ট রেখায় দেখা গেল। তারপর সে যেন সঙ্কুচিত হয়ে আস্তে আস্তে মাটিতে লুটিয়ে পড়ল।

“এগিয়ে চলো !” শালভ হুকুম দিল।

তারা জানলার দিকে ছুটে গেল। ঘুলঘুলির সামনেরকার মেশিন গানটি তখন নীরব, নিস্তব্ধ, তার গায়ে রক্ত ছড়িয়ে আছে। মেশিন গানের চালকেরাও চূপচাপ রয়েছে। হাত-বোমা তার কাজ করেছে।

“তোমরা আমার সঙ্গে এস !”

লাল পল্টনেরা তখন বাড়ীটাকে গুলির শরশয্যায় শুইয়ে দিয়েছে, ছিঁত্র-পথে দৃষ্টি মেলে দেখা গেল হাত-বোমায় সব কিছু চূর্ণ-বিচূর্ণ হয়ে গেছে। তাদের হাত শাশির ভাঙা কাচে ক্ষত-বিক্ষত হয়ে গেল। মোটা কড়িকাঠগুলো থেকে আগুনের শিখা বেরোচ্ছে।

“ও ঘরে আমাদের লোকেরা আছে, জামিনদারেরা আছে !” মাল্যুচিখা কক্ষণ আতঁনাদে চোঁচাতে লাগল।

ঠিক সেই সময়ই জামিনদারদের কথা লাল পল্টনদের মনে পড়ল। তারা তখনও সেই অন্ধকার ঘরে রয়েছে। সকলেই কান খাড়া করে কি হচ্ছে না হচ্ছে শুনবার চেষ্টা করছে। প্রথম গুলিটা যখন ছোঁড়া হয় তখনও তারা ঘুমোয় নি। তারা প্রত্যেকেই যেমন নিজের নিজের হৃদস্পন্দন শুনতে পায় তেমনি সঙ্গে সঙ্গেই তারাও শব্দটা শুনতে পেল। মুহূর্ত কাল তারা প্রতীক্ষা করল। প্রথম গুলিটার পরেই দ্বিতীয়টা শোনা গেল। না, এ বিষয়ে কোন সন্দেহ নেই যে, এ সাক্ষীর আকস্মিক গুলি ছোঁড়া নয়।

“আমাদের লোক,” চেচোরিখা উচ্চ কণ্ঠে চোঁচিয়ে উঠল।

“আমাদের লোক,” অলগা চুপি চুপি বলল।

একমাত্র মালাশাই তার আসন থেকে এতটুকুও নড়ল না, দুই চোখ বিস্ফারিত করে অন্ধকারের দিকে সজল চোখে চেয়ে রইল।

“গীজার কাছে গুলি ছোঁড়া হচ্ছে,” যেভদোকিম মস্তব্য করল।

“জার্মান কামান থেকেই ...”

দেয়ালের ঠিক পাশেই একটা গুলির আওয়াজ হল। অলগা উৎকট ভাবে চোঁচিয়ে উঠল।

“এই, চূপ ! তারা এখানে, এখানে এসে পড়ছে । ...”

ওরা যেন ফাঁদে পড়েছে এমনি ভাবে বসে রইল । চারদিকে অন্ধকার, কিছুই দেখতে পায় না । কিন্তু দেয়ালের ও পাশেই গুলি চলেছে, ছুটাছুটি, দৌড়াদৌড়ি, লড়াই চলেছে, আর তারাই কিছু দেখতে পেলো না, জানতেও পেলো না ।

“আমাদের লোকজনেরা আসবার আগেই জার্মানরা শেষ করে দেবে,” গ্রোখাচ মনে মনে ভাবল, কিন্তু মুখে কিছু বলল না, কেন না তাতে মেয়েরা ভয় পেয়ে যাবে । দরজার বাইরে কি হচ্ছে, উদ্বেগের সঙ্গে সে সব শুনতে লাগল । কিন্তু মিনিট খানেক পরেই সে শুনতে পেলো বন্দুকের কুঁদোর বাড়ি এসে পড়ছে দরজার উপর, পাশের ঘরে বহুলোকের পদশব্দ শোনা যাচ্ছে । গ্রোখাচও দরজায় ঘূষি মারতে লাগল ।

“আমাদের বেরোতে দাও, আমাদের বেরোতে দাও !”

দেয়ালের অপর পার্শ্বে হৈ চৈ চলেছে, বহুলোকের চলাফেরার শব্দ পাওয়া যাচ্ছে, কিন্তু তার চীৎকার কেউ শুনতে পাচ্ছে না ।

“এসো ত মেয়েরা, আমাকে সাহায্য কর, নইলে এরা শুনতে পাবে না ! আরও কতক্ষণ আমরা এখানে পড়ে থাকব !”

দেয়াল ভাঙবার জন্তে অলগা সঙ্গে সঙ্গে আয়োজন করল । চেচোরিখাও তার অনুসরণ করল ।

“শুনছ তোমরা, আমাদের বাইরে যাওয়ার ব্যবস্থা করে দাও, শুনছ !”

বাইরে তখনও হৈ চৈ, গুলি ছোঁড়া, টেচামিচি চলতে লাগল । বন্দীদের হতাশার আহ্বানে কেউ সাড়া দিল না ।

“জোরে, আরো জোরে ! তাদের শোনাতে হলে আমাদের সমানে চীৎকার চালিয়ে যেতে হবে । . .”

“গ্রামের কেউ না কেউ তাদের বলবেই । তারা কি আমাদের ভুলে গেছে ?”

আবার তারা দরজায় করাঘাত করতে লাগল, কিন্তু ঠিক সেই মুহূর্তেই তারা বাইরে বহু লোকের পায়ের শব্দ শুনতে পেল । বোবা গেল, লাল পল্টনেরা বাড়ীটা থেকে চলে গেল । মুহূর্তখানেক সেখানে সম্পূর্ণ নীরবতা বিরাজ করল ।

বন্দীরা ভাবল তাদের সামনেই যেন একটা বিরাট গহ্বর খোলা হয়েছে, তাদের আর মুক্তির কোন আশা নেই।

“এ সব কি হচ্ছে?” যেভদোকিম কর্কশ কণ্ঠে জিজ্ঞাসা করল। “আমাদের লোকেরা কি হটে যাচ্ছে?”

“ওঃ!” অলগা বিলাপ করে উঠল।

“চূপ, বোকা কোথাকার! আর তুমি, বুড়ো হয়ে মরতে চলেছ, এখনও বোকামি গেল না! তারা আর এক দিক থেকে চেষ্টা করবে, শুনতে পাচ্ছ না?”

প্রত্যেকেই চূপ করে রইল।

আর এক দিক থেকে গুলির আওয়াজ, হৈ চৈ ক্রমেই বেড়ে উঠল।

“তারা সদর রাস্তা দিয়ে বাড়ীটায় ঢুকতে চায়। ...”

“মেশিন গান কাদের? ...”

“জার্মানদের। ... ওটা আমাদের, শুনতে পাচ্ছ না?”

তারা সকলে জড়াজড়ি হয়ে শুনতে লাগল। একমাত্র মালাশা নিষ্পন্দভাবে বসে রইল, বাইরে যা-কিছু হচ্ছে, ওর যেন তার সঙ্গে কোন সম্পর্ক নেই।

“হায় ভগবান, হায় দয়াময়,” যেভদোকিম দীর্ঘনিশ্বাস ফেলল।

গ্রোখাচ তার দিকে তাকাল।

“তুমি কি এখন প্রার্থনা আরম্ভ করবে নাকি?”

“প্রার্থনা করতে যদি চায় তো নিশ্চয়ই করবে,” চেচোরিখা বৃদ্ধকে সমর্থন করতে গিয়ে বলল। “তাতে কোন ক্ষতি হবে না; হবে বলতে পার?”

যেভদোকিম দরজার সামনে হাঁটু গেড়ে বসে গেল এবং কম্পিত কণ্ঠে প্রার্থনা করে—

“— অনাহার, ভূমিকম্প, মহামারী ও শত্রুর আক্রমণ থেকে আমাদের রক্ষা কর, প্রভু! —”

গ্রোখাচ তার কাঁধ ঝাঁকাল। বাইরে তখনও গুলি ছোঁড়া চলছে। হঠাৎ একটা ভীষণ বিস্ফোরণের শব্দ হল। গোটা বাড়ীটা কেঁপে উঠল, যেন এখনই ধুলিসাং হবে।

“ওঃ !” অলগা তীব্রভাবে চোঁচিয়ে উঠল।

ওরা বাইরে সব শব্দ শুনতে পাচ্ছে। সেখানে গোলযোগ হৈ চৈ যেন ক্রমেই বেড়ে উঠছে। খুব কাছে কোথায় যেন নারীর আতঁ চীৎকার শোনা গেল। ঠিক সেই সময়েই আবার দরজায় বন্দুকের কুঁদোর বাড়ি শুরু হল।

“দরজা থেকে সরে এসো ! পিছনে সরে যাও !” গ্রোখাচ আদেশ করল।

প্রত্যেকেই সরে এল। সশস্ত্র দরজাটা ভেঙে পড়ল।

মনে হল, অন্ধকারের ভিতর উজ্জল দিনের আলো এসে পড়ল। পাশের ঘরে উষার স্নান আলো ছড়িয়ে পড়ল—তার মধ্যে লাল অগ্নি শিখা যেন তাকে বিদ্ধ করতে লাগল। মাল্যুচিখাই সব প্রথম হাঁপাতে হাঁপাতে ছুটে এল।

“আমাদের লোকেরা এসেছে ! আমাদের লোকেরা এসেছে ! তোমরা সব বাইরে বেরিয়ে এসো !” সে যুগপৎ চোঁচাতে, কাঁদতে ও হাসতে শুরু করে চেচোরিখাকে জড়িয়ে ধরল। “তোমার ছেলেরা আমার বাড়ীতে আছে; ভালই আছে তারা। — আমাদের সৈন্তেরা গ্রামে এসে পড়েছে। — তারা গ্রামে এসে পড়েছে !”

“তুমি অত চোঁচাও কেন ?” গ্রোখাচ সপ্তম স্বরে বলে উঠল। “চল, বাইরে যাই !”

হঠাৎ মালাশা উঠে পড়ে একটা শব্দও না করে ঘর থেকে বাইরে ছুটে গেল।

দরজার চৌকাঠে বসে একজন তরুণ লাল পন্টন, তার পা ব্যাণ্ডেজ করা ছিল। তার সামনে একটা জার্মান রাইফেল পড়ে ছিল, নির্ভয়ে সেটা তুলে নিল।

“এই, কি হচ্ছে !” সে বলে উঠল, মালাশার হাত থেকে সেটা নেওয়ার জন্তে এগিয়ে গেল। কিন্তু সেই ছুটি কালো চোখে বীভৎস অর্ধ-উন্মাদ লক্ষণ দেখতে পেয়ে সৈনিক সঙ্গে সঙ্গে সরে এল।

“উঃ, মেয়েটা পাগল হয়ে গেছে। —”

“ওটা ওকে নিতে দাও,” গ্রোখাচ বলল।

“এখানে জার্মানদের প্রাচুর্য রাইফেল ছিল নাকি?”

বাড়ীর পিছন দিকে চীৎকার উঠল :

“পালিয়েছে। জার্মানটা পালিয়েছে!”

ধোঁয়ায় ক্যাপ্টেন ভের্নের দম আটকে আসছে। ঘরখানা একেবারে যেন গালামোহর করে রেখেছিল, বাইরের আলো-বাতাস এক ফেঁটাও ভিতরে আসতে পারছে না। ঘর গভীর অন্ধকার, তার উপর ক্রমাগত গুলি চলেছে। ধোঁয়ায় তার দম বন্ধ হয়ে আসছে, জ্বালায় চোখ দুটো যেন ঠিকরে পড়ছে। রাইফেলের চোঙ অত্যন্ত উত্তপ্ত হয়ে উঠেছে। দেয়ালে হেলান দিয়ে একজন আহত সৈনিক যন্ত্রণায় ছটফট করছে, কাতরাচ্ছে। ভের্নের পাশ ফিরে আহত সৈনিকটিকে গুলি করতে চায়, কিন্তু মুহূর্তের জন্তোও তার অটোমেটিক রাইফেল ফেলে যাওয়া সম্ভব নয়। মেঝেয় আহত সৈনিকেরা গড়াগড়ি যাচ্ছে। ভের্নের বুঝতে পারছে যে, জীবন্ত অবস্থায় তাকে এখান থেকে বেরোতে হবে না। তারা ওকে অতর্কিত আক্রমণ করেছে। যে সময়ে আক্রমণ করা নানা কারণেই অসম্ভব ছিল, ঠিক সেই সময়েই অপ্রত্যাশিতভাবে সে আক্রান্ত হয়েছে। ওদিকে সদর দফতর সেখানে বসে কেবল খাতশস্ত্র, চর্বি ইত্যাদিই দাবী করে চলেছে—অথচ গ্রামে আসবার রাস্তাটার নিরাপত্তার কথা তাদের মগজে আসে নি। গ্যুরিলাদের নামোল্লেখই ভয়ে তারা থর থর করে কাঁপতে থাকে, গ্যুরিলাদের সম্বন্ধে আলোচনা কখনও থামায় না, কিন্তু তাদের চার পাশে কি হচ্ছে সে সম্বন্ধে তাদের কোন ধারণা নেই। বলশেভিকরা কোথায়, সে খবরও তারা রাখে না।

ভের্নের এটা কিছুতেই বুঝতে পারছে না। খবরানুযায়ী জানা যায় যে, তারা যুদ্ধক্ষেত্র থেকে অনেক দূরে আছে। অথচ সহস্রা জার্মান কমান্ডাণ্ট আক্রান্ত হয়েছে। এ আক্রমণ গ্যুরিলারা করে নি। তারা আক্রমণ করতে অবশ্য সব সময়েই পারে, কিন্তু ব্যাপারটা তা নয়। আক্রমণ করেছে দস্তুর মত লাল পন্টন। এখন তারা বেশ ভাল করেই খাতশস্ত্রের যোগান পাবে।

আহত লোকটির কাতরানি ক্রমেই অসহ্য হয়ে পড়ছিল; তার পেটে গুলি লেগেছে। জাহান্নামে যাক! এখানে কি হচ্ছে না হচ্ছে, কেউ কি শুনতে পাচ্ছে না, ভেনের নিজেই নিজে প্রশ্ন করে। চীৎকার ও হৈ-হুল্লায় তার কানে তাল লেগেছে। মনে হয়, মাথাটা যেন এখনই ফেটে চুরমার হবে। কতক্ষণ আর তারা আত্মরক্ষা করতে পারবে? টেলিফোন-সংযোগ বিচ্ছিন্ন হয়ে গেছে, কাউকে কোন খবর দেওয়ার উপায়ও আর নেই। গ্রামে গুলি ছোঁড়া বন্ধ হয়ে গেল, কমাগাণ্টুরের সামনের ময়দানে গোলমাল যেন বেড়ে উঠেছে। স্পষ্টই বোঝা যাচ্ছে যে, তার দলের একটি লোকও আর জীবিত নেই। একমাত্র কমাগাণ্টুর থেকেই যা-কিছু বাধা এখনও দেওয়া হচ্ছে।

পর মুহূর্তেই সহসা ভেনেরের পায়ের তলাকার মেঝেটা যেন ফুলে ফেঁপে উঠল এবং ঘরের ধুমায়িত বাতাস কেঁপে উঠল একটা কানে তাল লাগা বিস্ফোরণে। বিস্ফোরণের ধমকে সে দেয়ালে গিয়ে ঠোকর খেল। কানে এসে লাগে বাইরের চীৎকার, জানলার শার্শিগুলো চুরমার হয়ে গেছে। মনে হল, একগোছা হাত-বোমা কে যেন জানলার দিকে ছুঁড়ে দিল। অগ্নিশিখার লেলিহান জিহ্বা লক লক করে উঠল। সহসা ভেনের কাঁধের উপর একটা তীব্র যন্ত্রণা অনুভব করল। মেঝের উপরে বিচ্ছিন্ন মাংস, হাত, পা ছড়াছড়ি যেতে লাগল। না, আর এখানে থাকা কোন মতেই সমীচীন নয়। বিদ্যুৎগতিতে সে পাশের ঘরে চলে গেল। সেখানে অনেকটা শান্ত ভাব বিরাজ করছে। ছোট ভাঁড়ার-ঘরটিতে মাত্র একটি ঘুলঘুলি আছে, সেখান থেকে মেশিন গানের গোলন্দাজ অবিরত ঘোড়া টিপে চলেছে রাত্রির শূণ্য অন্ধকার লক্ষ্য করে। তার প্রত্যুত্তর কেউ দিচ্ছে না। বস্তুত, সে দিক থেকে তারা সকলেই চলে গেছে। ভেনের হুড়কোটা টেনে খুলে ফেলল; বন্ বন্ করে শার্শিটা খুলে গেল। একটি সবল ঘূষিতে ভেঙে গেল জানলার খড়খড়িগুলো। তারপর বাইরে তুষারের মতো ঝাঁপিয়ে পড়ল—একবার দেখল না, সেখানে কেউ আছে কি না! জলন্ত অগ্নিশিখা হয়তো সেখানেও দাউ দাউ করে জ্বলছে। হিমেল হাওয়ায় তার দম বন্ধ হয়ে এল এবং প্রথম প্রভাতের বলমলায়িত তুষার ও আকাশ তার চোখ ঝাঁপিয়ে

দিল। পিছনে সে গুনতে পেল চীংকার ও পায়ের শব্দ। ইতিমধ্যে লাল পল্টনেরা ঘরের মধ্যে ঢুকে পড়েছে নিশ্চয়ই। সে একটা দৈত্যের মত লম্বা লম্বা পা ফেলে প্রথমে যে আশ্রয়টি দেখতে পেল সেই দিকেই এগিয়ে গেল—সেটা মাল্যুদের চালা।

কিন্তু সহসা তার পথের মাঝখানে উঠে দাঁড়াল মালাশা, যেন সে সেই মাটা থেকে ফুঁড়ে বেরুল। নলির দিকে বন্দুকটা ধরে ঝাঁপিয়ে পড়ল সে ভেনেরের উপর। ভেনের দেখতে পেল তার কালো মুখটা আর জলন্ত দুটো চোখ— একেবারে কাছাকাছি। বড় বড় কালো ছুটি চোখ। তার মুখে চারিদিকে এলোমেলো চুল, ভয় লাগে, উত্তেজনা আনে। হাত দুটির প্রচণ্ড শক্তি দিয়ে মালাশা বন্দুকটাকে ঘুরিয়ে তুলল মাথার উপর। ভেনের রিভলভার তাক করল। তারপর গুলির শব্দ হল, কিন্তু সেই মুহূর্তেই তার উপরে প্রচণ্ড আঘাতে ভেঙে পড়ল রাইফেলের কুঁদো। একটা অশ্রুট চীংকার করে ভেনের মাটিতে পড়ে গেল। নাকটা ভেঙে গেছে, কপালটা খেতো হয়ে গেছে। রক্তের প্রবাহে তার মুখখানা ভরে গেল। দম বন্ধ হয়ে এল সেই রক্তে। উৎসারিত রক্তস্রোতে চোখ গেল, কণ্ঠ রুদ্ধ হল, শ্বাস রুদ্ধ হয়ে এল ভেনেরের।

তার কাছ থেকে ছু পা দূরে মালাশা পড়ে আছে। গুলির শব্দ শোনার সঙ্গে সঙ্গেই সে হাড় ভাঙার শব্দ গুনতে পেলো। গুলিটা তার দেহে এসে বিদ্ধ হয়েছে, যেন পরম সৌভাগ্য! তার পেটেই এসে বিদ্ধ হয়েছে, ঠিক যেখান-টায় হওয়া উচিত সেইখানটাতেই। এতে আর আঘাত লাগেনি মোটেই। না, কোন যন্ত্রণা নেই, সে একটা আনন্দ। তার ঠোঁটে একটা পরম প্রশান্তির হাসি। গত এক মাস ধরে বারধকের যে জীর্ণ ছায়া তার মুখে চোখে নেমে আসছিল, সেটা মুহূর্তের মধ্যে মিলিয়ে গেল—এতটুকু চিহ্নও তার রেখে গেল না। সেখানে সে, গ্রামের সেরা স্বন্দরী মালাশা, তার দুখানি হাত প্রসারিত করে পড়ে আছে। মুখখানি তার স্বর্গের দিকে নিবদ্ধ। তখনও তার মুঠোতে রাইফেলটি ধরা রয়েছে, কিন্তু সে নিজে তখন দূরে, অতি দূরে, সব কিছু থেকে দূরে ভেসে চলেছে রামধনুর দেশে, তুষারচ্ছন্ন প্রভাতের নীল আকাশে,

সেই বলমল তুষারের মধ্যে—প্রথম সূর্যের আলোকরশ্মি এসে পড়েছে বার উপরে !

সূর্যের প্রথমালোকে রামধনু ভেগে উঠেছে। সমস্ত রাত্রিই তার বক্র-রেখা মাথার উপরে দেখা গিয়েছিল, কিন্তু একটু অস্পষ্ট! মুক্তা-স্বচ্ছ রেখা চাপা পড়েছিল আকাশের গভীর নীলিমায়। কিন্তু এখন আলোতে অস্পষ্ট হয়ে উঠেছে। রঙীন করে তুলেছে। নির্মল আলোয় জল্ জল্ করে উঠেছে, সত্তো-প্রস্ফুটিত দলগুলির মত—স্বকোমল তার রঙ। সেই রক্তিম দলগুলির উজ্জলতাই যেন প্রতিফলিত হয় প্রথম বসন্তের কোটা স্থলপদ্মের রঙে, লেটুসের নির্মল সবুজাভায়, নু বেলের রঙের আমেজে, গোলাপের উজ্জল আভায় আর ক্যাম্পিয়ন ফুলের সোনালী উজ্জ্বলে।

মালাশার দুটি চোখ নিবন্ধ ওই রামধনুর দিকে,—আকাশজোড়া উজ্জল ধনু-রেখা! দ্রুত ভাঁটার টানে, প্রবাহিত রক্তশ্রোতের সঙ্গে তার জীবন নিঃশেষ হয়ে আসছে। আঙুলগুলি শক্ত, পা দুখানি ঠাণ্ডা এবং সমস্ত দেহ অসাড় হয়ে আসছে। কিন্তু তখনও তার দৃষ্টি নিবন্ধ সেই রামধনুর দিকে, স্বদূর স্বর্গের দিগদিগন্ত আচ্ছন্ন করা প্রোজ্জল পথ-রেখার দিকে। আলোকিত একটি পথ গিয়েছে অজানা নিরুদ্ধেশে, স্বর্গের সবুজ আভায় আনন্দের একটি পথ—সূর্য আলোকের আঘাতে উজ্জল হয়ে উজ্জলতর হয়ে উঠেছে। সে হেঁটে চলেছে সেই রামধনুর পথে—সে মালাশা, এই গ্রামের সবচেয়ে স্বন্দরী একটি মেয়ে, যৌথ-খামারের সেরা কর্মী। সংবাদপত্রে এরই কথা লিখেছিল তারা, এরই জন্তে বসন্তের রাত্রিগুলো একদিন পরিপূর্ণ হয়ে উঠেছিল ভালবাসায়।

তখন আর তুষার বা বরফ ছিল না। তার মাথার নীচে ঘাস আর বাতাসের ফিসফিসানি, ফুলের চাপা মুহু গন্ধ। কাছে কোথায় যেন নির্মল জলশ্রোতের কলকলধ্বনি। প্রান্তরের মিঠে গন্ধ। বহু দূর থেকে তার কানে ভেসে আসে জনকণ্ঠের শব্দ, মেয়েদের গান আর ছেলেদের হাসি। রাত্রির নিস্তব্ধতা ভেঙে গেল সূর্যের কান্নায়। তার দৃষ্টি খুঁজতে লাগল আকাশে সেই রামধনুটিকে। কিন্তু না, এ যে বসন্তের রাত্রি, রামধনু থাকবে কি করে। ... ইতান হো হো

করে হাসছে, তার দুটো চোখ একেবারে তার মুখের কাছে কালো ভুরু নীচে—সেই দুটি কটা চোখ। তার পর ছবিটা মুছে গেল। নিশ্চিহ্ন হয়ে গেল রাত্রির অন্ধকারে। রামধনুটা তখনও আছে—ঠিক সেইখানে। আর একবার সে চোখ মেলে দেখতে চাইল তার দ্যুতি, নিতে চাইল চোখ ভরে।

বহু কষ্টে কনুই ভর দিয়ে মালাশা উঠতে চেষ্টা করল; একটা অসহ্য স্বতীত্ব যন্ত্রণার প্রবাহ তার সারা দেহে বয়ে গেল। উঠতে পিয়ে আবার সে পড়ে গেল তুষারের উপর। অল্পভব করল আসন্ন মৃত্যুকে, বুঝতে পারল যে সে মরে যাচ্ছে। সে হাত বাড়াল আনন্দের উজ্জ্বল বেথাটিকে ধরবাব জগে—আকাশশায়ী সেই রামধনুটিকে। কিন্তু তার হাতের মুঠোয় অন্ধকার ছাড়া আর কিছুই ধরা পড়ল না। চোখ দুটি আকাশের দিকে নিশ্চিন্ত দৃষ্টিতে নিবদ্ধ, মসৃণ শুভ্র দাঁতগুলো ঠোঁটের ফাকে চিক্ চিক্ করছে, মুখে একটি বেদনার হাসি ফুটে উঠেছে।

•

ঘরটার পিছনে হল্লা আর চীৎকার ক্রমশ বেড়ে চলেছে। মেয়েরা বন্দী জার্মানদের নিয়ে চলেছে। তেপিলিখা একটি পলাতককে তার খামার থেকেই বার করেছে। বন্দুকটাকে ছুঁড়ে ফেলে দিয়ে খোলা দরজা দিয়ে ছুটে গিয়ে কোণের একগাদা খড়ের তলায় গা ঢাকা দিয়েছিল। বরফের উপরে তার পায়ের চিহ্নই তাকে ধরতে সাহায্য করেছে। তাকে ধরবার জগে লাল পল্টনদের কোন সাহায্যই তেপিলিখা চাইল না। সে আর গ্রোখাচের দুই মেয়ে, অস্ত্র-হিসেবে নিল কান্ডে ও বিদা। সাবধানে গিয়ে ঢুকল খামরের ভিতর।

“এই, শূয়ার, বেরিয়ে আয় ওখন থেকে! ফসিয়া, ওই দেখ, লোকটা, ওইখানে খড়ের মধ্যে লুকিয়ে আছে। ...”

“ধাক্কা দিস নি! আমার এইটে দিয়েই খোঁচা দেব।”

“দেয়ালের ধার দিয়ে তুই ঘুরে আয়, ইঁদুরটা তোর দিকে গুলি ছুঁড়তে পারে। ...”

অবরুদ্ধ সৈনিকটি বুঝতে পারছিল না ওরা কি বলছে। কিন্তু সে দেখতে পাচ্ছিল খড়ের উপর উত্তত কঁ্যাচা। তাড়াতাড়ি সে হামাগুড়ি দিয়ে খড়ের ভিতর

থেকে গা ঝাড়তে ঝাড়তে বেরিয়ে এল। তার ছিন্ন-বিচ্ছিন্ন পোশাক ফালি ফালি হয়ে
ঝুলছে, তার মাথায় জড়ানো এক জোড়া মেয়েদের জুতো।

“লোকটা প্রেমিক দেখছি! দেখো ওর দিকে তাকিয়ে! এই বেরিয়ে আস
ওখান থেকে! দেখি একবার তোকে। ...”

ভীতাতর্জার্মানটা তাড়াতাড়ি দরজার দিকে সরে গেল। তারপর উন্টে পড়ে
গেল দরজার সামনে।

“কি রকম করে হামাগুড়ি দিচ্ছে তুমি! ...এই চলে আস এদিকে, হাত তোল।
ক্রস্কা, দেখ তো একবার খড়ের ভিতর বন্দুক-টন্দুক আছে কি-না। কাজে লাগবে
তা হলে। ...”

মেয়েটি বেশ ভাল করে কোণাটা খুঁজে দেখল।

“না, এখানে কিছু নেই ত। ও হয়তো কোথাও ফেলে দিয়েছে।”

“তোমার বরের দিকে চেয়ে দেখ, কেমন সুন্দর জুতো পরেছে! ফুস্।”
তেপিলিখা সবিস্ময়ে বলল।

জার্মানটার পা দুটোয় হেঁড়া গ্যাকড়া জড়ানো।

“ওর পা দুটো নিশ্চয়ই বরফে জমে গেছে। কেমন করে টেনে টেনে হাঁটছে
তুমি!”

“ওকে তো কেউ এখানে আসতে বলে নি। ও তো ওর ঘরে থাকলেই পারত,
আগুনের ধারে বসে দিব্য আগুন পোয়াতে পারত—যত ওর খুশি। কিন্তু না, ওদের
লোভ রয়েছে আমাদের দেশের উপরে!”

লোকজন সব ছুটে রাস্তায় বেরিয়ে এসেছে।

“ওকে কোথায় পেলে, তেপিলিখা?”

“তুমি, তুমি, চেয়ে তুমি একবার এটার দিকে!”

“তোমরা কি চাও? দেখতে পাচ্ছ না, আমি একজন বন্দীকে নিয়ে যাচ্ছি।
এখানে হাঁ করে চেয়ে চেয়ে ঘুরে বেড়ানোর চেয়ে তোমাদের উচিত নিজদের খামার
ও চালাগুলি খুঁজে দেখা। শুবরে পোকার মত কে যে কোথায় লুকিয়েছে!—কিন্তু
খুঁজে বের করতে হবে সবগুলোকে!”

“ঠিক বলেছে তেপিলিখা” খোঁড়া আলেকজান্দ্র বলল। “চল, আমরা খুঁজে দেখি আর কেউ কোথাও লুকিয়ে আছে কি-না।”

সকলে ছুটল, হাতে কুড়ুল।

“চল সকলে একসঙ্গে যাই।”

“সকলে একসঙ্গে গেলে বড় মজা হবে।”

“ওহো, ফ্রিসিয়া ভয় পেয়েছে—বোধ হয় কোন জার্মানের সামনে পড়ে যাবে বলে। ..”

“ভয় নেই, যদি মুখোমুখি পড়েই যাই, তা হলে তাকে টু” শব্দটি করতে হবে না।”

“তা হলে, চল মেয়েরা সব,” ওদের ঠাণ্ডা করবার জন্তে আলেকজান্দ্র বলল। “অত চেষ্টা না।”

ওদের দল চলল ঘর-ঘর খুঁজতে। ভেড়ার গোয়ালে সমস্ত খড় নেড়ে চেড়ে দেখল, খুঁজে দেখল খামারগুলি। ছেলেমেয়েগুলো ছুটল তাদের সঙ্গে সঙ্গে। খোঁচা দিতে লাগল প্রত্যেকটি কোণায়, আর আনন্দে চীৎকার করে উঠতে লাগল।

ঠিক সেই সময়ে উর্ধ্ব্বাসে শাশা ছুটে এল।

“আমাদের খামারে একটা জার্মান। ...”

সকলে সদল-বলে ছুটল সেই খামারের দিকে। এবং সগর্বে ভীত কল্পিত একটা জার্মানকে বের করে নিয়ে এল। লাল পন্টনদের মধ্যে যারা গ্রাম তল্লাস করছিল, তারা হেসে উঠল মেয়েদের দিকে তাকিয়ে। কিন্তু মেয়েরাই জানে গ্রামের প্রত্যেকটি গলিঘুচি, সেইজন্তে তারাই জার্মানদের ধরেছে বেশি।

“কি গো পন্টনের দল, কারা বেশি বন্দী পাকড়েছে?”

“তোমরা, তোমরা,” সৈনিকেরা হেসে জবাব দিল।

“এদের দলপতিটি কোথায়?” শালভ অস্বস্তির সঙ্গে জিজ্ঞাসা করল। “আর একবার খুঁজে দেখ তোমরা, নিশ্চয় সে পালাতে পারে নি।”

তারা মৃত জার্মানদের মধ্যে খুঁজতে লাগল, কিন্তু তাদের মধ্যে সব সাধারণ সৈনিক এবং একটি মাত্র সার্জেন্ট !

“ক্যাপ্টেনকে খুঁজে বার কর—ক্যাপ্টেন !”

কিন্তু ভের্নের চালাটার পিছনে পড়ে আছে বরফের উপরে, প্রচণ্ড আঘাতে একটা চোখ ঠেলে বেরিয়ে এসেছে, আর একটা চোখের দৃষ্টি সোজা নিবন্ধ তার মাথার উপরে আকাশের দিকে। মাথার যন্ত্রণা সহ্যের সীমা অতিক্রম করেছে। তার মনে হচ্ছিল, যেন একটা হাতুড়ির ঘা পড়ছে—ঠিকরে বেরচ্ছে রক্তিম, পাণ্ডুর, বাসন্তী রঙ্গের ফুলকি। একটা ক্ষিপ্ত শিখা জ্বলছে তার অন্ধ চোখটার কাছে, আর তার গলার মধ্যে গিয়ে পড়ছে রক্তের ধারা। তাড়াতাড়ি ঢোক গিলছে, রুদ্ধ হয়ে আসছে তার কণ্ঠ, কিন্তু তবু সে রক্তশ্রোতের নিবৃত্তি নেই, যেন একটা অতল গহ্বর থেকে উৎসারিত হয়ে আসছে। সে ঢোক গিলে চলেছে অনবরত। বুঝতে পারছে, এই ঢোক গেলা বন্ধ করলেই সেই উচ্ছ্বসিত শ্রোতপ্রবাহে তার শ্বাসরুদ্ধ হয়ে যাবে। গলার ভিতরে একটা যন্ত্রণা অহুভব করছিল—তাতে স্বাভাবিক ভাবে ঢোক গিলতে পারছিল না। কিন্তু তবু এই আপ্রাণ ঢোক গেলার প্রচেষ্টায় তার সারা দেহ কেঁপে কেঁপে উঠছিল। নিজেরই তার মনে হচ্ছিল, অসাড় হয়ে আসছে সে। বুঝতে পারছিল যে, এফুনি যদি কেউ তাকে খুঁজে না বেব করে, না যদি সাহায্য করে, সে নিশ্চয়ই মরে যাবে। সে কেঁপে উঠল। কে তাকে সাহায্য করবে? চাষীরা, এই গ্রামের অভিশপ্ত চাষীর দল? একটা ভয়ের বহা বয়ে গেল তার উপর দিয়ে : ধর, সে মরল না কিন্তু পড়ল চাষীদের কাঁচার মুখে, অথবা বলশেভিকেরা তাকে বন্দী করে নিয়ে চলল। চারিদিক এখন নিঃশব্দ। লড়াই থেমে গেছে। সে নিজেকে ঠকায় নি। সে বেশ বুঝতে পারছে যে তার দলবল সব নিশ্চিহ্ন হয়ে গেছে, আর বলশেভিকেরা জিতেছে। হতাশা তার বুকের মধ্যে নথ দিয়ে আঁচড়াতে লাগল। সে, ক্যাপ্টেন ভের্নের, ওই খাকি রঙের পোশাক পরা উকুনগুলোর দ্বারা অতর্কিতে আক্রান্ত হয়েছে। কি করে এটা ঘটল ?

সে যেন তার একটা চোখ দিয়ে স্বদূর নীলিমায় এই প্রেমের জবাব খুঁজতে লাগল। আর সেখানে সে দেখতে পেল সেই রামধনুটি : দিগদিগন্ত সংযোজিত করে সেই বিরাট ধনু-রেখা, স্বর্গ-মর্ত্য-সংযোজিত-করা সেই একটি প্রদীপ্ত রেখা। তার কোমল রঙগুলি ঝলমল করছে আলোকে। তার আচ্ছন্ন মস্তিষ্কে হঠাৎ অস্পষ্ট একটা স্মৃতির ছায়া পড়ল : কোথায় সে দেখেছিল এই রামধনু ? ... কেন, সেই যে তুষারঝড়ের আগে। ... কি বলেছিল সেই জ্বীলোকটি ? বলেছিল রামধনু একটি ভাল লক্ষণ।

ক্যাপ্টেন ভেনের গোঁড়াতে লাগল ! উদ্ভাসিত আনন্দে রামধনু হাসছে। এটা স্বলক্ষণ, কিন্তু তার জন্তে নয়। উদ্ভাসিত রামধনু কিন্তু সে আর দেখতে পেলো না। অন্ধকারে সে ডুবে গেল।

১০

যারা সে রাত্রিতে নিহত হয়েছে এবং যারা মাস খানেক আগে নিহত হয়ে খানায় বরফের উপর পড়ে আছে তাদের সকলকেই কবর দেওয়ার ব্যবস্থা হয়েছে গির্জার ছোট্ট ময়দানটিতে।

ফেডোসিয়া ক্রাবচুক নিজেই তার ছেলের দেহটি বয়ে এনে দিয়েছে। অনড় ও অস্বাভাবিক হালকা মাথাটি তার কাঁধেব উপর হস্ত করে ফেডোসিয়া ছেলের রেশমের মত নরম চুলগুলির মধ্যে আঙুল বুলোতে লাগল। যখন সেই কালো মুখখানির দিকে তাকাল, তখন ওর মনে বেদনা বা দুঃখ কোন ভাবেরই উদয় হল না। ওর মনে হল, হয়তো সে মুখখানি কাঠ খোদাই করে তৈরী হয়েছে। ভাসিয়া অনেক দিন অপেক্ষা করেছে। একদিন ভাই-ই ওকে বরফ থেকে দূরে কবর দিয়েছিল, আজ আবার ভাইয়েরাই একটি কবরে বহু ভাইয়ের সঙ্গে তার শেষ বিশ্রামের ব্যবস্থা করল।

নালার উৎরাই বয়ে স্লেজখানা ধীর মন্থর গতিতে চলেছে। গাড়ীর পাশে পাশে ফেডোসিয়া ছেলের মৃতদেহটি এমনি ভাবে বয়ে নিয়ে চলেছে যাতে

সেটি কোনমতেই হাত ফস্কে বরফে পড়ে না যায়। ভাসিয়ার পাশে কবরে যে-সব অপরিচিত লোকের দেহ শুইয়ে দেওয়া হয়েছে, ফেডোসিয়া মায়ের স্নেহে তাদের সকলকেই ভাল করে শুইয়ে দিল।

“এই ছোট মেয়েটিকেও এদের পাশেই কবর দাও,” শালভ হুকুম করল। “এ মেয়েটিও সৈনিকের মতই লড়ায়ে প্রাণ দিয়েছে।”

“ও ছোট মেয়ে নয়, প্রাপ্তবয়স্ক যুবতী,” মাল্যুচিখা মন্তব্য করল। “ওর স্বামী সৈন্যদলে কাজ করে।” কিন্তু তারা যখন মালাশার দেহটি নিয়ে এল, তখন মাল্যুচিখার মনে হল যে তারই ভুল। একটি বালিকা, একটি যুবতী বরফের উপর শুয়ে আছে। এক বছর আগে মালাশার যখন বিয়ে হয় নি, তখনকার কথাই মাল্যুচিখার মনে পড়ছে।

“সত্যিকারের সুন্দরী বটে,” কোমল কণ্ঠে একজন লাল পণ্টন বলল।

হাঁ, সেই, মালাশা, গ্রামের সব চেয়ে সেরা সুন্দরীই বটে। তার চোখের লম্বা পশ্মগুলি তার গালে ছায়া ফেলেছে। একমাথা কালো কৌকড়ানো চুল, কালো ভ্রূটি ওর সুন্দর মসৃণ কপালের উপর চাতকপাখীর মত ডানা মেলে রয়েছে। ঠোঁট দুটি একটি বেদনার হাসিতে জমাট বেঁধে আছে, এ হাসি থেকে কেউ দৃষ্টি ফেরাতে পারে না।

ফাঁসীকাঠ থেকে তারা লেভন্যুকের দেহটি নামিয়ে আনল। তার মা আসন্নগ্রসবা, প্রসববেদনা শুরু হয়ে গেছে, কিন্তু তবু সে ঘরে থাকতে রাজী হয় নি। পুত্রের শব্দ কালো যে দেহটি সুদীর্ঘ একমাস ধরে বাতাস ও বরফের মধ্যে ফাঁসীকাঠে ঝুলে ঝুলে দোল খেয়েছে সেই দেহটি দু হাত বাড়িয়ে ধরতে গেল।

“আন্তে, আন্তে,” সে সাবধান করে দিল, যেন ও ব্যথা পাবে, যেন ওর লাগবে।

মেয়েরা সকলে তাকে সাহায্য করল। লেভন্যুকের দেহটা অত্যন্ত হালকা হয়ে গেছে, বলতে গেলে ওজন মোটেই নেই। বয়স তার অবশ্য যৌন, কিন্তু মুখখানা দেখলে মনে হয় বালকের, যেন কাঠ থেকে খোদাই করা।

তারা একটি অতি বৃহৎ কবর খুঁড়ে ফেলল এবং তার মধ্যে মৃত দেহগুলি পাশাপাশি শুইয়ে দিল। এই প্রস্তরীভূত কালো দেহগুলি যাদের, তারা মাস-খানেক আগে নিহত হয়েছিল। আর সেহ্যাক ও সেগাই রাশেঙ্কোর বিকলাঙ্গ দেহের অবশেষ, মালাশা এবং কমাগুণ্টুরে যারা নিহত হয়েছে—তাদের দেখে মনে হচ্ছিল যেন তারা সকলেই ঘুমোচ্ছে। সকলের হয়ে শালভ বলতে লাগল। তার গুরুগম্ভীর অথচ সরল কথাগুলো বাতাসে ভেসে গেল দূর দূরান্তরে, ভেসে গেল রামধনু-আঁকা কাচস্বচ্ছ আকাশে।

গ্রামের সকলে—স্ত্রীলোক, বৃদ্ধ ও ছেলেমেয়েরা সেই কবরের পাশে দাঁড়িয়ে দাঁড়িয়ে শুনতে লাগল আর চেয়ে রইল পাশাপাশি শায়িত মালাশা ও লাল পন্টনের দিকে। কেউ কাঁদল না। খোলা মাথায় তারা দাঁড়িয়ে রইল গম্ভীর হয়ে। ফেভোসিয়া ক্রাবচুক তার ছেলের দেহাবশিষ্ট তার দেশের মাটিতে সমাধি দিল। বৃদ্ধা শারিখাও তার কন্যার দেহাবশেষ শুইয়ে দিল। মাটির উপর। আর সকলে অপরিচিত, কিন্তু কবরে শায়িত ওই দেহগুলি আজ সকলের কাছেই যেন অতি-পরিচিত—যেন ওরা তাদের কারুর ছেলে, কারুর স্বামী, কারুর বা ভাই।

সেদিন যারা মৃত্যুকে বরণ করেছে, যারা উর্দ্ধ-দৃষ্টিতে শুয়ে আছে ওই কবরে, ওদের কাছে তাদের চেয়ে বেশি অন্তরঙ্গ যেন আর কেউ নেই। তারা লাল পন্টনের সৈনিক—তাদেরই সৈনিক।

“কোন দিন আমাদের মাতৃভূমি এদের কথা ভুলবে না,” শালভ কম্পিত আবেগে বলে উঠল।

হ্যাঁ, তারা জানে—তারা কোন দিন এদের ভুলতে পারবে না। তারা জানে, এই মৃত দেহের মুখগুলি আর এই দিনটি—যেদিন তারা এদের শেষকৃত্য সম্পন্ন করল, সেদিনের কথা স্মৃতি থেকে কোন দিনই মুছে যাবে না। শত্রুর গুলি বর্ষণের ঝড়ে যারা নিহত হয়েছে, যারা এই গ্রামকে উদ্ধার করার জন্যে জন্মে ছুটে এসেছিল এবং কেড়ে নিয়েছে শত্রুর হাত থেকে,—আজ তারা সম্মিলিত হয়েছে একটি কবরের মাঝখানে এসে।

সকলের দৃষ্টি শাস্ত ও সজাগ। হাঁ, এই তো যুদ্ধ, গ্রামের উপরে এসে ঝাঁপিয়ে পড়েছে রক্ত, আগুন, আর লোহা নিয়ে। কিন্তু অন্ধকার ও অতি দুর্দিনের মাঝখানে এই গ্রামখানিকে অবিচলিত রেখেছিল যে বিশ্বাস, তা আজও সকলের বুকে তেমনি সজাগ আছে। তাদের দৃঢ় বিশ্বাস ছিল যে তাদের পল্টনেরা আবার ফিরে আসবে এবং তাদের কথাই হবে শেষ কথা।

শালভ খুঁকে খানিকটা কঠিন মাটি তুলে নিল এবং কবরের মধ্যে ফেলে দিল। তারপর একে একে সকলেই কবরের পাশে এসে এক মুঠো করে তাদের মাতৃভূমির মৃত্তিকা নিয়ে ফেলতে লাগল সেই কবরের মধ্যে। “প্রার্থনা করি, কবরের মধ্যে তারা শাস্তিতে বিশ্রাম করুক। অম্লভব করুক তাদের মাতৃভূমিকে, তাদের মুক্ত স্বাধীন মাতৃভূমিকে—হৃদয়ের একান্ত সন্নিকটে।”

“নিউরা, তুইও খানিকটা মাটি দে,” একটা মা তার ছ বছরের মেয়েটিকে উদ্দেশ্য করে বলল।

ছোট মেয়েটি কচি হাত দিয়ে বরফের তলা থেকে কালো মৃত্তিকা খুঁড়ে বের করল খানিকটা এবং ফেলে দিল কবরের মধ্যে। সৈনিকেরা কোদাল দিয়ে কবর ভরতি করল। এক সময় কবরটা ভরে জমির সমতল হয়ে গেল। তার উপর একটি স্তূপ গড়া হল।

“যখন বসন্ত আসবে তখন এর উপর আমরা ফুল গাছ লাগাব,” মাল্যুচিখা বলল।

“আর সবুজ ঘাস,” ফ্রসিয়া বলল। “সকলেই যে যার বাগান থেকে গাছ নিয়ে আসবে।”

ভিড় ভেঙে গেল আশ্বে আশ্বে। কারো হৃদয় দুঃখে ভারাক্রান্ত নয়। শুধু একটি গভীর শ্রদ্ধায় মন ভরে আছে। যারা মরেছে তারা সর্বস্বই দিয়ে গেছে তাদের মাতৃভূমির জন্তে। এ রকম আর একবার ঘটেছিল ১৯১৮ সালে এবং সকলেরই তাই মনে পড়ল। সে দিন এই গ্রাম থেকে অল্প লোক মারা যায় নি। এই রকমই হয়। এই দেশের মাটিতে যারা জন্মেছে আর বড় হয়ে

উঠেছে—তাদের জীবন দিয়ে আর রক্ত দিয়ে এই দেশকে রক্ষা করতে হবে। এ অত্যন্ত সহজ সরল কথা।

নিঃশব্দে সকলে চলে গেল সেখান থেকে। তার কিছুক্ষণ পরেই সারা গ্রাম মুখর হয়ে উঠল গোলমাল আর হট্টগোলে। প্রত্যেকটি মেয়েই লাল পন্টনের অনুরোধ করছিল তাদের অতিথি হওয়ার জগ্গে। সকলেরই ইচ্ছে তাদের খাওয়াবে—যা আছে তাই দিয়ে।

তাদের এক বিরাট প্রতিনিধি-দল এল শ'লভের কাছে।

“আপনার কাছে আমাদের একটা অনুরোধ আছে,” তেপিলিখাই শুরু করল, “আপনাদের সকলকে একটু আপ্যায়ন করতে চাই, কিন্তু একটা জিনিস আমাদের নেই। ...”

“আমি কি করতে পারি?” সে হাসতে লাগল।

“আমরা সব ব্যবস্থাই করব—আপনি শুধু একটু যদি সাহায্য করেন। ..আমরা সব কিছু পুঁতে রেখেছি—লুকিয়ে রেখেছি মাটির নীচে। যখন জার্মানরা এসে পড়ল তখন সব আমরা লুকিয়ে ফেলেছিলাম। এখন কথা হচ্ছে—সেগুলো খুঁড়ে বের করি কি করে? খোঁড়াখুঁড়ি করবার হাতিয়াব কোন কিছু নেই আমাদের। কিন্তু আপনাদের সে সব আছে। যদি আপনাদের জন দুই লোককে দেন তা হলে এক্ষুনি সব করে ফেলব।”

“বেশ ত। আমরা যাচ্ছি। এই—কে আছ তোমরা, কে যাবে ওদের সঙ্গে।”

অনেক জুটল স্বেচ্ছাসেবক। মেয়েদের কোমর পর্যন্ত তুষারের মধ্যে ডুবে গেল—ছুটল তারা মাঠের মধ্যে।

“এইখানে—এই বোপের ধাবে। ...”

“কি বলছ তুমি! এইখানে ছিল—এই দিকে!”

“তুই আবার এর মধ্যে কেন? ছেলেমেয়ে তোরা সব দেখ্ দাঁড়িয়ে দাঁড়িয়ে—তোদের কথা আবার শুনতে হবে? ভাবিস, আমার বুঝি কিছু মনে নেই?”

এদিকে খোঁড়া আলেকজান্দ্র পণ্টন-অতিথিদের অহুরোধ করছে :

“যাও না তোমরা এগিয়ে— মেরে ফেল ভেড়াটাকে, এটা ভেমন খারাপ নয় ।
হাঁড়িতে চাপিয়ে দিলেই একটা খাবার তবু তৈরী হবে ।”

“কিন্তু এ তো তোমার একটিমাত্র ভেড়া, তাই না ?”

“হাঁ একমাত্র বটে । ..আমার আরও ছিল, কিন্তু জার্মানরা সব মেরে খেয়েছে ।
একমাত্র এটাকেই রেখে দিয়েছে ।”

“তোমার এই সবশেষ ভেড়াটাকে কি আমরা নিতে পারি ? না, না, তা
কিছুতেই হতে পারে না ।”

আলেকজান্দ্র হাত কচলাতে শুরু করে দিল ।

“আমাকে হতাশ করো না, বাছারা । আমি স্বেচ্ছায় তোমাদের এটা
দিচ্ছি, সর্বাস্তঃকরণেই দিচ্ছি । এ ছাড়া যে আমার আর কিছু নেই ।
তোমরা আমাকে হতাশ করো না, সত্যি, তাতে আমার মনে ভারী কষ্ট
হবে । ...”

ওদিকে মেয়েরা চার দিক ঘুরে ঘুরে ঘুরে যা লুকানো ছিল সব টেনে বার করল,
চিলকোঠা ও মেঝের নীচেতেই তারা সাধারণত খাণ্ডদ্রব্য লুকিয়ে রেখেছিল । গত
শরতে যে শূঘর কাটা হয়েছিল তারই শুকনো মাংস, বগুন ইত্যাদি জার্মানরা ছুঁতে
পারে নি । জালা জালা মধু, এমন কি সূর্যমুখীর বিচিও পাওয়া গেল । গ্রামে যে
কয়টা গাই-গরু তখনও ছিল তাবা তাড়াতাড়ি সেগুলিকে দুইয়ে আহতদের পানের
ব্যবস্থা করল ।

গ্রাম্য সোভিয়েটের বাডীতে দুটো প্রশস্ত ঘরে আহতদের স্থান করে দেওয়া
হয়েছে । আর সকলের মনে ঈর্ষার উদ্রেক করে ফ্রিসিয়া সেখানে অতিব্যস্ত
হয়ে পড়েছে । এক সময় সে নার্সিং-এব কাজ কিছু শিখেছিল । সাদা
পোশাকে তাঁকে সর্বক্ষণ কাজকর্মে ছুটোছুটি করতে দেখা যাচ্ছিল, মাথায়
তার একখানা সাদা রুমাল এমন ভাবে আটকানো যে, চুলগুলো আর খুলে
পড়তে পারবে না । দরজার সামনে জ্বীলোক ও তরুণীরা এসে সব ভিড় করে
দাঁড়িয়েছে ।

“আচ্ছা, তোমাদের জন্তে আমরা কি করতে পারি বল?” তরুণ সদানন্দ চিকিৎসকটি সেখান দিয়ে যেতে যেতে জিজ্ঞাসা করল। লাল পণ্টনের যে দলটি আগের রাতে জার্মান কমান্ডারের সদর দফতর অধিকার করেছে, এই ছোকরা ডাক্তারটি তাদের সঙ্গেই গ্রামে এসেছিল, এইমাত্র আহতদের ব্যাণ্ডেজ শেষ করেছে।

“আমরা সাহায্য করতে চাই ... হাসপাতানে। ...”

“সত্যি আমাদের আর সাহায্যের দরকার নেই। আমরা ছুটি মেয়ে পেয়েছি, তা ছাড়া, আমাদের নার্সরাও আছে। ...”

“বেশ তো, না হয় আমরাই মেঝেটা পরিষ্কার করে দিচ্ছি, ওটা তো যথেষ্ট অপরিষ্কার হয়ে রয়েছে। ...”

“বেশ তো, মন্দ কি। তা মন্দ নয়।”

তারা সকলে ছুটে যে যার বাড়ী চলে গেল এবং অবিলম্বেই বালতি ও জ্বাতা নিয়ে এসে হাজির হল।

“তোমরা সকলেই কি মেঝে পরিষ্কার করতে চাও?”

তাদের মধ্যে তখন একটা দস্তুরমত তর্কবিতর্ক শুরু হয়ে গেল। অবশ্য আহতরা যেন বিরক্ত না হয় এজ্ঞা যথেষ্ট সাবধানে চুপি চুপি কথা বলতে লাগল। শেষটায় তাদের সকলকে কাজ ভাগ করে দেওয়া হল এবং প্রত্যেকেই নিজের জন্তে নির্দিষ্ট জায়গাটুকুই পরিষ্কার করতে লাগল।

“ওই রোগীটির গা থেকে কবলখানা কেবলই সরে সরে যাচ্ছে, অথচ তা তোমার নজরে পড়ছে না,” ফ্রসিয়াকে উদ্দেশ্য করে পিজিচিখা বলে উঠল।

“যদি সরেই যায় তো তুমিই ঠিক করে দাও না কেন?” ফ্রসিয়া সংক্ষেপে জবাব দিল। সে তখন এক গামলা রক্তমাখা জল নিয়ে যাচ্ছিল।

পিজিচিখা বিছানার কাছে এগিয়ে গেল এবং অত্যন্ত সাবধানে আশু আশু আহত লোকটির পা দুখানি ও সারা দেহ কবল দিয়ে ঢেকে দিল। তারপর সে আর রোগী ফেলে কোথাও নড়ল না।

“তুমি এখানে কি করছ?” ডাক্তার তাকে জিজ্ঞাসা করল।

“আমি এর গায়ের কঞ্চলখানা ঠিক করে দিচ্ছি। কঞ্চলখানা কেবলই সরে সরে যাচ্ছে,” সে সন্ত্রমের সঙ্গে জবাব দিতে দিতে আর একটি রোগীর মাথায় বালিশ ঠিক করে দিল।

ডাক্তার হাতের ইশারা করল।

“বেশ, দাঁও ঠিক করে, তোমার যখন এত আগ্রহ।”

হাঁ, বাস্তবিক, সে কাজ করতে চায়। তারা সকলেই সাহায্য করবার জন্তে উদ্গ্রীব। সামান্য কাজ, তুচ্ছ হুকুম তামিল করবার জন্তে তারা সাগ্রহ প্রতীক্ষা করছে। মগে করে জল গড়িয়ে দেওয়া, মগগুলো ধুয়ে পরিষ্কার করা, তাদের জামাকাপড় কেচে দেওয়া, তাদের মাথার চুল আঁচড়ে দেওয়া, কেউ যেন অসতর্ক হয়ে দরজার কবাট খুলে রেখে না যায় সে দিকে নজর রাখা, কেন না, দরজা খোলা থাকলে ঠাণ্ডা লাগতে পারে।

ঠিক সেই সময় লিদা গ্রোখাচ ভয়ে ভয়ে উঁকি মারল।

“কি, তুমিও সাহায্য করতে চাও না কি?” ডাক্তার তাকে জিজ্ঞাসা করল।

সে মাথা নাড়ল :

“আমাদের একজন প্রতিবেশিনীর প্রসববেদনা উঠেছে, ... আপনাব কি একবার গিয়ে তাকে দেখা সম্ভব হবে? আপনি যখন ডাক্তার।..”

“কিন্তু, আমি—আমি তো ডাক্তার নই, আমি সার্জেন।..”

“তাতে কি, তবু আপনি ডাক্তার। সে বড় কষ্ট পাচ্ছে। আজই সকালে তাকে ঘর থেকে জার্মানদের শব টেনে ফেলতে হয়েছে, আমার মনে হয় তার জন্তেই তার এই যন্ত্রণা হচ্ছে।”

“যাক, কিছু অবশ্য করবার নেই, তবুও আমি যাব,” ডাক্তার সহাস্তে বলল। “একজন নতুন নাগরিক জয়গ্রহণ করছে, কাজেই আমাকে সাহায্য করতেই হবে। কুজ্‌মা, রোগীদের তোমার হেফাজতে রেখে যাচ্ছি। কোন্ দিকে যাব?”

লিদা তাড়াতাড়ি তাকে নিয়ে লেভভ্যুকদের বাড়ীর দিকে চলল। ডাক্তার আড়ষ্ট হাত দুখানা একটু রগড়ে নিয়ে তার অনুসরণ করল।

“এত ঠাণ্ডায় আপনার দস্তানা পরা উচিত!”

“দস্তানা আমার ছিল, কিন্তু কাল রাত্তির বেলায় কোথায় যে হারিয়ে ফেলেছি। ... আর তো নেই।...”

লিদা সসঙ্কোচে তার দিকে একবার তাকাল, তারপর তাড়াতাড়ি নিজের হাতের পুরোনো দস্তানা জোড়া খুলে ফেলল। এ দস্তানা তার নিজেরই হাতে বোনা এবং তাতে লাল নীল ফুল তোলা।

“ও কি হচ্ছে!” ডাক্তার বলে উঠল। “তোমার নিজের কি হবে?”

“আমার আর এক জোড়া আছে,” লিদা নির্ভয়ে মিথ্যা ব’লে বসল। “একটা নিরাপদ জায়গায় লুকিয়ে রেখেছি, জার্মানরা খুঁজে পায় নি। আপনি ডাক্তার আপনার এর প্রয়োজন খুব বেশি।”

তার ঠোঁট দুটি কাঁপছে দেখে এবং ও কৈদে ফেলতে পারে মনে করে ডাক্তার হাসল :

“বেশ, তোমার যখন এত আগ্রহ, তখন এটা আমি নিলাম।”

লেভন্যকদের বাড়ীর সদরে এক দল স্ত্রীলোক জটলা করছিল। তারা তাড়াতাড়ি ডাক্তারকে রাস্তা ছেড়ে দিল। ইতিমধ্যেই তারা ডাক্তারকে চিনে ফেলেছে।

“ছেলে মাটিতে পড়েছে,” তাদের একজন বলল।

“তা হলে তো আমার আর এখানে কোন প্রয়োজন নেই।”

“হাঁ নিশ্চয় আছে। আপনি আগে ওকে দেখুন। অনেকক্ষণ কষ্ট পেয়েছে, বড় দুর্বল হয়ে পড়েছে।”

“এই যে মাসি, ডাক্তার এসেছেন,” লিদা জানিয়ে দিল।

“কিন্তু কেন, বল তো? ডাক্তারের দরকার কি? আর তা ছাড়া, ইনি তো দেখছি একেবারে ছেলেমানুষ!” রোগিণী বিস্ময়ের সঙ্গে বলে উঠল। “আপনি বরং একবার বাচ্চাটাকে দেখুন, আমার জন্তে করবার আপনার কিছুই নেই। আর এ তো আমার প্রথম বার নয়!”

ডাক্তার দোলনার উপর বুকে পড়ল।

“ছেলে?”

“হাঁ, ছেলে, বেঁটাছেলে। আমার একটি মাত্র মেয়ে, নিউকী, আর সবই ছেলে। ... আমাদের পরিবারে ছেলের সংখ্যাই বেশি। ...”

“বাঃ, খাসা ছেলেটি ত! ওর নাম কি রাখবেন?”

“এক্ষুনি আমার পড়শীদের সঙ্গে সেই কথাই বলাবলি করছিলাম। ... ওকে মিতিয়া বলেই ডাকতে চাই, কিন্তু ওরা বলে তা ঠিক নয়। ...”

“কেন, ওর দাদার কি হয়েছে?”

“ওর দাদা, আমার সব চেয়ে বড় ছেলেকে আজ আর সকলের সঙ্গে কবর দেওয়া হল। ... গোটা একটা মাস সে ফাঁসীকাঠে ঝুলে ছিল। আমার সেই ছেলেকে আজ আমি নিজের হাতেই ফাঁসীকাঠ থেকে নামিয়েছি,” ধীরভাবে স্ত্রীলোকটি সব কিছু খুলে বলল।

ডাক্তার হতবুদ্ধি হয়ে গেল।

“সে আপনার ছেলে তা তো জানতাম না। ...”

“হাঁ, আমার বড় ছেলে! ... গ্যেরিলাদের সঙ্গে যোগ রাখতে চেষ্টা করেছিল, কিন্তু জার্মানরা ধরে ফেলল। ... আমার প্রথম সন্তান, সতেরয় পা দিয়েছিল। তার নামানুসারেই একে মিতিয়া বলে ডাকতে চেয়েছিলাম, কিন্তু ওরা যখন নিষেধ করছে—ওরা বলছে এ রকম নাকি করা উচিত নয়—কাজেই কি নামে ওকে ডাকব জানি নে। ...”

“ওর নাম রাখুন—ভিক্তোর,” ডাক্তার পরামর্শ দিল। “নামটাও বেশ ভাল। ও আজ জন্মাল, স্ত্রীরাং ভিক্তোর নাম ওরই সাজে। ...”

ক্ষণেকের জগে লেভন্যুচিখা কি ভাবল।

“মোটের খরাপ নয়, লিদা, তুই কি বলিস?”

“যদি এটাই ওঁর পরামর্শ হয়। ...”

“থাক গে, এ নিয়ে আর পুঁথি বাড়িয়ে লাভ কি! সারা গাঁয়ে আর একটি ভিক্তোর নেই, ও-ই ভিক্তোর হোক! কিন্তু বসো বাবা, বসো, একটু আমাদের কাছে বসো!”

“আপনাদের এ স্নেহ ভুলব না, কিন্তু আমাকে যে এখনই ফিরতে হবে, রোগীরা সব হা-পিত্যে বসে আছে।”

“কিন্তু মেয়েদের কাছে শুনেছি, তুমি আহতদের সকলকেই তো ব্যাণ্ডেজ বেঁধে দিয়ে এসেছ। তারা সকলেই নিজের নিজের বাড়ীতে লাল পটনদের অতিথিরূপে পেয়েছে, কিন্তু আমি অঁতুড়ে আছি বলেই আমার বাড়ী আর কেউ আসে নি, কেউ না। ... লিদা, ওই তাক্ থেকে ভোদকার বোতলটা নিয়ে আয় তো মা।”

“আপনার কিন্তু খাওয়া উচিত নয়,” ডাক্তার ইতস্তত করে বলে ফেলল।

লেভহ্যাচিখা মুহু হাসল।

“কিন্তু, নয় কেন? আহতদের কেমন করে সারাতে হয় তুমি তা জান, এটা স্বীকার করি, কিন্তু মেয়েদের দেহের ভিতরের খবর তুমি যে বিশেষ কিছু জান না এ আমি অহুমান করতে পারি। এতটুকু ভোদকা যে-কোন লোককে কাজের লোক করে তোলে।”

ডাক্তার আর আপত্তি করল না। লিদা একটি সবুজ রঙের গ্লাসে ভোদকা ঢেলে দিল।

“নবজাত শিশুর কল্যাণ কামনা করি, সে স্বস্থ সবল জীবন লাভ করুক। ...”

“তাকে যেন কখনও জার্মান আক্রমণের সম্মুখীন হতে না হয়।”

“আজ ওর জন্ম হল, এ দিনটি যেন প্রতিদিনই নব নব বিজয়োল্লাস বয়ে আনে।”

“ও যেন ওর দাদার মতই হয়। ...”

ডাক্তার খুব শ্রান্ত হয়ে পড়েছিল। ভাল ঘুম হয় নি। আর ভোদকার স্নিগ্ধ একটা গরম প্রবাহ তার সর্বাঙ্গে বয়ে গেল। তারপর তা গিয়ে ঠিক মাথায় চড়ল! ডাক্তার একখানা টুলের উপর বসেছিল এবং তার মনে হল লড়াই, যুদ্ধ—সব কিছুই যেন রয়েছে দূরে—অনেক দূরে। ঘরের দেয়ালগুলি চমৎকার সাদা; উনোনের গায়ে নানা রকম ফুলের নকশা, ওড়নার কোণে নানারকম সূচের কাজ স্পষ্ট দেখতে পাওয়া যায়। স্বন্দরী লিদা তার দিকে চেয়ে মুহু মুহু

হাসছিল। এ বাড়ী থেকে খান কয়েক বাড়ীর পরেই যে কতকগুলি আহত লোক আছে—এটা যেন মনেই হচ্ছে না, যেন গীর্জার সামনের ময়দানে কবরের উপর একটা স্তুপ গড়া হয় নি, যুদ্ধের প্রথম দিন থেকে পথে ঘাটে যে পরিশ্রম করেছে তাও যেন মিথ্যে মনে হচ্ছিল।

“লিদা, ইকোনের পিছনে ফটোখানা আছে, ডাক্তারকে দেখা তো, ও’কে দেখা। ...”

ডাক্তার সেই বিবর্ণ ফটোগ্রাফখানা হাতে তুলে নিল—একটি প্রগলভ ছেলে—মাহুষের মুখ তার দিকে যেন চেয়ে আছে, মুখখানি সরল, সাধারণ গ্রাম্য বালকের মুখ যেমন হয় তেমন।

“বরফে তুষারে ওর চেহারার এমন বিকৃতি ঘটেছিল যে ওকে মোটেই চিনতে পারা যেত না। আগেকাব ওর ওই চেহারা,” মা বীরভাবে বুঝিয়ে বলল।

ডাক্তারের নিজের মায়ের কথা মনে পড়ল। বিদায়ের সময় তাঁর সেই সাদা দুখানি কম্পিত হাত, তাঁর সেই আবেগরুদ্ধ কণ্ঠস্বর, দুটি বড় বড় সজল চোখ—চোখের সামনে ভেসে উঠল। রাত্রিগুলোর কথাও তার মনে পড়ল, কি বেদনাদায়ক দৃশ্যসম্মতা, একটা আতঙ্ক তাকে পেয়ে বসত। প্রতি দিনই নতুন নতুন আহতের দল আসতে লাগল। রক্তের ভয়, দুঃখকষ্টের ভয়, মৃত্যুর ভয় তাকে পেয়ে বসল। “মনের বল,” আপন মনেই ও বলে, কিন্তু তাতে এতটুকু সুরাহা হয় না। মনের বল—মনের বলই থেকে যায়, সেগুলোকে কোন মতেই মন থেকে দূর করা যায় না। কাজেই মনের বল না বেড়ে বরং যুদ্ধের সময় তা চূর্ণ বিচূর্ণ হয়ে যায়।

বিছানায় শায়িত জ্বীলোকটিব দিকে ডাক্তার তাকাল। তার মাথার নীচে একটা রঙিন বালিশ, চুলগুলো স্ববিগ্নস্ত থাকায় মুখখানিতে একটা প্রশান্তি বিরাজ করছে! বাতাসে যখন তার বড় ছেলের মৃত দেহটা দোল খেয়েছে, বাতাস গোড়িয়েছে তার চার পাশে, এই জ্বীলোকটি কান পেতে শুনেছে বাঁতাসের সে গোঙানি পুরো এক মাস ধরে। গোটা একটা মাস ধরে এই জ্বীলোকটি তার

ছেলে-মেয়েদের নিয়ে অনাহারে এবং আতঙ্কে দিন কাটিয়েছে। আসন্নপ্রসব হয়েও সে তার ষোল বছর বয়স্ক পুত্রকে ফাঁসীকাঠ থেকে নামিয়ে নিয়ে এসেছে কবর দেওয়ার জন্তে, গলার দড়িটাও তাকেই কেটে ফেলতে হয়েছে। তারপর সে গিয়ে ঢুকেছে আঁতুর-ঘরে। এখন সে শুয়ে আছে সেইখানে, শান্তভাবে কথা বলছে তার সঙ্গে, জার্মানদের কাছ থেকে লুকিয়ে রাখা মদের সন্টা দিয়ে অতিথি সৎকার করছে।

মেয়েরা সদর দরজা থেকে ঘরের মধ্যে এসে ঢুকল এবং বেকি ও টুল টেনে বসল। ডাক্তার তাদের দিকে লুকিয়ে তাকাল। তাদের সকলেই জার্মান-পীড়নের মধ্যে দিন কাটিয়েছে। চাবুকের ঘা খেয়েছে। তাদের স্বামী-পুত্রেরা আছে অনেক দূরে কোন রণক্ষেত্রে। তাদের কেউ জানে না যে, তাদের প্রিয়জন বেঁচে আছে, কি, মবে গেছে। সেই শীতের প্রচণ্ডতার মধ্যে দিন যাপন করেছে সকলে এবং জার্মানদের ডেকে আনা বৃত্তস্ফার মধ্যে কোন রকমে কাল কাটিয়েছে। তাদের অনেকেরই শরীর বন্দুকের গুলোয় ক্ষতবিক্ষত হয়েছে। কেউ না জানলে তাদের আচরণ থেকে এটা মোটেই বোঝা যায় না। ধ্যানগভীর মুখ তাদের, অচিল, কোন অজ্ঞাত উৎস থেকে—হৃদয়ের গভীরতম প্রদেশ থেকে একটি শাস্ত ভাব তাদের মহিমময় করে তুলেছে।

“চাষী রমণী,” সে ভাবল এবং এই শব্দ দুটির যেন একটা নতুন অর্থ, একটা নতুন গুরুত্ব তার কাছে ধরা পড়ল।

“আরও কিছুটা ভোদকা থাকলে আমরা মিতিয়াকে স্মরণ করে পান করতে পারতাম” লেভন্ত্যুচিখা যতৃ কণ্ঠে বলল।

“কিস্তি কেন?” তেপিলিখা সংক্ষেপে প্রতিবাদ করল। “কোন কিছু স্মারক ছাড়াও আমরা তাকে মনে রাখব। কি বল তোমরা সব?”

“কেমন করে তাকে ভুলব!”

“মিতিয়ার বদলে ভিক্তোরকে পেলাম। সেও মিতিয়ার মতই বড় হবে, তারই মত কাজকর্ম করবে এবং প্রয়োজন হলে মিতিয়ার মতই দেশের জন্তে প্রাণ বলি দেবে।”

ভোদকার গোলাপী নেশায় ডাক্তার মশগুল হয়ে উঠল। মেয়েদের লক্ষ্য করে সে কিছু ভাল কথা, তৃপ্তিকর কথা কইতে চাইল, কিন্তু তার অন্তরটা ছেলোটর জগ্রে একটা অব্যক্ত বেদনায় মোচড় দিয়ে উঠল, মায়ের জগ্রেও তার কম দুঃখ হল না, ফাঁসিকাঠ থেকে মৃত পুত্রের দেহ মা হয়ে তাকেই নামিয়ে আনতে হয়েছে, তা ছাড়া, যারা এই দুর্ঘোণে দুঃখ কষ্ট সহ্য করেছে—তাদের সকলকার জগ্রেই মমতায় ওর মনটা ভরে উঠল।

“তোমার নেশা হয়েছে,” ডাক্তার আপন মনেই নিজেকে বলল, কিন্তু তাতে কোনই ফল হল না। তরে দু চোখ ভরে অশ্রু দেখা দিল।

“কি হল আপনার?” উদ্বেগের সঙ্গে লিলা জিজ্ঞাসা করল।

“আমি দুঃখিত,” নিজের মনের ভাব গোপন করবার চেষ্টায় ডাক্তার সংক্ষেপে বলে উঠল।

লেভন্তুচিখা তার কালো চোখ দুটো মেলে অবিচলিত ভাবে তার দিকে তাকাল!

“এতে দুঃখিত হবার কিছু নেই, সে সময়ও এটা নয়,” আস্তে আস্তে বলল। “মিতিয়া চলে গেছে, কিন্তু ভিক্তোর আছে। আমরা দুর্বল জাতি নই, এই মাটিতেই আমাদের জন্ম। ... গ্রাসপাতি গাছ কেটে ফেললে যেমন দেখতে দেখতে তার গোড়া থেকে আবার ছোট ছোট অঙ্কুর গজায় এবং লোকের দৃষ্টি পড়বার আগেই স্বর্ষের আলোতে তারা আত্মপ্রকাশ করে। ... মিতিয়া চলে গেছে এবং আরও অনেকে গেছে, কিন্তু আমাদের দেশ রয়েছে এবং লোকজনও রয়েছে। ... আমরা কত সময় ভেবেছি যে, তোমাদের আসার আগেই হয়তো জার্মানরা আমাদের সকলকে মেরে ফেলবে। কিন্তু যা দেখবার জগ্রে আমরা সাগ্রহে অপেক্ষা করছিলাম তা দেখবার জগ্রে আমরা এখনও বৈচে আছি। ... মাহুঘ সব কিছুই সহিতে পারে ... না, আমাদের লোকেরা বেশ শক্ত, তাদের চুরমার করে দেওয়া জার্মানদের কর্ম নয়।”

ডাক্তারের চোখের সামনে যে কুয়াশা জড় হয়েছিল তা হালকা হতে হতে নিঃশেষে মিলিয়ে গেল। এই চাষী স্ত্রীলোকটি এমন সব কঠিন, জটিল চিন্তার

মৌমাংসা করে দিল যা ডাক্তারকে অনেকখানি ভাবিয়ে দিল। ওর জবাব সরল, গভীর—ধরনটাই শুধু চাখীর মত। ডাক্তার নিজেকে লজ্জিত মনে করল।

“হাঁ, হাঁ। ...”

“তুমি ছেলেমানুষ, তাই এটা তোমার কাছে কঠিন। সে যাই হোক, সব কিছুই শেষ হয় এবং তুমি পীড়িতকে নিরাময় করে জীবনটা শান্তিতেই কাটিয়ে দিতে পারবে। আর আমরা—আমরাও আমাদের কাজ করে যাব। ...”

ইঠাৎ ডাক্তারের মনে পড়ল যে, সে অনেকক্ষণ এসেছে, তাকে রোগীদের কাছে ফিরতে হবে, তাই উঠে দাঁড়াল।

সারা গ্রামে একটা আনন্দের সাড়া পড়ে গেছে। কোথায় যেন বাড়ীর পিছনে কুয়াশা উপেক্ষা করেও মেয়েরা গান গাইছে। পুরুষের কণ্ঠও তাদের সঙ্গে মিশেছে।

গ্রামের ভিতর প্রতিধ্বনিত হয় সংগীতের ঝঙ্কার। বাইরে তুষার পড়ছে, কিন্তু সে দিকে তাদের জ্ঞপ্তিও নেই। কোথাও কুটারের পিছনে মেয়েরা গান গেয়ে চলেছে, তাদের সে স্বরের সঙ্গে মিশেছে পুরুষদের স্বর। কুয়াশাছন্ন বায়ুমাণ্ডলে ঘন গান ঝরে পড়ে। তরঙ্গহীন বাতাসে সেই গানের স্বর অপ্রতিহত গতিতে ভেসে চলেছে। সেই সংগীতের স্বরমূর্ছনা চাতক পাখীর গানের মত স্বদূর আকাশে উড়ে বেড়াচ্ছে। পরাজয়ের মানিতে দীর্ঘ এক মাস ধরে সারা গ্রাম যে মৌন বেদনায় মুক হয়ে ছিল, আজ যেন তারই রুদ্ধ আবেগ অজস্র ধারায় ছড়িয়ে পড়েছে। বালিকাদের চপল কণ্ঠস্বরের সঙ্গে লাল পণ্টনদের গভীর স্বর আজ এক সঙ্গে মিশে গেছে।

গ্রামবাসীরা ছেলেবেলা থেকেই গান গাইতে শেখে। গান গেয়ে তারা দিনের প্রথম আলোককে অভিবাদন করে, গান গেয়েই দেয় অন্তগামী সূর্যকে বিদায়, আবার গান গেয়েই তারা ঘুমের বৃকে দেহকে ছড়িয়ে দেয়। ওরা যখন মাঠে শস্ত কাটে তখনও গান গেয়েই তারা গমের ক্ষেতে কান্ডে চালায়। নতুন ঘাসে যখন ফুল ফুটে চারিদিক আমোদিত করে, ওরা গান গেয়ে কাটে মনের

আনন্দে সেই ঘাস। রাখাল ছেলেরা মাঠে মাঠে গান গেয়ে মেঘ চরায়, আর কৃষকেরা শস্ত মাড়াই করে। গানের ভিতর দিয়েই মেয়েরা বিবাহিত জীবন বরণ করে নেয়। যখন তারা শেষ আশ্রয় নেয় মাটির বুকে তখন গানেরই স্বর লেগে থাকে তাদের ঠোঁটে। কত স্বথ-দুঃখের গান! কত কালের পুরোনো গান—রাস্তার পাশের ওই লিঙেন গাছের চেয়েও কত দিনের পুরোনো গান। ওদের ওই জীবনধারার ভিতর থেকেই সে গান জন্ম নিয়েছে। গানের সঙ্গে জীবনকে আর জীবনের সঙ্গে গানকে খাপ খাইয়ে নিতে ওরা অভ্যস্ত!

সারা মাসটায় তারা ছিল একেবারে নীরব : সারা মাস ধরে তাদের মুখ থেকে একটি গানও বেরোয় নি, গ্রামে একটি গানও শোনা যায় নি। কুটীরগুলি, রাস্তা, বাগান—সব কিছুই ছিল নীরব, নিস্তব্ধ।

কিন্তু এখন—এখন তারা গান গাইতে পারে। কিশোরীদের গানে সারা গ্রাম ও সমস্ত বরফাচ্ছন্ন সমতল ভূমি মুখরিত হয়ে উঠেছে। একজনের পর একজন—এমনি করে তারা সেই গানগুলিই গাইতে লাগল যা তাদের অতি প্রিয়, যা তাদের অন্তর থেকে সোজা উৎসারিত হয় এবং থানা, রাস্তা, বাগান—সর্বত্র তাদের গান ছড়িয়ে পড়ল। গ্রাম্য সোভিয়েটের সামনে একদল গাইছিল, সেখানে বৃদ্ধ আলেকজান্দ্র “গ্রাম্য সোভিয়েট”-লেখা একটা সাইন বোর্ড টাঙাতে ব্যস্ত। ছেলেরা ভিড় করে এসে দেখতে লাগল। তারা ঘাড় উচিয়ে স্থপরিচিত সাইন বোর্ডটির দিকে তাকিয়ে রইল। রাত্রির হাঙ্গামার সব কিছু চিহ্নই ইতিমধ্যে তাড়াতাড়ি ঘরের ভিতর থেকে পরিস্কার করে ফেলা হচ্ছে। দেওয়ালের গায়ে জার্মানরা ঘুলঘুলি কেটেছিল, সেগুলি বন্ধ করা এবং বালি পূর্ণ থলেগুলো সরানো হয়ে গেছে। মেয়েরা ঘণাভরে ঘরের মেঝে থেকে জার্মানদের দেহের রক্ত ধুয়ে মুছে সাফ করে ফেলেছে।

“এমন ভাবে সব কিছু পরিষ্কার কর যেন সন্ধ্যার মধ্যে তাদের কোন চিহ্নই এখানে না থাকে,” তাদের মধ্যে থেকে কে একজন বলল। এবং তারা একযোগে কাজে লেগে গেল।

একান্ত আগ্রহের সঙ্গে তারাও তাই চাইছিল। আজকের দিনেই, সূর্যাস্তের পূর্বেই, রাত্রি আসবার আগেই, জার্মানদের তিরিশ দিন শাসনের সব কিছু চিহ্নই মুছে ফেলতে হবে। কে একজন ফাঁসিকাঠটা উপড়ে ফেলবার চেষ্টা করছিল, কিন্তু বরফ জমাট বেঁধে এমন এঁটে গিয়েছিল, খুঁটির চার পাশে অনেকটা খুঁড়েও স্থবিধা করতে পারছে না দেখে আর একজন একখানা করাত নিয়ে এসে খুঁটি ছটোকে মাটির সমতল করে কেটে ফেলল। জার্মানরা তাদের ঘরে বাস করত বলে মেঘেরা এত দিন তাদের ঘরদরজার দিকে মনোযোগ দেয় নি, আজ তারাও ঘরদরজা চূণকাম করে পরীক্ষার করে ফেলল। তা ছাড়া, জার্মানরা ঘরের দরজা দালান সর্বত্র যেখানে সেখানে মলমূত্র ত্যাগ করত, সেগুলি পরীক্ষার করতেও কাঁচা ও ফেণ্ডার আবশ্যক হয়েছে। ফসল কাটার সময় তারা যেমন ব্যস্ত থাকে আজও ঠিক তেমনি ব্যস্ত হয়ে পড়ল।

“তাদের কোন চিহ্ন রাখব না,” ছেলেরাও কথাটার পুনরুক্তি করল। ইতিমধ্যেই তারাও যেখানে যত ধাতুর টুকরো, খালি টোটার খাপ, জার্মানদের পোশাকের ছেঁড়া নেকড়া ইত্যাদি কুড়িয়ে নিয়ে এক জায়গায় জড় করল।

লাল পণ্টনের লোকেরা কোমর পর্যন্ত বরফ সরিয়ে টেলিফোনব তার বসাল। লেফটেনেন্ট শালভ চারিদিকের সঙ্গে গ্রামের যোগ পুনরায় প্রতিষ্ঠা করল। ইস্কুল-বাড়ীতে জার্মান বন্দীদের নিয়ে গিয়ে জিজ্ঞাসাবাদ করতে লাগল। গ্রামবাসীরা শুনবার জগে কৌতূহলী হল, কিন্তু এ সব সামরিক ব্যাপার বলে তাদের মাঝে পড়া উচিত নয়।

“ওদের নিয়ে এত হৈ-চৈ-এর দরকার কি,” তেপিলিখা উত্তেজিত হয়ে বলে উঠল। “জিজ্ঞাসাবাদের কি দরকার? এক একজনকে চালার পিছনে নিয়ে কপালে একটি করে গুলি ছুঁড়ে শেষ করে দেওয়াই ভাল।”

“খুব বুঝেছ! ওদের কাছ থেকে যতটুকু আদায় কবা যায় সে চেষ্টা করতে হবে না! মেরে ফেললে আর কি জানতে পারবে?”

“বেশ, তারপর তো গুলি করে মারা চলতে পারবে!”

“ওরা বন্দী, বন্দীদের কে কবে হত্যা করেছে?”

তেপিলিখা রেগে আশুন হয়ে গেল।

“বোঝা কথা, বলে কি-না বন্দী! আমাদের বন্দীদের তারা কি রকম আচরণ করেছে দেখেছ তো? বন্দী! আমি হলে ওদের গরম তেলে সিঁদ্ধ করে জ্যান্ত ছাল ছাড়িয়ে নিতাম। আর তোমরা কি করছ? তোমরা তাদের আরামে রেখেছ আটক করে।”

“এ সম্বন্ধে আমাদের কিছু করবার নেই,” পেলচারিখা বলল। “বন্দীরা বেঁচে থাকবে, তাদের কেউ মারতে পারবে না—এই দস্তুর ...”

“দস্তুর বটে! আজকাল দস্তুরটা মেনে কে কোথায় চলছে বলতে পার? গেল যুদ্ধে সে রকম কিছুটা ছিল বটে, কিন্তু এখন কোন দস্তুর, কোন আইন নেই। আর বলতে পার শিশুদের হত্যা ও সাধারণ লোকদের পীড়ন করা কোন আইনে আছে?”

অপর স্ত্রীলোকটি দীর্ঘনিশ্বাস ফেলল।

“সে কথা তুমি আমায় বলছ? তারা আমার কি করেছে তা তো তুমিই জান।”

“সেই জগুই তো এদের পক্ষ সমর্থন করতে দেখলে সেটা আশ্চর্য বলে মনে হয়। সৈন্যদের জগুে আইন! ওদের তুমি সৈনিক বলতে চাও না কি? ওরা একের নম্বর হন!”

পেলচারিখা কোন জবাব দিল না। আর সকলে যে কথা ভাবছিল সেও সেই কথাই ভাবছে। তবে তফাৎ এই যে, তারা ভাবছে—জার্মানরা যা করেছে তারাও যদি তাই করে তবে সেটা হবে তাদের চরম কলঙ্ক।

“তারা এখানে বসে আরামে আমাদের রুটি ভক্ষণ করবে এবং তারপর নিরাপদে দেশে চলে যাবে! যতদিন যুদ্ধ চলবে ততদিন তারা এখানে দিব্য আরামে থাকবে, যেন ব্যাঙ্কে তাদের নামে টাকা জমানো আছে।” তেপিলিখা রাগের সঙ্গে বলে উঠল।

“সে নিয়ে তোমার আমার ভাবতে হবে না, যা করবার লেফটেনেন্টই স্বয়ং করবেন,” আলেকজান্দ্র মেয়েদের আলোচনায় বাধা দিয়ে বলল।

“আমি কি তার বিরুদ্ধে কিছু বলেছি? লেফটেনেন্টের কি করতে হবে না-হবে আমি কি তা নির্দেশ করেছি বলতে চাও?”

“আশ্চর্য!” বিড় বিড় করতে করতে বৃদ্ধ আলেকজান্দ্র বাড়ী চলে গেল, তাকে আর একখানা সাইনবোর্ড লিখতে হবে, তাতে লেখা থাকবে “স্থল”। আগে যেমন ছিল তেমনটি হলেই ভাল হত। এটা হয়তো আগেরটার চেয়ে ভাল হবে না, তবু তাতে কিছু এসে যাবে না, জার্মানদের আসার আগে গ্রামটা যেমন ছিল কতকটা তেমন দেখলেই হল।

হঠাৎ গীতি-মুখরিত আবহাওয়াকে মথিত করে একটা বজ্রপাতের মত শব্দ শোনা গেল, সঙ্গে সঙ্গেই গান গেল থেমে, যেন তাদের ধ্বিসাৎ করে দিল। ছেলেরা বাড়ীর সামনে খেলা করছিল, এতে তারা জমে গেল।

“ব্যাপার কি?”

শব্দটা আবার শোনা গেল, বানে তলা-লাগা-গোছের। ত্রমাগত তোপ দাগার শব্দে মনে হচ্ছিল যে আকাশে বিদ্যুৎ চমকাচ্ছে।

“কামান দাগছে! ...”

“এ ওখাবিতে, ওই দিকেই। ...”

“জেলেন্সিতে। ...”

“গুলি কি আমাদের লোকেরা ছুঁড়েছে?”

তারা কান পেতে শুনতে লাগল। গোলন্দাজেরাই কেবলই তোপ দাগছে এবং তাদের কামানের সে গর্জন চারদিক প্রকম্পিত করে তুলছে। প্রত্যেকেই চূপ করে রইল।

“পথানে আবার কি হচ্ছে?”

“লড়াই। ...”

“যে তোপগুলো দাগা হচ্ছে, সেগুলো আমাদের।”

তুমি গোলন্দাজী সম্বন্ধে যখন এত জ্ঞান, তখন দুয়ের মধ্যে তফাতটা কি, তাও বলে দিতে পারবে আশা করি।”

“শুনতে পাই, পাই তো? যে দিক থেকে শব্দটা আসছে, সেদিকেই আছে আমাদের কামানশ্রেণী।”

তারা লাল পল্টনদের মুখের দিকে ভাল করে তাকাল, কিন্তু তারা ছিল সম্পূর্ণরূপে শাস্ত। তাদের মধ্যে একজন বলল, “হ্যাঁ, এ আমাদেরই কামান। আমরা এখন চারদিকেই আক্রমণ করে চলব।”

“আক্রমণ, আক্রমণ কি?”

“আহা, বুঝতে পারছ না, আমরা এ গ্রাম আক্রমণ করে অধিকার করে ফেলেছি, কিন্তু আমাদের পিছনে আর দুপাশে এখনও তো জার্মান আছে?”

“আগে থেকে আমি বলি নি যে, আবার আক্রমণ করা চলেছে?”

“ওরকম তুমি কিছুই বল নি মাসি।”

“কি, আমি বলি নি? তোমরা শুনতে পাও নি! আমি সঙ্গে সঙ্গে বলেছি, নতুন আক্রমণ চলেছে। ... যে-কেউ এটা জানে যে, জার্মানরা এখনও ওখাবিতে রয়েছে।”

“শূয়োরের বাচ্চারা এতক্ষণে হয়তো যে যেদিকে পারে ছুটেছে।”

“এদিকে ছুটে আসবে?” ভীতাতর্কণে অলগা পালাধুক বলল।

“কেন, আসবে না কেন?” তেপিলিখা যুদ্ধবিশারদদের ভঙ্গীতে কোমরে দুই হাত রেখে বলল। “যদি আসে, আমরা ভাল করেই তাদের অভিনন্দন জানাব।”

“তারা এখানে আসবে কেন? পশ্চিমে যাওয়ার সোজা পথ ওদিকে আরও তো আছে।”

“অবশ্য, যদি তাদের কেউ বেঁচে থাকে।”

তারা সকলেই শুনতে লাগল। সেখান থেকে অনেক দূরে যুদ্ধ চলছে এবং কামানের শব্দ শোনা যাচ্ছে। আক্রমণ ক্রমশ জার্মানদের দিকে প্রসারিত হয়ে চলেছে।

স্কুল-ঘরে লেকটেনেন্ট শালভ জার্মানদের জেরা করছে। জার্মানরা তার সমুখে দাঁড়িয়ে দাঁড়িয়ে ভয়ে কাঁপছে। শালভ তাকিয়ে আছে তাদের দিকে।

তারা দাঁড়িয়ে আছে শীর্ণ, ছিন্নবাস পরিহিত, সর্বাঙ্গে পচা ঘায়ের ভূগঙ্গ। ঘরের মধ্যে বেশ গরম। তারই মধ্যে তারা উকুনের ভীষণ কামড় সহ্য করছে। শালভের দিক থেকে চোখ না ফিরিয়েই তারা সর্বাঙ্গ চুলকোচ্ছে। ক্যাপ্টেন ভের্নেরের সমগ্র বাহিনী থেকে মাত্র পাঁচ জন বেঁচেছে।

“ওদের পেছনে পাঠিয়ে দেওয়া হোক, এখানে ওদের নিয়ে আমরা কি করব?” লেফটেনেন্ট শালভ সিদ্ধান্তে পৌঁছে বলল।

“পেছনে পাঠিয়ে দেবেন?” একটি জোয়ান ছোকরা লাল পন্টন অকুণ্ঠিত করে বলল। “যা-হয় এইখানেই ওদের ব্যবস্থা করা ভাল।”

“আহাম্মক!”

“ওদের নিয়ে যাওয়া, এই বরফের মধ্যে দিয়ে ওদের সঙ্গে করে নিয়ে যাওয়া মানে দয়া করা, অল্পগ্রহ দেখান।”

“সার্জেন্টকে আমার কাছে পাঠিয়ে দাও।” আর কোন তর্ক-বিতর্ক শুরু না করে শালভ আদেশ দিল।

সে বাইরে বেরিয়ে এল একটু হাওয়া খেতে। পুরো এক ঘন্টা ধরে বন্দীদের নিয়ে ঘরের মধ্যে ছিল এবং তার মনে হচ্ছিল যে, সর্বাঙ্গে যেন তার উকুন গড় গড় করছে, যেন সর্বাঙ্গ তার মালিন্যে ভরে গেছে, তার সমস্ত পোষাকটা ওই জার্মানদের দীর্ঘ দিনের অপরিচ্ছন্ন ক্ষতাক্ত দেহগুলোর কুৎসিত রসে যেন ভিজে গেছে।

শালভ তুষার হিমেল হাওয়ায় বুক ভাবে নিশ্বাস নিতে লাগল। উজ্জল সূর্যালোকে গভীর কুয়াশায় আকাশ আচ্ছন্ন হয়ে আছে। বহু দূরের একটি কুটার থেকে গানের টুকরো পদগুলি ভেসে আসছে। সে শুনতে লাগল সেই গান, দীর্ঘ প্রান্তরবাহী বাতাসের মুহু গুঞ্জন, দু পাশে উর্বর যুক্তিকা—সমুদ্রাভিমুখী জনশ্রোতের কলোচ্ছ্বাস সেই গানের সঙ্গে মিশে এক কোমল সাক্ষর ঐক্যতানের সৃষ্টি করেছে। সেই গানে প্রতিধ্বনিত হচ্ছে দ্বীপার-তীরে কসাকদের রণহকার, তুর্কিদের বন্দী করা বীর যোদ্ধাদের প্রতিবাদ, স্বদূর পথে ঘোড়ার খুরের শব্দ। মেয়েরা গাইছে, এবং মনে হচ্ছে যেন কুয়াশাচ্ছন্ন আকাশের উজ্জল স্বর্ণাভ সূর্যের দিকে তাকিয়ে সারা গ্রামটাই গান গেয়ে উঠেছে।

ইহুজ ঘরের ভিতর থেকে লাল পন্টনেরা বন্দীদের বের করে নিয়ে এল। আস্তে আস্তে একটি ভিড় রচিত হল তাদের চারিদিকে। মেয়েদের সমুখে জার্মানরা কাঁপতে লাগল। মাথা নত করে শীতে থর থর করতে লাগল।

“ওদের কি তোমরা নিয়ে চলে যাচ্ছ?” তের্পিলিখা প্রতিবাদ-ভরা কণ্ঠে বলে উঠল।

“ওদের সদরে পাঠিয়ে দিচ্ছি,” শালভ উত্তর দিল।

“এই লোকটাই লেভন্ত্যককে ফাঁসী দিয়েছিল!” পেলচারিখা হঠাৎ চীৎকার করে উঠল।

মেয়েবা সব ছুটে এল সেই দিকে।

“কে, কোনটা?”

“ওই যে খয়রা-চুলো লোকটা। ফাঁসী দিতে তোমরা সকলেই তো দেখেছ! ওই যে লম্বা লোকটা।” পেলচারিখা তখনও চোঁচাচ্ছে।

“ঠিক ঠিক, সেই লোকটাই বটে!”

বন্দীদের ঘিরে ভিড় ঘন হয়ে এল। মেয়েরা ঠেলে এগিয়ে এল এবং হাত দিয়ে দেখাতে লাগল একটা লম্বা জার্মানকে, টুপির নীচে দেখা যাচ্ছে তার খয়রা রঙের চুলগুলি। সে বুঝতে পারল যে, জনতা তার সম্বন্ধেই আলোচনা করছে। সে তার পাশের সঙ্গীর পেছনে পিছিয়ে গেল।

“দেখ, দেখ, এখন লুকোতে চাইছে! এই লোকটাই সেই বেচারী বাচ্চা ছেলটাকে ফাঁসী দিয়েছিল, লেফটেনেন্ট!”

“বাচ্চা ছেলে, মাত্র ষোল বছর বয়স ছিল তার। একটা ছুধের ছেলেকে ফাঁসী দিয়েছে শূয়োরের বাচ্চা।”

“অত তর্কাতর্কি করো না মেয়েরা। ওদের আমরা নিজের হাতেই শাস্তা করব।” তের্পিলিখা বলল।

লাল পন্টনেরা বিব্রতভাবে চারিদিকে তাকাল।

“সরে দাঁড়াও, কি করতে চাও তোমরা?” শালভ ক্রুদ্ধকণ্ঠে তের্পিলিখাকে জিজ্ঞাসা করল। “আমি বলছি, সরে দাঁড়াও!”

“কমরেড কমাণ্ডার, এখান থেকে ওকে প্রাণ নিয়ে যেতে দিচ্ছি নে। ওকে এইখানে শেষ করব, তারপর আবার সব ঠিক হয়ে যাবে।” তেপিলিখা জোর দিয়ে তবু বলতে লাগল।

জার্মানটাও বুঝতে পারছিল, কি ঘটতে যাচ্ছে, সে ভয়ানক কাঁপছিল, দাঁতে দাঁতে লেগে শব্দ হচ্ছিল।

“আমি বলছি, আদেশ দেবার জ্ঞান আমিই আছি, তুমি নও,” কঠোর কণ্ঠে শালভ বলল।

ফেডোসিয়া ক্রাবচুক ভিড থেকে বেরিয়ে গেল।

“তুমি অগ্নের কাজে মাথা গলাতে যাও কেন, গোপিনী? তোমাকে এর মধ্যে আসতে বলেছে কে? তুমি একটা কসাইখানা তৈরী করতে চাও নাকি? ইতিমধ্যে কম লোক মরেছে এখানে? তোমার চেয়ে ভাল বিচারক কি কেউ এখানে নেই ভাব?”

তেপিলিখা এক-পা পিছিয়ে এল এবং ফেডোসিয়ার দিকে সবিস্ময়ে চেয়ে রইল, যেন তার কথা সে বুঝতে পারছে না।

“তুমি ওকে মের ফেলতে চাও? কেন, ওকে সহজ ভাবেই মরতে দাও। এক মিনিট কি দু মিনিট, তারপর তো সব শেষ। শুধু দু-মিনিটের যন্ত্রণা ভোগ! লেভন্যুক, আমাদের ছেলেমেয়েরা, যারা আমাদের জন্মে মরেছে তাদের দাম শোধ করে যেতে হবে। আমি বলছি ওকে বাঁচতে দাও, অপেক্ষা করুক ও, ওর দুর্ভাগ্যের পেয়াল তিক্ততায় ভরে উঠুক কাণায় কাণায়! ফিরে যেতে দাও ওকে ওর দেশের দিকে, সেখানে গিয়ে দেখুক, ওরা যা করেছে তার জন্মে কি ভাবে ওদের দাম দিতে হবে। শুধু লেভন্যুকের জন্মে নয়, প্রত্যেকটি জিনিসের জন্মে!”

“ঠিক বলেছ,” পেলচারিখা বলল।

“তুমি ঠিক বলেছ ফেডোসিয়া!” পাশাপাশি সঙ্গে সঙ্গে আরও অনেকে বলল।

“একটা কথা আমাদের বলতে দাও, গোপিনী, যে সমস্ত জার্মান মরে গেছে তাদের ভাগ্য ভাল। ওকে বাঁচতে দাও। চোখ মেলে দেখুক ও, কেমন

করে' ওদের ফোজেরা পেছিয়ে যায়, প্রাণ নিয়ে ছোট্টে, অনশনে মরে, মাঠের পর মাঠ ওদের হাড়ে ভরতি হয়ে যায়। প্রত্যেকটি বুপসি জঙ্গলের পিছন থেকে প্রত্যেকটি গাছের আড়াল থেকে কেমন করে আমাদের লোকেরা কাঁচা আর কুড়ুল নিয়ে ছুটে আসে ওদের দিকে দেখতে দাও। খানায় কেমন করে মরে পড়ে থাকবে ওরা, এক ফেঁটা জলও দেবে না ওদের মুখে কেউ! ওকে বাঁচিয়ে রেখে দেখতে দাও, কেমন করে ওদের শহরের পর শহর গ্রামের পর গ্রাম হাওয়ায় ধুলে। হয়ে উড়ে যায়। ছাই আর জলবিছুটি ছাড়া আর কিছুই থাকবে না। ওকে বাঁচিয়ে রেখে ওকে শুনতে দাও যে, ওর স্ত্রীই ওকে অভিসম্পাত করছে, ছেলেমেয়েরা ওকে অস্বীকার করছে! অত সোজায় ওকে মৃত্যু দান করবে! তুমি বুড়া হয়ে গেছ, গোপিনী, তোমার ভীমরতি হয়েছে। মেয়ে ফেলা তো সহজ, ওকে বাঁচিয়ে রাখ, একশ বছর ধরে ওকে বাঁচিয়ে রাখ। মৃত্যুর জন্তে ও কাকুতি মিনতি করুক, এমন কি, যদি পার মৃত্যুকে দূরে সরিয়ে রাখ এই নোংরা জার্মানটার কাছ থেকে।”

তার কণ্ঠ রুদ্ধ হয়ে এল। বুকে হাত দিয়ে ফেডোসিয়া চূপ করে গেল।

“তুমি যা বলেছ, ফেডোসিয়া, সত্যি কথা।” পেলচারিখা তাকে সমর্থন করে বলে উঠল। মেয়েদের ভিড় সরে গেল।

দুজন লাল পন্টন বন্দীদের নিয়ে চলল পথ দিয়ে। যেখানে দাঁড়িয়েছিল, সেইখানে ঠায় দাঁড়িয়ে রইল তেপিলিখা, চেয়ে রইল বন্দীদের দিকে।

“ধ্যাৎ” হতাশভাবে দীর্ঘনিশ্বাস ফেলে তেপিলিখা বলল, “তোমাদের দেখে মনে হয়, তোমরা যেন কত সাংঘাতিক, কিন্তু একটুতেই সব কোথায় চলে যায়। ...”

“তুমি কি ভাবছ ফেডোসিয়া ক্রাবচুক খুব ঠাণ্ডা মেয়ে?”

“আমি ওর কথাবার্তা বুঝতে পারলাম না। আমি বুঝি সোজা-সাপটা আমার কথা।” হঠাৎ সে বলে উঠল। এবং দাঁড়িয়ে দাঁড়িয়ে শুনতে লাগল।

“ওরা কি কামান দাগা বন্ধ করেছে, না শুনতে পাচ্ছি না?”

পুজিরিখা কান খাড়া করে রইল।

“ঠিক বলেছ, অনেকক্ষণ ধরে তো কোন সাড়াশব্দ পাচ্ছি নে। বন্দীদের নিয়ে আমরা এমন গোলমাল আরম্ভ করলাম, ওদিকে অনেকক্ষণ তো কান দিই নি।”

“ভাবছি, ওরা থেমে গেল কেন? যুদ্ধ কি থেমে গেল না কি? যে জানে— এমন লোককে তো জিজ্ঞাসা করতে হয়।”

“মনে হচ্ছে, কমান্ডার জানে।”

দূরে বনের সীমান্তে—যেখানে হঠাৎ সমস্ত নিস্তব্ধ হয়ে গেছে সেটা শুধু মেয়েদেরই কৌতূহলী করে তোলে নি, শালভাও স্বয়ং ছুটছুটি করছে, প্রত্যেক মুহূর্তে। যে টেলিফোনের কাছে বসেছিল, সে একই ভাবে বসে আছে।

“ডাকো, ডাকো, ওদেব ডাকো! উত্তর দিচ্ছে না?”

“আমি কিছু শুনে পাচ্ছি নে।”

“যে কেউ একজনকে দেখতে পাঠাও, লাইনটা খারাপ হল কি না। আব তুমি ডাকতে থাক। ...”

শেষ পর্যন্ত টেলিফোন বেঞ্জে উঠল। লাল পন্টনটি তাড়াতাড়ি কি লিখে নিল।

“কি বলে ওবা?”

“ওখাবি ও জেলেন্তসি আমরা অধিকার করেছি।”

শালভ রাস্তায় বেরিয়ে এল। প্রথমেই চোখ পড়ল তেপিলিখার উপর।

“ওখাবি ও জেলেন্তসি আমরা অধিকার করেছি।”

তেপিলিখা আনন্দে হাততালি দিয়ে উঠল।

“ও, সেই জগেই ওদিকে কোন সাড়াশব্দ নেই?”

“হাঁ, সেই জগেই।”

তেপিলিখা ঝাঁচল সাপুটে ছুটল পুজিরিখার উদ্দেশ্যে।

“শুনেছ, পেলেগিয়া? আমাদের পন্টনেরা ওখাবি ও জেলেন্তসি অধিকার করেছে। লেফটেনেন্ট নিজেই বলল। .. যেমনই টেলিফোনে খবর এল অমনই বাইরে ছুটে বেরিয়ে এসে বলল আমাদের—ওখাবি আর জেলেন্তসি আমরা অধিকার করেছি।”

“আমরা অধিকার করেছি!” পুজিরিখা সবিস্ময়ে চীৎকার করে উঠল। “আমি বলেছিলাম না? যেমনই ওদিকের কোন সাড়াশব্দ পেলাম না, তখনই আমি বলেছিলাম যে, যুদ্ধ শেষ হয়ে গেছে।”

“হাঁ, তুমি তো ঠিক জানতে না ...”

“জানতাম না কেন? ওরা জার্মানদের ধাওয়া করেছে, আক্রমণ করেছে চারদিক থেকে!—বাস! বুঝলে?”

“যুদ্ধের ব্যাপারে তুমি অনেক কিছুই জান দেখছি।”

সদরের টেলিফোন বাজছিল, শালভ গিয়ে ধরল :

“কোথায়, কোন্ দিকে?”

সারা গ্রাম তখন চঞ্চল হয়ে উঠেছে। লাল পন্টনেরা এসে জমা হচ্ছে গির্জার ময়দানে।

“চলে যাচ্ছ তোমরা? কোথায় যাচ্ছ?” মেয়েরা উত্তেজিত হয়ে জিজ্ঞাসা করতে লাগল।

“আদেশ এসেছে, যেতে হবে।”

“কোথায় যাবে?”

“পশ্চিম দিকে, মা।”

মেয়েরা যেন হতাশ হয়ে পড়ল। এ যেন ওদের অভিপ্রেত নয়। ফেডোসিয়া গেল সোজা লেফটেনেন্টের কাছে :

“এ কি হল? তোমাদের খাবার তৈরি, না খেয়ে তোমরা চলে যাবে? ...”

“ওর জন্তে কিছু ভেবো না, মা। আমাদের খিদে নেই। আদেশ এসেছে, আমাদের এগিয়ে যেতে হবে। আমাদের খাবার, নতুন যারা আসছে তারা খাবে। এইখানেই থাকবে তারা। তখন তাদের আদর যত্ন করো। ...”

লাল পন্টনেরা যাওয়ার জন্তে অস্থির। খাবারের থালায় পড়ে রইল তাঁদের চামচে, পড়ে রইল আধ-খাওয়া কুটির টুকরোগুলি।

“তোমরা যদি আর কয়েকটা দিন থাকতে পারতে,” মেয়েরা দীর্ঘনিশ্বাস ফেলে বলল।

“ধনুবাদ, কিন্তু আমাদের সময় নেই। অথু আর এক দল আসছে, আমাদের যেতে হবে। তারা অপেক্ষা করছে।”

“অপেক্ষা করছে সত্যিই,” মেয়েরা দীর্ঘনিশ্বাস ফেলে আবার বলল। তার পর এগিয়ে চলল যেখানে লাল পন্টনেরা সারি দিয়ে দাঁড়িয়েছে। ছেলে বুড়ো সবাই দেখতে এল তাদের যাওয়া। মেয়েরা দীর্ঘনিশ্বাস ফেলতে লাগল। কেউ কেউ কঁদে উঠল, সোনিয়া লিম্যান একজন তরুণ লাল পন্টনের কণ্ঠলব্ধ হয়ে ফুঁপিয়ে ফুঁপিয়ে কাঁদতে লাগল।

একটি মেয়ে কৌতূকের সঙ্গে মন্তব্য করল, “সোকার দিকে চেয়ে দেখ, ও একজনকে খুঁজে পেয়েছে।”

“ভুক দুটো তার ভারী স্বন্দর : চেহারাটাও মন্দ নয়।”

লেক.টেনেন্ট শালভ বাড়ী থেকে বেরিয়ে এল। বিচ্ছিন্ন সৈন্তেরা দলবদ্ধ হয়ে দাঁড়িয়ে।

“ফরোয়ার্ড, মার্চ!”

জনতা বিদায় জানিয়ে চীৎকার করে উঠল : “জয় হোক ! অক্ষত দেহে ফিরে এসো ! যারা বাইরে আছে তাদেরও এই শুভেচ্ছা জানিও।”

সৈন্যদল অগ্রসর হয়ে চলল। পায়ের চাপে মড় মড় করে বরফ গুঁড়ো হয়ে যাচ্ছে, পথের দুপাশে সৈন্যদের :সঙ্গে সমান তালে পা ফেলবার জন্তু প্রাণপণ শক্তিতে এগিয়ে চলেছে গ্রামের ছেলেরা। মেয়েরা পেটিকোটের অঁচল তুলে ধরে দ্রুতপদে তাদের :পিছনে পিছনে চলেছে। সৈন্যদল একটি টিলার কাছ পর্যন্ত গিয়ে থামল।

পশ্চিমে হ্রদ্র বিস্তৃত সমতল ভূমিতে শুধু তুণাবরাশি ঝকঝক করছে, দূরে ধোঁয়ার একটি ক্ষীণ রেখা কুণ্ডলায়িত হয়ে আকাশের বকে ছড়িয়ে পড়েছে। ঠিক ওই খানাটিতেই লেভানেভ্কা! একখানি হতভাগ্য গ্রাম, জার্মানরা আগুন ধরিয়ে দিয়েছে, সেই আগুন এখনও জ্বলেছে। সে আগুনের শিখা বার বার নিভে গেছে, কিন্তু তবুও শেষ হয় নি, ভয়ঙ্কর শব্দে ভিতর থেকে এখনও মাঝে মাঝে জ্বলে উঠছে সেই আগুন। স্বচ্ছ নীল আকাশ ধোঁয়ায় আচ্ছন্ন হয়ে যাচ্ছে।

লেফটেনেন্ট শালভ টিলার উপর দাঁড়িয়ে একবার পশ্চিম দিকে চাইল ! চোখের সামনে যুক্ত্রেন সমভূমির তুষারচ্ছন্ন ওই বিস্তীর্ণ প্রান্তর এখনও জার্মানদের কবলে । সে আগুন আরও পশ্চিমে ছড়িয়ে পড়েছে, সমগ্র যুক্ত্রেন আগুনের শিখায় আর রক্তের স্রোতে লাল হয়ে উঠেছে । জার্মানদের জুতোর তলায় পদদলিত লাক্ষিত যুক্ত্রেনের সব গান আজ বরফের মত জমাট বেঁধে গেছে । তবু তারা নির্ভীক, অনমনীয়, উদ্দাম গতিতে এখনও যুদ্ধ করে চলেছে ।

লেফটেনেন্টের চোখের সামনে ভেসে উঠল সেই রামধনু : নির্মল আকাশে উদ্ভাসিত আলোকসীমা জুড়ে দাঁড়িয়ে আছে ! বনগোলাপের হালকা রঙের সঙ্গে রক্তজবার গাঢ় লাল মিশেছে, নানা ফুলের বিচিত্র পাপড়ির রঙ একত্র হয়ে এক অপূর্ব বর্ণচ্ছটায় ভরে উঠেছে । সূর্যমুখীর সোনালী পাপড়ি আর সেই সঙ্গে কচি ভূৰ্জপত্রের সবুজ পাতাগুলো একসঙ্গে মিশে আকাশের গায়ে যেন কেঁপে কেঁপে ওঠে । সব কিছু একটা নির্মল স্নিগ্ধ আলোকচ্ছটায় ধোঁত হয়ে উঠেছে । পূর্ব থেকে পশ্চিম প্রান্তরব্যাপী ওই বিরাট রামধনুর খিলান যেন আকাশ ও যুদ্ধিকাকে এক অপূর্ব স্নন্দর রেশমী ফিতায় একসঙ্গে বেঁধে দিয়েছে ।

শালভ সৈন্যদের দিকে ফিরে দাঁড়াল ।

“ফরোয়াড, মার্চ !”

ছন্দের তালে তালে লম্বা পা ফেলে তারা এগিয়ে চলল । গ্রামবাসীরা টিলার উপরেই দাঁড়িয়ে রইল । কারো মুখ থেকে একটি কথাও বেরল না । সৈন্যদল সেই শুভ্র তুষারচ্ছন্ন সমভূমির সীমাহীন পথ ধরে এগিয়ে চলল রামধনুর বিজয়তোরণের ভিতর দিয়ে ।

দূরে অগ্নিদগ্ধ লেভানেভ্কার বৃকের ভিতর থেকে যেখানে ক্ষীণ ধোঁয়ার রেখা আকাশে ছড়িয়ে পড়েছে সেই দিকে লাল পল্টনের দল এগিয়ে চলল । জার্মানীর পদদলিত যুক্ত্রেনের মাটির উপর দিয়ে আবার তারা এগিয়ে চলল বজ্রমুষ্টিতে রাইফেল ধরে । লাক্ষিত পদদলিত হলেও তারা অজ্ঞেয়, অদম্য শক্তিতে এখনও সন্মানে যুদ্ধ করে চলেছে ।

গ্রামবাসীরাও বেদনায় মুক হয়ে আছে। চোখের জলে তাদের দৃষ্টি বাপ্সা হয়ে আসে, তবু স্থির দৃষ্টিতে চেয়ে দেখে, সৈত্রেয়া এগিয়ে চলেছে—দূরে, আরও দূরে। সৈন্যদল যতক্ষণ তুঘারাচ্ছন্ন নীল দিগন্ত সীমায় রামধনুর ওই বর্ণময় তোরণের ভিতর মিলিয়ে না গেল, ততক্ষণ তারা নির্নিমেষ দৃষ্টিতে চেয়ে রইল সেই পথপানে।
